

十朝东华录

52.

十朝本集

秋七月乙亥朔再撥京倉米二千四百石展賑宛平縣災民○丙子 上步詣 社稷壇謝晴○吳熊光等奏嚴發白號賊首王鎮

賢得旨嘉獎○庚辰諭此案楊文仲強姦總麻服弟楊文榜之妻黃氏不從將黃氏截傷身死刑部因例無明文即照凡人強姦本

婦立時殺死例定擬斬決但思該犯與楊文榜係總麻兄弟若同凡人一律定擬未免無所區別楊文仲著即處斬示以昭炯戒

並載入刑部則例○壬午以銜齡為江西按察使由鹽道選○癸未諭初彭齡參奏伊桑阿在黔省巡撫任內驕縱勒索各款一摺伊桑

阿前任山西巡撫時即有斥罵屬員之事是以伊丁憂回京後 皇考不復任以封疆因其尙無贓私劣蹟未予罷斥 命往新疆

辦事上年朕加恩更換回京念其在新疆辦事有年尙無貽誤擢任刑部侍郎屢次召見伊亦自認從前任性羸暴頗知改悔詞色

諄懇似出真情朕以伊年齒增長且經此番磨鍊自應變化氣質適貴州巡撫缺出即加簡放初不料其甫經在任故態復萌實出

情理之外本年夏間伊桑阿辦理石峴苗匪一案據奏將黔楚首夥要犯全行擒獲甚為迅速當即降旨將伊桑阿交部從優議敘

並特加恩賞嗣環珩自滇到黔又復集兵進剿將上潮下潮逆巢掃蕩全境肅清彼時朕猶以環珩迹涉邀功不復予以甄敘近日

風聞伊桑阿剿辦苗匪僅在銅仁駐紮並未親至石峴軍營聞知環珩起身前來即將常明等攻克石峴作為親身前往裝點入奏

環珩由鎮遠赴銅仁途次難民紛紛擁道哭訴環珩復行帶兵進剿是伊桑阿前次所奏竟係粉飾虛詞業經降旨令環珩密行查

奏如果屬實一面奏聞一面傳旨令伊桑阿來京候旨今據初彭齡所劾伊桑阿各款伊桑阿上年到黔沿途州縣供應不周卽肆

口謾罵並有因州縣辦差拂意卽行撤回者又將黔撫衙門全行拆改添造並藉口扣繳養廉用度不足令各府幫貼等事是伊桑

阿不但情性乖張毫無悔改而又加以縱恣勒索等事實屬負恩昧良試思黔撫衙署若果坍塌不能居住巡撫環珩到彼何以未

見拆蓋乃伊桑阿初到黔省卽令府縣承辦添造房屋數十間用銀至六千餘兩之多並未發價非取之屬員而何至伊桑阿藉稱

扣繳養廉令各府幫貼一節前此伊桑阿簡放巡撫時曾自請將養廉按年全行扣交朕恐其辦公竭蹶特加恩令其支領一半如

尙不敷用度不妨奏明另行加恩乃伊桑阿竟授意各府令其幫貼此與富綱之勒派屬員何異至管門家人索取屬員門包亦必

交伊收用伊桑阿一經到黔卽如此任意苛索又何待將來營私敗檢貽累地方乎此而不嚴加懲治何以肅吏治而儆官邪伊桑

阿著革職等語其雲南巡撫員缺著孫日秉調補卽馳驛赴滇接印任事此案著交環珩會同孫日秉將初彭齡所劾各款提集應

訊人證並見辦石峴苗匪餉詞入奏一併秉公嚴審定擬具奏○以常明為貴州巡撫百齡為貴州布政使阿禮布為浙江按察使

由山東濟東道選○甲申增建貴州石峴苗地碉卡設屯千總一員並置石峴汛撥松桃協守備上江協千總各一員兵三百名防守○召

高杞老瞻棗回京命那彥寶巴雷阿堵築永定河漫口○撥廣東藩庫兩淮運庫銀各二十萬兩備陝西軍需○勅保奏督同阿哈

保薛大烈痛剿徐逆各股生擒徐添壽王登高等得旨嘉獎賞還二品頂帶花翎○乙酉命濟京師護城河以工代賑○丙戌禁各

省官員私役遣犯○己丑撥部庫及廣儲司庫銀各五十萬兩購永定河工料○庚寅增右安門外賑米○壬辰撥內帑滯紫禁城內外及圓明園各河道○癸巳諭本年京師自六月初旬大雨連綿河水漲發直隸所屬各州縣民田廬舍多半被淹災後示警朕心深為兢惕當即簡派卿員分路查勘諭令一面奏聞一面備賑節降諭旨分別蠲免錢糧截留漕米六十萬石動支庫項十萬兩交熊枚等酌量分撥急賑並於京城附近地方撥發銀錢米石設廠分給又令興工代賑以期安撫窮黎當此靈潦為災百姓流離失所嗷嗷待哺儻不立時降旨發帑開倉多方拯救其過在朕若既有銀米而地方官經理不善以致惠不逮民則咎在臣下矣本日九卿等議駁御史胡鈞瑣稱靜條奏一摺胡鈞瑣則請令在京王大臣官員及各廟宇鋪戶等分養災民和靜則奏京師限定賑期曉諭災民早回鄉里伊二人雖主見不同均以各州縣災黎來京就食者多餽餽過慮試思各州縣被災百姓如果紛紛赴京就賑必因州縣散賑或侵肥入己或假手吏胥從中冒濫有名無實致百姓不能存活棄家覓食否則人情莫不繫戀鄉土孰肯舍近圖遠假如京師辦賑並不認真則近者必致失所遠處災黎亦豈肯聞風踵至乎該御史等並未將如何辦賑之法悉心條奏其議均不可行和靜摺內詞意向無紕繆無庸置議至胡鈞瑣請將被水男婦發給京城內外廟宇及王公大臣官員鋪戶之殷實有力者如雇工之例各處分養則荒唐已甚此等被災男婦令其入廟居住必致男女溷淆若責令王公大臣官員等分撥養視如雇工災民必不樂從難保無別滋事端且以待賑之民下僭所便與犯屬發給功臣之家為奴何異試問前代救荒之策有如此辦理者乎今該御史妄逞臆見以必不可行之事冒昧瀆陳本應照九卿所請交部議處念其究係言官若因所奏失當遽予處分恐有奏事之責者因此心生疑懼緘默不言但似此識見庸陋亦難勝臺諫之任胡鈞瑣不必交部議處著斥退御史仍回本衙門以原官補用向來各部院衙門保送御史往往將年老才庸者列名塞責竟以風憲衙門為投閒置散之地殊屬非是各堂官於屬員中優等出色者自必留於本衙門辦事但亦應將才具稍次明白有識之員慎選保送豈可令衰庸之輩忝居言職致陳奏多屬不經嗣後各衙門保送御史務須認真遴選勿得率意充數自干濫舉之咎○諭熊枚見署督篆駐劄工次陳大文不日即可抵京熊枚俟陳大文接印後不必留工著即回廬直隸辦賑各地方詳細查勘如果地方官有實心辦賑民情需帖者即將該州縣存記以備升調儻有玩視災務將賑錢銀米侵牟入己即當奏明正法即無侵牟之事或任聽吏胥中飽致小民不得實惠一經查訪得實亦應嚴參懲治此事專交熊枚查辦備稍有徇隱咎無旁貸○乙未展賑五城災民一月○免順天府南河等四州縣額賦衛州明年額賦十分之三直隸天津等二十四州縣額賦青縣等九州縣額賦十分之五○丙申撥廣東藩庫兩淮運庫銀各二十萬兩備四川軍需○戊戌予熱河被水災民口糧○撥山西藩庫銀六十萬兩山東河南藩庫銀各三十萬兩賑甘肅旱災○己亥調和甯為戶部左侍郎那彥寶為工部左侍郎高杞為兵部左侍郎由工部調○調蔣日輪為工部右侍郎管錢法堂事劉躍雲為工部左侍郎莫瞻菴為禮部左侍郎由工部調○辛丑命山東採買米麥十萬石河南採買小米五萬石備直隸明年平糶○壬寅展賑永定右安門外

災民一月○移陝西固原提督駐漢中府改協標都司爲城守設提標五營

八月丙午以初彭齡署吏部右侍郎○戊申 上御筵筵○己酉諭前因風聞伊桑阿辦理石峴苗匪一案並未親到軍營督辦僅在銅仁駐紮將常明等攻克石峴作爲親身前往裝點入奏會降旨諭令瑛珩將伊桑阿辦理草率虛詞入奏之處據實查奏彼時伊桑阿在黔省巡撫任內驕縱勒索各款尙未敗露嗣據初彭齡參奏伊桑阿種種劣蹟大半係瑛珩告知之語復降旨交瑛珩會同孫曰秉嚴審定擬具奏乃本日瑛珩覆奏前次諭旨一摺不但將伊桑阿劣蹟舉劾而於伊桑阿未曾親往石峴飾詞具奏之處轉代爲申說據稱伊桑阿因辦理撫恤難民留駐銅仁及將欲親往軍營而常明已將爲首各犯擒獲伊桑阿即據以入奏並稱此事係伊桑阿節次督催俾得及早成功與有意欺飾者情稍有間是何言耶伊桑阿既駐紮銅仁辦理撫恤事宜未經親往石峴軍營即當據實奏明况石峴餘匪並未勦淨伊桑阿竟敢捏稱親往該處督辦將獲犯賊事緣由徑行馳奏是伊桑阿欺飾之罪已屬百喙難辭而瑛珩又復代爲隱飾此誠何心且伊桑阿在黔劣款前初彭齡參摺內據稱係瑛珩自銅仁回滇時在郎岱地方與初彭齡會晤告知瑛珩既可告知僚友獨不可直陳於君上之前乎此案若非初彭齡據實奏聞則伊桑阿貪黷營私貽累地方瑛珩竟置之不顧以滿洲大臣且係覺羅又經朕詢問曾不若業經離任之漢巡撫尙能秉正不阿據實參奏乎看來瑛珩總因伊桑阿前在新疆時參奏伊家人私販玉石一事意存避嫌即屬徇私代爲容隱而摺內所稱懷畏悚懼等語皆係敷衍虛詞全不足信矣此次瑛珩如果將伊桑阿劣款及辦理苗案欺飾實情一一參劾則前此勦洗石峴苗寨後其攻克上潮下潮逆巢全境肅清皆屬瑛珩之功所有伊桑阿前得優敘朕必移給瑛珩今如此有心徇庇不但無功可錄並當立予罷斥姑從寬將瑛珩拔去花翎降爲二品頂帶暫留雲貴總督之任仍著嚴行申飭以觀後效儻瑛珩於查審伊桑阿各款仍有不實不盡必當嚴加治罪不能再爲寬貸也○撥部庫及兩淮銀一百五十萬兩於直隸備賑○撥湖南米三萬九千石備陝西軍糈○癸丑緩徵長蘆鹽課十分之五及直隸河南各引地課銀○甲寅諭御史王蘇奏新放江蘇學政平恕請另行簡放或酌量改調一摺內稱平恕前在江蘇斥革生員多人人切齒卽商賈小民無不痛恨似平恕實有不公不法之處因令軍機大臣傳到王蘇詢以平恕有無別項劣蹟令其據實直陳旋據王蘇登覆仍不過稱平恕辦理甄輔廷擅責生員一案眾心不服又稱平恕考試生童並無別項劣蹟等語平恕前在江蘇學政任內如果有賄賣生員去取不公等弊該御史當指明據實參奏朕必嚴爲懲辦至其因甄輔廷案內斥革生員多名一事先經照部議鑄職今該御史以業經議結之案仍列彈章並稱或另請簡放或酌量更調試思平恕如不勝學政之任既不宜於江蘇豈復宜於他省若平日並無劣蹟此次復經簡用益當順情體察名用息浮議固不肯苛刻以斂怨亦不應寬縱以沽名儻平恕約束士子仍不得當或另有案據亦何難將平恕罷斥治罪豈有國家簡任學臣因籍隸本省之御史摠拾前事一經劾奏卽行更換是舉錯之權操之言路勢必如明季科道紛紛評奏惡習成何政體乎所有江蘇學政仍著平恕去御史王蘇著交部議

處○釋遣戍伊犁已革巡撫秦承恩命來京候旨○乙卯命編輯辛酉工賑紀事○除浙江海島遷移民戶棄地額賦○丙辰撥江西藩庫銀三十萬兩備四川軍需○以多慶為內閣學士由大僕寺加選○丁巳命五城所屬災民向不列入大輿死平戶口冊者歸順天府一體予賑○額勒登保奏生擒首逆王士虎冉添泗等勒保奏七十五一路官兵在桑樹坪獲劉朝選弟劉清選湯恩蛟弟湯步武均得旨獎賚○戊午撥內庫銀一千兩分賞永定右安門外收養災民各廟僧道○庚申命採買奉天米石備直隸明年平糶○甲子勒保奏分派鎮將戴勳高魏股匪生擒首逆冉學勝等得旨獎賚賞還一品頂戴封三等男爵○乙丑 孝淑皇后升祔 奉先殿命 皇太子行禮○以三省大功將戴勳盛京兵歸伍○己巳以汪日章為江甯布政使由大理寺少卿遷○癸酉諭前據經略額勒

登保參贊德楞額奏先後參奏倭什布在巡撫任內辦理糧餉種種貽誤以致官兵等勒索百姓搶掠糧食並聞於賑濟飢民一事張大其詞多有不實又補放官員有伊家人與辦事屬員通同舞弊各等語當經釋旨將倭什布革職鞫問解京交軍機大臣會同刑部嚴訊倭什布逐條登答惟自認辦理不善其餘堅不承認是以節次降旨交吳熊光詳查具奏茲據吳熊光奏查明倭什布款蹟一摺朕詳加披閱如楚省兵丁追剿竄匪分合無定倭什布運送餉銀不能設法趕運積有尾欠其支給滿漢各營餉項並不照經

略等酌定章程辦理所給未免浮多並於製備軍裝軍火等事不知緩急致形缺乏又上年倭什布奏報鄭縣難民二十餘萬內有各回本籍不運送襄鄭轉解房竹迨大兵入境倉卒趕運多糜腳價仍復緩不濟急又上年倭什布奏報鄭縣難民二十餘萬內有各回本籍民人並非全係待賑之人倭什布並不分別查察率行入奏實屬張大其詞以上各款尚無貪婪亂法及縱容家人舞弊之處其經理軍需不能妥協以致多有貽誤並於飢民數目奏報不實自當治以應得之罪著軍機大臣會同刑部即查照吳熊光摺內所列款蹟將倭什布按例定擬具奏尋議請將倭什布發往軍臺效力得旨賞倭什布七品筆帖式頂帶發交陸有仁令充當苦差○撥

江西廣東藩庫銀各二十萬兩備陝西軍需○子故休致刑部尚書梁肯堂奏

九月乙亥朔召達慶來京調和甯為倉場侍郎英和為戶部左侍郎扎那阿為禮部左侍郎以恩普為禮部右侍郎由左副都御史遷○甲申 上閱健銳營兵○左都御史馮光熊卒子祭○以熊枚為左都御史轉祖之望為刑部左侍郎以初彭齡為刑部右侍郎○乙

丑命續修大清會典○甲午諭軍機大臣等此時額勒登保已帶兵前往川北一帶該處尚有李彬等股分竄勒保已馳赴川東惟賊匪雖已截回川境仍恐其乘間折回目前陝境防堵最關緊要慶成係陝省提督大員自應在陝堵剿不必令其赴川此路陝省邊界一切防堵事宜即責成慶成慶薄實力防堵○乙未永定河二十三號壩工合龍○戊戌諭本日本明安奏前赴馬家堡查勘汕

壩民舍情形一摺該處因永定河二十三號壩工堵合後大溜全注北上頭工水勢激衝衝油村舍明安已派參將奇成額將馬家堡池西淤灘一段趕緊挑挖俾水勢宜洩歸河所辦本是朕披閱時已依議發下而本日本召見諸臣內未及明安旋據奏事大監王

進福奏稱明安遞摺時向伊告知若本日本未蒙召見即代奏稱伊尙有圖樣進呈等語此不過欲請面對耳明安既有圖樣何難隨

處○釋遣戍伊犁已革巡撫秦承恩命來京候旨○乙卯命編輯辛酉工賑紀事○除浙江海島遷移民戶棄地額賦○丙辰撥江西藩庫銀三十萬兩備四川軍需○以多慶為內閣學士由大僕寺加選○丁巳命五城所屬災民向不列入大輿死平戶口冊者歸順天府一體予賑○額勒登保奏生擒首逆王士虎冉添泗等勒保奏七十五一路官兵在桑樹坪獲劉朝選弟劉清選湯恩蛟弟湯步武均得旨獎賚○戊午撥內庫銀一千兩分賞永定右安門外收養災民各廟僧道○庚申命採買奉天米石備直隸明年平糶○甲子勒保奏分派鎮將戴勳高魏股匪生擒首逆冉學勝等得旨獎賚賞還一品頂戴封三等男爵○乙丑 孝淑皇后升祔 奉先殿命 皇太子行禮○以三省大功將戴勳盛京兵歸伍○己巳以汪日章為江甯布政使由大理寺少卿遷○癸酉諭前據經略額勒

登保參贊德楞額奏先後參奏倭什布在巡撫任內辦理糧餉種種貽誤以致官兵等勒索百姓搶掠糧食並聞於賑濟飢民一事張大其詞多有不實又補放官員有伊家人與辦事屬員通同舞弊各等語當經釋旨將倭什布革職鞫問解京交軍機大臣會同刑部嚴訊倭什布逐條登答惟自認辦理不善其餘堅不承認是以節次降旨交吳熊光詳查具奏茲據吳熊光奏查明倭什布款蹟一摺朕詳加披閱如楚省兵丁追剿竄匪分合無定倭什布運送餉銀不能設法趕運積有尾欠其支給滿漢各營餉項並不照經略等酌定章程辦理所給未免浮多並於製備軍裝軍火等事不知緩急致形缺乏又上年倭什布奏報鄭縣難民二十餘萬內有各回本籍不運送襄鄭轉解房竹迨大兵入境倉卒趕運多糜腳價仍復緩不濟急又上年倭什布奏報鄭縣難民二十餘萬內有各回本籍民人並非全係待賑之人倭什布並不分別查察率行入奏實屬張大其詞以上各款尚無貪婪亂法及縱容家人舞弊之處其經理軍需不能妥協以致多有貽誤並於飢民數目奏報不實自當治以應得之罪著軍機大臣會同刑部即查照吳熊光摺內所列款蹟將倭什布按例定擬具奏尋議請將倭什布發往軍臺效力得旨賞倭什布七品筆帖式頂帶發交陸有仁令充當苦差○撥江西廣東藩庫銀各二十萬兩備陝西軍需○子故休致刑部尚書梁肯堂奏

摺呈遞伊前此會因奏事將圖樣另置懷中於召對時呈出非止一次本日未經召見之前漢屬奏事太監臨時代爲陳奏是明安之意必欲朕召伊獨對而後已此誠何心豈非以和坤自居乎朕每日召見臣僚多至十餘人諮詢利弊講求政治從不稍形厭倦而惟於自請獨對一事力爲杜絕者蓋因請見之弊不可勝數雖所奏亦不過尋常事件而即可藉此以炫其管注之隆甚且飾詞誇耀捏稱在上前無不可進之言遂至無識之徒爲其所愚爭相趨奉勢焰熏灼賄賂盈門皆由於此從前和坤福長安柄用其初亦尚知小心後因該班獨對言以爲常漸致納賄營私無所不至朕在青宮時即洞悉此弊是以親政後將該班召見晚面驟行停止並節次降旨嚴禁大臣等不得自請獨對明安甯不知之乃竟敢於朕前巧爲嘗試乎至向來各衙門陳奏事件俱由外奏事呈遞惟軍機處內務府奏摺徑交內奏事呈明安雖在御前行走而本日所奏挑挖馬家堡淤灘保步軍統領衙門之事自應交外奏事接遞乃直交奏事太監並將所懷圖樣豫行屬託代奏意在請見邀榮藉以炫耀此風斷不可長明安見係步軍統領本任之事較繁不能時常趨直見又有獲咎之處著退出御前乾清門專辦步軍統領衙門及本管各事件仍交兵部議處以爲希冀獨對有心取巧者戒此係朕防微杜漸爲國家成就人才至意乃明安之福不至如和坤之潰敗決裂也奏事太監王進福於不應接收之稱冒昧呈遞又代爲陳奏圖樣亦屬不合著交軍機大臣議罪○己亥以河南召募練兵增設副將參將遊擊都司守備千總把總官○庚子諭慶傑等奏查勘銅苗情形一摺前據明安等奏大興縣民人張士恆等呈稱平泉州屬四道溝雲梯溝等處有銅苗透出請自備工本開採等語朕即知其事不可行又涉言利是以未即允准特降旨令慶傑等查奏茲據慶傑等奏稱查得雲梯溝地方係喀喇沁王滿珠巴咱爾名下山場舊有洞口四座係民人竊挖該處銅苗甚覺微細又四道溝地方舊有洞口一座亦係民人竊挖該處銅苗較旺但不知能否經久請令試採等語該一處山場久經封禁見在詳悉查勘亦未見實有可以開採之處其事斷不可行蓋開採俱係無業游民攢湊資本互相邀集趨利若鶩儼已聚集多人而銅苗漸竭彼時何以遣散豈不慮其滋生事端即或開採獲利而該處地方與蒙古山場相連使蒙古等疑內地官民專爲牟利起見於國體殊有關繫况見在戶工二部鼓鑄事宜需用銅斤照例由滇省起解運京儘屬充裕本無須另籌開採何必輕爲此舉耶所有平泉州屬四道溝雲梯溝等處產銅山場新舊洞口俱著永遠封禁不准開採並責成地方官嚴加查察毋許再有私行偷挖之事朕自親政以來屢經諭止臣工不准言利而內外臣工實心確信朕言者固多然心存觀望猶豫者不少彼意總以爲決不因言利獲咎即蒙議處申飭聖意總覺能事後必見好是直不以朕爲賢君視爲好貨之主矣諸臣何苦必欲以此嘗試耶上年胡季堂有奏請在直隸大名地方開設鉛廠一摺朕未經批發查勘即不准行本明明安先有奏請開採木植之事此次又率據該商人所請奏開銅礦謂非言利而何在商民等無知見小計及錙銖而明安即據以入奏此必輕聽屬員慫恿而成明安受恩深重自不應有冀圖沾潤情事然亦不可不防其漸而該商等具呈懇請時若非於所屬員弁及書吏人等展轉賄求何能遽將所請之事達於明安代爲奏請此種情弊豈能逃朕洞鑒乎

嗣後臣工等惟當洗心滌慮毋得輕啓利端假公濟私妄行瀆奏將此旨還諭中外知之○定管理戶部三庫事務大臣按年更換例○以萬甯爲左副都御史由通政○王寅諭兵部議處明友諱照違制例革職一摺朕簡用臣工惟視才具之優否初不豫設成

見其年齒老成諳練庶務者自堪倚任而少年明幹者亦未嘗不因材錄用以試其能如果能始終勤奮辦事實心則年力方富效用之日正長國家更久資得力豈不甚善即如明安從前在御前乾清門行走時朕見其差使尙勤小心謹慎是以於布彥達賽病

故之後出有步軍統領員缺特加恩將明安補授明安接任以來於本衙門事務亦尙能照常辦理惟少年喜事頗喜高興日前會經奏請開採木植啓挖銅苗等事皆涉於言利輕聽屬員懇懇還不如布彥達賽之安詳鎮靜昨又於陳奏批挖馬家堡派灘摺件

將所懷圖據豫屬奏事太監代表意在請見得懲獨對以炫其眷注之隆顯違節次嚴禁請見諭旨即照部議革職亦屬各所應得姑念明安所得公爵原係世襲而於管理步軍統領諸務尙無貽誤著加恩賞留公爵兼管步軍統領衙門及上駟院事務仍帶革

職留任其所管正紅旗蒙古都統及三山暢春園火藥局崇文門稅務總理工程處嚮導處盡行革退開缺另行簡放以爲大臣輕率取巧者戒

冬十月甲辰朔諭昨日御史張鵬展奏光祿寺少卿金光悌辦理秋審錯至九十餘案不應留部當即降旨令刑部堂官明白回奏茲據董誥等奏稱金光悌在部有年升任時正值覈辦秋審緊要之際是以奏請留部並非該員干求懇棧至本年秋審案件並無

錯誤惟總辦處看出廣東省黃冊疏漏錯落九十餘處俱經籤改繕正等語刑部爲刑名總匯之區若覈辦秋職事務錯誤至九十餘案之多則總辦之員自難辭疏率之咎今既查明係原辦司員字畫錯誤經總辦處看出業經該堂官將承辦各員記大過一次

已足示儆至金光悌在部年久該堂官懇請留部雖係爲職手起見但不時廷臣中有在朕前論及金光悌大率毀多譽少而朕於召見時留心察看金光悌應對未能明晰亦並非出色之員刑部司員爲數不少其中豈無一二明白諳悉律例之人可以接辦者

乎况司員升至京堂例不兼部行走縱暫時奏留迨漸次升擢總須出部即如章煦升任大理寺少卿軍機大臣奏稱不應兼軍機章京上行走經朕因軍務將竣降旨該員暫留樞直乃係特恩若此後各部人員遇有升任京堂者該堂官紛紛效尤奏請留部豈

竟一槩准行耶光祿寺少卿金光悌著回本衙門供職不必兼部行走○以方維甸爲河南布政使策丹爲山東按察使由建河○丙午諭據吉慶瑚圖禮謝啓昆奏粵東省公捐銀三萬兩粵西省公捐銀二萬兩以備凱旋賞賚之用等語所奏甚屬紕繆教匪滋

事以來節次派調東三省各省官兵分投勦辦所以除莠交良俾黎元均臻甯謐年來籌備軍需所發餉銀已不下萬萬動撥帑項會不少爲靳惜即由外省支發者亦均屬應行解京款項初不因軍興需用浩繁稍有累及民間各省地方大吏自所悉悉此時大

功將次告厥其凱旋寬犒需費幾何何待外省捐貲備用况朕屢經降旨嚴諭內外臣工不得稍涉言利蓋深有望於利國之事多係病民即目前暫開捐例亦係不得已之舉見在工賑已畢軍務指日完竣即當飭諭停止朕躬行節儉爲天下先惟有休養生息



以期百姓康阜元氣日復漸臻上理焉有因年來度支繁費設法科斂以裨國用之理損下益上之舉朕斷不爲百姓猶朕之子焉忍制削乃朕諱諱詰誠至再至三而吉慶等猶不確信朕言竟思巧爲嘗試是直不以朕爲賢君視爲好貨之主矣非孟子所謂不敬莫大乎是耶且伊等借此捐輸之名派及兩省督撫司道勢必取之各府州縣各府州縣勢必取之百姓層層派累仍不過腹削閭閻所謂捐輸者初非出自己貲其名爲捐銀五萬而攤派之項諒不止此種種情形豈能逃朕洞鑒似此藉詞聚斂不特以小人之腹度君子之心意圖見好而其假公濟私巧爲自肥之計是於言利之中尤爲卑鄙不足道者也此端一開各省紛紛效尤成何政體吉慶瑚圖禮謝啓昆顯違前旨本應交部治罪惟念伊等三人素日辦事尚知認真姑從寬免付吏議著傳旨嚴行申飭以觀後效此項銀兩若尚未措辦即著停止儻已收齊亦即按每名下所出銀數全行發還該督等接奉此旨有將公捐之項勒捐不還經朕訪聞或被入呈告必將伊等按例治罪若地方官因此科派百姓即據實參辦儻伊等徇隱不奏一經查出一併從嚴懲治決不寬貸將此通諭知之○諭軍機大臣等台布奏籌辦河南河北事宜一摺內稱蒙古強實爲中國之患蒙古弱乃爲中國之福以番制蒙誠爲良策數語甚屬錯謬我朝開國以來蒙古隸我臣僕重以婚姻聯爲一體青海地方蒙古雖非內外扎薩克可比亦不應稍有歧視雍正年間於該處設立辦事大臣本爲保護蒙古起見誠以番族雜居蒙古之外而蒙古實爲中國屏藩是以蒙制番則可以番制蒙則屬倒置矣設台布此語經蒙古人聞之豈不因而解體乎近因青海蒙古不能自強屢經降旨令其大加振作原欲使知激勵焉有番眾漸強轉聽其番制蒙古之理台布從前曾在軍機處行走有年何不曉事體至此者傳旨申飭至勒定卡倫地方畫定界址不准番眾擅入蒙古擅出所見尙是惟番眾賦性蠢頑止當嚴加飭禁勿令入卡使之知所畏懼不必曲爲勸諭其蒙古等亦各隨時曉示不得擅行出卡儻有不肖之徒勾引番賊入卡偷竊者必當嚴辦以示懲儆再署同知姜有望素爲番眾信服前此帶領同往之番民尖木贊業經賞給花翎姜有望亦著一體加恩賞戴用示獎勵即責令該員妥爲安撫俾番眾永臻安帖不至搶奪滋事爲要○永定河漫工合龍○調陳鍾琛爲山東按察使策丹爲河南按察使○癸丑額勒登保奏生擒首逆辛斗僞總兵蘇啓志得旨嘉獎○乙卯撥廣東藩庫銀二十萬兩備湖北軍需○撥江西藩庫銀十一萬兩於陝西備賑○丁巳諭據左右翼前鋒統領等奏稱於本年十月十五日起率領各章京護軍等照例演習步圍等語我朝定鼎之初城外左近地方尙未徧行開墾猶有禽獸棲止是以會派官兵演習步圍藉以肄武今承平日久城外左近俱已耕種田畝並無長林豐草安有禽獸若仍派官兵行圍不過虛應故事而已朕綜理庶政惟在崇實不尙虛文各大臣俱宜實心實力督率該管兵丁按時操演以臻精銳何必務此虛文若拘泥定例演習步圍轉誤兵丁操練尤爲不可將此傳諭該管大臣等嗣後各營演習步圍一事著永遠停止○德榜奏奏職斃首逆龍紹周全股掃蕩得旨獎賚下部議敘○癸亥諭額勒登保於嘉慶元年冬間攻克湖南平隴賊巢曾經賞給侯爵並雙眼花翎二年春間苗疆事竣帶兵前往湖北因勦辦教匪遲延革去侯爵授爲伯爵又因擒捕首逆單加糧辦理遲緩革去伯爵

及領侍衛內大臣都統後復授爲經略大臣又因屢次殲擒首逆冷添祿阮正滯龐洪勝伍金柱王廷詔高二馬五節經加恩復子優擢遞封二等子爵賞還雙眼花翎數年以來所至之處身先士卒調度有方楊遇春等節次生獲渠魁皆係額勒登保分出兵力調遣合宜故能所向克捷將十餘萬之賊殲除殆盡所餘僅十分之一見在川北地方惟李彬一股夥匪尚有二千餘人較之從前擒獲各首逆股內人數亦相去懸絕目下額勒登保復帶兵前往通江一帶奮力截剿即日定可殲淨其另摺所奏軍務載定情形及搜捕餘匪辦理善後各事宜皆與朕每日指示軍機大臣等意旨不謀而合具見額勒登保胸有把握籌畫全局悉中肯綮深堪嘉獎額勒登保加恩晉封三等伯並賞給黃面貂皮馬褂一件侯李彬一股剿盡後再加懋賞德楞泰亦因平苗蕩功賞給子爵雙眼花翎勦辦教匪在穀城殺賊千餘復賞用紫緞旋因追剿齊王氏姚之富等未能迅速將伊所得世職花翎紫緞革去自嘉慶四年以後節次殲擒首逆再文傳高均德楊開第徐國謨等而其功績最著者尤在截剿偷渡嘉陵江股匪生擒首逆再添元保全川西數百萬生靈至今該處民人無不感頌疊次加恩復遞封爲一等子賞還雙眼花翎本年又將徐添德龍紹周兩股劇賊全行殲滅厥功甚偉著加恩晉封二等伯並賞給黃面貂皮馬褂一件此時川東惟湯劉二逆尚有二千餘人德楞泰見由夔州入山迎擊勒保兩面夾剿即可盡數掃除俟湯劉股匪辦理完竣再當加恩優獎賽沖阿溫春在德楞泰一路帶兵勦賊凡德楞泰所得之功伊二人俱協同出力雖疊次仰邀恩賞交部議敘尚未得有世職此次殲斃龍紹周係伊二人帶兵勦辦賽沖阿著加恩賞騎都尉世職並賞給海龍馬褂一件溫春著賞雲騎尉世職並賞給黃面烏雲貂皮馬褂一件以示獎勵至軍機大臣慶桂董誥戴衢亨數年以來承旨書諭尙能周到勤勉著加恩交部從優議敘成德保年甫合在軍機處行走亦著加恩交部議敘軍機章京章煦自勦辦教匪以來所有軍營事件係一手繕辦是以節次加恩升擢昨因升用大理寺少卿軍機大臣奏明不應在軍機章京上行走特降旨暫留並著加恩交部從優議敘其餘出力章京著慶桂等擇其尤爲勤慎者奏明交部議敘○甲子子近畿災民棉衣○乙丑諭軍機大臣等本日吉慶奏事摺內另片密奏大功指日告竣善後事宜正需經費粵東存貯司庫明年買穀銀兩可以撥銀二十萬兩解京備用等語所奏大屬非是各州縣額設穀石均應實貯在倉偶因歲歉平糶出借等項動用即應採買補還其有適值糧價昂貴之時不能按時採買恐州縣將買穀銀兩虧短那移是以提貯司庫已屬權宜之計一遇豐收年分立當買補足數不容稍有缺額是廣東省司庫所存穀價即與各州縣倉穀無異並非羨餘款項可以那動且據該督稱本年穀石已經採買還倉尙有明年買穀銀兩此即明年必動用之項斷無任聽州縣倉貯空虛不行買補之理若穀價俱已解京則來歲買補穀石又將動用何項勢必勒令州縣設法採買而州縣勢必苛派閭閻成何事體况粵東係海疆要地倉儲尤應充裕以期緩急恃見在大功指日告竣辦理善後事宜即需費孔多亦豈肯沾沾言利爲此移東補西之計况該省七次提解各款已有數百萬今又率將粵省應行存貯銀款解京在該督那移措辦即可保其無假公肥己之意而屬員奉行不善其弊伊於胡底豈欲括盡粵省民閒脂膏而後已

耶至所稱見開河工捐例未知上捐是否踴躍懇請密示尤可不必其意不過以新例報捐如不甚踴躍又將奏請在粵省捐封捐職耳前因直隸被災較重工賑浩繁暫開捐例原屬不得已之舉自開例以來報捐人員已屬不少見在永定河決口業已合龍大賑見經開放窮黎餬口有資極爲安靜俟工賑事畢即應停止捐例更無須總餉計及吉慶惟當將該省應辦各事宜認真經理能使洋面肅清吏治整飭即屬盡職不必爲此出位之思也○丙寅諭軍機大臣等英善福甯奏接據哲孟雄來稟當即籌度撥諭緣由一摺內稱廓爾喀喇特納巴都爾與噶箕等不和借披榜之兵與廓爾喀打仗等語此係伊等家事原可置之不問至哲孟雄係邊外小部落從前曾被廓爾喀侵占地方今見伊境內彼此構釁欲乘間借端復奪侵地故以通好爲名探聽消息並恐該處不令入境希冀倚仗天朝聲威檄諭廓爾喀以遂其詭計至火藥係內地操演兵丁之用尤不應擅行請給英善等接到來稟即嚴切飭駁諭令該部長自爲酌量各守地方和睦鄰封所辦甚是惟當飭邊界漢番官處以鎮靜嚴密防守毋令滋生釁端爲要德哲孟雄再行價請仍應嚴行駁斥至廓爾喀境內構釁緣由總不必過問如續得該處爭鬪情形仍即行具奏○己巳諭刑部乾奏近因胸氣喘逆精神驟形委頓恐致誤公請解任調理一摺刑部道乾官聲素好自簡任封疆辦理地方公事均屬妥協今年老患病著准其解任或回山西本籍或即在江省就近調理俟病痊來京另候簡用所遺安徽巡撫員缺著和甯補授即行來京請訓速赴新任其倉場侍郎員缺仍著達慶補授達慶前任倉場時於辦理公務尙屬認真惟因各幫糧船挂欠漕米一節鄒炳泰以查覈挂欠爲重達慶以料理回空爲急以致意見齟齬均爲公事起見並非因私忿爭是以令達慶來京卽命其署理禮部侍郎並授副都統茲復用爲倉場侍郎務當與鄒炳泰彼此和衷期於漕政有裨儻仍各懷意見有心執拗或致誤公則自取罪戾必當嚴行懲治其達慶所遺右翼稅務著瑚圖靈阿管理○庚午免順天府積水未涸之文安縣明年額賦○壬申諭軍機大臣等慶成奏生擒楊開甲之子楊麟生及僞先鋒張文喜等所辦甚好此股賊匪並首逆姓名向來總未據各軍營提過又據稱張魏兩小股先後東遁又西鄉一帶兩股不知姓名零匪向西竄來可見川陝交界地方此等素未知名匪匪尙多慶成係專派在陝境西北一帶防堵之員若必待賊竄近始行勦辦則此股甫淨他股又來何時始能辦竣惟當隨時偵探何處有賊藏匿或分派將弁前往搜捕或親往督勦使該匪等不能潛身山內以期搜捕淨盡至所稱接到慶博來信探聞忽有賊匪一二百人由老林突出向西逃竄慶博永明各帶兵勇前往追捕一節此股賊匪雖止一二百人但向黑河一帶奔竄距甘肅地界不遠儻任其竄入甘境又形散漫慶成當知會慶博永明等務將此股賊匪截回陝境迅速殄除至此股零匪係從何處汛地衝出向西逃竄著慶成將防卡疏縱之員查明一併具報經略參奏

十一月甲戌朔加賞五城賑米○乙亥諭御史鄭敏行奏請定觸犯父母發遣人犯不准援赦之例一摺此等匪犯向例皆不准援赦嗣於乾隆六十年查辦發遣人犯欽奉 皇考高宗純皇帝特旨如查詢伊祖父母父母願令其回籍者即准釋回敬釋 聖意

子孫違犯教令其祖父母父母送官發遣或係出於一時氣忿及至子孫違戾後未必不心存繫念是以 皇考特諭有仍願子孫回家者准其援赦係曲體天下為祖父母父母者之心並非於曾犯忤逆之人稍有寬宥自當永遠遵行乃該御史措內稱彼時皇考因次年卽值歸政之期法外施仁尤屬措詞失體我 皇考矜慎庶獄六十年如一日此事特薄如 天之仁推而至於庶民愛子之至情與歸政何涉該御史輒冒昧摭陳乎至該御史既知以孝治天下豈有 皇考欽定例條輕言更易之理所有觸犯父母發遣人犯如遇恩赦傳詢各犯祖父母父母有願伊子孫回家者仍欽遵 皇考諭旨准其釋回以符孝治天下之義儻敢回後再有忤逆情形一經呈告卽當加倍治罪至前定父母已改准令釋回條例彼時軍機大臣等所議原未允協忤逆發遣之人若謂伊父母已故不至再為忤逆情事卽准釋回殊非情理况該犯等於親在時既敢於違犯失其歡心又安望其有依戀壘墓之誠耶此一條著卽刪去仍遵例不赦○丙子諭玉德奏稱李長庚心氣驕浮於提調官兵統轄全省水師之任未能負荷等語朕因檢查李長庚前任水師總兵時歷年考語書驕任內卽詳敘該員捕盜出力並稱該處洋匪有竄過二千兵莫遇李長庚之諱詞經朕細詢該省來京人員僉稱果有其事而玉德兩次考語均稱其勇幹有為調度有方為水師出色之員本日玉德摺又稱其未能勝任與該督兩次密陳考語頗係自相矛盾卽或李長庚近來性情改變該督知之既真何不早行參劾迨朕擢任提督之後方為此奏豈有甫經擢用因玉德一言卽將李長庚撤回之理玉德著傳旨申飭嗣後該督於所屬文武務宜秉公確覈詳慎密陳不得以一時愛憎任意軒輊○丁丑召長麟來京以惠齡為陝甘總督調和甯為山東巡撫以李殿圖為安徽巡撫姜開陽為福建布政使蔡廷衡為甘肅按察使由爾州○戊寅賜姚大甯等五十四人武進士及第出身有差○己卯命侍郎高杞莫瞻泰疏濬通惠河○甲申諭人君董正治官躬親庶政非勤無以率作興事整飭紀綱虛書所言一日二日萬幾者非必一二日之間果有萬事誠以幾動於微若不隨機立應則一二日之曠廢卽萬事所由叢脞是以我 皇考臨御六十年敬 天法 祖愛民皆以勤政為本凡殿廷多以勤政顏額卽離宮別館辦事之所亦無不懸度兩字以昭 心法朕續承 統緒夙夜勿違以 皇考之心為心以 皇考之政為政實不敢稍自暇逸至於臣工膺股肱心膂之任尤當各揚厥職靖共匪懈蓋民生在勤勤則不匱君克勤則百度惟貞臣克勤則庶司無缺為君難為臣不易然人君獨理於上其任鉅人臣宣力於下其職分今日之六部卽本諸周官分設六卿之意兵刑錢穀各有專司且一部之中又皆設有庶官共襄其事遇有公務更無難隨時商辦况近來各官部院大臣中並無以一人而兼數任者尤不應於特交事件任意耽延乃前此交內務府議處膳房該管大臣章京等係十月初一日之事至十一月初十日始據職奏竟遲至四十日延緩已極向來交議事件如果應詳查例案悉心定議者朕從不加之催促不但尋常事件期限較寬卽刑部速議亦必予限五日或恐為期過迫不能詳盡今內務府所議不過罰俸處分無須詳議例案數語可了其奏摺不滿百字何至遲逾若此由此類推其因循貽誤之弊伊於胡底近來各部院衙門亦均不能克寬廉至近見聞親切各衙門辦事尙尙怠弛則督撫等

分駐各省更易疏懈或於應辦事件藉口行查經年累月尙未完結其廢弛積習尤爲牢不可破嗣後內外各衙門務當仰體朕夕惕朝乾勤求治理至意振作精神共相勵翼俾吏治蒸蒸日上毋得狃於晏安致干咎戾再近日諸臣中偶經朕頻召對即以爲眷注優隆心存高興在朕前議論風生或問時未經召見在朕並非有心而伊等輒妄生疑懼以爲前此奏對時未能稱旨遂爾一味緘默即經朕面詢亦訥訥不出諸口卽如明安前任侍郎時朕見其人尙謹飭加恩用爲步軍統領伊卽意存自滿每遇召對一次陳奏不下十餘事又欲希圖獨對誇耀於人經朕嚴行訓飭從此於本分應辦之事亦不敢具奏是全不知以公事爲重惟以揣度迎合爲能豈大臣居心之道殊不思恩眷之隆替全不係乎召對之疏密如軍機大臣每日皆有事召對並有一日而召見數次者豈遇有獲咎之處亦不加譴責乎若外省大吏皆數年陛見一次並有未曾來京見面者其居官賢否朕無不稔知如果政績卓著實心任事朕何嘗不頻加擢用乎大臣忠體國總當一意對君盡心公事知無不言不盡不但毀譽榮辱早應置之度外果有裨國是卽身家禍福亦所不計方爲純臣事君之道况此等實心爲國之臣朕方獎擢之不暇亦豈有因公獲罪累及身家之理又近日風氣見有一人不避嫌怨獨秉公論者眾人不以爲持正而轉相非笑致沮其忠讜之氣若人人容默自全必致漸成蒙蔽雖堯舜在上欲明目達聰亦不可得况朕德薄識淺再加之以諸臣不實心任事一味摸稜觀望實深懷畏本日召見軍機及各部大臣面加訓諭其各交相儆勉無忘無荒共襄邦治朕實有厚望焉將此通諭中外知之○論現珩等奏審訊伊桑阿驕縱勒索及勦辦苗匪並未親赴石峴軍營捏飾具奏各款屬實定擬斬候一摺所稱伊桑阿在貴州巡撫任內斥辱屬員騷擾驛站修造署房不發價值以卸繳養廉爲名令各府幫貼銀兩及縱容家人等造成作勢索取屬員門包各款此猶罪之小者而其最重之罪則係辦理石峴苗匪時並未親赴軍營竟敢誑詞入告有心欺罔亦已據伊桑阿供認不諱若伊桑阿止於性情乖張貪贖營私雖罪亦難寬尙屬事所常有至其誑報邀功一事前據伊桑阿摺稱常明攻克石峴時伊親從銅仁趕到前敵傳諭各將弁四面兜圍並稱親見山梁上有執旗指揮苗目伊卽傳令帶兵各員向執旗之人指定放槍立時殲斃等語眞似身在行間懸懸如槍彼時據所奏情形自應加之恩獎是以降旨交部議敘朕豈肯豫料伊桑阿全係誑詞先存逆詐僥倖不信之見况朕辦理外省庶務性憑各督撫奏章隨宜指示若於督撫陳奏到時卽疑其不實豈朕推誠待下之理是朕實不忍以不肖之心待人伊桑阿竟敢以毫無影響之事公然欺朕乎軍營虛誑報功最爲惡習然或本係親身督戰得有勝仗因而虛報首功裝點情節已屬相沿錮弊爲朕所深惡數年來力加整頓各路軍營奏報卽難保其無一字粉飾諱未有敢於將無作有憑空捏造者伊桑阿在京時豈不知朕於軍情務期覈實輒以身嘗試乎若各督撫相率效尤以誑奏爲得計是朕宵旰勤求庶務所謂事事認真者全係枉費心力將何以用人行政耶且伊桑阿初放貴州巡撫時會面奏請將養廉扣繳賠項並稱受恩深重卽全數扣繳到任後亦不敢因辦公不敷營私敗檢情詞眞切幾於指天誓日惟祈俯允所請彼時朕卽念及若將伊養廉全數扣繳恐辦公不敷是以止准扣繳一半伊桑阿當卽叩

頭感謝並稱得以保全其廉乃一經到任卽向首府程煜等告以用度不足勒索幫助是其挾詐面欺亦非僅貪污婪索可比朕前於伊桑阿陛辭出京時諄諄訓誨但恐其任性妄爲復萌故態初不料其有操守不端之事爾復料其膽大欺上一至於此而不嚴加懲辦何以飭綱紀而正人心伊桑阿之罪論其貪污婪索較舊綱爲輕論其罔上欺君比魁倫更重自應按律擬斬請旨卽行正法琅玕等特因朕年來辦理庶獄有不准從重之旨是以照例問擬斬候卽發交部議亦必照覆但其情罪重大若特行降旨予以決轉似較常例加重見據琅玕奏稱伊桑阿染患瘡毒尙未痊愈若久禁囹圄或因病自斃猝逃顯戮實屬不成事體且伊桑阿所犯情罪俱已一一供吐更不值俟解京審訊後始行正法伊桑阿著改爲絞立決派乾清門侍衛孟玉住刑部侍郎瑚靈阿馳驛迎赴前途於伊桑阿解到地方不拘何處旅寓卽帶同地方大員及原解官員將伊桑阿立卽處絞以爲甘心欺君不顧性命者戒其餘琅玕等摺內所擬長隨盧慶等罪名著交刑部覆擬具奏並將辦理緣由宣示中外至見在各路軍營經朕節加訓飭自不應稍有虛捏但此時功屆垂成恐伊等欲圖迅速藏功稍存草率不免又萌粉飾之念儻所奏情形稍有不實關繫重大並著傳諭各路帶兵大員於奏報軍情務期確實當以伊桑阿爲前車之鑒○諭軍機大臣等琅玕等奏會審伊桑阿貪婪欺罔各款定擬斬候一摺已明降諭旨將伊桑阿卽行絞決並宣諭中外矣琅玕身爲總督於伊桑阿在巡撫任內驕縱勒索各款業已得其確據卽應早爲參奏乃琅玕並不明列彈章惟向同僚初彭齡告語其瞻徇之咎實屬難辭卽伊桑阿誑報邀功之處亦難諉爲不知朕因琅玕在石峴地方搜捕苗匪尙爲迅速是以前此僅將伊降爲二品頂帶拔去花翎以示薄懲嗣後該督辦理一切事務惟當一秉至公以伊桑阿之欺飾爲戒再貴陽府知府程煜於伊桑阿勒派幫助一案業經革職但朕聞其平日官聲尙好且程煜既據該督訊明並無餽送銀兩情事其許向各府轉商幫助實迫於伊桑阿之催逼尙有可原著琅玕將程煜在知府任內居官如何之處出具切實考語據實查明具奏送部引見候朕再降諭旨○丁亥諭軍機大臣等吉慶等奏洋盜陳添保攜眷內投並將繳出安南印敕進呈據摺內稱陳添保因捕魚遭風於乾隆四十八年經阮光平擄去封爲總兵等語可見積年洋盜滋擾皆由安南窩留所致卽阮光平在日已將內地民人擄去加封偽號縱令在洋劫掠阮光平身受 皇考重恩如此喪心蔑理實非人類今閱該國僞詔內有視天下如一家四海如一人之語尤屬夜郎自大若論其種種狂悖本應聲罪致討惟該國員與農耐構兵轉不值乘其危急加以撻伐揆諸天理該國滅亡亦在旦夕更無庸以文誥化誨亦毋庸給予照會所有印敕等件令銷毀該督等惟當嚴飭將弁巡緝各洋遇有安南盜匪竄入立即拿獲懲辦其投出之陳添保並家屬夥盜等卽照該督所請於海洋較遠之南雄府地方分別妥爲安插仍不時嚴密稽查毋令出洋滋事○戊子額勒登保奏督勦通江一帶殘匪擒獲僞元帥冉添璜賊目龐思宇等得冒獎資○己丑撥兩淮運庫銀四十萬兩分備陝西四川軍需○辛卯翰林院奏向來保送御史部屬翰林各爲一班部屬記名無人卽保部屬翰林記名無人卽保翰林後以部屬壅積先儘補缺係因一時調劑並非著爲定例今吏部以記名人員將次用竣行文各部

臨保送查編檢見在合例者僅十員若照上屆保送八員六員則不敷遴選若止保二三員則將來御史中部屬多翰林少不足以昭平允可否仍照舊例定爲分班陸續保送兩不相礙於遴選亦昭慎重得旨允行○壬辰以三省教匪漸次蕩平命增移要隘營伍以資控制○移湖北德安府營守備駐隨州隨州營千總駐德安府○莊敬和碩公主下嫁科爾沁郡王額駙索特納木多布齋○癸巳諭都察院奏張伯行之曾孫張裕平乎應否與在京賢良祠後裔一體查辦一摺上年諭令八旗都統及各督撫查明入祀賢良祠子孫送部帶領引見經吏部查照定例將從前會奉 特旨入祀在京賢良祠之子孫按名查辦其外省題請入祀本處賢良祠者業未列入蓋因各省名宦鄉賢等祠本與在京賢良祠有開雍正年間特降 諭旨令外省各建賢良祠將文武大臣公正直勳節昭著者地方官具奏入祠歲時享祀此實我朝崇獎名臣恩加無已至意張伯行在雍正年間居官清正嗣於乾隆六年經該省撫臣題請入祀江甯賢良祠已足表其清節至於查辦賢良祠子孫帶領引見殊思曠典自有限制部臣以會奉 特旨入祀在京賢良祠者爲斷尙屬平允所有張伯行子孫無庸帶領引見將來外省如有似此者均一體遵辦○諭軍機大臣等軍務卽日告厥其善後事宜內惟安插鄉勇最爲緊要川陝楚地方遼闊儘有官山未開荒地與其爲客民占據何如撥給鄉勇令其自安耕作此外如有可興之利不妨奏明辦理如川省銅鹽等項或有可以借資民生無礙於官而有便於民者各就該省見在情形量爲措置○撥廣東商捐銀十三萬兩有奇備陝西軍需○甲午諭軍機大臣等吉慶等奏安南保樂州夷人農福遠幫同農耐與阮光纘打仗見在三路進攻黎城等語安南地方被農耐屢次奪取茲復進逼黎城看來阮光纘未必能保有境土但外夷彼此構兵與內地無涉吉慶等當持以鎮靜不必過問止須飭令內地各邊隘嚴加防範並密爲偵探如安南爲農耐所併阮光纘攸關請命或農耐占踞安南之後具稟到粵彼時吉慶等將實在情形卽行奏聞候旨辦理○乙未諭軍機大臣等此次李彬及劉朝選湯思蛟等股經官兵追擊所贖均不過四五百人勢極殘敗而七十五所勦苟逆轉增至二千餘人賊匪又得從容裹脅是七十五竟全不足特額勒登保等僅於摺內隱約其辭未免意存瞻顧著額勒登保等查明七十五沿途如何逗留或因舊病復發行走濡遲不能趕上賊匪均屬七十五之罪卽行據實參奏又據奏疏防衛羌竄匪之遊擊正自祿僅請摘去頂帶一節亦屬寬縱正自祿著革職作爲兵丁留營效力贖罪至慶成慶溥等於西竄賊匪相距較遠且能奮力勦捕其處分自可寬免但額勒登保等大兵見在追勦苟逆一股儻該逆被勦緊急或致折回陝境不可不豫爲防範著額勒登保等傳知慶成慶溥於陝省邊境嚴密防堵設有竄回之賊務須迎頭攔剿若防範不嚴致令竄入陝境則惟伊二人是問○額勒登保奏殲擒首逆高見奇僑帥周萬友等得旨嘉獎○湖北巡撫全保等奏進剿戴家營賊匪殲擒僑軍師鄭三元僑元帥褚貞等得旨獎賞全保長齡下部議敘○己亥升四川達州爲綏定府太平縣爲太平廳直隸同知太平營爲太平協並增移廳營員缺

十一月癸卯朔長麟奏慶成等在階州牛頭寺草川子等處殲擒苟文明股匪得旨嘉獎賞還慶成巴圖魯名號○甲辰諭八旗王

公等馬廠地畝其無馬匹牧放者令官為開墾給租○丙午以廣泰為內閣學士由太常寺卿遷○丁未諭前蒙 皇考高宗純皇帝特降

諭旨令軍機大臣會同部旗將國初以來殉節諸臣未經得受世職者查明賞給恩騎尉世襲罔替仰見 皇考崇獎蓋臣推恩

後嗣實為異數隆施乾隆六十年先經軍機大臣等將在京八旗從前殉節諸臣查奏一百四十餘員補行賞給恩騎尉世職茲又

據軍機大臣會同兵部將數年以來各省陸續咨到從前殉節諸臣九百九十餘員查明開單具奏朕詳覈諸臣事蹟俱能抗節效

忠成仁取義允宜賞延於世用示褒嘉所有單開各該員子孫均著加恩補給恩騎尉世襲罔替惟念該世職等承襲之後若照例

槩令分發標營學習其中或有未能諳習弓馬操防者轉非成全之意所有世職人員著加恩凡遇承襲時在各本籍地方具呈分

別咨部除情願入標學習當差者仍照舊例支給俸餉外其有願應文試者即以本職頂帶作為文生員願應武試者即以本職頂

帶作為武生員准其一體應試嗣後各省凡遇應襲恩騎尉世職均照此例辦理○癸丑定四川打箭爐稅額○甲寅截留湖北帶

徵漕米四萬七千石備軍糈○乙卯諭前日吏部請簡內閣侍讀學士一本例應輪用郎中一員將各部郎中按照食俸年分開單

進呈朕閱單內各員俱非素所稔知因黃永沛列名居首資俸較深是以備用今據御史游光釋奏稱黃永沛未經保舉京堂又係

捐班從前俸滿時該堂官曾定為不勝外任恐其人少所表見並稱資格之說吏部以之選官則可皇上以之用人則似未可等語

殊屬紕繆國家用人才行與年勞並重本無偏廢資格之理凡遇開列請簡各員朕豈能偏識其人自不得不按其資俸量加擢用

此次吏部本內如果將不應開列人員蒙混廁入或將年俸深淺任意倒置游光釋自應據實參奏若黃永沛平日或有別項劣蹟

游光釋見聞果確亦可列款彈劾乃該御史並未識黃永沛其人僅以係屬捐班遂謂不應簡用試思從前 皇祖所用李衛 皇

考所用李世傑何嘗非捐班出身而歷任封圻政績卓著朝廷立賢無方豈得謂以貴入仕者之竟無人才耶又該御史摺內稱侍

讀學士升轉小九卿數年之內內為侍郎外為藩臬若徒取備員何以仰副任使尤為警說各部司員升擢小九卿後凡值日奏事

之期經朕隨時召見必察其才具實在可用者方予拔擢豈有不論賢否但循資按格即內用卿貳外用藩臬乎乃該御史所奏竟

欲於國家用人大柄持其短長又與前次御史王蘇之劾奏平恕不應簡放江蘇學政相等明季科道惡習往往朝廷用一大僚輒

交章攻擊伐異黨同最為言職之玷方今綱紀肅清豈容以此嘗試游光釋妄逞臆見阻撓國是非尋常奏事失實可比著交部議

處○己未諭吏部奏議處御史游光釋請照溺職例革職一摺昨游光釋陳奏以朕用人不當循照資格且稱黃永沛一員伊素不

知其人豈皇上有賞拔耶豈大臣保薦耶抑係僅循資格耶詞意任率竟欲干與兩人大柄繼繼已極國家序進官僚自有定制

部臣循例請簡原當按其資格開列具題朕自必將資俸在先之員量加擢用徐試以事原不皆朕所素悉之人若如該御史所奏

獎廢資格而不論遇有簡放必須朕素所稔知則百爾臣工豈能築行識認勢必將藩邸舊人槩予錄用轉私而不公况藩邸舊人

焉能備內外百官之選豈該御史不知之人遂不可任用游光釋自思伊由翰林擢任御史又豈素有表見仰邀賞拔今乃欲朝廷



盡廢資格而不用有是理乎如果部臣開列意爲高下或該員簡用之後另有劣款科道等原當據實糾參今甫經擢用輒具章阻抑是用人之際科道等皆持其短長此風斷不可長且朝廷量能授官亦難保其必無一肯卽如簡放大僚或其平日曾獲咎譽或偶有不檢之處若皆案垢求瑕必致彼此文章攻擊百計阻撓成何政體游光釋幸意妄言本應照部議革職但念伊究有言責此時若將伊罷斥在游光釋矢口妄言原無足惜誠恐科道等因此遂自甘緘默於言路殊有關繫游光釋著加恩改爲降三級調用嗣後科道等於應奏事件止當據實直陳不得因游光釋鐫職相率囁嚅但必須秉公詳慎若有似游光釋之阻撓固是干與非分者必照例治罪不能再邀恩貸○撥兩淮商指銀二十萬兩備四川軍需○癸亥諭劉清在川省有年聲名素好經朕加恩擢至道員嗣因再添元股匪由太和鎮地方竄過潼河劉清係屬總巡疏於防範實有應得之咎是以將伊降爲知縣但彼時劉清會經稟明魁倫欲將貴州兵丁留於潼河一帶防堵因魁倫不准所請賊匪得以乘間偷渡亦非劉清漫無籌畫所致該員自降補後在川北一帶管領鄉勇防守地方屢著勞績前已開復原官茲有道員缺出自應儘先補用劉清著加恩補授建昌道以示獎勵○戊辰汪志伊因病解任調李殿圖爲福建巡撫以王汝璧爲安徽巡撫調汪日章爲江蘇布政使以先福署江甯布政使由光祿寺卿遷○己巳諭據禮部奏朝鮮國貢使曹允大等齎貢至京另齎奏本一件鈔錄進呈該國王以冲年襲封奉職屏藩適該國邪匪糾連謀爲不靖卽董率臣工殄除魁黨甯謐國都並將辦理顛末臚章入告所奏已悉惟本內所稱邪黨金有山黃沁王千喜等每因朝京使行傳書洋人潛受邪術等語此則非是京師向設有西洋人住居之所止因洋人素通算學令其推測颺度在欽天監供職從不准與外人交接而該洋人航海來京咸知奉公守法百餘年從無私行傳教之事亦無被誘習教之人該國王所稱邪黨金有山等來京傳教一節其爲妄供無疑自係該國匪徒潛向他處得受邪書展轉流播及事發之後堅不吐實因而捏爲此言殊不可信該國王惟應嚴飭本國官民敦崇正道勿或異端自不至滋萌邪惡至所稱餘孽或有未淨恐其潛入邊門所慮亦是已降旨飭令沿邊大吏一體嚴查設遇該國匪徒潛入關隘一經盤獲卽發交該國自行辦理以示朕撫輯懷柔至意著禮部將此旨行令該國王知之○辛未諭明亮從前在金川等處曾經屢次效力嗣遣往湖北勦辦教匪亦尙奮勉後因追擊竄匪曠日持久是以將伊革職治罪尋又遣往湖北追捕徐添德一股逆匪節次擒獲賊目殲除賊匪加恩給四品頂帶補授宜昌鎮總兵本年因念伊年邁有病乘騎雜報諭令來京賞給二等侍衛令在乾清門行走今聞患病朕心深爲軫念明亮著加恩賞給副都統銜仍在乾清門行走令其安心調養俟病痊再行供職○壬申額勒登保等奏勦辦通江賊匪苟文明斬獲多名獲賊目苟朝獻等得旨獎賞○是歲朝鮮暹羅來貢○會計天下民數數各省通共大小男婦二萬九千七百五十萬一千五百四十八名口各省通共存倉米穀三千四十八萬三千八百七十九石四斗一升七合九勺

嘉慶七年壬戌春正月癸酉朔 上啓鑾謁 裕陵○免經過地方額賦十分之三○予經過通州等四州縣貧民棉衣二萬件○

甲戌定祭 社稷壇用上戊○乙亥 上謁 裕陵行三周年祭禮○丙子 上謁 昭西陵 孝陵 孝東陵 景陵復謁 裕

陵回鑾○以順天府文安縣地窪水積永減額賦十分之三○戊寅 上還京師○己卯諭朕聞上年江西正考官周興岱前赴該

省以侍直內廷炫耀高輿口稱有奉旨查訪地方之事並擅出告示收受程儀等情恐未盡確實當即親書硃諭密令張誠基秉公

詳查並諭此事若虛即差人覆奏如果屬實即由三百里奏聞儻張誠基查明實無其事尙當明降諭旨爲之消雪乃張誠基由驛

奏到之摺與朕所聞無異當將原摺批交周興岱明白回奏茲據伊奏稱與江西地方官接見時並未提及查訪地方事務惟素聞

該省房官多有舞弊是以於入闈前出示嚴防閱卷時有呈薦草率者面加駁斥至巡撫司道及房考官尙例致送程儀會再四堅

卻始行收受等語朕簡派各省考官專爲掄才大典原不干與外事即周興岱係內廷行走伊陸辭時亦並未令其兼查地方事件

今伊回奏擅內於此一節雖不敢自行承認而其擅發告示收受程儀衣服業已屬實各省主考官專司衡校防弊係監臨責任今周

興岱擅出告示即係有心炫耀况該省致送正考官禮儀較副考官增倍若非周興岱以供奉內廷在外誇張何以該省官員畏其

聲勢覬遺從厚耶周興岱係戶部侍郎兼管錢局二品頂戴得項優厚非如翰林部曹等官職分較小者可比奉命典試自應潔己

奉公保全顏面乃於該省官員餽送銀兩輒行收受並告以未帶冬衣致撫藩等添送衣裘殊屬卑鄙豈可復玷內廷清秩周興岱

著退出南書房仍交部嚴加議處至外省地方大吏節經降旨嚴禁餽送今張誠基等不但仍沿陋習致送主考程儀並因周興岱

係屬內廷增多見好且據張誠基摺稱該省彌補虧缺將從前浪費省出歸公似此濫行餽送非浮費而何况周興岱即向人炫耀

亦不過詞氣之間偶有流露何至通省相率趨承甚至周興岱口稱未帶皮衣即行餽送可見張誠基等平日辦事必非無瑕可指

慮其卑發故爾曲意周旋仍蹈逢迎積習張誠基仰洪衡齡俱著交部議處尙來正副考官奉差出京無論官階大小各按省分遠

近賞給盤費並准馳驛前往行走已屬從容其職分較小之翰林部曹等官出關後督撫兩司養廉優厚或致送土儀藉助路費尙

屬地主之誼至房考各官俱係州縣祿入無多若破產餽送主考必致賣舉于通關節而主考受房官之餽送何能秉公閱卷嗣後

不得私自餽遺考官亦不得輒行收納若考官係三品以上大員即督撫兩司亦不准致送路費備經此次訓諭之後仍有私行餽

遺收受者一經查出卽嚴行懲辦將此通諭知之尋議上降周興岱爲四品京堂張誠基邵洪衡齡加恩革職留任○壬午召保甯

來京供職以松筠爲伊犁將軍○調平恕爲戶部右侍郎以李鈞簡爲兵部右侍郎由內閣○癸未以三月謁 西陵豫子經過涿

州等五州縣貧民棉衣一萬件○以關槐爲內閣學士候補內閣○甲申增設湖北鄖陽鎮守備三員千總四員兵八百二十名○

撥湖南藩庫銀十五萬兩備湖北軍需○戊子撥山西河南藩庫兩淮長蘆運庫銀各十萬兩備陝西善後事宜○己丑諭軍機大臣等英善福甯奏籌辦邊界情形一摺蘇班色本係從前作木郎部長之叔當作木郎地方被廓爾喀占去蘇班色投入科洛邊界

時卽不應容留居住乃彼時既准其來藏安置而達賴喇嘛等給與口糧已歷有年今若將伊偏出邊界必遭仇害或致情急自戕且因廓爾喀差人向索卽將蘇班色送出亦非天朝體制英善福甯應飭令派出之員善爲開導如蘇班色情願移卽聽其便若實無可歸之處卽照所奏於前藏另籌地方將蘇班色跟隨舊人盡行散去止令帶親屬數人妥爲安插卽可不至滋生釁端且達賴喇嘛本與作木耶素好卽可交伊照管亦足以安達賴喇嘛之心並當曉諭蘇班色以此次乃天朝格外加恩伊惟當安心居住不可少滋事端儻仍有不安本分之處王法具在不能再爲寬宥俾知儆惕至另月奏廓爾喀父子內鬩情形此事與內地無涉英善等當遵照前旨不必過問惟嚴飭邊界密爲防範毋令該部落之人竄入境內爲要○辛卯諭山西巡撫伯麟奏請晉鹽行銷地界給票驗放以杜偷越一摺晉鹽課歸地丁原以便民茲於晉豫開津等處層層驗票始令販運誠恐官吏等從中勒索致滋弊端而於稽察私販越境仍無裨益其如何設法嚴禁越販又不至擾累商民之處著該部詳悉妥議具奏尋議晉省池鹽向係行銷豫省自乾隆五十七年課歸地丁任聽商販本以便民茲恐其偷越省邊欲明立限制給票稽察勢有難行應無庸議至向來稽查鹽斤係於茅津等渡令其對渡登岸勿許順流直下實爲查禁私梟要務應令撫臣責成地方官會同營汛於鹽斤到黃河北岸飭令對渡南岸不許順流駕船由黃入洛由洛入汝越至楚境又河南南陽府屬之南陽等七州縣共有水陸要隘三十七處地方文武員弁稽查私梟越楚係屬定例亦應再行申明惟在各督撫督飭所屬實力奉行則販運既難賂價亦貴私販無利其弊自止從之○陳萬全以疾乞假允之轉李鈞簡爲兵部左侍郎以劉鏗之爲兵部右侍郎由內閣學士題○甲午諭嗣後大祀中祀遇忌辰不改祭期○額勒登保奏生擒首逆辛聰除餘黨得旨獎賚○吳熊光等奏接勦邊境匪生擒首逆張允壽子得賞並將青號餘匪全數撲滅得旨獎賚全保長齡下部議敘○乙未諭本日軍機大臣會同刑部審訊袁錫等開圈聚賭一案將袁錫供詞進呈內有會託鄂羅錫葉勒圖向明安說情交給一千兩銀票之語彼時朕以爲必係鄂羅錫葉勒圖從中取利抑或明安家入借端勒索亦未可定茲復經承審大臣訊據鄂羅錫葉勒圖供稱因與袁錫素相認識代伊轉求明安並言事後致謝明安當卽應允數日後明安向鄂羅錫葉勒圖當面提及伊卽赴袁錫家內取得票銀一千兩是日明安正差家人在彼坐索鄂羅錫葉勒圖先將五百兩交明安家人收去存留多日其餘五封暫存鄂羅錫葉勒圖家迨明安探聽外面風聲不好遂將原銀退還等語是此案竟係明安聽情受賄殊出意料之外明安本係世家舊族向來在乾清門當差行走尚勤是以節次加恩用爲步軍統領原期於世族中成就一可用之材以備任使乃不料其執法營私竟不能全朕用人顏面然朕於明安亦無先見之明也上年明安會奏請開採煤窯銅苗等事朕彼時卽覺其沾沾言利嗣因欲請獨對炫耀高興疊經降旨嚴飭冀其悔改詎明安於袁錫開圈聚賭之案竟公然得受賄賂雖先侵後吐實已枉法得贓則伊任提督一年以來似此蠶蠶不飭之事諒復不少猶幸及早發覺不至久玷要任此皆仰蒙皇考默示啓佑益深欽感明安以提督大員而卑鄙無恥若此實係自取罪戾不能承受朕恩此而不嚴加懲辦何以儆貪竊而

肅官方明安著革職等因交軍機大臣會同刑部嚴審定擬具奏鄂羅錫葉勒圖袁錫亦著革職等因李瀚清昌俱著革職一併歸案辦理嗣後大小臣工務當潔己奉公廉隅共矢以明安為戒儆不知檢束自蹈刑章一經發覺朕必執法嚴懲斷不稍貸將此通諭知之○乙未以聃柱為直隸布政使廉章為直隸按察使

由熱河

道選

○丙申發明安伊犛效力○丁酉諭本日祿康具摺謝恩內稱

步軍統領與刑部衙門向有交涉事件懇辭刑部尚書或請另放步軍統領等語步軍統領衙門其刑名事件應行送部審理者甚多自不便以一人兼攝祿康所奏甚是但昨已將伊簡放亦不必再行更換祿康著專辦步軍統領事務仍兼正黃旗漢軍都統所

遺刑部尚書員缺著德瑛補授瑚圖靈阿著轉補刑部左侍郎所遺刑部右侍郎員缺著廣音調補繼著善著調補盛京刑部侍郎所遺盛京禮部侍郎員缺著多慶補授○己亥諭軍機大臣等額勒登保奏報荷逆由西鄉向七星場搶船偷渡殊出意料之外七星

壩一帶本設有防兵額勒登保前因賊氛已遠遽行撤去是以荷逆探知無兵備禦遂肆無顧忌搶船偷渡額勒登保係經略大臣統轄各路已有疏忽之咎况江岸官兵是伊裁撤不能先事豫防且自請重加治罪之處實所應得但念其從前帶兵打仗屢著勞績姑從寬革去伯爵降為一等男並拔去雙眼花翎著換戴單眼花翎以示薄懲所有此股過江之賊即責成額勒登保專勤務於

石泉等處就地殲除萬一賊匪潛入南山額勒登保必當飭催儘將入山搜捕斷不可僅在山外株守稽延時日○停左右翼總兵官城外值宿仍隨時出城查察○庚子 上御經筵○以劉鳳為內閣學士

由太常寺知選

二月癸卯諭軍機大臣等陸有仁奏荷逆過江以後分為數股逸入南山額勒登保由石泉漢陰統兵前進扼賊東竄之路年來賊匪潛入南山帶兵大員不能上緊搜捕任賊匪在山內展轉竄脅數月後又復任其逸出延緩積習最為可恨此次荷逆既經北竄入山即專交額勒登保一手辦竣其應如何堵截勦辦之處亦不為遙制但須剋期辦竣勿令蔓延○諭各路軍營奏報皆稱賊匪窮蹙不成股數指日即可蕩平乃近日節據額勒登保德務泰勒保等奏報荷逆竄過漢江其餘巫山大甯奉節雲陽梁山新甯

及興山巴東等處賊匪四出滋擾賊數較前頗增數倍此等賊匪皆係從前勦贖各股餘孽如陳朝觀之兩子及宋應伏等向來本未著名今忽湊聚成股隨處竄擾若不亟為撲滅必致又成大股在賊匪狡猾伎倆總以嚴冬竄伏川陝交界深山老林為延喘伺隙之計帶兵大員隨賊追逐於各處潛藏之賊或未能深悉至地方州縣於本境管轄深山老林不過一二百里耳目易周如果有

賊匪伏匿境內該處地方鄉保不難嚴密稽查隨時稟報該州縣等斷無不知之理乃各州縣以勦辦事宜為帶兵將領專責而於賊匪潛藏本境置之不問試思州縣官所辦之事有過於此之重大者乎此時各處賊匪既已出山紛竄雖係餘孽皆當隨時隨地

上緊截勦堵除淨盡六年以來勦賊之法總係跟蹤追剿賊匪等多分股散竄藏兵兵至則四散潛藏兵退則分股滋擾是該匪等轉得輪番休息以逸待勞而我兵斯夕追馳日形疲乏主客之勢不明以致中賊詭計日久遷延迄無成效自宜亟籌變計各專

責成勉圖奏績此時陝境苟逆及各處零匪專交額勒登保督同楊遇春等辦理川東一帶之賊專交德務泰辦理川北之賊專交

德務泰辦理

德務泰辦理

德務泰辦理

德務泰辦理

德務泰辦理

德務泰辦理

德務泰辦理

德務泰辦理

勒保賽冲阿等辦理楚省興山等處各匪專交吳熊光全保長齡等辦理務將各人專辦之賊即在本境內就地殲除不得以驅逼出境了事如有他省竄至之賊亦即當隨時截殺俾賊匪所到之地皆有兵截剿無從逃逸可期以次肅清並各於要隘處所添撥兵勇嚴密防範務使聲勢聯絡互相接應於剿捕方為有益再統計各處竄匪不過萬餘而額勒登保等所帶征兵數倍於賊諒剿辦但恐官兵日久疲勞應須酌換或分則見單不敷撥遣不妨量為添調不得以前此奏請撤兵意存回護○撥安徽藩庫銀十萬兩備湖北軍需○乙巳發京倉稔粟米二萬五千石於五城平糶○丙午諭秦承恩前在陝西巡撫任內因辦理軍務遲延獲咎發往伊犁效力贖罪茲一年期滿釋回到京念伊本係書生未嫻軍旅其平日辦理地方事件尚為熟悉亦無操守不潔之處秦承恩著加恩以六部主事遇缺即補○丁未釋奠先師孔子○戊申以那彥成為內閣學士由舉人選○己酉召長麟來京命賽冲阿回陝西協剿教匪○辛亥撥河南山東藩庫各五十萬兩山西鹽庫銀一百萬兩備四川善後事宜○乙卯實授博興理藩院尚書○庚申命盧溝橋黃村東壩采育四處增設飯廠○撥雲南積存錢一百萬緡備四川軍需○壬戌諭副將韓自昌剿賊陣亡前經額勒登保奏到當即交部賜卹茲聞伊即係前次陣亡副將韓加業之胞兄弟兄均歿於王事且家有八旬老母甚為可憫韓自昌著加恩照總兵陣亡例議卹其一切咨送回籍俱官為辦理再加賞伊母銀三百兩並著惠臨派地方官於伊原籍官建祠堂一座賜名雙烈祠令本處地方官春秋致祭伊共有子幾人俟服闋後俱著送部引見如無子嗣即查伊胞姪咨送以示朕優卹忠蓋至意○甲子秦瀛因病乞假允之以李亨特為湖南按察使由江西選○乙丑諭御史王甯焯奏請重軍機大臣責成以肅論言一摺自雍正年間初設軍機處於大學士各部院尚書侍郎中遴派數人在內行走本為籌辦軍務而各直省寄信事件以及在京各衙門遇有應降諭旨勢不能紛紛令羣工承繕是以俱由軍機處擬寫交發令事有統彙以昭畫一是軍機大臣承旨書諭並非將臣工劄賀之職盡責之此數人也內外滿漢大臣俱經朕特加擢用誰不且盡心匡弼必專責之軍機大臣則其權過重若承奉諭旨之事軍機大臣得以力阻不行則外人又將以擅權指摘矣况我朝列聖相承乾綱獨攬皇考高宗純皇帝臨御六十年於一切諭旨宣布無非斷自宸衷從不令臣下阻撓國是即朕親政以來辦理庶務悉遵皇考遺訓雖虛懷延納博采羣言而至用人行政令出惟行大權從無旁落朕初閱該御史所奏以為必有指陳時務臚舉切要者及詳閱摺內乃專指上年停止前往盛京一節謂陵展敬為登極後應行大典朕彼時明降諭旨於六年秋孟啓行事關禮制豈臣下所可阻止嗣因御史沈理張鵬展等以軍務未竣懇請展期交王大臣等會同妥議以為應如所請是以降旨暫行停止即上年春間曾有旨巡幸木蘭後因夏間雨水過多亦停止秋猶此皆朕臨期的度豈軍機大臣能於春間即逆料夏雨情形豫為阻止耶至該御史稱鑿鑿所經地方官早為備辦承平一帶糜費已多不能開銷等語謁陵諭旨係五年十一月初二日頒發至六年正月二十七日降旨停止為時無幾且距七月啓鑿之期又遠地方官有何豫辦不能開銷之處乎至該御史所奏前諭已發復行改擬不敬於先遂致不信於後等語試思前

史所稱爲詔令不信者如恩旨已降或應行蠲貸而實未均霑或業已豁除而仍行科斂我國家會有此等事乎至於明發諭旨有經朕再四思維尙有未盡周妥之處或臣工陳奏未便因而復行停止者此正欲事臻盡善故不厭反復精詳若必同護前旨固執己見勢將文過飾非蹈言莫予違之習豈古帝王從善如轉圜之道乎又所稱軍機大臣昧於大體不當僅於語句筆畫小誤始行自請議處所論亦屬非是謗爲諭旨雖係章京之責但軍機大臣於進呈事件理當敬謹校覈既有錯誤自應請議况朕亦時加寬免何嘗僅於細務加之責備耶國家設立言官原期於國計民生指陳利弊近日科道陳奏其略有確據者朕無不立加根究卽如朕擢用明安因御史江鏞參劾萬一案經軍機大臣會同刑部審出明安聽情受賄情節請旨解任當卽將明安革職至定擬時承審大臣奏請發往烏魯木齊又經特旨改發伊犁而江鏞卽予升擢何嘗不煥言路以宏采納但其敷奏毫無指據者亦安能槩予施行見在邪教餘匪未淨科道等並未將如何設法緝辦如何籌及生計及功竣後如何辦理善後事宜卽外省地方倉庫如何積貯充實等事一一酌籌切實具奏而直隸州縣被災飢民節次發帑設賑及散給棉衣以工代賑近日京城附近地方飢民領賑者至二萬五六千人見又於城外增添飯廠亦從未有御史一言奏及其曉曉演奏者如用平恕則王蘇以爲不應復在江蘇學政用黃永沛則游光輝以爲不應僅循資格用人黜陟爲朝廷大柄該御史等於論旨既發後尙欲奏請撤回而王甯焯於應行改撤之旨轉以爲不宜更易若國家用人行政其是非得失悉聽諸言官臆說勢必假公濟私把持朝政如明季科道劣習亦豈能於朕前嘗試耶王甯焯所奏謬妄著將原摺擲還嗣後科道等遇有應行陳奏者仍直言無隱毋得似此率行妄陳自干咎戾將此通諭知之○增設直隸永定河兵四百名○丙寅雲南維西廳探匪首逆賸者布恆生朔勾結探探匪滋事命項珩剿之○額勒登保奏道員劉清生擒首逆李彬及辛聰之弟辛文殲斃餘匪多名得旨嘉獎賞劉清按察使銜並花翎○丁卯辰賑廣甯門外普濟堂德勝門外功德林留養貧民一月○命廣甯門外增設飯廠○己巳勒保等奏疊次痛剿陳自得一股賊匪殲擒殆盡田朝貴追剿張魏二逆及宋國品等連次斃賊多名得旨獎賞

三月癸酉勒保奏殲斃首逆張添倫魏學盛及僞元帥陳國球等得旨嘉獎下部議敘○乙亥 上親耕藉田○丙子免湖北教匪滋擾之鄖縣等四十二州縣額賦並積年遺賦○丁丑德楞泰奏截剿殘賊匪斃首逆龔其堯生擒老教師李世漢李國珍等全股洗淨得旨獎賞○戊寅 上啓鑾謁 西陵○閩永定河工○免經遇宛平縣明年額賦十分之五良鄉等五州縣額賦十分之三○庚辰展賑京城內外災民一月○壬午 上謁 泰陵 泰東陵回鑾○戊子予故安徽巡撫荆道乾察擇其子孫一人送部引見○庚寅 上還京師○諭各省徵收漕糧禁止折色定例甚嚴朕親政以來於漕務事宜大加整頓期積弊漸就肅清乃近聞有漕省分尙不免有浮收及得受漕規者是積習仍未悔改並聞各州縣往往於開倉時逾額浮收迨米數既足遂私行折色竟公然設局定價並有於開倉之始卽先行折色虛報滿版自用賤價買補於兌糧時兼有折兌之弊而運員旗丁之指勒奸胥蠹吏之

舞弊劣矜刁民之把持皆由此而起其受累者惟在安分良民以天庾正供徒爲不肖官吏紳士等牟利之途蓋國病民莫此爲甚  
著傳諭有漕省分各督撫率司道等官嚴行查禁嗣後州縣官徵收漕糧槩以本色兌收無得仍前私收折色儻敢仍前弊混一經  
查出即照枉法治罪再聞州縣官於徵收本色時往往以米色平常藉詞挑斥即實係乾圓潔淨者亦必多方勒捐使花戶等守候  
需時百端苦累自不得不以折色交此次申諭之後伊等或又陽奉陰違於本色收倉時故意留難刁頑以爲需索地步此風尤  
不可長並著該督撫等嚴行查察既不得改收折色亦不得於本色過事苛求違者嚴參治罪若該督撫不能實力訪查甚或有意  
瞻徇經朕察出或被入參奏必將該督撫等一併懲治決不寬貸○辛卯以四川民人糶輸津貼軍賞銀免溫江等三十三州縣地  
丁銀十分之三華陽等三十三廳州縣十分之二成都等二十五廳州縣十分之一○撥浙江商捐銀四十萬兩備四川善後事宜  
○壬辰戶部尚書成德卒贈太子少保予祭葬諡恪慎○以蕪康爲戶部尚書○甲午諭京師五城地方煮飯原於城內城外分設  
十廠嗣經降旨展賑時慮及近郊一帶農務方殷若令力作貧民進城領賑道路未免紆遠是以命將五城正副十廠併作五廠在  
於城外安設今據祿康等查明五廠領賑人數開單具奏朕詳加檢閱自併廠以後較前分設十廠時人數少至一半自因城內老  
弱貧民又以城外路遠不能前往領賑殊爲惻念因命軍機大臣傳到五城御史面行詢問該御史等果稱連日領賑俱係城外原  
領貧民並無由城內赴領者等語見在施恩展賑原因青藜不接俾災黎得資飽腹自應令京城內外貧民一律齊霽實惠併廠之  
旨係朕誤降以致城內貧民忍飢數日朕從來不憚改過者仍於城內改回二廠責成該御史等妥速經理勿使一夫失所○庚子  
撥江西藩庫銀十萬兩備湖北善後事宜○是月協辦大學士兩廣總督吉慶奏住居澳門之大西洋夷人稟稱有英吉利夷船灣  
泊零丁洋距澳甚近欲登岸借居夷房恐其滋事懇求保護當卽飭諭英吉利夷船回國毋許登岸澳門夷人情形安靜得旨有犯  
必懲切勿姑息無隙莫擾亦勿輕率

夏四月辛丑朔陳大文因疾乞解任允之以熊枚署直隸總督○甲辰增設秦博士伏勝後裔五經博士一○戊申轉成書爲兵部  
左侍郎以長麟爲兵部右侍郎○召熊枚來京以顏檢署直隸總督調馬蕃裕爲河南巡撫以高祀爲湖南巡撫由兵部左○庚戌

皇后行躬桑禮○壬子西成卒以普福爲左都御史由都○癸丑以京師缺雨展賑京城內外災民○甲寅撥河南藩庫銀二十

萬兩增建陝西營汛兵燹○免直隸旗租通銀○戊午分直隸保定等九處駐防官兵爲左右翼各設稽察大臣一○辛酉諭據砥  
柱奏署直隸總督熊枚請將御史費錫章隨往在署幫辦事務殊屬冒昧請嗣後嚴飭在京大臣奉命署理督撫者不得援以爲例

等語所奏遂是御史係屬言官本非大臣可以隨帶之員前熊枚面奏懇將費錫章隨往朕即覺其所奏未協因伊係署任暫時姑  
允所請嗣熊枚到任後旋據奏稱先令費錫章回京供職業經批諭該署督奏請帶往原屬冒昧並令費錫章卽行回京今砥柱適

有此奏與朕批諭正相符合國家設官內外各有體制督撫身任封疆自司道以下皆係幫同辦事之人至署中一功案牘自有幕

友襄理若由部院簡放督撫者皆得各帶所屬司員前往辦理恐司員等揣知該堂官堪膺外擢豫為趨奉一經簡放督撫即可帶往辦事補用道府易啓屬官營求之弊亦不可不防其漸嗣後在京部院大臣除有兵差審察之事仍准隨帶司員外其餘放督撫及署理督撫者不但不准請帶御史即所屬官員亦均不准奏請隨帶如有違例陳請者即當交部議處以肅政體而杜弊端○壬戌 上詣 黑龍潭祈雨○撥江西河南藩庫銀各二十萬兩湖南藩庫銀十萬兩備湖北軍需四川米一萬石備陝西軍需○乙丑賜吳廷琛等二百四十八人進士及第出身有差○丙寅兩○諭總管內務府大臣等奏文淵閣武英殿御書處藥房咸安宮御船處樂部清字經館等八處向係欽派王大臣管理其各該處承辦之員遇有缺出請改由內務府衙門於司員內酌量繁簡揀派咨送並將各處兼攝之員開單酌擬裁減等語朕詳閱單內武英殿御書處並無內務府大臣兼管伊等輔政將兼攝司員率請裁減不論彼處能辦與否若如所請彼處王大臣必又乞恩保留紛紛演奏成何體制其御船處咸安宮等處見有內務府大臣兼管其事務並不甚繁而兼攝之員仍令照舊並未聲請酌減所擬未免偏私近於專擅弄權此等伎倆竟敢在朕前嘗試耶且該管王大臣需用司員如必向內務府咨取內務府大臣又豈肯將得力之員派往於公事殊屬無益著內務府大臣會同各該管之王大臣或將內務府兼攝司員量為裁減或將各該管王大臣所屬各員派令兼攝之處一乘大厩屏除意見悉心詳覈具奏管理內務府大臣等除巴爾阿在工外俱交吏部察議尋議上得旨吏部察議內務府大臣一摺前此豐紳濟倫召見時曾奏及伊係武英殿總裁於武英殿御書處司員不能管轄呼應不靈彼時朕即覺其又自滿矣嗣據內務府衙門奏稱將各處兼攝司員開單酌擬裁減內武英殿御書處並無內務府大臣兼轄伊等即欲將兼攝司員裁減其有內務府大臣兼管之御船處咸安宮等處所有兼攝之員並未聲請酌減實屬偏私近於專擅是以降旨將該大臣等交部察議此事顯係豐紳濟倫一人主見眾人隨從附和從前和紳兼管部院各衙門事無鉅細俱聽伊指示其餘各堂官不過隨同畫諾最為惡習近年以來稍知悛改各部院中派出管理之大學士及尚書侍郎等秩分雖殊凡遇陳奏事件俱應互相商榷不得獨出己見況內務府大臣分位相等並無正副之分豐紳濟倫乃敢率意專擅而眾人亦隨同具奏是內務府大臣緝布等尚不免沿向來趨奉積習必欲陷豐紳濟倫於重罪矣部議擬以降二級調用均屬咎所應得但念豐紳濟倫等所管部院各衙門事務較多若紛紛盡行降調一時更換乏人豐紳濟倫著加恩改為革職留任緝布明德英和額勒布蘇楞額均著加恩改為降三級從寬留任○再展賑京城內外災民十日○丁卯慶成奏生擒首逆魏洪升張喜偽先鋒白庸等得旨獎賞

五月辛未以陳霞蔚為左副都御史由通政使遷○丁丑諭八旗回子身後遺孤不願歸原處者照八旗例給錢糧一分○己卯睿親王

寶恩薨子祭葬諡曰愷以弟端恩襲爵○庚辰賞故琉球國副使鄭得功治喪銀三百兩○辛巳琅玕奏擒獲首逆腊者布得旨嘉獎賞還花翎○壬午勒保奏生擒首逆廣向瑤並老教掌櫃徐添培張思從賊目多名得旨獎賞○丁亥撥河南藩庫銀十萬兩廣



東藩庫銀三十萬兩備陝西軍需○己丑垣珩奏攻克康普賊寨勒淨北路猓匪得旨嘉獎賞還一品頂帶○庚寅諭軍機大臣等費瀆等覆奏訊明任兆炳於徵收漕務並無營私情弊請仍將該員送部引見一摺已准所請至另片奏稱因蘇屬積虧不能即時彌補計州縣收漕貼費外尚可盈餘飭令該員照缺分大小交出歸公見已提補三十七萬有零等語自屬實情但地方倉庫短少如果係實欠在民之款一經該督撫等確查具奏朕無不加恩豁免若係官侵吏蝕自當據實參奏著落追賠至設法彌補原係各省權宜辦法豈可公然以此爲名令各州縣向百姓浮收漕米設立漕餘名目提取歸公試思正供原有定額今設立漕餘名目使百姓等於額外輸將此非加賦而何况州縣等知本任倉庫有虧可以浮收漕糧彌補勢必將公項私自移移作爲虧空百弊叢生皆由於此所辦已屬非是該督等所稱嗣後設法博節不復取之漕餘自應如此辦理至所稱蘇松太等屬地處低下米色不純折耗較多收數不能不寬卽貼費不能不重等語無此情理東南產米之鄉蘇松尤爲沃壤與浙省杭嘉湖相等從未聞有蘇松米色低下之語卽間因水旱地方偶有青腰白臍米色亦不過百中之一二焉有同郡一律低下之理况此三處近年並未被水旱之災米色何由低薄至旗丁等多索貼費自係聞知該州縣浮收漕糧遂爾心存挾制與米色有何關涉若云米色不純卽須多加貼費豈旗丁索費免收沿途私買好米到通交納乎且旗丁等向來沿途使費早經降旨裁革復經節次加恩准其多帶土宜並劃給曬颺米石撥給漕費錢文多方接濟不一而足丁力已屬寬裕何至江蘇一省每年尚須貼銀三十餘萬兩之多所奏殊不確實况據奏稱該旗丁等於五年六年屢求增益似此遞年加增伊於何底卽各幫情形不同間有一二疲丁尚須略增津貼亦止可另爲設法調劑何至欲以貼費之多少爲收糧之盈縮若如該督等所奏指稱蘇松太三屬米色低下貼費獨多則收漕亦必較他屬增倍此三屬爲江蘇省財賦最盛之區如此巧爲立說任聽州縣等明目張膽例外浮收通省漕務尙可問乎至所稱民情日久相安並有情願折色交納等語尤不成話折色一事最爲漕務弊數各州縣收漕往往於開倉之始恣意浮收數日後額徵之糧業已滿厥卽勒令糧戶等折給錢文設有一二花戶載米到倉輒以米色不純駁斥留難刁蹬小民等守候日久不得不聽交錢文是浮收折色二弊相連而致百姓方抱怨之不服轉請情願折色乎前經明降諭旨嚴禁折色該督等竟以病民之事爲便民之舉於奏牘內顯露其意仍思照前折色伊二人爲屬員所愚一至於此且浮收漕糧府州縣等斷無不從中沾潤之理費滄岳起平日操守廉潔原可信其無他而屬員賢愚不等豈能盡信卽知府中如任兆炳者恐難保其果無肥私情弊况提補漕餘該督等摺內亦稱該府與各府合同商議可見此議創自任兆炳而各府同聲附和若云毫無染指其誰信之試思江省漕務該督等既經提取盈餘歸公彌補又以旗丁津貼不得不額外加增而各府州縣尙於此內各思肥己層層剝削無非苦累吾民費滄岳起身任封圻不思仰體朕愛惠黎元至意輕信屬官愚弄公然以大干例禁之浮收折色諸弊視爲不得不行率爾密陳妄爲嘗試本應將費滄岳起照例治罪姑念伊二人向來辦事尙屬清慎著傳旨嚴行申飭又另片奏請降諭旨飭禁積棍刁刁鬧倉滋事等語此等包漕滋事生監

各州縣開倉之先該督撫等出示嚴禁隨時查察係分內應辦之事今必欲奏懇降旨飭禁汝等平日所司何事又安用此督撫爲耶前次降旨諭令各省收漕禁止折色原因刁矜劣監包攬把持皆由折色而起乃伊等不脩其源而專欲懲治生監土豪以爲奉有諭旨則地方官卽不慮其挾制生監等目親浮收情弊亦不敢與之計較伊等之意豈能逃朕洞鑒耶此次提取歸公銀三十二萬餘兩業據各州縣解交已屬既往不咎嗣後漕餘折色二事當永行禁止儻陽奉陰違仍前滋弊經朕訪聞或別經發覺必將費消岳起革職治罪不能再爲寬貸也懍之慎之○甲午慶成奏剿捕張魏餘匪生擒偽元帥康二麻子偽總兵張昌元等得旨獎賚加太子太保○丙申申禮部奏伊犁春秋致祭格登山等處山河乾隆二十六年原頒祭文十六道應否增改請旨遵行一摺仰惟皇考高宗純皇帝平定新疆版圖式廓懷柔河嶽祀典昭垂自應億萬年遵守原文用彰偉烈所有前頒祭文內原書 朕字俱敬謹改書 高宗純皇帝尊稱其餘字句槩無庸更改該部卽行文伊犁將軍永遠欽遵入於交代其烏嚕木齊等處亦照此畫一辦理

六月癸卯琅玕奏克勒康普葉枝夷匪西北兩路全境疏通○甲辰諭木蘭行圍爲秋獮大典我朝 家法昭垂舉行已久所以習勞肄武款洽外藩况行圍不過十餘日仍照常辦事看本非若前代之盤遊畋獵可比若以行圍爲從事遊觀則朕駐蹕圓明園如附近之清漪靜明靜宜各園較之避暑山莊更爲清愜人情好逸惡勞孰不樂深居簡出朕特因典禮所關 祖 宗成憲具在不敢自朕而稍形怠曠是以本年春間卽降旨舉行秋獮乃汪承需於前日召見時面奏順天府屬雇車掣肘咨商直隸總督協濟車輛已露爲難之意昨又具摺奏請停止行圍據稱本年麥收分數稍減民力不無拮据並稱 高宗純皇帝臨御六年始舉秋獮今親政甫及四年卽再緩一二年舉行亦不爲遲等語殊不成話向來蹕路所經除道成梁等事均有例給經費從無累及閭閻之事此次直隸麥收據熊枚奏稱通省率算實有七分不爲歉薄若如汪承需所言則必待十分豐收方可舉行秋獮乎上年偶因雨水感漲道路橋梁間多衝塌降旨停止此係非常潦災萬不得已之事豈可引爲常例屢事展期何以取信外藩諸部耶且摺內有本年春間兩次謁 陵差務已形絡繹之語尤屬紕繆豈有愛惜勞費並欲朕將春秋展謁大典亦因之疏曠乎至協濟車輛一節汪承需面奏後當卽降旨詢問熊枚本日據熊枚覆奏此次順天府應雇長車直隸各屬除照例向幫價四千兩外加增銀一千兩解交大宛兩縣就近雇備等語是順天府此次雇覓車輛直隸又增貼銀一千兩自不至辦理雜艱而朕於應行裁減之處已飭所司大加刪減更可節省况從前順天府按例雇辦車輛本有舊定章程所有此次行圍應用車輛著順天府照例雇辦若實有礙難辦理之處著汪承需等詳悉分晰據實覆奏儻經費不敷亦不妨奏明請旨毋得因循疲玩再有推諉○己酉德榜奏奏冒雨趕勘樊會賊股淹斃首逆樊人傑等並將樊人候妻子弟姪全行殲餘匪掃蕩得旨獎賚晉封德榜泰三等侯將軍賽沖阿等下部議敘賞提督長齡雲騎尉世職並予軍機大臣廣柱董誥戴衢亨及章京等優敘奏事處接報兵部遞報各官加級沿途驛遞查明獎賞

○勅保奏熾弊賊首楊步青得旨獎資○甲寅命劉權之德瑛軍機處行走○乙卯額勒登保奏率獲首逆荷文明家屬開復革職留任處分○禮部尚書達椿卒賜祭葬擢其子太僕寺少卿薩彬圖爲內閣學士○以長麟爲禮部尚書調那彥寶爲兵部右侍郎轉蘇楞額爲工部左侍郎以吉綸爲工部右侍郎由內閣學士遷○辛酉改安徽池州府江防同知爲潁州府督捕同知移駐阜陽縣以池州府管糧通判兼捕務○癸亥諭內閣爲絲綸重地大學士均應常川到閣閱看本章其中有在軍機處行走者每年春夏在園明園之日居多散直後勢難再令起閣視事至在城之日偶值樞務稍簡朕仍令其赴衙門辦事即應閣部兼到若不在內廷行走之大學士則票擬繪音是其專責豈可稍涉閒曠是以保甯到京後雖兼領侍衛內大臣朕不令其在園居住以便赴閣辦公無曠職守嗣後軍機處行走之大學士值朕進城諭令到衙門辦事時著先赴內閣再赴兼管之部院衙門其不在內廷行走大學士俱著常川到閣閱本以重綸扉而符體制○甲子諭軍機大臣等琅玕奏馳抵劍川分兵進剿吉尾樹苗賊匪各緣由一摺樹苗一路餘匪尚在該處山內藏匿經琅玕派令成文永明等帶兵搜剿焚燒賊寨沿途均有斬獲並將投順夷民分別安插自不難以次廓清其吉尾賊匪據稱最爲強橫且山路處處可通慮其逃入沿江一帶再有句結琅玕見在駐紮劍川適中之地督率將弁上緊進攻絕其後路自應如此辦理此時探匪疊經官兵緊剿雖聞有棄械來投之人但夷性反覆靡常總須懾以兵威使該夷等真心畏懼乞命投誠方可就事完結至恆乍綱一犯句結各處夷匪滋生事端尤爲兇頑可惡必須嚴擊懲辦斷不可任其漏網該逆見既逃至江外距琅玕駐兵處所不甚遠遠務當設法擒獲或曉諭夷眾將恆乍綱早日縛獻以淨根株再摺內稱此次進兵帶同所集鄉勇相機攻剿一節該處陸續調派兵數儘已足數剿辦何必又藉鄉勇之力紛紛圍集轉多煩擾著琅玕察看情形如見在軍營實無須該鄉勇等在彼幫同出力卽速行撤回

嘉慶東華錄十四

秋七月辛未諭大學士王杰自乾隆辛巳年以廷對第一通籍供職詞垣入直南書房洊升卿貳 皇考高宗純皇帝知其持躬清介植品端方可資倚任是以鄉會試掄才大典及各省視學疊次 簡昇持衡未經協辦大學士卽 擢任綸扉贊襄樞務老成更事數歷多年平定臺灣廓爾喀大功告成會圖形紫光閣 賜贊褒嘉復 命充上書房總師傅朕在藩邸時曾資彥沃自親政以來時常召對恩禮有加見其年近八旬精神尙未衰減著畀方殷茲以夏間屢嬰疾病具摺乞休朕念老成宿望未肯令其驟離左右當經召見再四慰留王杰以年衰氣弱深恐戀職誤公堅詞求退情懇誠在王杰並非家有田園思耽林泉之樂而朕眷懷耆舊繩纒彌深豈忍忽然遽令歸去王杰著不必開大學士缺無庸票閣內閣本章其各館所纂書籍亦無庸閱看以便安心頤養如調理卽可就痊自應照舊供職備一時未能卽愈自揣精力難勝再行陳奏另降諭旨○勅保奏殲除黃白青藍四號賊匪生擒首逆劉朝選得旨獎資晉一等男○甲戌諭內閣供事與各衙門書吏無異保甯甫經到京因考試供事外間頗有浮言請在貢院屬

試經朕發交禮部議奏以貢院爲掄才重地考試吏胥於體制未合所議固是但議請欽派內閣學士及監試御史並護軍統領等員仍與考試士子相等辦理尙覺過當嗣後內閣供事仍在天安門外考試卽令稽查內閣之御史會同內閣承辦官員在彼監試其閱卷之內閣學士著大學士指派滿漢各一員臨期奏聞不必請旨簡派○乙亥諭日前召見新授右翼總兵廣泰曾在朕前奏及步軍統領衙門一切事件並無章程必須另爲酌定復經召見又稱伊職係總兵本衙門司員俱存輕視之見朕卽覺其有意紛更欲占身分殊爲不滿自恨又誤用一人實屬不能知人深自愧祿本日召見祿康因將廣泰近日行爲面加詳詢據祿康奏稱廣泰卽到任以來於公事每欲更張且以總兵究係武職閩署司員呼應不靈曾向祿康商懇代爲奏請加賞兵部侍郎虛銜等語當卽令軍機大臣傳詢廣泰究竟實有其事伊亦自認糊塗冒昧此非糊塗冒昧實屬膽大狂妄之至經軍機大臣奏請交部嚴議實屬咎所應得國家設官分職俱有定制豈有臣下妄思干請之理廣泰甫經擢用總兵自應循分盡職和衷共濟乃急於見長諸事輒欲紛更又復希冀加賞卿貳文銜批繆弄反已極廣泰著先行解任仍交兵部嚴加議處速奏伊見在圖該班卽著逐回伊家閉門待罪聽候部議圖霖卽著在圖該班此次不必隨從木蘭伊射布靶中箭三支應得例賞仍著賞給恭河拉於都統內業經派出隨圍伊曾任總兵於步軍統領衙門事宜尙爲熟悉所有行圍管轄營員番後等事著恭阿拉暫行管理○丙子諭軍機大臣等台布奏蒙番情形並將蒙古呈遞各條進呈朕閱納漢達爾濟等所呈其意總欲內地官兵將番族痛加懲治殊不知足合布當明白曉諭以蒙古爲我朝臣僕雍正年間於青海設立辦事大臣隨時保護嗣因爾等不能自衛致有番子搶奪之事不值煩勞內地兵力 高宗純皇帝屢降 諭旨如再有番子搶奪等事總不能代伊等辦理仍重治其罪原欲爾等振作弗爲番族欺壓自大皇帝親政以來念爾游牧地方被番族搶占特派大臣帶兵前往諭令番子將搶奪各物交還已屬格外天恩及番子出卡後爾等又不能自防復蒙大皇帝賞兵守護恩施稠疊無可復加今爾等偶有偷竊小事輒請天兵幫助實屬恃恩妄爲天朝統馭外藩甚多如厄魯特土爾扈特烏梁海等豈無偷竊之事從未請天朝發兵搜捕何獨爾等煩瑣煩瑣且番眾久隸旃幟從無干犯天朝之事爾等惟當嚴守疆界勉力自衛毋徒恃內地官兵爲爾捍禦亦不可與番眾有心構釁致啓爭端方不負大皇帝愛護之意若爾等不知自強惟思構兵滋事天朝不能相助並當治罪如此切切曉諭俾蒙古等懷德畏威自不敢再行瀆請至添兵移卡諸事台布當酌量妥辦將此諭令知之○繼善緣事降調調穆克登額爲盛京刑部侍郎以花向尙爲盛京兵部侍郎由副都統遷○丁丑諭兵部議奏右翼總兵廣泰昭違制例奏請革職一摺廣泰前任御史時曾屢經派令巡漕看其人似能辦事疊加升用擢至卿員旋授內閣學士昨右翼總兵缺出將伊補授廣泰本係文職出身特因步軍統領衙門有審理事件伊或能通曉案牘可以用幫同祿康辦事乃廣泰器小易盈於未經到任之先卽向祿康商懇代奏加賞兵部侍郎虛銜而於本衙門應辦章程復有意紛更其實並未見別有籌辦之處不過圖占身分而已誠爲薄福小人試思祿康本係刑部尙書經朕簡任提督伊因刑部與步軍統領衙門有交涉事件

再四辭退尙書朕當即允其所請嗣因戶部尙書敏出復將祿康補授是祿康本係尙書並非因簡任提督俾兼部銜卽如從前歷任提督蘇恩以親王管理和坤以大學士管理若如廣泰見則簡任提督者豈亦可引以爲例耶廣泰狂妄無知實屬褻褻乖戾著卽照部議革職○諭琅玕秦樹苗通甸小川各路官兵連獲勝仗見在合兵進剿吉尾覽奏俱悉探獲夷匪經此懲創自必畏懼惟恆仁綑一犯逃匿江外伊係起事首逆必當擒拏務獲勿令漏網至摺內稱秋深瘴退如有仍須勦辦之處再行奏辦該匪等見已逃出江外若秋深後竟敢渡江滋擾自應勦辦儻畏懼不出卽可不煩師旅該夷人賦性兇頑劫掠是其長技遇有滋事之時自當隨家懲創至旣經懾伏之後卽兵力有餘亦斷無將此種夷人誅戮務盡之理窮兵黷武非善政亦何忍殘害無知之夷人邀功見好耶琅玕當查明爲首之楊金羅小二實在下落懾以兵威勒令該夷人速將二犯緝獻卽可完事無庸過江按勦務欲邀功至不可罷兵之時轉成蛇足矣○已卯庚西巡撫謝啓昆卒子祭葬賞銀三千兩治喪○以孫玉庭爲廣西巡撫同興署湖北布政使候補○庚辰以明志爲內閣學士由奉天府尹選○調高人傑爲湖北按察使成甯爲福建按察使○辛巳諭朕惟求治之道必期明目達聰廣爲諮詢庶民隱得以周知古帝王懸輅設鐸自臣工以逮士庶悉令各陳所蘊以備採納但必視其言之有當與否如果指陳確實有裨國是卽無言職者亦當加之採錄儻率逞臆見妄意紛更甚至妄言亂政雖係官之言亦豈可輕爲聽用近來科道中每有條奏失當經朕降旨駁斥此係權衡事理隨事訓飭並非懶於辦事怠惰偷安朕承 皇考付託曷敢不勤政乎若言官誤會朕旨遂爾相率緘默轉非朕廣開言路之意矣本日據步軍統領衙門呈遞陝西恩貢生加捐州同職銜何泰條奏一件朕詳加披閱其所陳敬天勤民敦崇治本懲敘官方整飭士習以及黜奢崇儉挽回風化各大端俱能援引古書切陳時事其中不無可採何泰係恩貢出身加捐州同職銜非齊民可比伊果有志上進於鄉會試中式後原可臨軒試策直陳無隱今抒陳各款於風俗人心均有關係且文理亦屬通順著加恩賞給大段二匹交祿康將伊傳到臧領並諭何泰回家安靜讀書勉勵進取以備將來量材錄用所有原遞各條留備省覽○增設陝西漢中府屬分防瀕渡路撫民同知司獄簡池壩巡檢洋縣縣丞四畝地巡檢各一○癸未諭額勒登保等奏請將固原陝安提鎮仍因舊制並另籌漢南添設營汛各事宜一摺國家設立督撫提鎮原擇扼要適中之地駐紮以資控馭而垂永久不可因目前情形稍涉緊要遽議更張前長麟等請將固原提督移駐漢中經兵部議准此止係一時權宜並未計及久遠朕意此事所關甚重原欲降旨不改舊制今額勒登保等以見在漢中地方雖較固原爲緊要若大功告竣後所應辦者不過盤緝奸宄等事非若固原之防範邊陲彈壓番族者可比所見甚是著照所請固原提督無須移駐漢中紛更營制至向例每三年提督至興安漢中巡閱一次爲期太遠該處萬山叢雜地方遼闊奸民最易藏匿必須常有大員往來稽查方足以資鎮撫見在海疆提鎮卽有每年出洋會哨之例嗣後陝安鎮協及甯陝鎮俱著該提督每年巡查一次餘著該部覈議具奏尋議西鄉縣添設游擊一守備一千總二把總三外委四爲西鄉營移白土關都司駐鎮坪爲鎮坪營歸陝安鎮轄沔縣添設都司一千

總一把總二外委一爲沔縣營南鄭屬之銅廠添設守備一千總一外委一爲銅廠營歸漢中協轄陽平關添設外委一略陽營添

設把總一撥兵防守從之○撥河南藩庫銀二十萬兩備陝西善後事宜○甲申允大學士王杰致仕加太子太傅在籍食俸○以

邱庭滄爲廣東按察使由選○丙戌諭軍機大臣等清安奉奏安甯阮藩被農耐侵備欲叩關投納想吉慶接到稟報自必馳赴鎮

南關督辦一切見在清安奏已奏明前往茲又諭令孫玉庭速赴廣西會同安辦如阮光緒率屬內投叩應照從前黎雅祁之例妥

爲安置儘額請助兵吉慶應據實奏聞候旨至農耐知阮光緒入關或指名求索儘敢稱兵境上自不可稍爲容貸若情詞恭順亦

當馳奏朕再爲區處吉慶當熟籌妥辦並於各關隘飭屬嚴防不可示外夷以弱如孫玉庭已到即令清安奉回省理事○戊子

上啓鑿秋獮木蘭○免經過地方額賦十分之五○癸巳諭朕前聞廣東博羅縣有重犯越獄知縣劉嘉穎不行詳報臬司陳文及

該管知府扶同徇隱復告知藩司將該縣典史調補煙瘴示罰又粵東賊罰銀兩按縣攤派此解臬司作爲陋規吳俊在任時曾經

收受升任起程時又派此項以作路費等事當經親書密諭令吉慶湖圖禮密查具奏朕以此事向屬風聞虛實未定茲據吉慶等

查明覆奏皆係實有其事將藩司府縣等分別參革並自請嚴議前來披閱之下殊堪感歎更深悚畏各直省設立督撫原以糾察

屬吏惟在見聞周密有弊必除庶屬員等知所儆懼吏治自臻整肅若必待朕先有所聞降旨詢問督撫始行查辦則妄用督撫爲

耶試思四海之廣臣民之眾爲人君者安能一一周知雖以堯舜之君明目達聰設無九官十二牧爲之分職亮功亦何能從欲以

治乎今粵東吏治若此而吉慶湖圖禮竟情然不知直至朕指出情節嚴切密詢伊二人始訪查得實以此類推則各省似此通同

舞弊之事或更有大於此者未經朕聞知查詢因循不辦又不知凡幾矣知人之明用人之難朕實愧且懼惟盡此求治之苦心耳

至外省一切陋規早應隨時禁革粵東借贓罰爲名按缺派送銀兩相沿已久督撫並不查辦一經朕詢問始據實陳奏可見此等

陋規未經革除者尚復不少今既經發覺即不能置之不辦所有博羅縣較犯越獄一案知縣劉嘉穎私稟臬司匿不詳報竟敢有

意消弭情殊可惡今案犯業已拿獲姑著照所擬革職發往伊犁效力贖罪典史李清係管獄官並不小心防範以致要犯脫逃亦

著革職發往軍臺效力贖罪惠州府知府伊秉綬係親臨上司任聽該縣匿報不行揭參著革職惠潮嘉道胡克家於所屬越獄重

案不行揭報著交部嚴加議處藩司常齡經陳文告知此案並不照例揭參輒將該典史改調煙瘴地方調停其事實屬膽大妄爲

著先革去頂帶仍交部嚴加議處臬司陳文於路過惠州時該縣已將監犯越獄之事面稟陳文並不揭參亦未令其通稟且經收

受贓罰銀兩陳文前因年老難勝臬司之任已令來京候旨即著革職交部審訊治罪見在行抵何處著該省督撫派員管押來京

升任山東藩司吳俊於廣東臬司任內既經得受贓罰銀兩起程時又復將此項作爲路費實屬卑鄙亦著革職令祖之望委員管

押來京交刑部審訊治罪吉慶湖圖禮於所屬匪報重案及收受陋規漫無覺察直向木偶均著交部嚴加議處嗣後各督撫於地

方吏治務當隨時訪察釐剔弊端如有作奸犯科之事即當據實嚴參不得徇情袒庇亦不可爲屬員蒙蔽以期大法小廉副朕徵

敕官方至意○甲午 上駐蹕避暑山莊○論本日至避暑山莊甫經下馬道過到額勒登保等六百里加緊奏報官兵殲戮首逆  
苟文明並擒斬餘黨大喜捷音此皆 上天垂恩 皇考賜佑欣慰之餘翻增感涕秋禱大典爲我朝 家法相傳所以肄武習勞  
懷柔藩部者意至深遠我 皇考臨御六十餘年於木蘭行圍之先 駐蹕避暑山莊歲以爲常 救災勤政之暇歌治蒙古外藩  
垂爲令典是避暑山莊實爲 皇祖 皇考在天靈爽式憑之地朕祗承 鴻緒不敢稍自暇逸特於今秋涓吉喜鑿舉行秋獮實  
本繼 志之誠若以山莊爲從事游覽則京師官館池籞豈不較此閒更爲清適而必跋涉道途衝履泥淖遠臨駐蹕乎朕之敬遵  
成法不敢偷安必欲前來山莊之忱懼 皇考實鑒臨之是以清蹕纒停捷書已至 眷佑所昭如響斯應朕披覽奏函瞻依  
居處不覺潸淚俱下召見軍機大臣時至於哽咽不能宣旨此實至情所感不能自己當命將此摺備示內外王公滿漢諸臣亦莫  
不頌手稱慶彼止朕此行之漢真適見其愚情不曉事耳至苟文明爲積久著名首逆與羅其清冉文儔等一同起事頻年以來在  
川陝楚三省地方展轉奔逃肆意擄掠實爲罪大惡極經額勒登保督率官兵屢次勦殺勢極窮蹙而向於大山密林內潛匿四竄  
希圖免脫又復數月今在花石巖地方經官兵四路接值立時截斃斬級梟示並餘匪盡數殲除皆由額勒登保調度得宜所致雖  
辦理稍覺遲延而首逆終就滅實不愧經略之任殊屬可嘉邪教起事各首逆俱已陸續辦淨止餘苟文明一犯今該逆復經殲  
斃是積年著名巨惡業已悉數掃蕩其零星奔竄之蒲添寶等止係近日攢聚殘匪爲首之犯且爲數無多見有參贊德榜泰等督  
兵搜捕成功大局已得十之九額勒登保著加恩晉封一等伯賞還雙眼花翎俟陝省零匪全數肅清再加恩資提督楊遇春雖係  
事後趕到而督率披勦亦屬勤奮著交部議敘其奮勇出力殊筆圈出之李應貴張廷楷吳廷剛李應元特依順保張超王兆龍祝  
廷彪黎炳謝天瑞丁永安張必祿藍爾馬兵楊貴等或應加升一等或應交部議敘或應賞戴翎支著額勒登保等分別等第開單  
保奏其餘如尚有出力人員亦著一併查明具奏候旨加恩並發去青玉撒指十箇鼻煙壺十箇大荷包五對小荷包十對分賞出  
力員弁一兩重銀牌二百面五錢重銀牌二百面分賞出力兵勇以示獎勵將此通諭知之○諭山東金鄉縣早孫昌考一案前經  
學政劉鳳誥奏降旨交和甯秉公審辦乃三月之久尙未審結旋據給事中汪鏞參奏承審此案官員將原告刑信誣認並據武  
生李長清在都察院衙門控告交刑部訊問錄供具奏朕以此案劉鳳誥參奏於前今該省地方官挾私偏聽該學政豈無見聞諭  
令據實查奏茲據劉鳳誥覆奏此案金鄉縣早孫張敬禮等冒考經李玉燦攻揭及舉人王朝駒等呈控該學政按試兗州訪問該  
處生童僉稱是實且乾隆七年二十年張姓子孫冒考曾有兩次斷逐舊案控詞底稟見存呈驗乃承審官有心黨庇並不追究被  
告人證據將原告刑求捏屢誘令將呈稟毀滅盛暑咎錘並株連鄉民紳士械鬪多人眾心飲泣士論沸騰且以奉旨解任之知縣  
汪廷楷不行質審竟令其借捕蝗爲名回縣協同署任提挈人證報復揆求尤堪駭異除此案已交祖之望等秉公嚴審外和甯自  
任山東巡撫聞其在署日以文墨爲事於屬員亦不輕易接見朕即恐其於地方不無廢弛今以奉旨特交事件並不親提審訊一

聽委員偏袒徇私任情誣枉伊若罔聞知直木偶卽此一節已不勝巡撫之任和雷著卽解任來京候旨所有山東巡撫員缺著祖之望補授○諭姜晟前在直隸總督任內爲日未久上年永定河決口因雨水盛漲人力難施初非有心疏玩而積年辦工貽誤並非始自姜晟其咎尙屬可原且伊前任湖南巡撫時經理苗疆事宜頗爲妥協前經賞給刑部主事旋以員外郎升用今祖之望已授山東巡撫所有刑部左侍郎員缺著初彭齡轉補姜晟著加恩賞給四品頂帶補授刑部右侍郎○諭倭什布前在湖北督撫任內經額勒登保德榜奏參辦理糧餉違誤革職鞫交軍機大臣會同刑部審擬嗣經查明倭什布在湖北亦係親身帶兵非專辦糧餉之員其軍營糧餉偶有缺乏之止因經理不善並非有心玩誤量擬發往軍臺效力經朕加恩賞給筆帖式發往陝西當差念伊前任陝西藩司時官聲尙好倭什布著加恩賞給四品頂帶補授山東布政使卽來京請訓再赴新任其未到任以前山東布政使印務著陳鍾琛署理所遺按察使印務著崔映辰署理○擢康基田爲廣東布政使由江蘇太倉州知州遷○乙未諭軍機大臣等清安奉奏接據太平府知府王撫棠等稟報農耐阮種攻打昇隆城阮光瓚敗走被獲阮種入城自立等語邊關緊要吉慶孫玉庭應查看情形督率文武各員小心防守至外夷自相吞噬內地無涉不必過問如阮種有納款之事或有別意再行奏聞請旨○丙申勒保奏迎勒楚省竄匪斃首逆賴先鋒撲滅全股並兜截張長青一股得旨獎賚○丁酉刑部尙書張若淳贈太子少保賜祭葬諡勤恪○以熊枚爲刑部尙書調汪承濡爲左都御史以戴衢亨爲兵部尙書轉平恕爲戶部左侍郎調錢樞爲戶部右侍郎轉曹城爲吏部左侍郎調李鈞簡爲吏部右侍郎轉劉鏞之爲兵部左侍郎調潘世恩爲兵部右侍郎以關槐爲禮部右侍郎由內閣學士遷八月己亥朔日有食之○以日月薄蝕詔求謙言○庚子禮部議覆御史秦維嶽條奏嗣後拔員朝考請定日月均勻定額等語查各省拔貢到京先後不一應如所奏嗣後朝考之年定於五月三十截數六月初旬考試庶各省均知試期同時到京不至有守候遲誤之累至錄取數目係考選引見臨時 欽定所奏毋庸議從之○以戶部尙書朱珪協辦大學士加太子少保○撥河南藩庫銀三十萬兩兩淮運庫銀二十萬兩備湖北軍需○辛丑諭常齡於博羅縣殺犯越獄重案既經臬司陳文告知並不據實揭參已屬徇庇復擅將該典史改調煙瘴請停其事實屬膽大妄爲著卽照部議革職吉慶瑚圖禮於臬司借贓罰名收受陋規及博羅縣重犯越獄匪案不報俱不參辦直至有旨詢問始行陳奏均屬徇庇吏部議以革任實降皆各所應得姑念海疆重地一時未便全易生手吉慶從寬免其革任仍註冊瑚圖禮著從寬改爲革職留任至惠潮道胡克家於所屬越獄之案未經揭報咎止失察亦著從寬改爲革職留任○癸卯王秉翰卒以積恙署河東河道總督由長蘆道運使署○諭軍機大臣等吉慶奏農耐遺使恭進表貢並稱送莫觀扶等三犯來粵正法各情形覽奏俱悉從前阮光平款內附極爲恭順我 皇考鑒其忱悃錫以封土阮光平感被殊榮躬親詣闕 皇考恩禮有加聯蕃錫賚原以阮光平克矢畏懷始得仰承 寵遇迨阮光繼嗣服文南復 頒敕命俾其世守勿替乃近年以來屬粵二省洋面盜船內闖有長髮之人聞係該國縱令出洋行劫朕未肯輕信尙以長髮匪徒或係該國貧民隨



盜人影會降旨諭令查拏獲未見擒獻一人今阮福映禍致莫觀扶等三犯訊取供詞均係內地盜犯該國招往投順封爲東海王及總兵等僞職仍令至內洋行劫商旅是阮光纘不但違旨昏拏而且窩納叛亡寵以官職肆毒海洋負恩反噬莫此爲甚至敕書印信頒自天朝名器至重尤當敬謹護守與國存亡乃阮光纘不知慎重於阮福映上年攻取富春時輒行捨棄潛逃罪無可追至阮福映此次使臣吉慶當諭以爾國長恭進表內所敘情節業經轉奏蒙大皇帝俯察爾國恭順之誠深爲嘉獎阮光平臣事天朝先大皇帝錫之敕命恩養優加乃其子阮光纘竟敢窩留內地盜犯通同劫掠喪心背恩實爲天理所不容是以仁不旋踵今棄國潛逃並天朝所給敕印亦不能守是阮光纘不特上負先大皇帝怙冒洪慈抑且爲阮光平不孝之子獲罪甚重爾國長遣使恭繳敕印並縛獻通盜深得事大之禮恭進表貢具見至誠但天朝每遇外洋諸國遺風船隻無不一視同仁給賞安送從無因此違納貢獻之事且爾國長邦家未定並非素備藩封揆之體制尙不應在職貢之列爾可卽齋回轉向爾等國長告知如此明白檄諭方爲得體其所繳敕印者吉慶暫爲收貯再前據清安奏阮光纘爲阮種所獲阮種是否卽係阮福映未據聲敘本日吉慶摺內稱農耐使臣起程尙在阮光纘被獲之前是以未得此信前次諭令吉慶等如阮光纘率屬內投妥爲安置今伊罪狀昭著實無足惜若做闕求納吉慶當將阮福映繳來敕印並盜犯莫觀扶等供詞令其閱看面加詰責後傳旨革去王爵卽於該處監禁候旨定奪僅阮光纘已爲阮福映所獲阮福映不敢自尊將伊解送鎮南關亦當照此辦理其莫觀扶等三犯俱照大逆律辦理如各犯家屬有應緣坐者一體查辦此時吉慶當遵前旨迅赴鎮南關勒兵防守持以鎮靜俟阮福映攻得安南全境遣使請封或得阮光纘實在下落再行奏聞候旨○乙巳接安徽米四萬石湖南米三萬石河南小米二萬石備湖北軍糧○丁未諭額勒登保所封一等伯翁著仍用威勇名號照例承襲○己酉諭本年春間常明參奏道員孫文煥濫用軍需蒙混灑銷一案降旨令百齡會同張長庚確審實情查明現玆擬具奏嗣經孫文煥差人呈控藩司百齡勒派賄徇捏飾欺罔各款並將原呈進呈當派初彭齡富尼善前往秉公查辦茲據初彭齡富尼善奏到審訊大槩情形請將巡撫常明臬司張長庚賈西道呂雲棟候補道員馬克鞏一併革職嚴審等語詳開摺內所敘情節孫文煥所控百齡假公勒索等款經初彭齡等傳齊人證反復究詰均屬虛誣而巡撫常明久任黔藩將軍壽款項牽混支抵於應撥鉛廠銀兩延宕未繳又將軍需用贍鈔九十四萬餘斤交商鑄化合藉友金玉堂私賣並任聽抽匿報銷卷案各款業據初彭齡等質番屬實常明之罪已無可追而此內私賣鉛斤一節情罪尤重此項鉛丸既經軍營用贍自應歸入軍需項下報銷乃既不奏明又未報部輒因藉友金玉堂同來販賣白鉛竟將鉛丸鑄作鉛斤與伊合夥運往漢口發賣希圖漁利迨至藩司百齡查知常明始應允照數買還飢法營私行同市儈且於軍需報銷要案漫不檢查任聽幕友私自抽匿亦難保無侵冒情弊竟不料其貪國至於如此常明著革職交初彭齡等嚴審定擬具奏一併查鈔任所家產其所賣鉛斤會否照數買還或將價銀交官抑係私行入己之處並著查明覆奏臬司張長庚於署藩司時接收常明交代並未清釐又聽

從移藏案卷顯有受屬蒙混情弊張長庚亦著革職治罪貴西道呂雲棟於常明應撥鉛廠銀兩代為擔認候補道員馬克鞏見據孫文煥供稱濫應提賞銀兩係與馬克鞏同在餉局經手呂雲棟馬克鞏均著革職交初彭齡一併歸案審辦至藩司百齡於孫文煥所控各款雖審屬全虛但百齡既經查出常明欠繳庫項並縱令劣幕私賣鉛斤各款不即據實參奏僅以催追押繳完結意存瞻顧巡撫以致孫文煥心懷不甘捏詞呈控實屬有心袒庇百齡業經解任並令初彭齡等於定案時治以徇隱之罪至已革道員揆文煥著遵照前旨歸案按律定擬具奏○諭何例蒙古會盟齊集原係特派大員一同辦理嗣 皇考因派員恐有擾累 特旨停止今蘊端多爾濟以近年事多叢勝仍請遇有喀爾喀四部落會盟比丁之年一切應辦事宜會同烏里雅蘇台將軍等辦理尙屬可行著照所請賽因諾顏扎薩克圖汗二部落事務即就近在烏里雅蘇台會集與定邊左副將軍一同辦理土謝圖汗車臣汗一部落事務即就近在庫倫會集與辦事大臣一同辦理○諭俄羅斯交界四十七處卡倫向來未定巡查之例今蘊端多爾濟奏稱明年四月親查恰克圖西十九處卡倫後年再查恰克圖東二十八處卡倫逾十年與庫倫辦事大臣輪流一次往查亦屬嚴肅邊界之意著照所請行但俄羅斯人等多疑者蘊端多爾濟於巡查卡倫以前明白曉諭使俄羅斯固畢爾納托爾等知巡查原欲永清二處交界並無別故自不至心生疑懼也○撥河南藩庫銀三十四萬兩浙江藩庫銀二十六萬兩廣東藩庫銀四十萬兩備陝西軍需○以富尼善為貴州巡撫由副都統遷○調董教增為貴州按察使以劉清為四川按察使由建昌道遷○乙卯 上自避暑山莊

巡幸木蘭行圍○戊午 上射鹿二○辛酉諭軍機大臣等德楞額奏剿除蒲添寶大股已降旨加恩矣其所稱吉林泰一路在歸州水田壩有賊眾偷撲營盤力擊始退查係賊方青熊羣股匪六七百人等語是此股零匪較為緊要德楞額奉當移兵前往或揀派鎮將帶兵幫同追剿以期辦淨又楚省大股已除零匪不難迅速掃盡此事原自楚始必自楚成目下當喫緊之際糧運係該督專責吳熊光當交速供運勿稍缺乏○德楞額奏鐵斃蒲添寶擒斬藍黃白三號賊目多名得旨獎賞○壬戌以王懿修為內閣學士

由光祿寺卿遷○乙丑諭祖之望等奏審明金鄉縣早孫冒考一案分別定擬一摺此案係朕特降諭旨交與和甯審辦之案和甯並不親提研鞫一任承審之員偏袒徇私將原告刑求挫辱以致株累多人况據祖之望等奏稱候補同知張繼榮承審此案時將原告李玉璠堂責藩司面加呵斥伊即告病迨銷假時稟見巡撫和甯亦會斤其鍛鍊臬司亦加抱怨等語是張繼榮刑訊原告偪令誣認和甯等既知其鍛鍊即當將該員參奏親提鞫訊乃仍聽委員等始終蒙蔽竟若罔聞豈非有心袒護至飛蝗入境一事經朕節降諭旨飭令詳查而和甯止稱濟甯等州縣聞有飛蝗並不食稼封疆大吏諱災不報實屬玩視民瘼前經吏部議奏將和甯照弱職例革職實為咎所應得和甯著照部議革職藩司吳俊除已另案革職外臬司陳鍾琛職任刑名未經秉公督辦著交部嚴加議處餘著交刑部覈議具奏○戊辰增設關場副都統駐紮唐三營裁總管一

九月己卯實授顏檢直隸總督○癸酉廣東博羅縣會匪滋事命古慶勳之○甲戌定蒙古留孤養親例○丙子 上駐蹕避暑

山莊 丁丑雷尼普卒以福慶為貴州巡撫阿林保為安徽布政使調李亨特為江蘇按察使以韓對為湖南按察使

百齡仍署貴州布政使 庚辰 上自避暑山莊回鑾 諭刑部題覆安徽省民人孫登扎傷胞兄孫梅餘限外身死來銀聲請一

本見已依擬將該犯著即處絞矣向來尋常刃傷各案如在保辜正餘限外身死者止利傷罪至有關服制之案雖與尋常刃傷案

犯不同但限內限外究當示以區別嗣後遇有卑幼刃傷期親尊長如在保辜正餘限內身死者仍照舊辦理外若死在餘限之外

即照刃傷本律問擬絞決其刃傷期親尊長尊屬律應問擬絞決之犯如訊非有心干犯或係金刃誤傷及情有可憫者俱著問擬

絞候均無庸交籤聲請著刑部纂入例冊遵行 丁亥以江西水旱災撥兩淮倉穀十萬石備糶 戊子 上謁 昭西陵 孝陵

孝東陵 景陵 裕陵 再免熱河至京經過地方額賦十分之二 辛卯 上還京師 廣東博羅縣會匪平總督吉慶得旨

獎賚 丙申吳熊光奏興山縣寨勇熾繁黃號首逆唐明萬得旨嘉獎 免雲南獮匪滋擾之羅西等二十二廳州縣額賦 丁酉

諭向來內閣呈進本章凡遇禮部太常寺等衙門具題之件有關 壇 廟典禮者奏事處進呈時敬列於是日各本章之前並豫

備盥洗候朕浣手敬謹披閱至每日批覽奏摺奏事處先將外省所選奏摺呈閱後始將各部院衙門事件以次進呈此內有關繫

大祀典禮者亦一律照常呈進殊不足以彰誠敬嗣後禮部太常寺及各衙門具奏事件除封奏照常呈進外其恭遇 天 地

祖 宗大祀各項典禮儀注或奏摺及綵頭牌內有稱述 尊號之處本係露封陳奏者奏事處即應照進本之例先行呈遞敬

候披閱以昭慎重 改定四川綏定府等屬教授教諭訓導官並生童學額裁保縣教諭茂州汶水訓導

冬十月癸卯諭本日據吉慶馳奏將博羅縣結會滋事之首惡陳爛殿四擒獲凌遲正法餘匪即就肅清已明降諭旨宣示矣陳爛

殿四在博羅地方製造兵械旗幟占據山險恃為巢穴利眾多至萬餘其蓄謀已非一日且該犯之父陳士莊係捐納按察司照磨

可見家道尚屬殷裕並非迫於飢寒為結會斂錢之計竟係有心謀為不軌該地方官若能乘其甫經糾集人數未多將一二為首

之犯設法緝拏按律懲治其餘黨自必聞風解散可期立即消弭即地方官失察之咎亦不過照例參處所保全者何限乃外省積

習過有此等匪徒並不早為懲辦又或存化大為小之見豫為屬員規避處分總欲袒庇不肖州縣而刃陷無辜小民於水火鋒鏑

遂致日久因循匪黨無所畏懼四出焚掠附近村莊既遭荼毒逆蹟隨既彰勢不得不幅以兵威加之誅戮其臨陣殲戮及擒捕正

法者動輒數千可見平時之姑息養奸必致釀成巨案所傷人命轉多即以世俗陰功之說而言孰輕孰重亦不辨自明矣著傳諭

各督撫嗣後應嚴飭地方官平日務當留心化導俾無知小民皆知安分畏法如或不肖匪徒倡謀滋事或小有搶掠或造作逆

詞該州縣一有風聞即當趁其未經蠢動之初將為首者上緊緝拏立時辦竣毋任彼此勾結致啟事端即如博羅一案幸該匪等

尚未肆竄蔓延得以剋期捕獲然已殲戮多人同案抵罪者亦復不少雖頑民自作不靖而朕心良用惻然該督撫等惟當勉思撫

馭禁暴戾奸勿俾苞蘖潛滋以副朕諄諄教誡至意 丙午撥兩淮鹽運銀二十二萬兩浙江運庫銀二十八萬兩備湖北湖南軍

○辛亥禁番役子孫出仕應試○壬子勒保奏擒獲白號賊首張簡○甲寅以湖廣總督吳熊光兼署湖北提督○乙卯申崇軍營賞項入軍需報銷○勒保奏殲除白號餘匪擒獲監賊首湯思蛟得旨嘉獎○丙辰除古北口抽分歲額○丁巳德楞泰奏殲斃白號賊首戴四生擒賊目趙鑑得旨獎資○撥兩淮運庫銀二十萬兩粵海關稅銀二十萬兩備四川軍需○己未諭軍機大臣等吉慶奏博羅匪徒會鬼六句結永安匪徒數千人抗拒官兵等語會鬼六等犯是否係陳爛屨四餘黨何以甫經句結即有數千人之多此時該督已馳赴該處勦辦提督孫全謀亦已帶兵馳往又恐兵力不敷飛調江西兵二千名大覺張皇失措矣昨據書敬奏會豫備滿兵一千二百名何不即行調往乃舍近圖遠轉於相隔千餘里之贛州調兵來惠江西兵素非越健即到粵亦不能得力何吉慶一無籌畫竟至於此著傳旨申飭至因帶兵之人請簡派副將參遊都守等十員前往亦屬緩不濟急吉慶總當胸持定見不可過於張皇亦不可稍有遲延為要○辛酉賜李白玉等六十人武進士及第出身有差○壬戌諭軍機大臣等英善奏廓爾喀王吉爾巴納租塔畢噶爾瑪薩野呈進例貢另片稱風聞披揚之兵已將廓爾喀部落侵奪六處恐該國王勢窮仰仗天朝威力或奔投唐古特境內等語該國王此次遣使進貢或即為將來地步但此等蠻觸相爭竟可不必過問儻之兵相救英善等惟當請旨遵辦若情急來投斷不可遽令入境惟令其在唐古特境內暫行停頓一面迅速奏請訓示○甲子召孫日秉來京以初彭齡署雲南巡撫百齡護理貴州巡撫由署布政使護理○丙寅普福卒以恭阿拉為左都御史由部○丁卯封巴革克勒郡王恆謹為不入八分

輔國公

十一月戊辰朔德楞泰奏殲擒首逆陳侍學等得旨獎資○庚午諭吉慶辦理博羅會匪一案節次奏報種種張皇冒昧糊塗草率不勝協贊綸辱之任吉慶著革去協辦大學士仍著留兩廣總督以觀後效○諭軍機大臣等見派那彥成馳赴粵東有密查事件那彥成接奉後即迅速前往所有江西查獲之案交姜晟一人辦理又諭粵東歸善縣添弟會滋事一案先於八月二十二日吉慶奏到擊獲首夥四十餘名交出者一百九十餘名地方業已甯謐二十九日奏摺內忽稱歸善博羅共有會匪一二萬人此二摺情形互異嗣後所奏各摺如所稱東莞增城龍門等處均有匪徒繼復添入河源歸善石龍三處而潮圖禮所奏東莞等六處並無會匪及至攻克羊矢山羅溪營賊巢據稱賊匪萬餘擒斬者三千餘人其餘賊匪並未聲明竄往何處迨攻克羅浮山擊獲首逆陳爛屨四後突於十月二十一日奏到博羅匪徒會鬼六句結永安匪會清浩官粵瓏等數千人而二十七日奏摺止稱會清浩等糾夥數百人本日奏到摺內又稱會清浩率夥投出四千餘人官粵瓏賴東保兩起尙有二三千人且於會鬼六一犯並未提及所稱賴東保一起前奏未見其名種種歧異不一而足那彥成抵粵後即將指出吉慶陳奏不符之處密為查訪此案究竟因何處起釁是否吉慶濫殺激變據實直陳○莊靜固倫公主下嫁土默特貝子額駙瑪呢巴達喇○陸有仁卒調祖之望為陝西巡撫以優什布為山東巡撫陳鍾琛為山東布政使金光悌為山東按察使由內閣特○甲戌諭軍機大臣等本日烏大經奏稱竊匪經官兵屢次

痛剿後業已畏懼乞降其首逆恒乍翻逃匿江外亦不難設法弋擒並留兵二千名分派將弁沿江防堵自應布置周密何至又有渡江滋擾之事該匪等渡過之處係何江岸何人汛地著琅玕即查明參奏稟匪係邊外野夷似此反覆無常警不畏死若不大加懲創何所忌憚著琅玕等即將前此奏撤各兵截回迅速剿辦俾知畏懼至此渡江賊匪自仍恆乍翻往來向結正可乘其過江設法接擒若將該首逆擒獲餘匪望風奔潰自不難迅就肅事○丙子勒保奏生擒黃號賊首唐明萬得旨獎賚○巳卯額勒登保奏截剿川界竄匪生擒首逆葉二得旨嘉獎○壬午諭興肇等奏稱此次和圍探辦白玉二十七斤次白玉二十四斤各一塊請將回子伯克伊斯瑪伊勒愛瑪爾和卓一人賞戴花翎回子愛瑪沙等七人賞戴翎頂等語所奏殊屬非是和闐爲產玉之區該處伯克等率領回民撈採玉石每年解運至京止係任土作貢之意今興肇等因伊斯瑪伊勒等採獲白玉二塊斤數較重輒請賞給翎頂此玉有何足貴翎支頂帶爲國家名器所關該伯克及回子等如果奮勉勤能於防卡屯田一切差使辦理妥協該大臣等據實奏聞必照所請加恩用示獎勵豈得以採獲玉斤較重遂爲伊等之功濫行懇請乎朕數年以來節經降旨停止中外臣工貢獻凡金玉珠寶等物槩不准呈進前葉爾羌採得數百斤成塊大玉業已運送起程曾降旨即於所至地方截留棄置興肇等甯不知之况此區區數十斤之玉塊又何足爲貴乎朕所寶者惟在時和年豐民安物阜一切耳目玩好之物素性實所鄙棄若如興肇等所奏獲一玉塊卽錫以翎頂之榮則伯克回子等勢必爭相慕效專以撈採大玉希冀邀榮而外間無識之徒或因此妄生揣摩此則甚有關繫興肇額勒金布均著傳旨嚴行申飭其所請賞給翎頂之伊斯瑪伊勒等俱不准賞給並著曉諭各伯克回子等嗣後惟當實力當差如有出力之處該大臣等奏聞時必當加恩賞賚至此該回子因未得大玉誦經祈求此語如果屬實更覺無謂豈探得大玉卽爲伊等報效乎所有見獲大玉二塊如可趁例貢之便送京方准其附帶若沿途運送稍有不便卽擲於該處不必呈進將此通諭知之○甲申 上臨莊敬和碩公主第○丙戌額勒登保奏追剿黃藍綠等號賊匪生擒首逆景英等得旨獎賚晉封三等侯擢乾清門侍衛穆克登布爲御前侍衛賞騎都尉世職○己丑諭惠齡奏連日督率官兵技捕零匪節有斬獲一摺昨因惠齡督剿南山餘匪並不實力趕辦當降旨嚴行申飭本日奏到摺內又僅稱楊芳李應貴等帶兵分投追捕殺賊均屬無幾餘匪仍復潛匿山內總不能一律搜剿淨盡似此因循怠玩陝境山內勦贖零匪何日始能肅清耶惠齡係陝甘總督所有南山餘匪乃專交伊接手督辦詎自經略離陝以後節次奏報之摺止稱殲擒賊匪或三五人或一二十人任聽零星散匪肆行逃竄該督毫無布置惟以嚴催並不勝焦急等語鋪敘寒責看來惠齡竟不肯實心任事惟據將領等稟報入奏不但不能親履行陣並不能調度合宜仍係伊從前在軍營蒼滑伎倆實屬有負委任惠齡著拔去花翎降爲二品頂帶暫留陝甘總督之任以觀後效○庚寅諭吉慶辦理博羅會匪一事節次奏報張皇冒昧草率糊塗前已降旨革退協辦大學士本日奏報永安全境平甯一摺聲敘仍不明晰據稱勦獲賊匪甚多並未奏明人數投首匪眾亦無名姓供辭卽所稱妥爲安插之處亦未將如何辦理緣由詳悉具奏但云博羅

匪徒勤戮居多投首較少永安匪徒投首居多不得不慮其反側俱應留兵防範等語博羅永安二處地方如果甯謐何以復需多撥兵丁防守是所稱辦理完竣之處竟係顛預結局吉慶於此事先既失之濫殺繼又失之疏縱伊摺內情形已大略可見封疆大吏平日不能先事豫防致有匪徒滋事本有應得之咎即使辦理妥善功過僅足相抵今吉慶既已失察於前又復錯謬於後豈可復膺總督之任吉慶著即解任革去雙眼花翎暫留頂帶交與瑚圖禮那彥成會同審訊所有兩廣總督員缺著長麟補授加恩賞戴花翎卽馳驛前往長麟未到任以前兩廣總督印務著瑚圖禮暫行署理廣東巡撫印務著那彥成暫行署理俟長麟到粵後瑚圖禮仍回巡撫本任那彥成卽來京供職○諭嘉慶三年江西義甯州逆匪劉聯登等聚眾滋事一案會據張誠基奏稱親自帶兵打仗勦滅完竣當將張誠基賞戴花翎卽風聞此事奏報不實但未得確據本年十月內步軍統領衙門奏原任江西建昌縣知縣劉光暹子控告張誠基昌功邀恩等情一案當經降旨派令侍郎姜晟前往審辦茲據姜晟奏到查審大槩情形一摺訊問張誠基據稱此事原奏實有粉飾數年來疚心未釋當日實因地地方有反叛之事雖經辦竣恐干重罪是以將八月初二日按捕完竣作為伊帶兵打仗全竣之日其實並未親自臨陣等語並將張誠基繕具親供呈覽是張誠基於義甯州勦辦逆匪一案其捏飾具報之虛業據自行供認張誠基以巡撫大員於地方逆匪滋事之案平日不留心查察及破案之後尚不將辦理情形據實陳奏又復粉飾情節今據供稱希冀輕減罪責試思失察逆匪之罪較之捏飾具奏之罪孰重孰輕耶張誠基著革職解京交軍機大臣會同刑部審擬治罪奏承恩著加恩以三品頂帶補授江西巡撫秦承恩未到之先著姜晟暫行署理○以吏部尚書琳爾協辦大學士加太子少保○以永慶為禮部尚書由都統○初彭齡以母老命來京命永保以三品頂帶為雲南巡撫○辛卯以長麟母老命留京授都統以瑚圖禮署兩廣總督鐵保為廣東巡撫吉綸為漕運總督明德為工部右侍郎由大員內擢○壬辰命 陵寢及盛京官員凡降革留任仍支食原品俸○劉斌因病解任調清安奉為浙江布政使以恩長為廣西布政使珠隆阿為安徽按察使由道員○丁酉諭大學士保箴等議奏善辦外省祀祀從祀陣亡官員兵丁請嗣後凡應入祀昭忠祠者文職三品以上武職二品以上以及八旗官員兵丁仍於京師入祠致祭其四品以下文職三品以下武職及兵丁鄉勇等歸於原籍致祭恐鄉愚等不諳例義妄數較多之處或百人或數十人合一牌位鐫刻名姓一摺官兵等效力疆場捐軀殉節國家報祀之典原以風勵臣民俾知親戚所有在各該原籍地方擇地致祭之處若僅將四品以下文職三品以下武職及兵丁鄉勇等歸於原籍致祭恐鄉愚等不諳例義妄請同一陣亡而微末弁員尚逸入祀其官階較崇者轉不獲與未免滋疑國家辦理章程焉能一一家喻戶曉朕意各省文職三品以上武職二品以上各大員除照大學士等所議在於京師入祠致祭外其原籍地方仍著一體設位致祭不特忠魂成依故土亦使其鄉里親屬共見共聞益知國家誼美恩明倍生激勸至牌位鐫刻名姓若不酌定人數則辦理分歧亦於體制未協嗣後著以五十人合一牌位設龕致祭以昭畫一此係國家酬庸懋典各該省惟應實力經理迅速奉行不得稍存延閣該督撫於奉到諭旨

後著即照見定章妥爲籌辦將省城及各外府如何辦理之處每一處辨竣即先行詳報造冊陸續報部查覈仍俟該省統行辨竣後具摺奏聞備地方官吏視爲具文情延緩或辦理未能妥協著該督撫查明參辦如該督撫籌辦不力任聽屬員等託故稽遲亦著該部據實參奏將此通諭各省知之○諭據禮部奏昭忠祠入祀諸臣內原任貴州巡撫曹申吉曾經從逆應請撤毀等語曹申吉當吳逆背叛時從賊不知所終從前考查未確以致濫膺祀典實屬舛誤曹申吉著即撤出昭忠祠將牌座銷毀并行文山東巡撫將該省志書內曹申吉本傳削除以昭覈實

十二月戊戌朔安徽宿州賊匪滋事費浩等勦平之○庚子諭明年正月初六日孟春時享 太廟遣官致祭自初三日始齋戒三日是日因恭值 皇考高宗純皇帝忌辰前已令軍機大臣會同禮部將朕所御服色悉心酌議旋據慶桂等奏稱是日究在齋戒

期內懇請御藍袍青褂其陪祀及執事之王公大臣官員穿貂褂紅青褂挂朝珠其無執事及不陪祀之王公大臣官員俱穿紅青褂不挂朝珠所議固是但思孟春時享係遣員恭代行禮與親詣行禮者不同所謂吾不與祭如不祭祭端處宮中若竟御藍袍於

心究有未安來年正月初三日朕仍御青袍褂用展慕思其有執事及無執事之王公大臣等應用服色均著照前議行○辛亥湖廣總督吳熊光奏拳獲在逃首逆崔宗和得旨嘉獎○癸丑論本日申刻據額勒登保德穆泰勒保惠齡吳熊光等聯銜遞到六百

里加緊奏報川陝楚勦捕逆匪大功戡定一摺朕與天下臣民同深欣慰邪教之始由奸民假燒香治病爲名惑眾斂錢無知愚民被其煽誘黨與既多脅從愈眾起於湖北宜都當陽繼且闖入豫省由陝入川蔓延三省蹂躪地方無限生靈遭其荼毒不得不盡

力勦辦以靖兇殘溯自嘉慶元年受璽之初卽值辦理軍務朕仰荷 皇考高宗純皇帝付畀之重兢惕實深幸蒙 睿謨指示兩

年之間疊次殲擒起事首逆多名迨至三年 皇考聖壽益高秋冬之間 聖體違和每遇軍報到時猶復 親授機宜率率不倦

而朕日侍 左右仰見 皇考精神漸減侍奉湯藥寢食靡甯心志昏迷是以區畫未能周備以致勦捕事機稍形疏懈猶蒙 皇

考隨時訓迪迨爾留前一日仍以 望捷成什追維 在天未竟之志五中悲感益懷仔肩四年正月初三日愴遭 皇考大故飲

泣椎心哀痛弗釋軍書旁午更不能謀慮周詳直至奉安 山陵禮成始得專心軍務申明軍紀激勵將士責以成功數年來斬獲

著名首逆不下百餘人積惡頭目亦有數百名悔罪投出者數萬餘人茲幸三省餘匪一律殄除著定大功飛章奏捷從此海寓救

甯昇平永慶仰賴 吳蒼眷佑 祖 考垂慈威慰之餘肅深欽惕此事係勦捕內地亂民雖非平定外域拓土開疆可比然辦理

已及七載領兵大臣等沐雨櫛風馳驅險阻艱苦備嘗以及徵兵轉饗團勇安寨之各督撫等並在廷參與機謀趨承密勿之王大

臣等均能各殫心力用戴鉅功允宜普沛恩施綸庸懋賞成親王於四年在軍機處行走幾及一載贊襄機務一切勦捕機宜深資

學畫今大功告竣自應嘉獎公勤王已列親藩著施恩加賞一員勒令其子絲歡受封儀親王雖未在軍機處行走但自元年以後

軍報絡繹之時王見朕憂勤每申誠悃時進嘉謨茲當喜報進來同深歡慶著施恩加封一員子絲志受封慶郡王永璘定

一

一

一

一

一

親王繇恩前在書房時咸念切軍務盼捷維般永璘近來亦醇謹自持深可嘉慰繇恩在御前大臣上行走夙夜勤慎當此奏績慶成之際亦應一體加恩著再將永璘之子繇慈繇恩之子奕紹俱封入八分公以昭恩渥額勒登保總統師于公忠懋著謀勇兼優前此平定苗匪時即經賞給侯爵嗣因勦辦邪匪遲延暫予降黜自膺經略重任運籌決勝悉中機宜躬親行陣與士卒同勞苦用能屢獲渠魁掃除苞蘘業經節次加恩晉封三等侯爵茲三省全奏底平厥功殊偉額勒登保著晉封一等侯世襲罔替並授爲御前大臣加太子太保銜賞用紫纁以彰殊錫德楞額泰前於平定苗匪時亦曾賞給子爵自授爲參贊後督率將士奮勇超倫所向克捷前後殲賊最多勦績炳然節經封至三等侯爵著加恩晉封一等侯加太子太保銜賞用紫纁伊子蘇冲阿並賞給副都統職銜即著齎送賞件前赴軍營看視額勒登保及伊父德楞額泰用示眷念勒保從前辦理神苗擒渠堵穴一人之功曾經賞封侯爵至今苗民安輯嗣命赴川省總統軍務奏報生擒賊首王三槐晉封公爵旋廉知王三槐本欲自行投出其事尚涉疑似後授爲經略大臣辦賊遲延降旨逮問復念其於川省地方情形熟悉仍令赴川帶兵升總督勒保自復任以來倍加奮勉督兵連獲首逆協同德楞泰將川省全境廓清已加封一等男爵見當大功載定覈其功過雖不能復還原爵亦當加以褒封著加恩晉爲一等伯並加太子少保銜明亮爲多年宿將前此在金川帶兵立功甚著迨教匪滋事後派令統兵勦辦會將湖北孝感賊匪悉數殲除辦理最妥茲因在陝辦理逆匪遲延罷其世職又因南山賊匪未能迅速殄除降旨逮問念其久歷戎行仍畀以勦捕之寄伊自復用後亦尙能勉立功惟因年老不能衝鋒接仗諭令回京淳揮都統茲功竣載念前勞著加恩賞封一等男西安將軍賽冲阿固原提督楊遇春自隨征以來在諸將領中勇略尤著節次殲擒首夥各逆爲數較多伊二人俱經賞給騎都尉世職著加賞輕軍都尉世職顯齡由湖北巡撫任內勦賊旋接辦總統軍務疊獲首逆張正謨等歷升尙書都統並給與宮銜及輕軍都尉世職嗣守制回京因聞其在軍營亦有延誤之處且賊匪由陝竄川憲齡不能遏截曾經降黜示懲此次在陝甘總督任內勦辦南山餘匪辦理遲延復革去花翎降爲二品頂帶今大功底定念其從前著有微勞惠齡著加恩賞還頭品頂帶花翎吳熊光自簡任湖廣總督以來於一切糧運圍堡事宜實心經理著加恩賞給太子少保銜仍交部從優議敘美晨前在湖北辦理軍糈並無貽誤嗣因在直隸總督任內報災延緩罷斥治罪念其尙無大過見以四品頂帶擢任侍郎著加恩賞給二品頂帶俸俸布前在湖廣總督任內亦曾帶兵勦賊賞給雲騎尉世職嗣因辦餉藉違被劾遽問訊明尙非有心貽誤其平日居官聲名尙好復行錄用以三品頂帶補授巡撫茲著加恩賞給二品頂帶福甯前在楚境勦辦賊匪會加賞宮銜因在軍營節次獲罪罷職遣戍旋經釋宥以待衛前往西藏辦事茲著加恩賞給副都統職銜英善前以侍郎署四川總督亦有勞績嗣稟事錫秩命在西藏辦事亦著加恩賞給頭等侍衛溫承惠楊洪文需劉芹或帶兵堵剿或籌辦軍儲勤勞數載均著加恩交部議敘至軍機處行走之大學士慶桂董誥尙書載銜亨均經 皇考簡任綸扉克盡忠忱知無不言言無不盡自用兵以來承旨書諭勤慎小心朕敬推 皇考之恩慶桂董誥著賞給騎都尉世職



衛亨著加太子少保銜仍賞給雲騎尉世職尚書劉權之德瑛雖在軍機處行走未久其素日陳奏亦時有所見協辦大學士朱珪尚書彭元瑞雖未入直樞廷亦能留心軍務每有敷陳均著加恩交部議敘大理寺少卿章煦在軍機章京上行走年久辦理軍務始終其事著加恩交部從優議敘宜蘇前在軍營督勦河汝河等處賊匪尚屬認真後因總統軍務安坐大成寨任賊匪往來奔竄革職發往伊犁念其年老釋放回京伊究曾出力亦著加恩以六部員外郎用景交前任河南巡撫不能著勦賊匪致令延及川陝其罪甚重業經問擬重辟念其平日居官廉潔從寬監禁茲軍務告蒞著加恩釋放伊係本身獲罪非若充顏孔拉芬因伊父魁倫發遣者可比著發往熱河充當披甲以示朕覃敷惠闡嘉賞成功至意通諭中外咸使聞知○諭原任兩廣總督吉慶平日居官操守廉潔辦理地方公事尚無貽誤前因查辦歸善博羅永安等縣添弟會匪一事節次奏摺俱係寥寥數語聲敘總不明晰其前後自相矛盾之處甚多朕恐其有濫殺激變及有心疏縱情事諭令那彥成於江西審案之後就近赴粵查訊復因永安首匪曾清浩等三犯投出後吉慶不行定擬輒奏請安插辦理謬誤特將伊革去協辦大學士拔去雙眼花翎並解兩廣總督之任旋據瑚圖禮奏稱吉慶自戕身故更堪駭異恐其中或有別情茲據那彥成查奏歸善博羅會匪實係叛逆吉慶帶兵攻勦殲厥渠魁餘黨瓦解地方遂得平靜吉慶辦理此案並非濫殺激變惟會清浩等止各帶百餘人投首而吉慶則奏稱會清浩率夥投出四千餘人官粵龍賴東保率夥投出一千餘人其官兵攻勦天字嶂賊匪一節並無其事吉慶率聽員弁稟報虛詞遠爾人奏並將永安投首賊目與子甯釋加以賞賚以致民心不服紛紛控訴吉慶慚畏交加因病後糊塗自尋短見等語吉慶辦理疏縱種種錯誤之慮固有應得之咎設會清浩等三犯竟已釋放則獲罪甚重今據那彥成奏稱首犯會清浩官粵龍賴東保三人俱在監禁見經審明正法是吉慶之罪斷不至於死且吉慶平日素有廉名即此次獲咎亦不過革職或發往新疆效力將來尚可用為巡撫何至遽爾輕生况身為封疆大臣即罪在不赦亦當靜以待命豈得私行自盡效四夫溝瀆之為是其自戕一節即吉慶之罪實無足惜豈尚可復邀恩卹至吉慶辦理疏縱之處既經那彥成查明委無別項情事亦不必再行追論著那彥成傳知伊家屬扶柩回旗並將吉慶前後獲罪及身故原由通諭知之○甲寅諭固倫和孝公主素為 皇考鍾愛下嫁固倫額駙豐紳殷德其品秩原與貝子相等嗣因伊父和坤身獲重譴是以將豐紳殷德一併革職旋經朕格外加恩授以散秩大臣今當大功戡定恩逮親藩因念固倫和孝公主亦應一體錫予恩施著將豐紳殷德賞給民公品級仍在散秩大臣上行走俾公主同深歡感以示朕篤念推 恩之至意○丙辰諭安南國為南徼藩服前此黎維祁與阮光平捕兵先經率屬內投繼復棄國潛遁 皇考高宗純皇帝以黎維祁異懦無能不能自振 天厭黎氏不宜復加扶植惟念其流離失所將黎維祁送京入旗投職養贖其時阮光平修表敬關領求內附請親詣闕廷祝 釐瞻覲 皇考高宗純皇帝鑒其誠悃 錫之赦甲封阮光平為安南國王阮光平受封之後時修職貢終其身祇承 恩眷及子阮光纘嗣封比年來閩粵洋面屢有劫盜經疆吏訪聞入告該國竟有潛通窩納之事朕以誠信懷柔遠人尚謂事涉疑似止

令飭知該國一體查緝旋據阮光縉自陳惶悚聖無實不知情本年八月吉慶奏到農耐國長阮福映遣使齎進表貢縛送盜犯莫觀秩等三名係內地奸民經安南招往授以偽職並給與印札行劫內洋審訊明確已伏厥辜是阮光縉參奏賊盜通同劫掠負恩背叛情迹顯然實為王章所不宥設阮光縉此時尚膺封土必應聲罪致討以懲兇詐乃伊國連年與農耐戰攻上年阮福映取富春時阮光縉輒將天朝所頒敕印遺棄潛逃其罪更無可追阮光縉不念 皇考高宗純皇帝覆幬深恩又不能繼伊父之志於臣為不忠於子為不孝今已自取滅亡益見傾覆之理昭然不爽 阮福映能為天朝緝捕逃縛獻獻請旨定奪並將安南舊領敕印遣使呈繳深為恭順茲表陳擄兵顛末本係為伊先世復讐雖得其國土不敢擅專度遣陪價納貢請封除將表文請賜建國名號之處交大學士會同六部尚書議奏外所有安南阮光縉獲罪覆滅及阮福映恭順出力緣由先行通諭中外知之○丁巳諭御史朱紱奏請寬地方官去思碑例禁一摺所見甚屬非是守令職司民牧分應廉潔自矢擬字為懷果有善政及民自必口碑載道聞久流傳原不假區區製衣勒碑粉飾虛聲 世宗憲皇帝 高宗純皇帝屢申飭禁意在崇實黜浮使人皆盡心實政若如該御史所奏專以外飾之繁文驗在官之賢否如從前甘省即有抑勒部民製造衣繳之事亦豈盡足憑耶總之地方官惟在悃愾無華實至者名自歸上年直隸省知縣朱杰錢桂因盡心賑務惠迷閭閻及緣事去官百姓等愛戴懇留奏聞後均經格外加恩朕亦何嘗不以輿論之公獎循良之績但不必特寬例禁致開沽名飾譽之端且各省從前去思德政等碑俱經仆毀又豈有復行建立之理朱紱不曉事體著飭行○諭軍機大臣等昨據孫玉庭奏進阮福映請封表文朕詳加披閱所請以南越二字錫封一節斷不可行南越之名所包甚廣考之前史今廣東廣西地界亦在其內阮福映邊徼小夷此時即全有安南亦不過交趾故地何得遽稱南越安知非欲夸示外夷故請易國號先為嘗試自應加以駁斥已令軍機處代擬檄諭一道並原表交孫玉庭發回看其接奉之後如何稟覆候旨酌辦至阮福映求封南越顯有恃功要請情事恐其心存巨測所有廣東廣西一帶海道邊關俱著密飭地方官留心防備不可稍涉懈弛○戊午以巴爾阿為盛京工部侍郎由總管內務府大臣選○辛酉諭據初彭齡奏滇省辦理維西軍務動用司庫銀兩布政使陳孝昇迤西道薩榮安交通同弊混並提存關稅私支養廉及管理關廠縱橫行各款必須徹底根究陳孝昇薩榮安俱著解任開缺著派兵部侍郎那彥寶大理寺少卿章煦馳驛前往查辦那彥寶即著署理雲南巡撫印務初彭齡著俟那彥寶到後即行來京供職○調百齡為雲南布政使以公崧為貴州布政使齊布森為廣西按察使由山西調○是歲朝鮮來貢○曾計天下民穀數各省通共大小男婦二萬九千九百七十四萬九千七百七十名口各省通共存倉水穀三千一百一十八萬四千五十二石一升一合六勺

嘉慶東華錄十五  
嘉慶八年癸亥春正月庚午以瑚圖禮仍為廣東巡撫倭什布為兩廣總督調鐵保為山東巡撫由廣○丁丑諭前因姜晟奏到查

審張誠基於剿辦義甯州滋事匪徒一案實未親身督戰係屬飾詞陳奏當經降旨將張誠基革職解京交軍機大臣會同刑部審訊拾罪本日張誠基解到據軍機大臣會同刑部堂官審訊張誠基俯首認罪無可置辯經軍機大臣等照依合奏公事有規避增減緊關情節朦朧奏准施行律擬斬監候固屬按律辦理但閱其情節張誠基聞知該州匪徒滋事之信在省派撥官兵分投堵剿尙非漫無調度特因到彼已遲未得親身督戰而匪徒先經兵勇殲盡彼時如果據實陳奏不但不加之罪尙當量予加恩交部議敘乃張誠基輒於地方有反叛重案已干失察之咎又恐未經親辦獲戾滋重遂將搜捕全完之日作為帶兵打仗之期捏詞飾奏希圖獲功卸過其罪實在於此事與伊桑阿相似而實不同伊桑阿簡任貴州巡撫時因有應賠官項會面奏請將俸廉全數扣繳朕尙念及若將俸廉全扣恐辦公必有不敷加恩止令扣繳一半冀其保全操守詎伊到任後即以賠項為名令各府幫貼銀兩又令屬員修造署屋並不給發價值貪贖營私聲名狼藉而於奏報攻克石峴苗匪一案據稱由銅仁趕赴前敵傳諭各將弁四面兜圍並稱親見山梁有執旗指揮苗目伊即傳令帶兵各員向執旗之人指定放槍立時殲斃等語真似身在行間歷歷如繪詎知伊竟安坐銅仁並未親身前往公然以毫無影響之事捏造虛詞冒功誑奏其罪較重彼時琅玕等審辦亦將伊桑阿問擬斬候朕不待部議特降旨改為絞決今張誠基尙無貪劣款蹟即奏報辦理義甯州匪徒一案因恐遲到獲罪希圖掩飾而於聲敘勦賊情節尙非全屬子虛且伊究已親身前往於軍務並無貽誤亦未有捏冒錢糧等弊尙可稍從末減張誠基著從寬改為絞監候交刑部監禁餘著照議完結朕辦理庶獄於罪名輕重悉視其人之自取此案張誠基與伊桑阿情罪本殊是以辦理不同並非嚴待滿洲而寬於漢員也將此通諭知之○命伊犁廣開屯田其無耕牛者官給之○壬午諭慶桂等奏懇請刊刻御製詩初集頒示中外一摺朕萬幾餘暇偶事摘毫本不欲與文士逞藻矜奇傳播藝苑但自元年受璽日侍 皇考訓政凡釐綱剔紀決勝籌幾諸大端無不宣承 指示見諸施行往往紀以吟詠逾四年後夙夜孜孜亦惟以軍務民生雨暘水旱為念篇章所積大率紀捷勤民之什居十之八九其泛覽留題者絕少朕素不喜風雲月露之詞亦不欲以此擅場敬思 皇考高宗純皇帝學集大成 奎章富有每十二年為一集編至五集尙有餘集實古來詩人所未有朕游藝篤章曷敢上同 聖製意欲以八年為一集今既據內廷臣工合詞奏懇頒刊著照所請交慶桂等將元年至八年御製詩編為初集繕校刊刻○乙酉子五城老病貧民棉衣○己丑諭王汝璧奏鳳陽府同知長慶因母老呈請回旗賞當京差一摺所奏非是長慶係長秀長麟胞弟上年長麟簡放兩廣總督時因伊母年老雖有伊兄長秀在京侍奉而長麟為伊母素所鍾愛亦未敢在朕前懇辭外任朕察其母子依戀情切特加恩留京供職已可遂其烏哺之私今長慶又以接到家信知伊母近來精神衰邁伊心懸兩地寢食不安呈請回旗自因見有將長麟留京待母諷旨故為此請實非出於至誠不過沽名取巧長慶如果真心戀母於從前補放同知計伊母業已年逾八旬彼時長麟又不在京即不應遠離赴任何待今日始行呈請回旗耶終養所以教孝但定例家有次丁即有老親年逾八十

者並未嘗勒令罷行終養設一家多至弟兄七八人者俱在外出仕紛紛以親老同時告歸殊非國家用人之道且或因缺分平常藉詞飾請亦恐開規避之漸所有長慶呈請回旗當差之處著不准行○甲午 上御經筵○乙未以琉球國貢船漂沒詔免補進上貢

二月壬寅欽差內閣學士那彥成等奏政克廣東鐵籠賊巢生擒首逆黃亞程等得旨嘉獎以那彥成署吏部侍郎○癸卯賞故大學士蔡新子本份舉人○乙巳諭大學士會同禮部議駁給事中永祚奏請伊犁地方設學一摺所駁甚是伊犁地處極邊多係索倫錫伯察哈爾厄魯特游牧之地迥非烏魯木齊建立府廳州縣設有學額者可比該處毗連外域自當以嫻習武備為重若令其誦讀漢文勢必荒疏技勇風氣日趨於弱於邊防大有關礙且屯田民戶及流寓商賈來去無常亦未必盡能讀書識字儻伊犁地方增設學額則吉林黑龍江等處煙戶繁稠不更當奏請設學額乎此事如係漢員陳奏或向云未能深悉邊地情形永祚身係滿洲乃以斷不可行之事摭拾陳請太屬不曉事體矣至該給事中摺內稱派官犯生監充當教習及效力贖罪之科甲出身廢員充當主試必係見在伊犁官犯中有伊親友在內故有此沽名取巧之奏希冀為伊等邀恩地步耳永祚著傳旨申飭○辛亥免四川屢被教匪滋擾之太平等九廳州縣額賦並緩徵雲陽等十六廳州縣太平等五廳縣賦稅○己未 上啟鑾謁 東陵○免經過地方額賦十分之三○甲子 上謂 昭西陵 孝陵 孝東陵 景陵 裕陵回鑾○額勒登保奏披捕通江縣餘匪殲首犯姚欣生擒陳大海得旨獎賞

閏二月丁卯以戴均元為工部右侍郎王汝璧為內閣學士阿林保為安徽巡撫調邵洪為安徽布政使以廣厚為江西布政使由都統○癸酉以請轎校尉急脫肩革豐紳濟倫掌鑾儀衛事兵部尚書以長麟為兵部尚書由都統○額勒登保奏生擒首逆宋應伏殲盡餘黨○丙子以江西上年歉收命減價平糶○戊寅 上還京師○癸未諭本日在萬壽山玉蘭堂用膳辦事正值召見大臣時見有太監自西邊直至宮門猝然退避又有園戶自東而西徑行走過均屬不合朕召見大臣處所該管大臣及本處總管大監理應先時派人查管以昭肅肅豈有任聽閒人往來行走之理所有管理三山事務之縑布額勒布著傳旨申飭再朕此次謁陵往還計已二旬回蹕又越六七日總未見內務府衙門有陳奏事件及引見官員之事該衙門所管事務較繁豈市月以來竟屬一無所事昨召見縑布明德朕即微示其意據奏見有應行引見之員尚未揀選是以未經帶領等語試思該衙門司員不過照常揀選有何難辦致虛時日顯係因豐紳濟倫見為內務府大臣列名居首刻下告病在家該大臣等輒臺相觀望此又如從前和坤總理部務時諸事專擅遇伊偶有告假等事各大臣即將應辦事件稽延等候最為惡習內務府大臣同係總管體制相持若因列名居首之人請假眾人即置公事於不辦此風斷不可長所有該總管內務府大臣等俱不免為積習所染實屬卑鄙均傳旨申飭除將該衙門應行陳奏等事速行辦理外並將此通諭知之○乙酉子告大學士王杰陛辭 上以 高宗純皇帝御前陳設玉鳩

杖並 親書御製詩章聯句賜之仍加賞人漢一斤給餉賜錢命馳驛回籍經過地方二十里內官員護行○定親王蘇恩等率獲  
潛匿禁門逞克拒捕之逆犯陳德 上命大學士軍機大臣會同九卿科道等嚴鞫○以擊獲陳德實定親王蘇恩固倫額駙喀爾  
喀親王拉旺多爾濟御用補褂封蘇恩子奕紹貝子拉旺多爾濟子巴彥濟爾噶勒輔國公賞乾清門侍衛喀喇沁公丹巴多爾濟  
貝勒在御前行走御前侍衛扎克塔爾世襲三等男珠爾杭阿桑吉斯塔爾世襲騎都尉○以廢弛門禁革阿哈保護軍統領副都  
統仍留世職賞副都統銜在乾清門行走革蘇沖阿副都統銜作為頭等侍衛餘降罰有差○丙戌德楞額奏剿捕四川老鴉寨竄  
匪得旨嘉獎下部議敘賞還其子蘇沖阿副都統銜○丁亥 上親耕藉田○己丑諭二十日進宮齋戒將入順貞門突有一人趨  
出彼時朕乘轎已入宮門實未見其面貌差內監詢御前大臣方知其兇悍拒捕情狀因命軍機大臣會同刑部嚴審竟日所供情  
節出乎情理之外次日又添派滿漢大學士六部尚書會審所供矢口不移又命九卿科道一同會審仍如前供在諸臣見此等逆  
犯義憤自不容已必欲窮究主使何人同謀何人有無黨與反復究詰悉心訊問忠君為國之忱必應如是盡心窮詰並非鍛鍊周  
內也然朕為天下共主以誠心御下毫無猜忌此中外所共知共見者八年以來雖無仁政及民然亦不敢妄行誅戮既不妄殺有  
何仇怨舉朝臣工皆朕之兄弟子姪至親骨肉朕又何忍令兇犯批扯沉實無疑忌之人乎總之天下之人何所不有譬如獠犬噬  
人原無主使鴟梟食母豈有同謀若一味刑求反肆狂吠所言之人如何存活即不究問終是疑團所損者大矣朕所慚懼者風化  
不行必有失德始有此做子之事當謹身修德勤政愛民自省己咎耳所有此案兇犯陳德並伊二子即行公同按律定擬具奏候  
旨施行其餘即行省釋不可累及無辜但二十日捕犯兇犯之時定親王蘇恩首先奮力推卻衣被浮傷固倫額駙親王拉旺多爾  
濟御前侍衛丹巴多爾濟珠爾杭阿扎克塔爾桑吉斯塔爾同擒逆犯即時就縛丹巴多爾濟身被三傷實堪嘉尚是以超封貝勒  
蘇恩等俱分別加恩突然御前侍衛及各項人等彼時不下百餘人而奮不顧身擒捕兇犯者止此六人在 蘇恩拉旺多爾濟等六  
人受恩固厚然百餘袖手旁觀之人竟無一受恩厚者乎蘇恩係朕之姪拉旺多爾濟係朕之額駙固應休戚相關朕懷深慰然百  
餘袖手旁觀者豈無朕之至親豈非世受國恩之臣僕乎見此等事向如此漠不關心安望其平日盡心國事耶朕之所深懼者在  
此而不在彼諸臣具有天良自問於心能無愧乎特書此諭中外知之○逆犯陳德及其子祿兒對兒伏法○庚寅德楞額奏投捕  
竄匪職簪首逆曾之秀○那彥成等奏獲會匪首逆溫亞利永安全境肅清○王辰諭本日周興岱奏因大考屆期陳明年老有  
疾懇請休致一摺所奏非是周興岱學問本屬平常從前在編修任內大考時即曾列四等茲又隔十餘年自更形荒落上年伊由  
侍郎典試江西獲咎經部議以革職朕特加恩用為翰林院侍讀學士此次大考周興岱本應與試若隨眾較藝即使考列下等或  
尚可酌量施恩今一闈大考之信輒冒昧奏懇乞休據稱去冬病目數旬眼力昏花今春又復重感風邪尚未痊愈如果屬實即應  
早為請假乞休何待聞知大考始行奏懇耶設此時尚無大考之信伊自必視顏戀棧濫廁清班尤屬有心取巧且伊雖曾在人員

見已降補讀學即有所陳請亦應於學院前具呈代奏乃自行摺奏亦屬越分周與俗懇請休致既稱老病不能應考即著勒令休致○癸巳德楊奏奏嚴斃首逆劉渣等語

三月丙申 御試翰林詹事等官擢陳嵩慶等三員為一等餘升黜留任有差○戊戌論秦承恩奏請將江西省帶徵漕糧分別起

運酌留以省造辦剝船經費一摺斷不可行據稱江西省上年緩征漕米今秋帶征完納之後漕船不能同時並運若造辦剝船又

滋糜費查該省見在常平倉穀多有缺額請將帶征漕米賞留一半以省採買仍將採買價銀解京收買旗丁餘米等語各省應徵

漕米為天庾正供每年徵收完納之後皆應全數運通即使倉貯十分豐裕亦當源源輸運以資儲備近年間有因地方水旱災履

及軍需緊要曾經降旨截漕非可引為常例豈有因常平缺額輒將太倉之粟任意截留彌補之理若有漕省分相率效尤成何事

體至所云新舊兩漕不能並運試思該省緩徵漕米非止一次向來帶征全完之後各幫船如何帶運赴通豈無舊定章程可以遵

辦其各省旗丁兌贖餘米向准在通糶買原所以恤丁惠民若如秦承恩所奏將該省常平糶價等銀解交直隸總督在通收買則

餘米盡數歸倉於京師市價民食豈不更有妨礙所奏實屬非是秦承恩係朕棄瑕錄用之人地方公事尤應實心經理乃於運京

漕米並不籌辦妥協欲借以彌補倉厥殊為取巧秦承恩者傳旨申飭所有此項米石應如何帶運之處著交戶部妥議具奏尋奏

江西省嘉慶七年分緩徵漕米請分作兩年帶徵酌運除先儘額設漕船酌量均勻派搭外其餘贖米石照向例令旗丁雇船足運

從之○甲辰諭軍機大臣等本日據額勒登保奏通籌三省大局一摺閱之實深煩悶益增焦慮據稱設營築城實可制賊奔逃試

思見在零星散竄之賊皆不過在深山老林潛匿冀延殘喘即從前大股賊匪亦未敢撲犯城池占據寨壩此時即使擇要興築

設兵駐守賊匪知有兵防早經繞道遠避官兵安能制其死命况寨壩百姓各處散布遇有零星匪黨至尚可擒拏若如額勒登保所

奏城營修整即可將附近寨壩百姓遷徙入城是直將民田廬舍委之賊匪而賊蹤所至無人抵禦更得來往自如乃轉稱賊匪不

敢由彼奔突乎至所稱興築工程更可以工代賑一節無論久經從賊習慣搶掠者斷不肯勤苦工作圖趁口食即使果有窮蹙潰

敗暫思備趁之賊而有工時為民無工時即可為賊至如摺內稱各處裁撤鄉勇送回本籍後不能謀生見仍有隨營覓食充當

夫役之人若以工代賑兼可以養遊民設將來工程完竣亦難保遊民不仍散為賊額勒登保又將如何安置乎又據稱統計川陝

兩省城營各工約需銀四十萬兩如蒙恩給發督撫及時趕辦額勒登保並可就近查覈督催等語尤為紕繆額勒登保總統師干

自應以敢暴安民為己任乃不思辦賊轉欲監工豈經略重任僅在監督工程抑伊專辦工程又另派人前往代辦經略之任乎七

年以來所奏之摺從無似此次不遑事體之至且據摺內稱陝省兵勇共有三萬餘人川楚尚不止此統計零匪不過千四五百人

是各路兵力較賊數多至數十餘倍何難迅掃餘氛力圖肅清昨經疊降諭旨令伊於多秋前將餘匪一律肅清乃摺內稱秋間定

可觀成其意直欲遲至秋間始能淨盡豈此數月內額勒登保竟任零星東奔西竄唯以督工為亟耶有來額勒登保竟不盡心辦

賊殊負委任不應全行黜革姑念八載勤勞向著勳績著暫留任以觀後效先行革去御前大臣並紫綬仍授御前侍衛傳旨嚴行申飭額勒登保於漢文素非通曉摺內以工代賑諸語斷不能解此必係三省督撫及不肖地方官因軍需不能報銷希圖借此延緩額勒登保受其誣愆故爲此奏從前屢有人在朕前言及軍務日久未竣之故總由於此彼時朕原不肯輕信今閱所奏竟不免有此情弊額勒登保誤聽浮言咎無可諉但此事究竟係何人主見並著明白覆奏○贈四川陣亡甘肅提督穆克登布二等男遣御前侍衛扎克塔爾帶領侍衛十員往奠茶酒子祭葬諡剛烈○己酉論此次大考翰詹原因向來每隔數年即大考一次是以循例舉行其考列前三名者予以超擢此外考列二等各員或量升一階或賞給段匹即考居三等後者亦不過降等錄用或分別罰俸稍示薄懲此內有曾任大員如李潢吳省蘭周興岱三人其才具皆所素悉豈尙復以一試定其優劣如果有欲行罷斥之員何難明降諭旨又豈必以考校翰林加之激汰耶見在考試前列各員中亦無朕所素識者是大考黜陟朕無所容心於其間乃周興岱見有大考諭旨率行陳奏懇請休致試思周興岱平日學問雖不如李潢吳省蘭伊二人見俱考列二等李潢在前量擢贊善吳省蘭在後亦照例候升周興岱若果與考安知其不倖居前列或轉得邀升擢即使考居後等朕尙可加恩或不子降調或降調亦不至於廢棄特因周興岱自請休致是以降旨勒休咎實由於自取但念伊父周煜曾任上書房總師傅周典岱前在南書房行走稍有筆墨微勞著加恩賞給編修准其在館效力○命病痊來京原任直隸總督陳大文以頭品頂帶署吏部右侍郎○甲寅免湖北教匪滋擾之蒲圻等四十二州縣衛及近賊之江夏等十六州縣衛通賦○調廣厚爲廣東布政使康基田爲江西布政使○丁巳 上詣 異龍潭祈雨○庚申 皇后行躬桑禮○癸亥諭本日據縣恩等會同議奏稽察禁門及行在扈衛各事宜一摺已降旨依議並飭令改正頒行矣適恭閱 皇考高宗純皇帝實錄乾隆二十三年六月內有瘋顛僧人持刀入東華門一事經軍機大臣會同刑部議將未經攔阻之東華門進班護軍參領等分別定擬並將護軍等擬絞欽奉 諭旨護軍參領護軍校護軍等看守禁門係其專責似此瘋疾之人強行入內當經以棍擊斃或以刃扎傷俱分所當然乃守禦多人竟不能一爲攔阻如軍前遇敵諒不過恇怯奔潰而已尙能奮身殺賊乎此卽應如所奏亦無不可但積習日久實未嘗經歷此等事件且人數眾多著加恩擬絞之護軍校努爾瑚訥長玉護軍福森保等十六人俱行寬免發往拉林阿勒楚喀餘依議此係朕格外施恩嗣後看守禁門之章京護軍校護軍等各宜勤儉當差嚴爲守衛備訓飭後如仍前怠玩偷安一經查出必從重治罪決不姑貸不可因此次加恩妄生希冀也將此旨著八旗護軍統領書於木牌凡進班之處俱行懸掛悉令進班人等知之欽此仰見 皇考準情定法垂誠諄諄至意因思前月逆犯陳德手持小刀直入神武門於朕進宮時突出逞兇拒捕扎傷御前親近王大臣較之瘋顛僧人持刀入東華門其情罪尤爲重大然彼時未經攔阻之該管護軍校護軍等均經擬絞仰荷 皇考特恩分別發遣而此次逆犯陳德進東華門繞至神武門該管護軍章京護軍等並不能先事查拏經朕降旨分別懲處止於革退枷責其最重之賢福一人亦不過發往熱河披甲實

係朕法外施恩逾格寬宥嗣後築城各門該管之進班大臣章京護軍等惟當各思感奮按照所定章程實力奉行小心守護當日久因循不思職守致有廢弛必當重治其罪不能曲邀寬貸至前蒙 皇考諭令將所奉 諭旨書於木牌懸挂進班處所原欲使大臣官兵等觸目儆心恪恭盡職今閱時既久此項木牌因已損壞並不懸挂以致進班人等不知儆惕漸就懈弛著前鋒統領護軍統領等敬將前奉 皇考諭旨恭錄一通並朕此次所降諭旨一併書於木牌在各進班處所敬謹懸挂俾知遵守勿替以副朕訓誠成全之意

夏四月乙丑朔免陝西教匪滋擾之南鄭等三十七廳州縣通賊並承辦軍需之咸陽等二十七廳州縣及沿邊轉運軍火之膚施等二十三廳州縣通糧十分之五○丙寅賞已革廣東布政使常齡藍翎侍衛烏里雅蘇台參贊大臣命改名常安○庚午諭軍機大臣等孫玉庭奏接到阮福映回稟請旨遵行一摺奏俱悉阮福映以前次撤諭係出孫玉庭之意未經奏聞故此大仍以請封南越表文稟懇代奏朕閱其稟文情詞委婉極為恭順所稱該國王有越裳之地今份有安南不願忘其世守冀用安南舊名自亦係實情孫玉庭即檄知該國長諭以前此因來表請封國號名義未符未敢冒昧具奏今來稟詳述建國始末請錫新封已據情奏聞大皇帝奉有諭旨以該國長前此航海輸誠恭繳忱光續遺棄舊頒敕印並稱獻海洋通盜恪恭請命具鑿惻忱茲請錫藩封虔具表貢特諭嘉納至所請以南越名國之處該國先有越裳舊地後有安南全壤天朝寬賜國封著用越南二字以越字冠於上仍其先世疆域以南字列於下表其新錫藩封且在百越之南與古所稱南越不至混淆稱名既正字義亦屬吉祥可永承天朝恩澤見已令陪介等詣闕請封所頒敕印即以此二字稱名該國膺此嘉名備位藩服更足顯榮勿替孫玉庭接奉此旨一面檄諭阮福映一面即委員伴送該使臣恭齋表貢進京諭以天氣漸近暑熱可緩程行走以示體恤約於七月杪到京彼時朕駐蹕避暑山莊正值哈薩克入覲亦可令其一體與宴仍將該使臣自粵西起程日期先行奏聞○免甘肅教匪滋擾之隴西等二十七廳州縣並供應軍糧之皋蘭等二十廳州縣通賊○勒保奏擒獲賊首宋國品得旨嘉獎○壬申諭軍機大臣等現珥奏江外夷人圍擊首逆擒戮賊黨各情形一摺據稱隴夏一帶夷人攜家乞投共二百數十名口願將家口留營作質男丁仍回江外截擊首逆當經珥派撥夷勇帶同前往兜圍連次斃賊數十人擒獲恆乍縹妻母及妻弟二名並有老幼男婦百餘人哀籲乞投亦經量給口糧全行放回見據恆乍縹妻母供稱願將二子留質伊單身過江我尋伊女密為商酌設法辦理等語所辦甚好且據稱該逆攜帶多人向不稟積糧食惟仗各寨隨時供應今經珥行密諭各寨令於該逆就食時乘機縛獻看來該逆勢極窮蹙感自可即就俘擒珥珥當迅速安辦俟恆乍縹就擒後即將該逆凌遲處死在彼皇上帝俾江內江外夷人共知儆懼即可完案其擒獲該逆之夷人自當從重獎賞或奏請賞給頂帶以示鼓勵至恆乍縹之妻及妻母妻弟等本例應緣坐之犯但既據該夷婦供稱本係江內獠獠被恆乍縹硬將伊女奪占為妻以致棄家失業儻該夷婦女果能將恆乍縹設法獻出或別經擒獲後訊明該逆妻室實係奪占即當將夷



婦及子女等一併釋回俾免株累其江外夷人等項玆仍當出示曉諭以爾等本係向化夷人特因恆乍糊疊惑滋事爲所愚弄今官兵已將首逆擒獲正法其餘孽不株連前此逃出乞投之百餘人均經量給口糧加恩釋回爾等嗣後當各安生業勉爲善良以承天朝恩澤如此明白開導並一面加以撫恤該夷眾等自必心知感激安分守法則邊陲可以永靖又據另摺奏緬甸土司孟幹稟懇將腊蚌哨襲職一節覽布幹既附緬甸則腊蚌哨應否承襲土職應聽該國自行查辦其覽布幹送伊國王禮物尤與天朝毫無關涉何須該土司稟知况據稱腊蚌哨逃赴京城奏明大皇帝賞給印信轉回原籍之語查明並無其事其捏飾已屬顯然至該土司稟內有伊國有事即行具稟天朝天朝如有應辦之事祈賞示知等語尤不成話該國係化外蠻夷如有應辦之事天朝既不必與聞至天朝政事豈有傳播外夷俾共聞知之理看來自係該國與暹羅構構因見暹羅勢強思欲藉以乞援天朝助其聲勢乃作此隱匿之詞冀爲地步殊屬狡詐且暹羅臣事天朝極爲恭順揆諸遠字小之義亦不應干與其事現玆惟應札諭駁飭以杜其續行瀆稟亦不必提及該國與暹羅構構之事若不喻其意者然並將原稟及覽布幹與緬甸原文一併發還方爲得體至伊送象牙孔雀尾自應發還珥珂業經賞給段匹足矣○癸未命八旗及地方官化導旗民敦行孝弟○丙戌 上詣 黑龍潭祈雨○丁亥雨○辛卯德楞額奏生擒首逆張世虎

五月乙未諭兵部議奏稽查關口出入民人分別酌定章程一摺山海關外係東三省地方爲滿洲根本重地原不准留寓民人雜處其間私墾地畝致礙旗人生計例禁有年自乾隆五十七年京南偶被偏災仰蒙 皇考高宗純皇帝格外施恩准令無業貧民出口覓食係屬一時權宜撫綏之計事後即應停止乃近年以來民人多有攜眷出關並不分別查驗稟准放行即因嘉慶六年秋間畿南州縣被水成災間有窮黎攜眷出口之事迨至上年直隸收成豐稔民氣已復何以直至今春尚有攜眷出關者數百餘戶後時章陀保正任該處副都統稽查是其專責見有出口民戶如許之多自應奏明請旨即放行以後亦當奏請飭禁乃漫不經心前後總未陳奏任意辦理殊屬非是章陀保著交部議處嗣後民人出入除隻身前往之貿易傭工就食貧民仍令呈明地方官給票到關查驗放行造冊報部外其攜眷出口之戶槩行禁止即遇關內地方偶值荒歉之年貧民亟思移家謀食情願出口營生者亦應由地方官察看災分輕重人數多寡報明督撫據實陳奏候旨允行後始准出關仍當明定期節令遵限停止毋得日久因循致滋弊端此次定立章程以後並著直隸山東各督撫接到部咨徧行出示曉諭以見在欽奉諭旨飭禁民人攜眷出口該民人等當各在本籍安業謀生不得輕去其鄉希圖出口謀食相率赴關以致半途而返庶民人知于例禁不至徒勞跋涉也○諭近聞宗室覺羅有因無自置住房於各處浮居者詳究其故蓋因生齒日繁生計不能充足或不知節儉任意奢靡以致棲身無所因思宗室覺羅必須先裕其生計然後施之以教且以宗室覺羅而致浮居亦不成體制著交管理宗人府王公等會同八旗滿洲都統查明委係無力之宗室覺羅或擇地另建房屋或酌量歸入入旗城外營房通融居住覈議具奏○丙申免四川生番滋擾之馬邊

廳額賦○辛丑魏河南教匪滋擾之唐縣等十九州縣並供應軍需之南陽等二十一州縣運賦十分之五○召姜開陽來京以委行簡署福建布政使前任江甯布政使○調溫承惠為河南布政使方維甸為陝西布政使○丁未諭額檢奏請將三河縣知縣張力勤調補武清縣一摺已批交吏部議奏矣聞其摺尾有會同兼管順天府尹戴衢亨等恭摺具奏之語本日召見軍機大臣面詢戴衢亨據稱並未知此事可見外省於會銜具奏各件並不事前咨商僅於陳奏後關會實為相沿陋習此等調補人員本非迫不及待之事既係例應會銜奏請自當將人地是否相宜彼此詳細公商以昭慎重况奏調之員若列名會奏之人竟不與聞其事將來設遇所保非人自當一律交議徒代他人任咎則會銜一節不幾成具文耶著通諭各督撫嗣後遇有彼此會銜及會同府尹河督漕督學政等衙門具奏事件總當先期知會公同商定俟有回文始行具奏儻應會不會或僅於事後關會者即著應行會銜之員據實參奏交部議處以杜專擅之弊○庚戌諭額勒登保奏親督官兵勦賊殲斃緊要賊目見赴東川趕勦另股賊匪緣由一摺覽奏欣慰齊國典一起零匪百餘人經官兵追勦緊急又分三股奔逃經額勒登保親督官兵並分派將領跟蹤搜捕均有斬獲將賊目齊國典偽元帥靳思慶偽先鋒路紹成殲斃所辦好自上年奏報截定以來賊匪著名首逆均已殲斃惟齊國典一犯前曾隻身潛匿繼又結夥奔逃展轉稽誅今臨陣殲斃是從前未獲兇渠實無一名漏網指日即可全數廓清額勒登保前因冒昧陳奏善後事宜干與地方事務會降旨將伊革去御前大臣並紫綬稍不薄懲嗣伊陳明實係伊一人主見並非聽信地方官慫恿且伊於外省地方情形本不甚熟諳自經朕訓飭以來甚知感奮親督官兵認真趕勦將緊要賊目盡數殲除實屬可嘉額勒登保著賞還御前大臣並紫綬用昭優獎遊擊馬成林帶同弁兵入林搜捕使齊國典無路可逃跳崖跌斃實為出力著交部議敘其破筆圈出之把總毛三貴兵丁陳玉奉軍功熊鳴鳳余貴均著加恩賞戴藍翎以示鼓勵○以岳起署禮部右侍郎汪志伊為江蘇巡撫原任編修○丁巳增設河南荆子關千總二把總三裁馬兵百四十名改設守兵○戊午德楞奏擒獲首逆趙聰親得旨嘉獎

六月丙寅諭國家承平不忘肄武每歲木蘭行圍簡蒐軍實兼以殺懷藩服我 聖祖仁皇帝在位六十餘年著為恆典雍正四年世宗憲皇帝諭旨以校獵講武一事朕年來未一舉行欲俟經理政事悉皆得宜即當於農隙之時躬行獮狩之禮仰見 垂諭諄諄雖未及親舉行圍而訓練滿洲之意未嘗一日忘也 皇考高宗純皇帝敬承 世德每歲舉行秋獮大典自平定西域以來新疆諸部絡繹來庭每於山莊展觀 聖製避暑山莊後序以後世子孫當毋忘 家法後人如忘此言則與國休戚之大臣以及骨鯁忠直之言臣隨時進諫 訓詞脫墜不啻面命耳提朕樞紐 丕基若於舊典竟不率由蒙古諸藩王及新疆諸部不加款洽是不能仰體 祖 考之心以為心實愧且懼且朕日以肆勞講武為訓而近日八旗官員於騎射尚多不能嫻熟若竟停止行圍伊等更日事恬熙漸忘本務何以仰承 聖訓著將此旨宣示俾共知朕意○丁卯增設滿洲日講起居注官二○癸酉諭軍機大臣等貢楚克扎布奏撫恤青海蒙古並覓在辦理情形暨奏俱悉貢楚克扎布以番番強悍非僅以空言懾服勢須天兵臨巢伊等

是不能仰體 祖 考之心以為心實愧且懼且朕日以肆勞講武為訓而近日八旗官員於騎射尚多不能嫻熟若竟停止行圍伊等更日事恬熙漸忘本務何以仰承 聖訓著將此旨宣示俾共知朕意○丁卯增設滿洲日講起居注官二○癸酉諭軍機大臣等貢楚克扎布奏撫恤青海蒙古並覓在辦理情形暨奏俱悉貢楚克扎布以番番強悍非僅以空言懾服勢須天兵臨巢伊等

是不能仰體 祖 考之心以為心實愧且懼且朕日以肆勞講武為訓而近日八旗官員於騎射尚多不能嫻熟若竟停止行圍伊等更日事恬熙漸忘本務何以仰承 聖訓著將此旨宣示俾共知朕意○丁卯增設滿洲日講起居注官二○癸酉諭軍機大臣等貢楚克扎布奏撫恤青海蒙古並覓在辦理情形暨奏俱悉貢楚克扎布以番番強悍非僅以空言懾服勢須天兵臨巢伊等

是不能仰體 祖 考之心以為心實愧且懼且朕日以肆勞講武為訓而近日八旗官員於騎射尚多不能嫻熟若竟停止行圍伊等更日事恬熙漸忘本務何以仰承 聖訓著將此旨宣示俾共知朕意○丁卯增設滿洲日講起居注官二○癸酉諭軍機大臣等貢楚克扎布奏撫恤青海蒙古並覓在辦理情形暨奏俱悉貢楚克扎布以番番強悍非僅以空言懾服勢須天兵臨巢伊等

是不能仰體 祖 考之心以為心實愧且懼且朕日以肆勞講武為訓而近日八旗官員於騎射尚多不能嫻熟若竟停止行圍伊等更日事恬熙漸忘本務何以仰承 聖訓著將此旨宣示俾共知朕意○丁卯增設滿洲日講起居注官二○癸酉諭軍機大臣等貢楚克扎布奏撫恤青海蒙古並覓在辦理情形暨奏俱悉貢楚克扎布以番番強悍非僅以空言懾服勢須天兵臨巢伊等

是不能仰體 祖 考之心以為心實愧且懼且朕日以肆勞講武為訓而近日八旗官員於騎射尚多不能嫻熟若竟停止行圍伊等更日事恬熙漸忘本務何以仰承 聖訓著將此旨宣示俾共知朕意○丁卯增設滿洲日講起居注官二○癸酉諭軍機大臣等貢楚克扎布奏撫恤青海蒙古並覓在辦理情形暨奏俱悉貢楚克扎布以番番強悍非僅以空言懾服勢須天兵臨巢伊等

是不能仰體 祖 考之心以為心實愧且懼且朕日以肆勞講武為訓而近日八旗官員於騎射尚多不能嫻熟若竟停止行圍伊等更日事恬熙漸忘本務何以仰承 聖訓著將此旨宣示俾共知朕意○丁卯增設滿洲日講起居注官二○癸酉諭軍機大臣等貢楚克扎布奏撫恤青海蒙古並覓在辦理情形暨奏俱悉貢楚克扎布以番番強悍非僅以空言懾服勢須天兵臨巢伊等

方知震懼所見亦是惡辭係該省總督西甯既須用兵自應親往督辦著卽馳赴該處與貢楚克扎布都爾嘉等會籌熟商於就近營分調撥官兵二千名以張聲勢如何覺不敷卽酌量加增或揚言大兵數千卽日前來亦無不可總須令聲威壯盛使野番聞風惕息雖不犁庭掃穴殲戮無遺亦必令將犯犯並所搶牲畜贓物早行獻出真心畏懼持具結再不致復圖搶掠方爲一勞永逸之計蘭州省城不可無大員彈壓臬司蔡廷銜於憲齡到後卽令回省辦理地方事務○戊寅諭向來 皇后出入均派內務府大臣一員帶領豹尾槍扈從此次隨朕巡幸轉無扈從之員殊非體制嗣後 皇后行營俱著派內務府大臣一員帶領豹尾槍扈從著爲令○頒勒登保奏生擒賊書穆克登布之首逆熊老八得旨嘉獎○甲申諭據理藩院轉奏喀喇沁之扎薩克頭等塔布爾台特納濟爾第呈稱丹巴多爾濟之祖母和碩格格冰霜持節見已八旬懇請旌表等語和碩格格係鎮國公弘昉之妹指與額駙僧交扎布未婚守節今年逾八旬撫養子姓五世同堂良爲昇平祥瑞光耀宗室甚屬可嘉除加恩交該部照例旌表外御書扁額並由內賞給如意一柄紗段十八匹派散秩大臣松齡馳驛送至游牧處所頒給以示朕嘉勸貞操篤眷宗室至意○戊子諭工部尙書彭元瑞學問素優供奉內廷三十餘年行走勤慎前以散疾艱於動履特兩次恩准展假令伊在家調理茲據奏宿痼已久時收時潰見在難望卽痊懇請解任等語彭元瑞賞假療治已及半年見既未能痊愈著照所請准其開缺俾安心調養至伊見充 實錄館總裁一切事例素爲熟諳伊在館總司編輯之任未便遽易他手著加恩留充 實錄館總裁俾得一手恭纂並著賞給尙書應領正俸銀米其總裁應得公費照常支領以示眷念卽令其進城調養如果散疾就痊步履如舊仍當以原官起用○調戴衝亨爲工部尙書以費瀆爲兵部尙書陳大文爲兩江總督○調初彭齡爲工部右侍郎轉奏展爲刑部左侍郎調戴均元爲刑部右侍郎由工部調○已丑諭前此農耐國長阮福映表陳與安南構兵頗末係爲先世復仇恭遣陪價齋繳阮光續遺棄舊頒敕印並縛獻海洋通盜恪恭請命朕鑒其航海輸誠特予嘉納曾經明降諭旨將安南阮光續獲罪覆滅及阮福映恭順出力緣由先行宣示中外嗣據該國長請錫新封陳明該國係先有越裳之地今併有安南不願忘其世守顧懇仍以南越名國經疆吏據情入告部臣議駁以南越命名與徵外封域未協時念其攸關內附敬抒悃忱用越南二字以越字冠於上仍其先世疆域以南字列於下表其新錫藩封並令廣西撫臣孫玉庭一面檄知阮福映一面委員伴送齋表貢使臣赴京諭其緩程行走以示天朝柔遠之意茲復據孫玉庭奏稱阮福映接奉欽定越南恩命倍深感激辭歡忭出於至誠該使臣業已起程北上計七月下旬卽可到京等語應卽加之寵命封爲越南國王所有應行頒給該國王印信敕書等件著各該衙門查照定例先期豫備並著欽天監衙門於頒行時憲書內將安南二字改爲越南永遵正朔至將來冊封時著派廣西臬司齊布森將新頒敕印帶同來使齋捧出關前往宣示詔旨俾該國王長承恩眷世守勿替將此通諭知之○壬辰命貴州土民被苗匪戕害者附祀昭忠祠

嘉慶東華錄十六

秋七月癸巳朔諭前因倭什布奏據革職惠州府知府伊秉綬之父原任光祿寺卿伊朝棟呈稱伊子秉綬因失察會匪參戍軍臺曾於事先疊稟有案屢求總督提督發兵皆不見信致釀巨案等情經倭什布查閱原詞有提督之兵無不通賊之語殊不成話當經降旨將伊朝棟革職交倭什布親提密訊將伊呈內所稱提督之兵無不通賊之語令其切實指出憑據並令查明是否係伊秉綬從憑具控茲據倭什布覆奏訊據伊朝棟供稱伊子伊秉綬任惠州府時於七年八月間訪聞博羅縣匪徒有結會聚眾之事曾面稟吉總督孫提督請發兵往捕吉總督恐激成事聽諭令再加確查後來陳爛屢四果然鬧事吉總督調兵勦捕伊子隨同守城彼時曾向詢問賊情據說見獲賊目朱得貴係提標卓白田汛兵又窩留賊目之犯卓亞五亦係提標兵丁均經吉總督訊明正法我聞了此事心中駭異後來兒子奉旨發往軍臺效力贖罪我因朱得貴卓亞五都是提標兵丁而提督並未議罪心裏不甘是以具呈投遞至無不通賊之語實是我老諄糊塗措詞過當等語質之伊秉綬供亦相同並據詢之前在惠州總理軍需之臬司邱庭澹知獲解賊目朱得貴及窩留賊匪之卓亞五均係提標兵丁屬實等語粵省提標兵數繁多此內查有一二與匪徒潛通為逆者原屬法所不貸彼時吉慶等獲朱得貴卓亞五二犯既經訊明係屬提標兵丁即應一面辦理一面據實陳奏將該管營員並提督併請治以失察之咎總督統轄行伍吉慶亦當自請議處方為得體乃於獲解後雖經審明正法並未具奏以致伊朝棟因未見提督被議心懷不平遞呈控訴此皆因吉慶辦理不善之故設其身尚在必當懲以應得之罪今已自戕無庸再議伊朝棟呈控有因本可加恩開復但伊既具呈申訴即應將所聞二犯指明呈出乃率稱提督之兵無不通賊是執一二為匪之徒遽行污蔑闖營良善兵丁設此語傳播被眾兵知之豈不大有關繫伊朝棟張大其詞希圖聳聽殊屬不合今業已革職亦無庸再行治罪至伊秉綬在任時訪聞博羅縣屬匪徒有結會聚眾之事即經面稟總督提督發兵往捕總因吉慶未肯發兵釀成巨案據倭什布奏稱惠州紳士均有總督不聽知府之言未早撲滅之語此與劉清諫料教匪必搶太和鎮稟知魁倫不聽情事相同是伊秉綬於匪徒滋事之案尚非隱匿不報此次伊朝棟呈稱亦非出伊慈愷其罪轉屬可寬伊秉綬業經另案革職著加恩免其發往軍臺效力即行釋放回籍提督孫全謀於所屬兵丁為賊窩匪漫無覺察實難辭咎孫全謀著交部議處其朱得貴卓亞五二犯之該管各營員並著該督查明奏請嚴加議處○諭軍機大臣等現珥奏偵探逆匪蹤迹一摺恆仁緝一犯遁入獐地刻下固不便帶兵窮追若運行撤兵則夷眾益無所畏懼卽江外不宜久駐亦應將兵練撤至江內駐紮藉以聲威各順夷自必幫同接捕仍一面設法傳諭恆子等如能將恆仁緝縛獻必當從重加賞首逆一獲即可撤兵蕺事珥當安速辦理不可再有遲誤○乙未諭吏部職司銓政若不遵照定例覈擬准駁則直省升調各官皆得上下其手而督撫身任封圻遇有繁劇要缺所保之員若盡限以年格又無以收得人之效是以向來各省保題人員發交部議其中不合例者吏部照例議駁議上時朕念人地實在相需每特加恩准並將該督撫等違例保題處分寬免各督撫等接奉後尚具摺謝恩人臣敬恭事君之道原應如是今鐵保題調不合例人員竟敢以既奉部

較再無人換之請形之奏隨實屬專擅更扶全失敷奏之體若各督撫相率效尤其流弊尙可問耶雖保本應照部議降三級調用  
念係初任且平日辦事尙屬認真著從寬改爲革職留任邱錦孫長炳二員本可邀恩允准但鐵保既有此奏俱著照部議不准升  
調其膠州濰州二缺著該撫另行揀員具奏○裁葉爾羌卡倫侍衛○辛丑調先福爲江西布政使康基田爲江甯布政使○王寅  
諭易州太平峪係 皇考賜朕之吉地自經始以來至本年工程甫畢而 皇后在靜安莊薨安已七年之久今地宮既成敬做  
事王大臣具奏事儀招內有掩閉石門大葬禮成八字殊屬屬心疏忽不經之極試思石門豈可閉既閉不能復開此吉地乃 皇  
考賜朕之地非 賜皇后之地今關閉石門欲朕另卜吉地乎朕遵 皇考之旨決不敢更易至大葬禮成更不成話王大臣等又  
何忍出諸口形諸筆墨總之朝廷之上無實心辦事之人彼此因循將就是朕之隱憂刻不能去所有辦事之王大臣並禮部堂官  
著交吏部會同宗人府嚴加議處速議具奏○諭庶子王宗誠汪滋瀛充當武英殿提調有年辦理書籍至十餘年妥協無誤向來  
書成並未得邀議敘該二員因本年大考二等降補今職例不計算前俸第念其在館年久著加恩准其接算前俸以示鼓勵再開  
坊翰林由大考降職者聞舊例本按前俸接算近年數次大考降補人員均不准接算前俸是以俸深各員一經左遷資格轉居最  
後此例始自何年因何更改之處著吏部詳悉查明具奏尋議大考降調之員查其見由何官降調即將任內之俸全行扣除而以  
見在所降之官接算從前會歷此官之俸如前升選本係越級所降之官並無已歷之俸准接前升選日原官之俸從之○甲辰諭  
崇尙等以勦除教匪大功告厥具摺奏賀本無不合但摺內稱戈什哈回時間知其屬錯謬外省無識之徒率稱跟隨將軍大臣等  
兵丁爲戈什哈本係相沿陋習即咨文內尙不當用何況形諸章奏尙等摺內或稱差官某或稱兵丁某均無不可乃率稱戈什  
哈又未聲明姓名殊屬不曉事體崇尙等著申飭並通諭各省將軍副都統等知之○乙巳諭昨因承辦 孝淑皇后永遠奉安事  
儀之王大臣禮部堂官於會奏摺內屬心疏忽措詞不經特降旨交吏部會同宗人府嚴議本日據慶桂等議奏請將王大臣及禮  
部堂官等一併革職等語國家典禮關繫至重司其事者理宜參考周詳敬謹具奏何得率意辦理此案若係承辦 壇 廟等事  
稍有大意則獲戾滋重不但應行革職並當交部治罪即此次承辦奉安 孝淑皇后事儀其奏章語句屬忽不經若非沿襲舊說  
亦當照例革職姑念摺內諸語係率照舊案謄寫臨時不能詳慎參酌尙可量爲寬減分別薄懲餘係朕加恩錫授王爵伊向來  
居心蒼得遇事推諉無能已極所管各處俱不妥協屢獲愆尤茲復有此錯謬著革去正紅旗蒙古都統管理上駟院事務行圍領  
蘇大臣仍罰郡王俸六年姑念其屬下人等有資養贍若將王俸每年全扣未免竭蹶著每年扣俸一半准支一半作十二年扣完  
以示體恤保甯更事有年亦不應疏忽若此著革去太子太保領侍衛內大臣文淵閣提舉閣事戶部三庫事務仍帶革職留任承  
慶本係武職上年因禮部尙書缺出簡用之人將伊由都統補授伊不能諳悉部務且年已老邁難以再職著革去禮部尙書仍帶

革職留任紀昀久任禮部向來於典禮事宜尚為諸習惟年已八旬於各處事務不能兼顧紀昀無庸署理兵部尚書並革去文淵閣直閣事教習庶吉士仍帶革職留任八年無過方准開復德琰在軍機處行走又係刑部尚書事務繁多且伊目係短視未能詳細閱看著改為革職留任組布所管事務較多近年多病精神未能周到所有伊管理之御茶膳房暢春園大醫院御藥房織染局等處事務俱無庸管理仍帶革職留任扎郎阿管理武職差使尚屬勤勉惟人近麤率不能諳悉部務扎郎阿著革去經筵講官禮部左侍郎降補內閣學士仍帶革職留任其贍榮著改為革職留任八年無過方准開復岳起見在患病著不必署理禮部右侍郎仍以革職留任註冊關槐患病已久尚未痊愈著革去禮部右侍郎降補內閣學士仍帶革職留任至司員等承辦案件是其專責禮部主事宋其沅於關繫典禮要件不能加意詳慎各實難辭著照部議革職○以那彥成為禮部尚書由內閣○以汪承霈兼署兵部尚書○轉恩普為禮部左侍郎以玉麟為禮部右侍郎由內閣○以王懿修為禮部右侍郎由內閣○丙午命安徽巡撫兼提督銜改江南提督所轄壽春鎮及天安等十營兩江總督所轄之安慶協遊兵營及池州分防把總並歸統轄仍聽兩江總督節制○丁未諭翰林院為儒臣文敷圖書清秘規制恭崇乾隆甲子年 皇考高宗純皇帝曾經 臨幸賜宴賡吟允為藝林盛軌明歲又屆甲子朕當踵行斯典詎吉親臨用光文治所有應行豫備各事宜著該衙門照例辦理屆時具奏○以三省餘匪肅清予經略大臣額勒登保參贊大臣德楞額泰軍機大臣等優敘○戊申 上諭 安佑宮行禮○遣官告祭四川陝西湖廣河南四省名山大川之神○諭各部司員記名外用後不得奏請以升銜留任○以軍務全歲賞八旗兵丁半月錢糧○己酉定文武官失察邪教會匪滋事者降級不准抵銷例○壬子 上諭 癸卯秋獮木蘭○免經過地方額賦十分之三○甲寅以窩星額為內閣學士由內閣○戊午 上諭 蹕避暑山莊○庚申禁民人攜眷偷渡山東海口○壬戌諭綠志等奏安南人黎何私往涿州探看伊子請交順天府照例辦理一摺黎何等本係邊徼蠻臣在監羈禁嘉慶五年朕特加恩釋放命在外火器營地方安插各賞給馬甲錢糧仍著該管官留心查察原不許其任意輕出今黎何及李秉道詭稱告假與黎維祁上墳經該管章京派護軍二人照料記黎何等乘間至盧溝橋一帶行走旋經護軍僅將李秉道追回而黎何已至涿州經該州查詢始據供出因聞知越南貢使內有伊子黎允俾充當行人一同赴京伊特前來迎探等情黎何等在藍靛廠居住何由知黎允俾隨越南貢使來京况該國使臣於二十五日行抵涿州黎何即於次日到彼何以得信如是之速且黎何等即欲出外探看亦當稟明該管大臣奏明請旨俟恩准之後方可前往乃並未呈明輒私自潛行實屬不遵管束除將該管官員另降諭旨分別議處外所有黎何李秉道二人著該管及順天府解交刑部審訊定擬具奏○贈故江蘇巡撫岳起太子少保予祭葬

八月癸亥諭前據編布奏和孝公主府內已革長史奎福呈控額駙豐紳殷德演習武藝與父報仇並欲毒害公主及將侍妾帶至瑣園於 國服內生女各款豐紳殷德係和珅之子和珅獲罪重大中外共知其伏法實由自取國家憲典所在 乘至公從無罪

及其孥之事至罪臣後嗣自古從未聞有敢讐國法者况辦理和理一案經大學士九卿等會稱伊種種狂悖欺罔照大逆律應凌遲處死定擬具奏朕因和坤蒙 皇考養多年又曾任首輔大臣曲爲未滅然論其妄誕即肆市亦罪所應得仍加恩賜令自盡伊子豐紳殷德旋授爲散秩大臣上年勦辦邪匪大局戡定復推恩賞給公銜朕於和坤父子實可謂仁至義盡在豐紳殷德具有天良自應感激無地豈有反生怨望隱蓄異謀之理此案緝布奏上時朕卽知事屬虛誣但所控謀逆情事案關重大朕若少露意旨卽使此案審訊實係誣控而外間無識之徒妄生臆度必以朕過於仁慈不忍遽興大獄而承審大臣亦似有心迎合轉不足以破羣疑而成信讞當卽特派大學士董誥星馳回京與留京王大臣及內務府大臣緝布刑部堂官等會同秉公研訊並節經降旨諭令悉心推究務得實情不可加以刑求茲據王大臣等連日詳細鞫問惟豐紳殷德在 國服內侍妾生女一節業已自認不諱此外如公主疑心飯食下毒僉供稱實無其事朕亦素知額駙與公主和睦誣妄實屬顯然至演習白蠟桿始自乾隆五十九年藉以練習身體並非起自近日其私放利債尙非違例盤剝卽引進高升鄭二戲耍棍棒亦止係少年不謹而豐紳殷德平日所作詩文經保甯董誥緝布等親至府內查出封固進呈多係嘉慶三年以前所作惟青蠅賦一篇係四年在墳塋栽樹間外有傳說大動工程之語憂讒畏譏而作詳加檢閱委無怨望違悖語尙見經王大臣等訊明實係奎福因豐紳殷德將伊責打革去長史又追索經手銀兩心懷怨恨捏詞誣控並傳到奎福妻子質對供吐一一如繪按律將奎福定擬斬候請旨定奪王大臣等審辦此案虛心詳細所擬罪名亦屬允當今爰書已定豐紳殷德並無謀爲不軌之事毫無疑義其罪惟在私將侍妾帶至墳園於 國服一年內生女實屬喪心無恥前已降旨將伊革去公銜及所管職任仍著在家園禁令其閉門思過如此懲辦已足蔽辜其他俱屬輕罪不議總之此案如豐紳殷德果有悖妄之處朕斷不肯因公主曲法姑貸既經訊係誣捏朕又豈肯因其怨家造作蜚語遽將豐紳殷德置之重典置公主於何地乎奎福著依擬應斬監候秋後處決入於本年朝審辦理餘俱照所議行並著將審辦此案緣由通諭知之○丙寅諭朕因蒙古地方容留民人租種地畝日久必致有礙游牧是以從前理藩院奏請將齊巴克扎布游牧處所種地民人驅逐曾經降旨派永保妥爲經理今蘊端多爾濟等奏土謝圖汗部落扎薩克齊旺多爾濟齊巴克扎布旗分及哲布尊丹巴呼圖克圖徒眾所屬地方皆有游民棲止而蒙古等多有負欠民債者今若槩行驅逐則負欠之蒙古措償拮据而貧民亦無所歸等語可見蒙古等情願容留民人已屬顯然著照所請此次免其驅逐惟嗣後不准另舉地畝添建房屋侵占游牧處所其從前租種地畝並令按地納租其聘娶蒙古之女爲妻者於該民身故後將伊妻子給與該處扎薩克爲奴其隸呼圖克圖徒眾地方者卽著爲其所屬所有各該處居民見已查明著庫倫辦事官員按人給予執照每年由蘊端多爾濟派員檢查造冊報院備經此次辦理之後再有無執照之民任意棲止不特將該民人從重治罪必將該盟長扎薩克等一併治罪○諭軍機大臣等貢楚克扎布等奏帶兵辦理番案該番等親見天兵臨勦將占住蒙古地方業已議出搬回番境並央尙番目尖木贊來營乞恩情願交還贖畜並各

處訪緝案內正賊一經尋獲卽當縛獻等語此等化外野番罔知法紀朕本不欲遽煩兵力特因番眾兇強悍蒙古日形懦弱甚至該貝勒被番賊剝去衣頂槍斃眷屬欺陵已極若不懾以軍威代爲懲辦則番族更無所忌憚而蒙古更失所倚仗朕之節次論令貢楚克扎布等酌派官兵前往辦理者實出於萬不得已今大兵甫到該番等卽聞風悚懼畏罪乞恩看來事局已定總可就事完結惟是一切善後事宜尙須妥爲籌度以垂永久向來河北二十五旗以黃河爲界河南五旗以沙溝爲界自應於該處安設卡倫嚴密防範但蒙古積弱已久刻下斷難令其自行護衛著貢楚克扎布等察看情形酌定卡倫處所派撥兵丁前往代爲防守俟一二年後蒙古少能自強再行撤退並曉諭蒙古王公此次因爾等被番賊搶劫蒙大皇帝施恩特派大臣前來查辦徵調官兵多費糧餉總爲爾等不能振作之故今番賊業經震懾畏罪其在逃正賊並贓物等項責令番族頭人擒縛獻出並爲爾等安設卡倫爲一勞永逸之計爾等當知感奮勉力自強勿負大皇帝終始成全之意其沿河一帶雖據爾等稱並無紮筏工匠但從前番賊搶劫時若非紮有木筏搶去牲畜豈能徑渡況前次賊供內卽有爾等所屬之人向通番賊用筏渡爾等失察所屬之人通賊之咎已往不咎嗣後務宜嚴防河岸禁止紮筏以絕番眾往來之路尤應嚴飭屬下人等毋許與番賊私相勾結儻再不能防範仍有潛行渡賊之事必將爾等一併治罪如此切切曉諭俾蒙古力圖振作自衛藩籬庶永杜爭端不虛朕籌畫萬全至意至蒙古番子各有地界原不應聽其溷行雜處何以察罕諾們汗旗下有番子數十戶番地之扎木養呼圖克圖寺內又有蒙古人戶此次雖已驅番回巢若不徹底清釐嚴定章程仍恐日久互相構釁自應分別戶口各歸所屬劃清地界毋許私越再丹噶爾蒙古陸續內徙者人數過多豈能常恃官爲養贖卽該蒙古等亦未必願久留內地貢楚克扎布等應速將番賊搶去牲畜代伊追出給還卽可令該王公等率領所屬人戶迅回原游牧處所各安生計將軍賽沖阿提督特清額見已降旨令其各回本任無庸帶兵到彼貢楚克扎布一俟辦竣此案並酌定應辦事務卽行來京覆命○越南國王阮福映遣陪臣表貢方物降敕褒獎宴賚如例○丁卯瑚圖禮因病解任調祖之望爲廣東巡撫以方維甸爲陝西巡撫虞章爲陝西布政使傅修爲直隸按察使由清河道遷○免安徽屢被水災復經賊匪滋擾之宿州並長淮等二衛通賦○丁丑諭木蘭圍場爲上塞神泉水草豐美孳生蕃富我 聖祖仁皇帝肇舉行圍著爲令典 世宗憲皇帝在位十三年雖未出口行圍會 特降諭旨以後世子孫當習武木蘭毋忘 家法 皇考高宗純皇帝欽承

世德歲時秋獮肄武習勞綏懷藩服 垂訓諄諄萬世所當法守朕續紹 丕基式循 前典上年卽躬親獵今歲那匪全平諸事合序又喜雨暘時若年穀順成朕駐蹕避暑山莊藩部絡繹來庭近日氣候晴和正擬詠古啓巒率領蒙古王公及八旗官兵以時講武行慶施惠詎本月上旬總管圍場副都統韋陀保呈報今年圍內天氣較寒水澗草枯當卽派丹巴多爾濟孟住滿珠巴爾爾等前往查看伊等徧歷十圍察看各該處水草雖不甚豐足尙可駐營惟鹿隻甚覺寥寥此必係韋陀保見因所管圍場牲畜稀少藉水草爲詞希冀掩飾卽責卽伊等前此節次所釋孳獲偷打牲畜各犯二百餘名之多亦未可盡信卽其言實而已獲首已



二百餘名未獲者更必加倍彼時丹巴多爾濟等覆奏並經蒙古王公等合詞懇請停止行圍朕總未允准復派監放馬匹之王大臣孫循赫懿鄂勒哲依圖阿克棟阿帶同韋陀保再在詳查令將實在情形迅速具奏茲據孫循等奏遵旨前至永安莽喀巴顏錫納塔里雅圖三圍查看竟未見有鹿隻與丹巴多爾濟等所奏相符湖查乾隆五十七年以後 皇考駐蹕熱河 春秋增高兼以連年雨水過大屢次停圍自應生息蕃滋倍加充牣乃朕於上年行圍時鹿隻已屬無多今歲竟至查閱十數圍絕不見有麋鹿之蹤殊堪詫異聞近日該處兵民潛入圍場私取茸角盜賣希獲厚利又有砍伐官木人等在彼聚集以致驚竄遠颺而夫匠等從中偷打亦所不免是以鹿隻日見其少此皆由管理圍場大臣平時不能實力稽查各無可道本應將韋陀保從重治罪姑念伊到任未久不即加以嚴譴著交部議處其見任之圍場官員等多係在彼年久之員因循疏玩一至於此若不加以懲儆則日復一日圍場幾於曠廢尚復成何事體著該部查取職名按其在任年月分別嚴加議處並查明乾隆五十七年以後之歷任該管大臣及官員等一併嚴議因思從前鐵保曾經條奏將圍場偷盜牲畜罪名寬減以致無所儆懼冒干禁令者多著軍機大臣會同該部將鐵保所奏條例酌為改易並將台費蔭前此所奏圍場一切章程未盡詳悉之處再行妥議今歲圍場中既無鹿隻業據王大臣及蒙古王貝勒等節次查明朕若必執意行圍蒙古藩部等屢催辛勤無由獻獲朕亦難加之旌賞即揆之講武肄勞亦覺有名無實此次姑允蒙古王公等所請停止行圍非朕本意也至今歲既已停圍該管圍場大臣等經朕此番嚴飭務宜倍加謹慎實力稽察嚴拏偷鹿人犯懲治來年朕巡遊熱河必遵循 前憲於中秋節後即啟蹕至木蘭行獵亦不先期派員前往查看如彼時鹿隻較前增多自當將該管大臣及官員等量加獎勵儻仍復稀少必將伊等重治其罪決不寬貸所有此次豫備行圍之蒙古官兵等仍著減半賞賜將此通諭知之○諭刑部奏將參領寶善與黎何質訊明確定擬具奏一摺安南人黎何等在藍靛廠居住參衛寶善係專管之員乃於黎何等懇假迎探貢使並不稟明該管大臣輒准其告假已屬專擅前據黎何質供出經行在該管王大臣向該參領面加詢問並不承認旋命軍機大臣傳旨詳詢再四開導仍不據實供明及至解交刑部與黎何質對質對無可抵賴始行供認實屬狡詐僅予交部嚴加議處尙屬過輕寶善著即革職發往烏魯木齊效力贖罪至黎何李秉道既訊明並無私自潛往尙無不合著仍交外火器營於藍靛廠安插留心管束毋使出入外滋事其供出之蒙古官兵何姓係黎何於途間偶遇其旗分姓氏自未能記憶明悉亦不必紛紛查究○甲申 上自避暑山莊回鑾○辛卯 上還京師○壬辰免陝西教匪滋擾並屢被偏災之咸陽等十八州縣近賊之甯陝等七十三廳州縣運送軍火之虜施等二十三州縣六年七年通糧緩徵咸陽等十八州縣上年額賦

九月壬寅諭軍機大臣等從前隨同黎維那陸續內投之安南人節經分別安插歷有年所見在阮光纘業已自取覆亡農耐阮福映敏關內附新封為越南國王因念前此安插內地之安南人自必心懷故土業經查詢火器營安插之黎何等及編入旗下之黎姓舊臣咸願回至本國並將黎維那骨殖帶回此時越南國貢使已自京起程抵粵西後臬司齊布森自遵照前旨齎送敕印出關

錫封即著該撫傳諭齊布森於錫封時告知該國王從前內投之安南人等見蒙大皇帝垂詢伊等俱願歸故土該國王是否願將此項八等收留令其據實登覆稟知該撫具奏俟奏到再降諭旨將此諭令孫玉庭知之○癸卯命旌陝西四川湖北婦女為教匪迫脅被戕及完貞自盡者○丙午祖之望賞假省親調孫玉庭為廣東巡撫以百齡為廣西巡撫阿禮布為雲南布政使金應琦為浙江按察使由山西河○戊申予告尙書彭元瑞卒贈協辦大學士遣乾清門侍衛孟佳帶領侍衛十員往奠茶酒賞銀一千兩治喪予祭葬諡文勤○庚戌東河衛家樓河溢○辛亥命劉權之那彥寶馳勘衛家樓河工○壬子通恩因老病留京以成甯為湖南布政使調文需為福建按察使以朱勳為陝西按察使由陝安○乙卯福建布政使姜開陽年老以三四品京堂補用

冬十月丙寅以山東荷澤等九州縣衛水災命截留米麥豆十一萬石有奇備賑○己巳雲貴總督琅玕奏生擒賊目別的扒並首逆恆仁綳家屬○庚午裁雲南緬甯等隘土練一千六百名○壬申 孝淑皇后梓宮奉移山陵 上詣靜安莊殯宮奠酒○諭軍機大臣等會同戶部議奏稽承志馬慧裕懇請暫留衛工捐例一摺國家偶值度支繁費之時請開事例原非得已此次豫省衛家樓漫口工費甚鉅若非軍興八載節次動撥撥項數逾千萬即該河督等合詞懇懇朕亦斷不允行今大功雖經底定而一切善後事宜尚多需用復值此河水漫溢亟須剋期堵築工務緊要刻不容緩不得不寬為籌備著如所請暫開衛工事例一俟該處漫工告竣即降旨停止所有應行覈定條例著即同吏兵二部詳議具奏○雲貴總督琅玕奏生擒首逆恆仁綳得旨嘉獎下部議敘○癸酉 孝淑皇后梓宮發引 上臨送○戊寅 上啓鑾謁 西陵○ 孝淑皇后梓宮至 山陵暫安於享殿○免經過地方

額賦十分之五○壬午 上謁 泰陵 泰東陵○癸未 孝淑皇后梓宮奉安地宮禮成 上親臨奠酒畢命 皇次子行禮上回鑾○丙戌 上還京師○丁亥軍機大臣等議准欽差侍郎貢楚克扎布奏定青海蒙古野番諸制一定界設卡以資防守立鄂博使不得私越一設頭目給翎頂使野番有所約束一循化貴德兩廳營令每年會哨使知震懾一民番交易定期市期以便稽察一切爭奪殺傷以交蹤相驗為據使不得捏報一明示勸懲以靖盜源一不容蒙古野番人戶滙處以絕串通一兩廳營定為三年更替衛其功過以專責成報○以 孝淑皇后奉安禮成寬免前曾奏奉安事宜摺內措詞不經之王大臣官員處分賞還大學士保甯太子太保○戊子諭向來孟春 太廟時享係於正月上旬詔吉舉行非如夏秋冬之必於孟月朔日著有定期者可比且較之 祈年祀典定以辛日將事者亦屬有間因思祭期若在正月初四五六等日則初三日適當致齋之期正值 皇考高宗純

皇帝忌辰是日朕若仍御青袍青褂則 廟祀為重若竟御齋戒常服朕心實切不安即臣工等常服將事亦究有未協禮緣義起自當斟酌變通明年孟春時享祭期本擇於正月初六日但既係調吉舉行即非不可改移之期檢查嘉慶元年以來正月初八初九等日均曾練日明禋明歲正月初八日亦係吉期即著改於是日舉行孟春時享典禮嗣後孟春時享日期總於正月初八初九初十等日內擇吉舉行著為令○以托津為倉場侍郎

由喀什 舊制 參贊大臣 卷

十一月甲午召珠隆阿來京以鄂雲布爲安徽按察使○丙申申禁番役子弟出仕應試○丁酉以榮麟爲內閣學士執勅選○戊戌諭朱珪英和奏請將敬一亭兩旁舊刻前明嘉靖六年兩碑細爲刮磨恭繕乾隆九年 臨幸翰林院 諭旨及朕此次幸院諭旨摹勒上石以光盛典並鈔錄明時碑文進呈固屬臣下尊崇本朝令典之意但前明所建兩碑幾及三百年且詳闕碑文係飭修明倫大典古帝王之敕諭亦不可輕去若磨去原碑將我朝幸院鴻儀改爲刊泐亦不足以昭盛美所有前明兩碑毋庸更動朱珪等既欲摹刻 皇考高宗純皇帝諭旨及朕此次諭旨著卽於該院署內製造扁額敬謹懸挂垂示藝林永彰盛軌○調韓封爲福建按察使金應琦爲湖南按察使文霽爲浙江按察使建出調○辛丑諭扎郎阿管理太常寺事務有年於一切典禮素爲諳悉本日恭祀 南郊唱贊趨承恪恭妥協因思扎郎阿之子圖薩日前踴傷伊炳阿斃命一案彼時扎郎阿履蹕熱河並非知情故縱三法司審明定擬絞候覈其起釁之由實緣伊炳阿與圖薩先有口角旋復至圖薩門首尋鬧維時已屆昏夜圖薩正欲睡臥伊家人住兒等進內告知圖薩出外欲向伊炳阿撲打被家人倪三擋住圖薩欲將倪三踢開適傷伊炳阿臂囊致斃是圖薩究屬誤傷與恃強逞兇者有間常犯似此者必入緩決卽明年辦理秋獻圖薩亦不應在情實之例尙可量予寬貸著加恩在刑部衙門令伊父扎郎阿照例決責四十板卽行釋放交扎郎阿帶回囹圄禁在家嚴加管束不許出外滋事此係朕細覈案情本可末減是以格外施恩並非因係扎郎阿之子曲爲寬恕設大臣子弟中竟有謀故逞兇等事則較之平民尤當從嚴懲辦也嗣後各大臣等務宜禁約子弟安分守業勿滋事端以致身罹罪譴而爲大臣子弟者尤當各自檢束不可輕蹈法網有玷家聲若因此旨不知自惜故爲犯法之事必仍執法重懲決不姑容勿忘朕教誡成全至意○甲辰諭本日朕詣 壽皇殿行禮出神武門時有昨日簡放張家口監督之內務府堂郎中廣惠在道旁撻頭及朕回宮又有本日內務府奏署堂郎中之六庫郎中伊昌阿遞署六庫郎中之都虞司郎中廣泰在道旁撻頭甚屬膽大妄爲各部院司員職分較小向來遇有加恩事件從無撻頭之例卽如張家口監督一缺設簡用宗室及部院司員伊等必不敢違例撻頭今廣惠以內務府司官輒倣效大員體制而伊昌阿等僅係遞委署缺亦相率效尤又無總管內務府大臣帶領實屬逾分若六部滿漢司官升遷調補徑行見朕謝恩成何體制伊等妄冀邀功勞瞻仰朕卽可記識其人遇有鹽政織造關差等缺或可邀恩簡用此實內務府人員昏夜乞憐鑛營奔競陋習殊爲可鄙所有總管內務府大臣等均著傳旨申飭廣惠伊昌阿廣泰並著該管大臣轉行申飭三人俱交部察議嗣後著該大臣等嚴行教導儆再有不遵定制任意妄行者定行懲治不貸將此旨通諭各部院知之○丁未諭御史體德奏扎郎阿之子圖薩業已蒙恩釋放請飭令扎郎阿出埋葬銀兩交與伊炳阿之親屬具領等語此奏似是而非向來刑部定例凡遇失殺人及留養承祀者均分別追出埋葬銀兩給付死者之家原以過失殺人實係思慮所不及耳目所未周而留養承祀之人聲明親老子單是以均不擬抵追給埋葬銀兩免罪釋放使情法兩得其平若圖薩踴傷伊炳阿身死一案係屬鬪毆斃命經三法司審明按律定以絞候日前所以降旨將圖薩釋放者止因伊父扎郎阿管

理太常寺事務有年典禮熟諳於南郊大祀一切引贊趨承恪恭妥協細覈伊子圖薩與伊炳阿爭毆情節究屬誤傷明年辦理秋讞亦不應在情實之列是以格外施恩將伊決責仍交扎郎阿帶回在家嚴行圈禁此不過於圖薩原擬罪名量為未減同一羈禁免其久繫囹圄與過失殺人留養等項判然不同何所用其追給埋葬銀兩乎若如該御史所奏凡大臣子弟中設有鬪毆命案俱准其交銀給付死者親屬而應抵之罪槩從寬釋則大臣子弟更易藐法滋事甚至有行賄私和等弊轉非朕教誡矜全之意矣體德所奏斷不可行○戊申以薩彬圖為盛京工部侍郎由內閣○己酉申禁上控案件發原審官○辛酉以策丹為雲南布政使

台斐音為河南按察使由陝西

十二月癸亥命史館恭纂高宗純皇帝本紀○諭給事中魯蘭枝奏圖薩踢傷伊炳阿一案本係鬪殺罪名部臣照誤殺之例辦理已屬從寬且甫經定案監候尚未得經秋審即蒙恩予以寬放似未減之外又有未減等語所奏非是此案圖薩踢傷伊炳阿斃命當經三法司審明即從鬪毆本律擬以絞候經朕詳覈其起釁之由實緣伊炳阿與圖薩先有口角迨其昏夜尋鬪圖薩欲向撲毆因家人倪三攔住欲行踢開適傷伊炳阿致令身斃念其究屬誤傷尚非恃強逞兇明年辦理朝讞亦不應在情實之列適恭值南郊大祀念伊父扎郎阿典禮熟諳趨承敬謹特格外施恩將圖薩寬釋仍予以滿杖交伊父在家圈禁勿許出外滋事並非法司衙門初定案時竟按照誤殺之條遽為開脫且原降諭旨令大臣等嚴行約束子弟者因有此旨而故為犯法者必當從嚴懲辦該給事中於朕一再申諭之旨甯未寓目耶至摺內稱圖薩雖經奉旨嚴行圈禁但止在其家究尚不如宗室獲罪圈禁高牆猶在宗人府衙門之內等語更不成話凡係宗室獲罪之人原以其派屬天潢未便與尋常人犯一體在刑部拘繫是以圈禁高牆即與監獄無異並非減其罪名仍加圈禁與圖薩迥然不同所奏尤屬牽混夫生殺予奪之權操之自上即如每年秋讞大典其緩決人犯向不呈進黃冊所辦者俱係情實之犯罪在不赦原無可寬朕體上天好生之念於萬無可貸之中擇其有一線可原者免其句決若科道等以經朕寬宥一人輒欲按照例文持其輕重紛紛瀆奏勢必至如明季臺臣把持朝政肆意妄陳此風斷不可長從前皇考高宗純皇帝以舒赫德李侍堯等身獲重譴屢經議死旋蒙俯賜矜全復加重用迨朕親政以來以明亮勒保承保景安辦理軍務稽遲先後降旨拏問均已定擬重辟亦經朕法外原情棄瑕錄用予以自新之路我朝家法刑賞大權悉由乾斷若朕赦一人用一人該科道等即欲執簡而爭尙復成何政體豈不踴勝朝陋習耶朕非拒諫飾非之君然亦不肯庸懦自居博納言之虛名受莠言之實害大臣等尙不敢擅生殺之權犯則必誅魯蘭枝竟敢以此嘗試欲擅朝政朕斷不能允准况扎郎阿與朕有何私恩圖薩仍行圈禁並未免罪曉曉置辨其意何居且朕廣開言路原欲科道等遇事直陳近年科道中如汪鏞之參奏明安日內王麟書之參奏祿康等俱經朕以持正嘉獎即本日賈允升同有條奏請恭纂皇考高宗純皇帝本紀其奏甚是見已准行朕於臣工嘉言讜論無不詳加採納若如魯蘭枝此奏實屬率臆妄陳竟欲干預刑名大柄不可不示以懲儆魯蘭枝著交部議處

嗣後言官遇有關繫國計民生諸大端仍當切實敷奏朕必嘉其公直若所奏謬妄不經朕惟執法不能曲爲原宥也將此通諭中外知之○甲子諭各直省揀調州縣凡係省會首邑及邊疆要缺經該督撫專摺奏請實係人地相需雖交部議駁奏上時朕無不俯加允准並將該督撫處分加恩寬免至州縣互相關署久經飭禁誠以州縣官各有地方專責如果人地不宜何難奏明更調若不行陳奏輒將員缺彼此互易殊非覈實辦公慎重職守之道乃近日各督撫漸又不遵定制率以調劑地方爲辭紛紛互調並或避調署州縣名目將實缺州縣委署同知通判而另以他員委署州縣本缺在督撫中居心公正者或實爲地方起見如稍有私意卽不免以愛憎爲予奪較量肥瘠爲人擇缺種種弊竇由此而起實於吏治大有關係著再行申諭嗣後督撫將州縣官互相調署或委署同知通判必係人地實在相需始准專摺奏請候旨遵行仍一面咨部查覈其有應行會銜之處照例會銜具奏儻仍沿舊習陽奉陰違經朕查出或被入糾參定將該督撫議處不貸將此通諭各督撫知之○轉李鈞簡爲吏部左侍郎調錢樞爲吏部右侍郎初彭齡爲戶部右侍郎莫瞻菴爲工部右侍郎轉王懿修爲禮部左侍郎以關槐爲禮部右侍郎曹振鏞爲內閣學士由通政

○高杞以違例調補州縣召來京調阿林保爲湖南巡撫以王汝璧爲安徽巡撫由內閣○丙寅諭陳大文奏江西樂平縣職員朱夢蘭遣家屬朱夢文等攜帶倉斛赴京呈控知縣勒折重徵挾嫌誣陷一案審有情弊請將府縣等官革職提究一摺外省民人赴京呈控案件往往發交該省督撫提究率以審明實係誣控或重事不實轉坐原告罪名具奏完案陳大文自任兩江總督以來前於昭文縣民人吳道昌呈控該縣浮收漕糧一案審出記書姚士林勒令加戎米石情形問擬杖徒將該令劉嘉穀照溺職例革職此次朱夢蘭控案復經該督訊出該縣漕書徐文亨改申舞弊書役王國用等包攬折收浮收據米餘米將控京兩斛較量道庫鐵斛均有浮大屬實難保該府縣無通同苛斂情事並以委審之知府等有瞻徇蒙混徇供招等情並請提訊是該督於辦理發審事件均能秉公持平不存徇庇屬員之見一經鞫實立請平反使小民含冤得白而奸胥猾吏不能倖逃法網辦理甚屬可嘉各省督撫等身任封圻於民人上控之案未必盡有意瞻徇總由委審之員心存袒庇有意蒙混遂不免爲其所愚將就完結或轉坐原告以誣控之罪以致小民負屈莫伸赴京顛訴者紛紛因該省上司不可盡信不得不特派欽差前往審訊思鄉里愚民生計本艱一旦被官吏侵欺赴上司衙門申訴如督撫等果能秉公訊斷毫無枉縱又豈肯遠涉關河來京呈瀆致需欽派大員前往審辦耶况欽差皆部院大臣均有本任應辦之事亦不可馳驅於外久曠職守若外省案件必一一特派員往爲申理又安用督撫爲耶嗣後各該督撫等當力改祖護屬員積習共發天良於民人控訴事件一秉大公虛衷審辦務得實情以申民隱而肅吏治毋得稍存徇庇顛預結案以致使輅絡繹徒滋案牘也所有此案應行質訊之前署樂平縣揀發知縣曹淵前任樂平縣調任上饒縣知縣李德樹饒州府知府官懋弼俱著革職委審之南昌府知府楊煒亦著解任該督卽委員署理一面將案內人證提至江甯審訊定擬具奏○經略大臣額勒登保振旅還朝遣御前侍衛蘇爾杭阿郊迎頒賞○戊辰諭魯爾枝前奏圖薩陽斃伊炳阿一案並不明

悉案由惟以前降諭旨內所敘情節係圖薩欲將家人倪三踢開誤傷伊炳阿致斃誤字出於朕旨並非該部錯擬魯蘭枝將誤殺二字展轉糾纏實屬謬妄此案經朕量予恩施復明白曉示大臣子弟等各宜加意檢束仍將圖薩在家圈禁並未除其罪名魯蘭枝豈不知之乃於業已施恩之案嗾嗾不休竟欲干與刑名大柄是以降旨將伊交部議處今據吏部議以革職本屬咎所應得姑念魯蘭枝究屬言官若因此將伊斥革恐科道等不曉事體妄謂魯蘭枝因言事褫職相率臧歎且此事若係滿洲臣僕如此妄言朕必照部議行魯蘭枝係屬漢員書生迂腐罔識政體著從寬改爲降三級調用若各科道因朕懲治魯蘭枝遂不敢陳奏事件則大非朕意朕節次降旨廣開言路其條議可採及參劾得實者無不立予施行或量加升擢如魯蘭枝之懷挾私心妄陳隱見是直蹈明季臺諫陋習矣豈可置之不問乎嗣後各科道等惟當勉思職守如果於興利除弊確有所見或部院及外省本籍辦事有應參劾之處仍應剴切敷陳朕必如之嘉納慎勿謂魯蘭枝以妄言獲咎遂自同寒蟬也將此通諭知之○己巳實授裘行簡福建布政使○庚午以多永武爲內閣學士軸題○甲戌以王綬爲內閣學士軸題○乙亥以雲南夷疆截定於維西麗江四路各設頭人二名給把總外委頂帶約束保畧○丁丑諭軍機大臣等上年大功將次告厥朕即慮鄉勇一項於裁撤後或復行滋事再三詩諭各督撫妥爲安插今賊影內陳賊止三四十人其餘皆係鄉勇可見該地方官於安插一事竟屬陽奉陰違未嘗認真經理茲伊等既已從賊即當與賊一律勦辦惟各路鄉勇尙未盡撤不可遽爲宣露以致隨征鄉勇轉生疑懼其有自賊中棄械來投者當追問係何處鄉勇地方官曾否安插及因何從賊緣由徹底根究如查有剋扣資給銀兩等弊德榜奏務即會同勒保從嚴參辦至田朝貴營內兵勇尙是夏季單衣不能禦寒且大半跳足朕心深爲憫惻試思官兵衣履尙不能禦寒如何責令勦賊其運送遲誤之員必須查明參辦田朝貴係帶兵大員既目擊部下情形亦應早行稟知經略參贊妥爲籌辦著德榜奏會同勒保即將此一路承辦軍需之員查明嚴參並將田朝貴不及早稟知之處一併參奏此項兵丁如此辛苦並無逃亡等事尙知大義深堪嘉獎除德榜奏於賞需銀兩內製造棉襖中衣布鞋等件分給外著再於賞項內添備衣履普賞該營以示體恤○戊寅以佛爾卿額爲察哈爾都統明興爲理藩院右侍郎由副都統選○以王文湧爲光祿寺卿蔡廷衡爲甘肅布政使崇祿爲甘肅按察使由副都統選○庚辰免雲南裸匪滋擾之維西等二廳縣並集勇防堵及會辦兵差之中甸等三十三廳州縣額賦○癸未命貢楚克扎布戴均元馳往山東查勘張秋運河並衛工漫口○丙戌賞固倫額駙豐紳殷德三等輕車都尉俸○丁亥諭軍機大臣等德榜奏追賊至橫山大梁雪夜襲勦衝鋒前進忽前敵鄉勇袖手不動賊匪踞巖下壓以致張應貴彭家棟身受矛傷陣亡旋據前營三旗鄉勇來稟接仗時看見多是同當過鄉勇的弟兄親友說是受了冤屈是以不肯動手願求諭帖叫他們出來伸冤德榜奏因鄉勇人多恐激變釀事從權辦理頒給諭帖令鄉勇魏忠才等持往招諭看此情形實爲可恨鄉勇見在竟有挾制官兵之意魏忠才往諭即使竟從招撫而此等桀驁狡詐之徒亦難保其不再生反側且不獨此數百人未可盡信卽見在隨征之鄉勇四五千人散之甚難尤須豫籌萬全以

資控制著方維向體察情形應如何設法安置鈴束如有所見即行詳悉具奏總期不至激而生變亦不至姑息養奸方為妥善○  
戍子論軍機大臣等本日召見額勒登保據稱伊在軍營即聞鄉勇等因散遣時得項較小未遂所欲或窮而無歸不免心生觖望  
此外實別無他屈之事該匪等既經從逆戕害大員自當嚴行懲辦不可稍存姑息等語德榜奏見令持諭開導黨竟受撫來營亦  
不能藥從寬宥務將此次戕害副將都司各逆首論令指出明正典刑此外兇悍助惡者亦應查出數人發遣其餘情願入伍者分  
發各標營當差其不願入伍之人酌量優給行賞俾歸鄉里著德榜奏查照安辦至此在橫山大梁前敵觀望不前甚至與賊匪  
交談代為申訴心懷挾制事定後亦當查明數人照軍法從事俾知儆畏將此傳諭知之○是歲朝鮮越南來貢○會計天下民穀  
數除湖北陝西福建三省未經查報外直隸各省通共大小男婦三萬二百二十五萬六百七十三名口各省通共存倉米穀三千  
五十四萬八千二百七十三石二斗五升六合八勺

嘉慶東華錄十七

嘉慶九年甲子春正月甲午以直隸安州新安隆平甯晉新河五州縣地窪詔每年蠲減正賦俟水涸復額○戊戌諭軍機大臣等  
前據德榜奏前敵鄉勇代訴從賊鄉勇受屈經德榜奏發給諭帖令魏忠才等持往招撫今據奏獲賊李思貴供稱都被眾人殺  
死經德榜奏派弁兵將魏忠才等屍身起獲驗明等語可見該匪等甘心叛逆從前所稱受屈之語全不必究德榜奏誤聽其言  
辦理失之過驟然以事勢而論此正極好機會設該匪等竟受撫投出則此內戕害人員各犯勢不能不按律嚴辦此外夥黨若輩  
事實者固無此理但加以誅戮該匪等又必謂已經投出仍不免於伏法或又生心反側辦理轉未免棘手今該匪既將魏忠才等  
殺死德榜奏正當趁此激怒鄉勇上緊勦辦剋期殲滅以靖地方至魏忠才等同時被戕實屬忠義可喜著德榜奏將該員等賜卹  
升銜繕寫名牌齋赴被害處所設立傳旨賜祭以妥忠魂並傳集隨征鄉勇咸使觀瞻俾共知感奮○撥廣東關稅銀一百萬兩備  
四川善後事宜○辛丑以臨幸翰林院晉掌院學士協辦大學士尙書朱珪太子太傅加侍郎英和太子少保並賞一品補服○改  
懋勤殿行走主事黃鉞為贊善遇缺即補命在南書房行走○丙午諭浙江巡撫阮元議奏給事中蕭之陳請採買海運難於舉行  
一摺上年豫省衛家樓漫溢之後黃水下游由山東張秋穿運經行於運道不無妨礙自應就見在應行事宜亟為籌畫經朕特派  
那彥寶前赴豫省會同稽承志等上緊堵築並派費道前往山東會同鐵保設法辦理運道挑挖淤淺疏導泉源並於各決口溜急  
之處詳悉籌備續又降旨有漕省分各督撫催令幫船及早開行見在豫省堵築工程已得十之七八餘亦均辦有端緒誠以重運  
北來至關緊要是以前此不憚煩勞妥為經理而外閒議論紛然即有以山東運道難通宜改為海運者而給事中蕭芝竟以此入  
奏朕原知其窒礙難行若不交議則無識之徒或疑朕不能虛衷採納是以彼時未經降旨將原摺擱還仍發交江浙各督撫妥議  
奏聞並諭令勿存成見前據陳大文汪志伊奏事屬掣肘不能辦理而本日阮元摺內亦稱海道險遠不敢輕試且見無舊辦章程

堪以循照若於額漕之外再為採買必致有妨民食實不能輕議舉行等語該督撫等久任封圻請習政務前後所奏不謀而同是其事之必不可行較然其見並非朕自矜獨斷也所有蕭芝原奏著無庸議科道等有言事之責若果於朝廷政務實有裨益者自當切實敷陳朕必加之採納若以必不可行之事率臆瀆陳輕更成憲則非朕周咨博採之意矣將此通諭知之○戊申諭軍機大臣等勦辦那匪自前年臘月奏報大局勘定上年七月又續奏三省肅清而敗殘零匪至今仍展轉奔逃總未淨盡見在已屆春融賊匪必思到處掠食卽已散之鄉勇聞伊等夥黨尙在各處搶掠互相效尤愈集愈多豈不又成大股劇賊卽如元年賊匪初起時原不過數百人後來到處裹脅人數日眾遂至猖獗此時統計零匪雖不過三百餘人若不上緊辦竣必致遺灰復燃德楊泰務於二月內將此起賊匪速行勦洗無遺以贖遷延之咎若以帶兵乏人各路兵丁業經陸續裁撤見在兵力實屬未敷應卽時奏聞朕必俯如所請每思元二年帶兵大員曾請京兵不卽發往以致賊勢鴟張遷延時日深以爲前車之鑒總之辦理軍務最忌因循粉飾如果零匪未淨須調多兵亦無可諱飾德楊泰接奉此旨卽將是否需用領兵之員及尙須加添兵力之處速行覆奏並著傳諭楊遇春令其前赴南山一帶將各要隘及江防嚴密防禦禦順北面毋令零匪一名逸入所有陝省南山隘口及江防專交楊遇春堵禦其未盡零匪專交德楊泰一手辦竣俾各專責成以期無負委任○庚戌調戴均元爲戶部左侍郎以祖之望爲刑部右侍郎前任廣○癸丑命詹事府詹事照翰林院掌院學士例坐充日講起居注官著爲令○以文淵閣茂藏書籍見有續增歸架各冊增設校理四員協同武英殿纂修各員核對○甲寅諭本日軍機大臣會同戶兵工三部議駁御史體德奏請增攻軍需則例一摺已依議行矣閱摺內有鄉勇一項不應復有募用之語所奏甚是國家設兵所以衛民內而八旗勁旅外而駐防綠營原以備一時徵調之用我朝軍政修明從前用兵外域平定准噶爾回部大小金川以及勦捕內地亂民如王倫蘇四十三田五之類均係調用額兵隨征奏凱從未有雇募鄉勇之事自臺灣匪徒林爽文滋事時該處地隔海洋本有義民等急公慕義請效馳驅因而隨宜量用協同官兵分司技勦迨至勦辦那匪帶兵大員及地方官等召募鄉勇多名展轉隨征以致愈集愈多數盈累萬在鄉里小民等各衛身家遇地方偶有不靖自行團集什伍保護田廬原屬通曉大義分所當然若竟官爲雇募隨營接仗甚或調往隔省從征經年累月成何體制試思八旗兵丁如簡發東三省官兵不聞有召募奉天等處民人從軍者卽簡發京營勁旅亦從未有令大宛兩縣民人幫同出兵者况國家兵制之設有將軍都統督撫提鎮以資統轄設立營伍蒐簡軍實豈尙不能爲國宣力乃必藉閭閻未經練習之人供疆場折衝之用則又安用官兵爲耶探厥所由皆因武職大員不能實心辦公平居無事往往令本標兵丁充僕隸斯養之役或兼習手藝在署傭工而於訓練操演轉視爲具文屬下將弁相率效尤而督撫大吏又不能隨時整飭遂致隸名營伍步伐茫然一旦有事徵調其能知紀律陷陣衝鋒者寥寥無幾不得不募民充勇以供調撥是非惟兵不能衛民而轉率民以充兵則大非立制之意矣見在三省那匪肅清干戈永靖然兵可百年不用不可一日無備况兵之強弱視乎練兵之勤惰如勤加訓練



則弱者可漸使之強儻玩愒從事則強者亦流而為弱嗣後各省將軍都統督撫提鎮等均應嚴飭營員痛改積弊於所轄官兵認真操演俾標兵皆成勁旅以肅軍政而勵戎行將此通諭知之○丁巳諭朕前因蹕路經過地方直隸辦差官員過多屢經面諭該督等不得紛紛調派本日恭閱 皇考高宗純皇帝實錄內載乾隆三十一年欽奉 諭旨以蹕路所經不過近畿數百里以內且為日無多各該地方佐雜各官足資料理即欲調他屬協辦亦當有所限制何須如許多員往來僕僕著嗣後此等差務止准調取四五十員不得仍前多派致曠公事欽此仰見我 皇考慎重地方至意朕前次所諭正與 聖諭適相符合地方官均有守土之責若以承辦差事為名於本任經理事務轉致曠廢日後或有貽誤又藉口辦差公出冀圖諉卸處分何以飭吏治而專責成且直隸風氣道府各員每欲藉差務前赴行在希圖召見朕屢加詢問伊等承辦差使不過查道等事其實辦道之官各有地段伊等原未嘗分段稽查特假此為名而已鑿與臨幸之地止須除道清塵該督酌派近屬各員已足資辦理安用違調多員紛馳道路著傳知該督嗣後遇有應辦差務自道府以下以及各廳州縣佐雜覈計足敷辦差之用而止毋得仍前多行檄調以重職守將此通諭知之

二月壬戌 上御經筵○諭翰林院為典冊淵藪從前 皇考高宗純皇帝臨幸時曾將古今圖書集成全部 頒發珍藏俾詞臣咸得觀摩共窺美富敬念 皇考聖製詩文全集闡經明道茹古涵今集聖學之大成括羣籍之義蘊允宜垂示藝林光昭萬禩至

太學鐫刻石經仰維 皇考尊經典學超軼漢唐亦當頒之冊府用示楷模此次朕臨幸翰林院特將內府尊藏 皇考聖製詩文全集及 欽定石刻十三經各一分交該院祇領恭貯以昭朕續 緒右文嘉惠儒臣至意○癸亥 上幸翰林院先期賜掌院學

士朱珪英和 御書扁額是日賜羣臣宴 御製敬依 高宗聖製元韻詩二首命諸臣分韻賦詩又做柏梁體詩 御製首句命羣臣以次廣續成章復宣示 御製七言律詩二章命諸王及分字諸臣和韻宴畢賜 御製味餘書室全集並賞資有差○丁卯

諭朕恭閱 皇考高宗純皇帝乾隆三十一年 實錄因朕所執成親王題書扇頭有兄鏡泉二字當奉 聖諭以十一阿哥幼齡所學文理字畫尙覺可觀但落款鏡泉則非皇子所宜此蓋師傅重書生習氣以別號為美稱妄與取字於蒙養之道甚有關繫皇

子讀書惟當講求大義期有裨於立身行己至於尋章摘句已為末務矧以虛名相尚耶我國家世敦樸樸所重在乎習國書學騎射豈可效書愚陋習流於虛設使相習成風其弊必致令羽林侍衛咸以脫劍學書為風雅甚且改易衣冠變更舊俗不可不知

儆惕等因欽此仰見我 皇考崇實黜華敦本貽謀至意自奉 皇考訓諭以後咸各懷遵弗忘今皇子等在書房讀誦本無另取別號之事而 聖訓昭垂意至深遠所當敬謹申明俾知法守將來皇子中年齒稍長者開取一二字顏其書齋鑄之圖章尙無不

可總不得自署別號尙虛文惟當講明正學以涵養德性通達事理為務至詞章之學本屬末節况我朝 家法相傳國語騎射

尤當勤加肄習若竟以風雅自命與文人學士爭長是舍其本而務其末非蒙以養正之意也著將此旨實貼上書房俾皇子等提

斯警覺用仰副 皇考及朕諄諄垂訓之意○諭本年京察屆期吏部開列在京各部院大臣及各省督撫名單進呈請旨甄別大  
 學士向不開列第念大學士保爾慶桂劉墉董誥協辦大學士琳甯朱珪參贊綸扉或職司票據或趨承樞禁俱能恪勵匪懈尚書  
 劉權之德瑛戴衢亨在軍機處行走小心勤慎尚書祿康職任度支兼管步軍統領辦事勤勞內閣學士曹振鏞蔡 高宗純皇  
 帝實錄纂本尚為詳慎均著交部議敘直隸總督顏檢辦理地方一切事宜勉安協山西巡撫伯麟久任封圻循聲素著浙江巡  
 撫阮元有守有為清儉持躬亦均著交部議敘閩浙總督玉德前因江西石城等處匪徒滋事與閩界毗連當令玉德馳往建甯一  
 帶查辦已據奏將首犯吳韜寬金鰲等緝獲到案尚屬勤勉著賞還花翎江西巡撫秦承恩當該省匪徒廖幹周等滋擾時即帶兵  
 趕往督捕全數掃除特因其奏報遲延是以未即加恩但念糾眾巨案該撫能剋期辦竣其功足錄著賞一頂頂帶餘俱著照舊供  
 職○諭鑲黃旗都統奏查出該旗漢軍秀女內有十九人俱經纏足請將該管大臣交部察議參佐領等交部議處等語我朝服飾  
 本有定制必當永遠遵守今該旗漢軍秀女竟有纏足者甚屬錯謬一旗既有十九人其餘七旗漢軍想亦不免今姑不深究祿康  
 查出據實奏聞尚屬細心著免其察議該管副都統並未查出均屬非是成書珠陸阿俱著交部察議該管參佐領等交部分別議  
 處至此秀女十九人父兄本應照例治罪惟此等漢軍自幼鄉居是以沾染漢習此次著格外加恩暫免治罪著通諭八旗漢軍各  
 遵定制勿得任意改裝各該管參佐領等務按戶曉諭各該旗大臣不時留心詳查如有不遵定制者即行參奏儻別經參奏不惟  
 將該秀女父兄照違制例治罪定將該管都統參佐領等一併治罪再此挑選秀女衣袖寬大竟如漢人妝飾競尚奢華所繫甚  
 重著各該旗嚴行曉示禁止務以黜華崇儉為要○己巳諭額亦都為本朝開國勳臣其後嗣如阿里表豐昇額均曾為國宣勤著  
 有勞績疊昇額之子明安未能受朕恩自獲答謫旋即身故念其祖父前勞是以加恩將伊子和色本賞給主事令其在吏部行  
 走今聞和色本又已病故且伊家見有兩世孀居情殊可憫明安之次子那蘇巴圖尚在穉齡著加恩賞給主事在家支領半俸以  
 資贍養俟伊年長及歲再行帶領引見當差用示朕篤念舊勳推恩後裔至意○癸酉遣編置佐領及安置各處安南人回國資銀  
 有差並許黎維和歸葬○改授吐魯番領隊大臣藍翎侍衛玉衡為四等侍衛以宗室向無藍翎故也○己卯增設伊犁固爾扎城  
 六品巴濟格爾伯克七品色迪爾伯克各一○甲申免四川教匪滋擾之太平等四廳縣額賦○撥廣東商捐銀四十萬兩兩淮鹽  
 課銀二十萬兩備陝西善後事宜○丁亥 上親耕藉田○戊子 上啓鑾謁 東陵○免經過地方額賦十分之三  
 三月辛卯 上謁 昭西陵 孝陵 孝東陵 景陵 裕陵回鑾○壬辰 上幸盤山○甲午以阿禮布署雲南布政使前任雲  
南布政  
 使○戊戌檢山西米三萬石備陝西軍糈○壬寅 上謁 明成祖陵奠酒○諭本日朕親至明成祖長陵酌奠並遣大臣分詣諸  
 陵行禮憑眺山陵彌深殷鑒敬念 皇考高宗純皇帝特諭重修明帝諸陵明樓享殿規制煥然嚴禁樵蘇松楸無恙茲朕鑾輅經  
 臨再申禁例著該地方官以時飭令守陵人戶敬司灑掃並嚴禁砍伐樹木永遠遵奉無得懈弛以副朕恪守 前謨培護勝國陵

寢至意○以明後裔延恩侯朱毓瑞爲散秩大臣並賞守陵人銀○甲辰 上還京師○戊申賞阿克蘇賽哩木貧回地五千畝有奇○庚戌諭軍機大臣等據英善福甯奏廓老王子喇特納巴都爾見在同至陽布與伊子同往有噶箕乃爾與差人來至邊界告知意欲攜家逃入唐古特境內已飛飭該處番管明白宣諭不准收留等語所辦甚是英令管官等宣諭之言亦屬得體廓爾喀臣服天朝頗稱恭順從前老王子因病傳給伊子承襲伊子年甫數歲今老王子既回陽布原可率同辦事該噶箕等乃伊臣屬輒思背主潛逃豈有天朝容納叛臣之理若准其入境何以撫馭外藩乃爾與如不內投則已若再差人瀆請英善等並當諭知來人以乃爾與背棄國王卽屬天朝所惡若逃至境上不但不應收留並當轉交該國王聽其自行辦理如此嚴切示諭則乃爾與及其餘噶箕自必皆知懍惕卽或本國不能存留逃往他處聽其自便若潛來至唐古特地方滋生事端卽行縛交該國邊界自可示臻甯謐○辛亥邱庭澹以母老請回京侍養允之以秦瀛爲廣東按察使由湖北補○以催糧糧艘迅速加鐵保太子少保○丙辰衡家樓河工合龍

夏四月己未朔召陳鍾琛來京以策丹爲山東布政使俟補布政使○己巳 上閱健銳營兵○庚午四川總督勒保奏查辦黑瑪溪匪匪生擒首犯庚兒得旨嘉獎○甲戌命月給黑龍江八旗孤寡倉糧○召楊長桂來京以李燮宣爲雲南按察使由湖北溫處道遷○乙亥

四川總督勒保奏來谷夷日繙獻聽從黑瑪溪匪約搶掠大翁堡滋事兇夷辦理全竣總兵張志林等下部議敘○丙子召稽承志來京賞江南淮徐道徐端三品頂帶署河東河道總督○乙酉以胡克家爲湖北按察使由河南歸道遷

五月庚寅 上手諭阮元知朕幼受東壘教授常感舊誼是以補給三品封贈今謝恭銘在鄉如此狂妄毆打年伯昔年父不以爲子今日弟不以爲兄况汝曾受東壘之恩甯忘之耶當梁同書稟告之時卽應具摺上奏明正其罪方爲正辦而汝令袁秉直私和

謂停何以厭眾若恭銘爲東壘之子汝如此顧惜尙可謂因私廢公今則併私亦廢矣况汝曲庇如此逆子卽東壘在地下恐亦不能瞑目今揚鎮病故孤女無依恐遭毒手是以病至臨危差家人謝陞抱奏至祿康處投進幸祿康代爲陳奏而揚鎮卽日棄世朕披覽之餘惻然淚下寬其冒昧之咎命汝辦理存孤恤寡勸惡安良全在汝爲之卽行覆奏殊論先繳回尋阮元據實覆奏得旨如

此惡情朕實不知今既曉然另降諭旨遵照辦理諭軍機大臣等據阮元覆奏查辦謝恭銘款蹟一摺謝恭銘素性狂率於父子兄弟間未能將順和睦本屬士林之玷至伊將梁同書拔鬚擊毆一節梁同書係在籍侍講若以毆辱職官擬罪謝恭銘自應發遣但

念事隔多年梁同書彼時未經呈控業已調停和息且謝壙之第三子揚鎮見又病故並無子嗣若再將謝恭銘問以遠戍則謝壙身後門戶益復凋零轉非朕眷念舊臣之意此時謝恭銘著加恩且不必究辦交該撫傳知伊家毋庸爲謝揚鎮立嗣並將謝恭銘

嚴行管束隨時照察將來謝揚鎮妻女回籍謝恭銘不得稍有欺陵儻不知悛改或仍有挾嫌廋虐侵占情事該撫一有聞見卽據實參奏懲辦毋得回護瞻徇○甲午 上詣 黑龍潭祈雨○丙申諭軍機大臣等伯麟等密奏增定禁截口鹽章程並緩籌官辦

池鹽一摺前因晉省鹽務自改歸地丁以後池鹽聽民間行銷官無緝私之責鹽禁日就廢弛遂致蒙古鹽斤得以乘間偷越於國計民生大有關係是以諭令伯麟等妥為籌辦今既據查明改商運行有納課延夥等事鹽價必致增昂更恐販運貧民紛紛失業且檢查籤商舊案諸弊叢生一時不敢輕議復舊自保實在情形調劑各省鹽務所以便民朕豈肯輕復河東官鹽致令晉民稍有不便乎惟中國自然之利若任外藩圖占此則所關非細自應禁其水運方可嚴杜偷越伯麟等此時既未便遽行更張惟應於碩石上下另擇要隘地方添派幹員會同該管各官嚴行查禁儻有無照鹽船私自偷越即行截拏按律懲治至摺內稱前與旺沁班巴爾會商章程並無違抗不遵請於旺沁班巴爾之弟襲封後再行開導令其自願改歸墮運所見亦是伯麟等應俟該王薨爵之後乘便會晤再將停止水運之處向其商議看彼是否願從另行據實密奏○丁酉兩○諭吏部議奏請將辦理虧賠倉穀錯謬之原任巡撫高杞照違制例革職一摺此項湖南省虧賠倉穀早經總督吳熊光奏定在各員名下按照時價追補歸款已降旨允准乃高杞輒妄議更張既以例價追銀復向有糧之家按糧勻買嚴計民間須賠銀至二十萬兩之多殊屬袒官病民朕甚憂黎元於地方一切公事從不肯科派閭閻總期藏富於民培養元氣此事若照高杞所奏辦理則地方官員等得任意私虧飽其囊橐而百姓代官賠補貽累無窮豈不大形紛擾且此端一開儻有不肖地方官乘穀貴之時將倉穀照市價羅賣入己迨採買時不過以半價歸公仍按糧戶派買展轉侵吞多方剝削勢復何所底止設各省從而效尤小民生計尚可問乎高杞妄更成議實屬乖謬著照部議革職仍來京候旨○戊戌以朔圖禮為工部右侍郎原任廣東巡撫○庚子諭軍機大臣等本日據孫全謀奏稱上年十一月內在雷州洋面探聞盜首鄭一烏石二等竄回粵洋共有匪船二百餘隻聚泊遂溪縣廣州灣洋面其餘六七十隻分投各洋面游奕孫全謀督率兵船五十八號於十二月二十等日馳赴攻剿賊船隨拒隨逃官兵傷斃二十名緣孫全謀所帶兵船內有九號小料民船配兵無多其餘各兵船在洋駕駛日久船底滲漏僅有兵船二十九號跟蹤追捕詎盜船百餘隻竄至平海黃茅洋面見官兵稀少膽敢放礮迎敵傷斃千總一員兵丁四名俱經札達倭什布具奏外並自請交部治罪等語洋盜鄭一烏石二等匪船二百餘隻在廣州灣等處分屯游奕經官兵兩次追捕傷斃兵丁二十餘名及弁員此係上年十一月間之事該督接到札稟後自應據實具奏一面認真督辦乃檢查倭什布節次奏到各摺並未詳晰陳奏殊不可解洋盜為廣東大患此事尚不留心別項事自必更形疏懈伊係棄瑕錄用之人尤不應如此怠忽粵省洋匪自越南受封以後已無窩留通逃之數自當漸就肅清乃至盜船數百連幫聚泊游奕各洋豈地方文武尚不急思上緊撲捕乎試思盜船有二百餘隻之多而兵船止有五十八號即一律整齊已覺寡不敵眾何況此內半有損壞僅贖三十餘船追捕大幫賊匪無怪乎官兵之被狀而匪徒之遠颺也近聞該省船隻於製造完竣後止在海口停泊以致日久浸漬多有虧壞此即營員出洋懈弛之明證但既有損壞地方官即當隨時修整乃亦因循觀望一有調發之事始雇覓小料民船數號搪塞了事此等積弊朕所深知大率營員儻於出洋輒以無船可駕為詞地方官則以營員平素並不出洋

空船停泊徒置無用一旦議令修船每稱所費不費似此互相推諉日漸廢弛海洋何能安輯倭什布係該省總督文武皆其統轄著卽嚴切查明分飭所屬痛改積習和衷辦公若陽奉陰違仍前貽誤或稍有諱飾一經朕訪聞得實或別絕劾奏惟倭什布是問所有孫全謀自請治罪之處此時且暫緩交部仍著該提督上緊督緝務淨根株如再有遲誤卽當一併治罪不能由貸矣將此傳諭倭什布並孫玉庭孫全謀知之○甲辰免齊齊哈爾貧民違糧○丙午諭軍機大臣等額勒登保等自奏報分路勦賊情形後迄今已閱旬日朕盼望之殷刻深焦慮本日四百里報到所敘連日分兵探勦情節不過殺賊一名生擒被擄民人十名賊匪除二百三十四人又新擄百姓一百人賊數竟添至一倍見據摺內稱官兵連日爲大雨所阻一俟天色稍霽奮力進攻儘賊匪他遁亦卽設法趕勦等語殊不成話如此大雨官兵既寸步難進賊匪又何能遠遁若賊匪竟能冒雨前行官兵自亦可跟蹤追躡何至不能奮力進攻額勒登保等不過又爲將來追賊遲延自占地步此等敗殘零匪不但不能殲除又復展轉奔逃致增裹脅均由伊等辦理延誤所致上年冬間德楊泰接辦時朕以該處零匪止贖一百人無難剋期辦淨乃德楊泰諛聽鄉勇詭計欲事招降子賊以暇坐失事機不得已又令額勒登保到彼幫辦額勒登保在京時卽再三婉辭及至到陝後聞德楊泰於二月初二日得有勝仗又欲避分功之嫌不卽會辦逮德楊泰屢次不能得手伊自知難以坐視始行前往今自與德楊泰會同以來又閱月餘老師糜餉一籌莫展此而不加黜罰何以肅軍紀而勵戎行此起零匪德楊泰勦辦最久其貽誤之咎尤重著降爲二等侯革去內大臣降職單眼花翎革去紫纁賽沖阿以西安將軍幫同勦賊且係聯銜奏事之員非專聽調遣鎮將可比其獲亦重伊前賞輕軍都尉世職著降爲騎都尉並拔去花翎額勒登保會同督勦雖不似德楊泰等爲時已久但到軍營後毫無振作咎已難辭著降職單眼花翎並革去紫纁朕權衡伊三人貽誤輕重之咎分別降革以示薄懲額勒登保等務宜知感知奮迅速厥功仍可復邀恩賞儻再泄洩查任賊匪展轉奔逃沿途句結必將額勒登保等二人一併從重治罪不能稍爲寬貸矣○丁未諭我國家景運昌明文治隆茂八旗臣僕涵濡 聖化輩出英才自定鼎以來後先疏附奔奏之倫其足任干城腹心者指不勝屈而於騎射本務之外留意謳吟馳聲鉅槩者亦復麟炳相望前此鐵保在京供職曾有探輯八旗詩章之請經朕允行茲據奏進詩一百三十四卷請賜書名朕幾餘披覽嘉其披羅富有選擇得宜格律咸趨於正而忠義勇敢之氣往往藉以發抒存其詩實重其人益仰見 列聖培養恩深蒸髦蔚起正未有艾爰統命名熙朝雅頌集並製序冠於簡端以垂教奕禩非徒賞其淹雅宏麗之詞也著將原書發交鐵保付之前刷用昭同風盛軌焉○乙卯諭軍機大臣等本日朕披閱勦平三省邪匪方略嘉慶二年九月內宜縣奏軍營情形據稱各州縣團練鄉勇其中勇往出力者自不乏人但賞過則驕威過則散究非紀律之師可比請於新兵外各按省分添練備兵自一萬名至五千名不等語朕猶憶從前奏到此摺時經恭請 皇考高宗純皇帝訓示仰蒙 聖訓以軍營鄉勇不能繩以部伍不若挑充入伍可資約束則多一兵丁便少一鄉勇俟軍營告竣後或挑補營頭或散令歸農其事向屬易辦宜諒之言似有所見隨降旨諭

知四川陝甘湖北河南各督撫等按照官廳所奏之數招募入伍可見鄉勇之不足恃早經 聖明洞鑒示以辦理之方該督撫等如果及早遵行彼時鄉勇等貪得鹽糧自必咸願應募一經入伍則駕馭較易即事竣散遣亦不虞其滋事乃數年以來督撫皆委之於經略參贊遷延不辦各路軍營仍襲用團練之人漫無控制以致大功告竣後散遣為難其留軍營者不肯出力徒糜鹽糧其散歸者或流而為匪別生事端年來疊次降旨諭令妥籌安插迄無善策連日以來又屢諭該省督撫等悉心籌辦此時各路鄉勇內如尚有情願入伍者自當即令歸營食糧但恐此等游民懼於管束未必情願入伍著該督撫等遵照節次諭旨將鄉勇有家可歸者酌加賞給遣回原籍取具收管印結其無業可歸者或分給各大小員及各廳州縣署內充當壯丁雜役給以飯食俾資餬口總當使之有所羈管足資生計不能遊蕩為匪方可日久相安各督撫惟當速發天良以國事為家事妥協辦理勿再因循○定身犯二罪均應斬決者加梟示例○以遣戍釋回賞給員外郎前任陝甘總督宜縣前奏鄉勇情形切中時弊命以四五品京堂候補○丙辰諭軍機大臣等朕近聞本年豫省合龍後黃流由雲梯關入海不甚暢利竟有分溜直入洪澤湖及淮揚一帶運河倒灌較往年為甚此事殊有關繫海口一帶舊有阻遏上年豫工未經合龍時朕早為慮及節經降旨令吳璥親赴海口一帶隨機酌辦務為一勞永逸之舉不可惜費畏難申論甚為明切該督屢次奏到皆言雲梯關一帶出水通暢惟請再將黃泥背新河等處取直開挖以收束水刷沙之益本月初旬復據奏稱各工業經挑切如式河水滔滔外注並無阻遏等語今黃流分溜直入洪澤湖運河是海口之不能通暢已可槩見現在未交大汛以前已形倒灌將來伏秋大汛清黃並漲洪澤湖不能容受各處工程豈不大形危險海口阻滯本非一日但上年有旨特交吳璥查辦何以並不通盤籌畫以致本年黃水倒灌甚於往年該督前此所辦自不免存惜費之見殊不知顧惜小費於前即不免多糜帑金於後試思海口消納不暢洪澤湖又遭淤淺則河身漲滿濱河州縣在在可危彼時設有漫溢工鉅費繁又將如何辦理吳璥即不惜身家更於國事何益著吳璥即查明見在河水倒灌情形務即設法籌備不可遲緩貽誤

六月戊午朔命那彥成馳赴河南查看河工○以董教增為四川布政使李長森為貴州按察使山東登萊青道選○壬戌諭朕躬駐蹕圓明園時所有內廷行走兼管部院之滿漢大臣俱應乘暇赴署辦事每日早朝退後不得以內廷行走為詞優游園囿僅令屬員赴園稟事前經降旨訓飭不啻再三本日恭閱乾隆三十五年 實錄內載回子白和卓參奏倚山李潔芳監放米石贖誤未到一摺仰蒙 皇考高宗純皇帝 天語褒嘉景緬之餘覺朕節次訓諭與 皇考高宗純皇帝語誠臣工翼其力懲懈弛各勤職守之聖心適相符合白和卓乃御前行走回子尙爾龜勉奉職豈內廷及御前乾清門行走之王大臣轉可託故偷閒竟不起署辦事耶朕每日視朝甚早不過已刻即散王大臣等進城揀選查辦事畢再行回園次早進內願覺從容况御前乾清門侍衛常川住園並無別項差使故定例給與官房至兼攝他職之王大臣例不給與官房特以早朝退後俱應赴署辦事也嗣後內廷及乾清門行走

兼管旗營之王大臣等務於每日退直後各赴公署查辦一切慎毋恣意養安致負委任將此通行曉諭永遠遵行○甲子諭前日吏部具題內閣侍讀學士員缺請簡一本將奉旨以三四品京堂用之陳鍾琛開列並註明此缺雖係四品但入衙門京堂考覈之員似與京堂有間等語殊不成語設官分職自有一定秩序豈可在疑似之間耶本日御門已將陳鍾琛補授此缺因思內閣侍讀學士係從四品官階定例缺出時以通政司參議光祿寺少卿鴻臚寺少卿及科道各部郎中分班輪用止因京察年分應歸大學士考覈不得與各衙門卿員同邀引見是以與京堂稍有區別該員於簡放謝恩亦由大學士據情代奏不准自遞奏摺雖係向例如此但思通政司參議光祿寺少卿鴻臚寺少卿其階級係在內閣侍讀學士之下均列為京堂自行具摺謝恩京察時帶領引見何一升內閣侍讀學士轉不獲遞摺謝恩其體制介在堂司之閒殊屬未協嗣後內閣侍讀學士員缺著照翰林院講讀學士之例遇京察之年同各京堂一體引見其簡放時俱著各該員自行具摺謝恩此外各京員中如尚有階級雖小而職任係屬堂官及升任後轉不得具摺謝恩及由本衙門註考者共有幾項其由各衙門開列補放及引見人員應如何分別堂司體制的歸畫一之處著吏部詳查議奏尋議詹事府滿洲庶子欽天監監正監副每屆京察亦係歸入京堂引見而補放時係行文鴻臚寺於升殿之日謝恩與各項京堂自行具摺者不同應請嗣後詹事府滿洲庶子欽天監監正監副於補放時亦令其自行具摺謝恩以昭畫一至國子監漢司業應升翰林院侍讀侍講詹事府洗馬中允欽天監滿洲監副應升各部員外郎科甲班並升詹事府中允漢監副應升各部員外郎升任後既非京堂自應仍歸本衙門註考亦無庸自行具摺謝恩以符體制從之○諭軍機大臣等玉德李殿圖奏蔡牽匪船竄至鹿耳門滋擾見在調遣官兵赴臺協剿情形一摺盜首蔡牽在洋面竄擾劫奪日久未能緝獲今竟敢率其夥匪駛至鹿耳門海口突入北汕木寨滋擾以致戕害官兵實屬可恨但武克勤王維光二員既經玉德等派往北汕寨防堵遇盜船登岸自應奮力擒拏何至遠有失事儻該遊擊等竟係畏葸不前未經抵禦以致被戕則本有應得之罪無庸再行加恩若果督兵殺賊或因眾寡不敵力竭被害仍當照陣亡例賜卹著該督等確切查明具奏請旨其臺灣鎮道府各員據稱愛新泰同慶係先經聞信馳赴鹿仔港因盜蹤業已他竄卽行回郡嗣於二十八日接有汛弁稟報該鎮卽馳赴北汕木寨督捕遇昌慶保在海口一帶彈壓巡防是日該鎮坐船因黑夜逆風暴雨急切不能趕到等語地方文武大員於此等盜劫重案自應卽時馳往督捕况郡城距鹿耳門水程止三十餘里相距不遠究竟北汕寨失事時該鎮督道府等會否趕到並著該督等查明如果有誤卽退避情事卽應據實參奏不可稍有回護此時盜船業已遠颺該督見分派鎮將帶兵擒捕惟當嚴飭上緊兜圍截擊追蹤務獲卽該匪從外洋竄逃鄰近省分尤宜不分畛域協力嚴拏閩浙兩省均係玉德所轄應通飭營汛並知照阮元李長庚等上緊圍擒其濱海如粵東江蘇等省亦著飛咨各該督撫一體嚴拏毋任日久稽誅○丙寅撥九江龍江淮安許聖各關稅銀五十萬兩並撥陝西藩庫銀十萬兩備善後事宜○戊辰先是吏部書吏舞弊將告病治中趙日濂虛選連同事覺上命大學士保甯等會同刑部查辦至是諭曰君臨

天下敷政治民仔肩至重奚能獨任我朝特設內閣總理樞機六卿分職各率其屬即古之四岳九官輔弼匡贊之職也朕德薄才疏寅承大統惟求天下乂安兆民蒙福孜孜圖治不敢暇逸奈諸臣全身保位者多爲國除弊者少苟且塞責者多直言陳事者少甚至問一事則推諉於屬員自言官不如司官司官不如書吏實不能除弊去害是甘於旅退旋進忘職思其居之義矣諸臣皆我皇朝所用之人似此萎靡不振自暴自棄諸臣自爲計則可矣何以報皇考數十年之恩遇乎自大學士尙書侍郎以及百司庶尹唯諾成風皆聽命於書吏舉一例牢不可破出一言維令是從今吏部京兆相爭一事任書吏之顛倒是非變幻例案各堂官受其愚弄冥然不覺所爭之情節與所爲之弊實毫無干涉良可慨歎一部如此推而至於五部若堂司如此庸碌書吏如此狡猾上無道揆下無法守太阿倒持羣小放恣國事尙可問乎此案雖經分別治罪諸臣各宜痛改前非急圖後效念朕求治之苦心佐予不逮區思致君澤民之實政莫存尸祿保位之鄙見使朕成一代之令主諸臣亦得爲千古之名臣經朕訓諭之後尙不知悛改是激朕之怒必欲朕受薄待大臣之名朕甯受此名曷敢廢法必挽回乃止其無悔此案禍首罪魁皆由吏部書吏舞弊蒙混而阿勒經阿貴徵二人選司掌印失察作弊混行摺塞卽行革職發往伊犁效力吏部尙書琳甯老邁無能難期振作者革協辦大學士吏部尙書范建豐錢樾每日入署辦事毫無覺察俱著革去侍郎三人仍交都察院議處瑚素通阿究係署理不必兼署吏部初彭齡亦不必兼署俱交都察院嚴加議處劉權之調補兵部尙書仍交都察院嚴加議處慶桂究係總理又在軍機著仍管吏部事務亦交都察院嚴加議處戴衢亨心爲除弊激於公忿毫無不是惟失察書吏用印補畫催彙實不能爲之諱著不必兼管府尹交都察院議處閣泰和亦爲除弊惟失察書吏私用印信又受同鄉屬託標畫先行其咎較戴衢亨爲重然究爲除弊情尙可原罪不至於革職著降補四五品京堂仍交都察院議處○諭軍機處承旨書諭尙於大學士及尙書侍郎等官慎選行走誠以絲綸出納必有總匯之區不能分隸各部亦斷無更番輪值之理但六曹事務殷繁軍機大臣中偶值此一部無人適有垂詢交辦等事該大臣非其專管未能熟悉必俟該部值日召對轉覺遲緩自應職備六官方足以資經理而在內行走之各衙門司員亦得本堂官覈其勤惰軍機大臣德瑛自行行走以來人甚慎密清文最爲通曉辦事俱極認真本日已降旨調補吏部尙書該部職掌銓衡事務繁重軍機大臣慶桂係兼管吏部較之德瑛倍加老練若仍留德瑛在軍機處行走部中卽少一專辦之人而軍機處轉多一吏部堂官德瑛著不必在軍機處行走卽赴本衙門辦事見在軍機大臣戶禮二部無人禮部尙書那彥成著仍在軍機處行走戶部侍郎英和年力富強人有出息著在軍機處學習行走伊所管事務較多又係內務府人著不必兼理總管內務府大臣○減直省各關盈餘稅課○緩徵湖北教匪滋擾及近賊之江夏等二十五州縣衛通賦○以戶部尙書祿康協辦大學士調德瑛爲吏部尙書長麟爲刑部尙書以明亮爲兵部尙書由都統選○調費瀄爲吏部尙書由兵部調○調恩普爲吏部右侍郎轉玉麟爲禮部左侍郎以扎郎阿爲禮部右侍郎由內閣學士選○降錢樾爲內閣學士調劉銀之爲吏部右侍郎轉潘世恩爲兵部左侍郎以劉鳳諾爲兵部右侍郎由內閣學士選



○庚午諭新疆謀故自首之案毋從重立決○壬申諭昨據紀昀奏稱四川省職官生員等有因敬避 陵名漢字呈請改名咨部覈辦之案因令查取原案呈覽一係該省縣丞樊泰祥請改名樊仲翔經勒保咨請部示業據禮部咨駁一係貢生張景超由該學政錢杖飭令改名步超咨請換給貢單禮部尚未札覆前因 山陵稱號各清語非臣下所當命名應行一律更改當經明降諭旨專指清語而言至 各陵稱號漢字臣民等如有以景字泰字等字命名而下一字係齡林等字者兩字相連兩音相叶如策丹玉福之原名者是以更改其專用景字泰字等字命名者原不在敬避之例勒保保滿洲大臣非不曉文義者且入任封疆乃率據樊泰原詳咨請部示已屬拘泥不曉事體禮部所駁甚是錢杖身任學政輒將貢生張景超易名步超呈請換給貢單尤屬不通勒保錢杖均著傳旨申飭並將此通諭中外一體遵照○癸酉諭吏部書吏舞弊將告病治中趙日濂虛選運同一案前經特派大學士保甯等五人會同刑部秉公查辦業據徹底查訊具奏降旨辦理結案本日錢樾復聲敘例案具摺申辨若不就所奏詳加覈定無以折服其心著再派協辦大學士祿康朱珪尚書費瀾侍郎關槐成書署侍郎曹振鏞將錢樾摺內所敘各例案悉心查覈應存應去據實具奏至錢樾摺尾稱此案撞騙之姚承裕係選司經承周照係所雇之募工茹南金係所雇之貼寫不見司官司官並不

知其名今訊明經承既不知情則非書辦有心舞弊等語殊不成話竊工貼寫既係該司經承雇令在署辦理公事即係該司官員等分應稽查管束之人今錢樾所奏以伊等舞弊經承向不知情其意自以經承既不知情則司員等無從查察並無不合而堂官更無可任咎雖未敢於摺內明言而隱躍其詞難逃洞鑿朕辦理此案酌理準情權衡而出慶桂劉權之二人在軍機處行走不能每日入署是以僅交嚴議將劉權之調任兵部瑚素通阿初彭齡均係署任止交嚴議不令署理吏部即琳甯范建豐雖經革去協辦大學士尚書侍郎仍留都統副都統職任錢樾亦僅令降補閣學均未換易頂帶已為格外從寬而錢樾尚嘵嘵置辦毫無感恩思過之意頗有怨望之心且伊於降補謝恩時經朕召見伊惟俯首認罪今事閱數日忽復具摺陳奏自因前日適當簡放江西等三省試差之時伊若伴遊點派即不置一詞而去今未得試差意存負屈乃為此廣奏更不應如此居心即所論例案向可牽附而以此案並非書辦舞弊實屬強詞奪理不知分量錢樾著交都察院院速行嚴加議處尋議上得旨錢樾於吏部書吏舞弊一案嘵嘵置辨並有意為堂司官開脫本應照都察院所議革職姑念伊向在內廷行走有年尚屬勤慎著加恩賞給編修在該衙門行走○乙亥陝甘總督惠齡卒贈太子少保二等男命其弟長齡子桂斌前往迎柩入城治喪尋遣侍郎成書帶領侍衛十員往奠茶酒子祭葬諡勤襄○以那彥成署陝甘總督琳甯為禮部尚書○癸未諭前據孫全謀奏伊上年在雷州洋面探聞盜首鄭一烏石二等竄回粵洋聚泊廣州灣孫全謀於十二月二十二等日馳赴該處攻剿擊沈匪船三隻斃賊不知其數緣所帶兵船內有雇覓小料民船九號配載兵械無多打仗不甚得力餘船亦多有損壞僅駕船三十九號探蹤追捕盜船百餘竄至平海黃茅洋面膽敢放礮迎敵官兵奮勇攻擊追至黑夜收泊查有傷斃千總連旭一員兵丁四名等語因倭什布未經奏及降旨諭令查明覆奏茲據倭什

布奏稱自上年檄飭左翼碣石二鎮並札會該提督出洋督捕迄今一載止有黃標魏大斌在新安縣洋面獲盜七十名其餘皆各處文武員弁擒拏與提鎮毫無干涉等語孫全謀身為提督帶領舟師在洋經年累月並未擒獲一賊任聽盜蹤往來肆劫以致弁兵多被戕害不知該提督在何處游行塞責所稱出洋督捕全不可信况近日粵省沿海地方盜匪頻有上岸劫掠之事甚至石獅礮臺亦被搶奪外委楊耀等退避失守可見該省營伍廢弛已極孫全謀所司何事伊所稱千總連旭被戕一節據倭什布奏係本年三月二十一日在滙隔洋面之事檢查孫全謀原摺敘入上年十二月之事明係故為牽混以掩飾其督捕不力之咎實屬溺職且倭什布奏稱該提督上年所帶兵船本有六十餘號即有損壞原可趕緊修整歸幫緝捕而孫全謀謀誘之兵船不敷以為屬員御過地步無怪通省將弁怠玩成風竟不思出洋捕盜係伊等分內應辦之事此而不加懲辦何以肅軍紀而靖海疆本應即將孫全謀革職治罪姑念伊從前曾經出兵且於上年辦理該省會匪一案著有微勞著從寬免去花翎降為都司戴罪效力留於該省以水師之缺補用據奏魏大斌曾經在洋獲盜多名尚為出力所有廣東提督員缺即著魏大斌署理其左翼鎮總兵員缺著該督遴員遞署至倭什布係統轄大員於提鎮出洋督捕不力即應據實參奏乃一味因循迨至降旨訊問仍不明白參劾惟於摺內隱躍其詞亦屬非是伊前於失察礮臺被劫案內業經交部議處仍著傳旨嚴行申飭此時該省盜風尚熾倭什布當振刷精神將一切營伍緝捕事宜與魏大斌盡心講求實力整頓申明賞罰自總兵下至將弁等如有年力就衰從前曾經出力者當查明勒令休致其年老而並未出力及年富力強懈弛不職或憚於出洋捕盜者即應嚴參斥革將弁中果有緝捕實在出力獲盜多名者即著據實保奏不妨越次聲請候朕破格施恩俾知鼓勵至地方官防堵籌辦事宜該督當與孫玉庭妥為商酌隨宜辦理務令文武員弁和衷相濟力改推諉觀望積習共矢實心除暴安良以期地方漸臻甯謐方為不負委任○甲申諭軍機大臣等玉德等奏温州鎮兵船追剿蔡牽被盜匪擲火焚燒官兵俱遭戕害一摺覽奏不禁髮指蔡牽夥盜向來不過在洋面遊奕劫掠商船尚不敢竄入內洋登岸滋擾前據該督撫蔡牽盜船駛至鹿仔港搶奪木柵已屬督不長法今於浮鷹洋面經官兵追剿盜匪向前拒敵並敢將温州鎮胡振聲坐船擲火焚燒該鎮及同船官兵均被戕害實為罪大惡極前聞蔡牽一犯屢欲投出經伊妻勸阻中止茲該犯膽敢傷害總兵大員罪在不赦斷無招撫之理即日蔡牽率獲後當按叛逆律嚴辦其妻子等亦應問以緣坐該犯籍隸閩省陸路地方諒必有伊近支親屬在彼居住著玉德等密為查辦分別治罪温州鎮總兵胡振聲在洋捕盜被害殊可矜憫著加恩照提督陣亡例賜卹查明伊如有子嗣著於服闋後送部引見此時官兵等見該犯戕害大員自必同深憤恨咸思滅此朝食但不可稍涉大意輕為嘗試總須謀出萬全持以慎重以期一鼓成擒玉德業已親往督辦所有捕盜舟師應即派提督李長庚總統並著知會浙江江南各督撫提鎮派撥弁兵於所在洋面一體緝捕通飭各海口要隘禁止奸民接濟米水柴薪以清盜源○乙酉以飛蝗集御案 御製見蝗歎救直隸總督顏檢嚴率所屬撲捕

秋七月丁亥朔諭軍機大臣等玉德等奏議勒限嚴拏章程覽奏俱悉蔡牽在洋肆劫多年罪大惡極今玉德等請以提督李長庚為總統温州海壇二鎮總兵為左右兩翼帶兵前往緝捕自應如此辦理至沿海一帶道路遼遠豈能徧設弁兵並著玉德飭知類鳴漢及各鎮總兵等擇要巡防見在捕盜喫緊之時水陸各營員內如有懈弛不職者即應嚴參斥革勿再姑容以肅營伍○戊子 華妃薨 上至吉安所賜奠○以阿隆阿為內閣學士由頭等○辛卯諭軍機大臣等本日各該部議覆富俊條奏移駐卡倫增設官兵等款分別准駁已依議行矣內如議駁三道浪頭卡倫地方添設兵船一節所駁甚是該處驃江之東即係朝鮮地界該國臣事本朝極為恭順况溯查舊案 聖祖 世宗 皇考高宗純皇帝於該國懇請拆毀兵房停止設卡貿易等事無不歷歷

恩准並將

諭旨載入檔冊俾永遠遵行今該將軍忽議設船配兵徒合該國心生疑駭而營兵等既有船隻即難保無私自越

境情事所有該處添設兵船之處著永遠停止至三股泉等處四卡倫湯寶城等二十處卡倫統議裁撤雖據該大臣等照覆准行但奸匪等潛行出入其往來蹤迹原無一定該將軍以為無關緊要安知奸匪等不探知該處無兵巡緝仍復潛蹤前往又成出入要路該將軍總應隨時巡察相機籌辦不可拘泥地段心存懈弛也○壬辰加祿康太子太保○甲午劉躍雲以御門誤班降內閣學士轉莫曉某為工部左侍郎以曹振鏞為工部右侍郎茅元銘為內閣學士由頭等○丁酉諭本年春開高杞由湖北巡撫來京候旨朕詢以吳能光平日辦事據稱吳能光性情躁急於接見屬員每加呵斥而批稟書札中往往措詞過當因其在軍機章京年久擬寫諭旨於訓飭之語習以為常遂爾率意書寫及問以操守何如則堅稱實屬廉潔願以身家相保並稱如吳能光稍有蘆葢不飭之事必慮人指摘其待下不敢如此嚴峻伊與吳能光意見齟齬亦斷不肯代為容隱等語旋據初彭齡密摺參奏吳能光得受沔陽州知州秦泰銀一萬兩及每年收受匣費銀六萬兩又將賫財送回家交伊親家李世望營運三款朕即一面密降殊諭令全保據實詳查於召見初彭齡時再三究問此語得自何人據稱係高杞向伊告知其時高杞派往新疆辦事經朕向其詰詢據高杞面奏秦泰餽送總督一節係湖北通判魏耀所言又復申論全保查奏據全保先後奏覆吳能光實無貪鄙情事而魏耀向高杞所言亦堅不承認其匣費一款並令信山密查據奏該省匣費久經裁革吳能光既無劣蹟是以亦未將李世望代伊營運之處降旨飭查而高杞先在朕前方保吳能光廉潔復向他人播揚吳能光款蹟似係懷恨吳能光將伊參劾欲借他人彈章為報復之計迨高杞於夏間緣事革職即令其來京詢問並令全保將魏耀解京與高杞質對茲於解到時交軍機大臣會同刑部審訊據魏耀供稱秦泰餽送一事高杞先向伊詢問伊隨口迎合稱係在漢口兌換金子實則毫無影響其匣費及李世望代為營運二事高杞與初彭齡彼此諉卸各執一詞朕念初彭齡見任卿貳尚欲全其顏面不肯遵令對質此即朕格外施恩保全敢言之臣正所以去朕之壅蔽迨高杞供出初彭齡將密奏事件及面奏諭旨向伊一一詳述實堪詫異此豈高杞所能捏造乎因將初彭齡解任與高杞

面質初彭齡理屈窮惟有俯首認罪詳閱所供伊於漏洩密諭一節無可置辨懇請治罪並稱與吳熊光向無仇怨惟自認風聞不實等語朕此時若治初彭齡以陳奏失實之咎恐無識之徒見言事者身獲咎戾相率緘默即遇臣工果有不法之事亦不肯直言無隱於政治大有關繫且初彭齡參奏吳熊光後朕不過密為飭查亦未遽以所言為實初彭齡既非有心傾陷轉不必曉辨白惟伊於獨對時將密陳面諭事件向人傳述是在朕前欲博侃直之名而在外間又欲透漏消息藉張聲勢其居心竟不可問初彭齡之罪實在於此朕亦不能曲為保全矣至高杞既聞奏奉有餽送吳熊光之語於朕垂詢時即深信該督操守廉潔亦何妨將此一事據實直陳乃於朕前不言轉告之初彭齡殊非以誠事上之道有負國恩高杞之罪在此魏耀本係微員惟知迎合高杞將捕風捉影之談污讒總督尤為卑鄙除高杞魏耀業經革職外初彭齡著摘去頂帶俱交刑部看守不必監禁聽候定擬知縣王垂紀既經訊明湖北匪費由初彭齡誤聽生疑與伊無干應無庸議所有此案罪名著大學士滿漢尚書會同原審大臣定擬具奏○轉戴均元為戶部左侍郎調潘世恩為戶部右侍郎轉劉鳳詒為兵部左侍郎以陳震蔚為兵部右侍郎周廷棟為左副都御史由大選○己亥琅玕卒以伯麟為雲貴總督同興為山西巡撫台斐音為湖北布政使慶格為河南按察使由山西選○增設南苑驍騎校○庚子論本日大學士滿漢尚書及原審大臣會同議奏初彭齡等罪名一摺據稱初彭齡冒昧參劾已屬陳奏失實此語非是朕從不因言事罪人最喜敢言之臣此實素懷至密陳面諭事件私向高杞傳述竟照漏洩機密重事律擬以斬監候尤為過當竟係諸臣欲杜言事者之口必有不可令人知之事矣此案先經初彭齡往見高杞問及吳熊光操守高杞答以實屬廉潔初彭齡不肯深信議論吳熊光聲名平常旋據高杞告以秦泰餽送一事初彭齡據以入奏並密陳得受匪費及吳熊光親家李世望代為營運二款迨召見時朕論以此事交全保查辦恐未肯和盤托出伊奏稱若嚴切降旨全保自不敢稍為徇隱朕又以吳熊光如果贓款屬實則李世望代為營運之處亦當交汪志伊查辦初彭齡奏稱汪志伊查辦甚好伊出見高杞即將召對所奉之旨向高杞傳述其獲咎實在此即照漏洩常事律加等治罪亦不過褫職遠戍何至輒引近侍官員漏洩機密重事律擬以大辟況臣工必遇事敢言方可祛除壅蔽凡關繫弊端及臣僚中不公不法等事既有所聞本應即行陳奏候朕密為查察若所奏屬實亦係分所當言不足為功設其中未盡確實朕準情酌理自有權衡必不致無辜被累若槩諉諸向無確據勢必事已破露罪狀昭著始行入告何如早為發覺轉不至釀成巨案乎初彭齡風聞不實原無可罪至於漏洩一節亦當按事之大小以定罪名輕重朕召見臣下所降諭旨均不可視為泛常然漏洩之罪必視其所透漏者究屬何事關繫何項緊要機宜方可照漏洩機密重務擬罪今初彭齡所漏洩者止係將諭旨全保汪志伊查辦之旨向人傳述尚非別有重大情節且亦尚未交汪志伊查辦若遽照前律擬斬設遇有漏洩軍國重務者其罪更何以加乎且見在與議諸大臣中即皆常經召對之人試各捫心自問豈能盡守口如瓶毫無漏洩設有二一傳播之言被人指摘若俱照此例辦理既於政體有乖亦甚非諸臣之福也即如本日召見申諭之旨諸臣自當祇服訓辭

互相戒勉正應向僚佐傳說亦豈得謂之漏洩乎初彭齡平日陳奏各事除見在所辦銅案外其餘亦多非確實然朕所以諄諄訓諭欲保全敢言之臣者並非爲初彭齡一人誠以大臣中建白者少而緘默者多卽多方激勵尙恐不肯盡言今若將初彭齡問以重罪恐外間無識之徒妄生揣摩或疑朕於初彭齡厭其多言科以他罪從此藉口結舌惟事摸稜必致壅蔽日多於政治大有關繫初彭齡之罪本應革職發往新疆姑念其見有老親著革職加恩令其在家養親閉門思過此朕因初彭齡言事之心尙屬可原是以格外施恩亦所以風勵臣工勉爲謇諤也高杞以一品大員本有言事之責經朕再三詢問吳熊光操守伊既力保其廉潔而於魏耀傳說餽送之語當時不行陳奏轉向初彭齡詳述實屬巧詐著照議發遣伊等令其自備資斧前往交與將軍松筠派委若差效力贖罪魏耀惟知迎合上司以毫無影響之贓私重情污職總督著卽照擬總徒四年除將與議大臣等面加訓飭外著將此案辦理緣由通諭知之○辛丑以尋常覆奏輕用急遞革欽差戶部侍郎額勒布河南巡撫馬慧裕護理河東河道總督徐端花翎○王寅論百齡奏武緣縣革生黃萬鈔見因毀屍誣告問擬絞候遣子黃會濂呈控呼冤究出原問原檢各官得臧刑求錄錄成招將承辦此案各官嚴參辦理一摺該省有此奇冤殊出情理之外人命關繫至重豈可意出力入乃外省積習相沿止知官官相護不顧案情屈抑以致死者含冤無辜拖累最爲吏治官方大弊百齡莅任未久能不顧情面平反重讞殊屬可嘉著賞戴花翎並交部議敘至武緣縣知縣孫廷標以人命重事膽敢受賄改傷縱兇捏詳又復私自開驗主使殘屍圖陷人罪貪酷殘忍莫此爲甚披閱時不禁髮指上林縣知縣張第奉會檢並不如法檢驗先傳黃萬鈔等若以此案有礙孫廷標功名私商辦法繼復扶同構陷顯有通同舞弊受賄情事孫廷標張第俱著革職拿問將伊二人任所貲財及浙江山東原籍家產交該撫一併查鈔其從前委審之知縣石方川州判薛人麟既經審出實情又復瞻徇寢息署任知府朱宗枋業經提訊仍行蒙混了事該管知府三神保明知該縣審斷不公不爲昭雪轉列銜會印其在省會檢會審之知府端東額通判武爾裘布知縣金毓奇一味刑求且轉委巡檢任謙偏供成招以上各該員俱著解任質番公裁於前任廣西臬司時經孫廷標帶犯上省稟求在省訊辦該司輒詳委桂林府等與孫廷標會審顯有袒徇情弊俟定案再行降旨此案非百齡任內之事且係伊參奏究出冤情卽專交該撫辦理自無枉縱但該省各員除藩司恩長從前未經承審其餘道府等官與孫廷標牛屬相識且恐自爲地步互相蒙蔽著倭什布傳諭藩司廣厚酌帶明幹公正之員馳驛前赴粵西隨同百齡秉公訊鞫如究出前臬司及委辦各員另有得贓故勘情事再行嚴參治罪務得確情以成信讞至慶遠府知府嵇承開託孫廷標代伊友銷貨是否確實必須訊明辦理著一併解任與孫廷標質對○定 皇貴妃薨儀停祭五日 貴妃二日 妃嬪無庸停祭例纂入會典○癸卯調德文爲禮部右侍郎花尙阿爲盛京戶部侍郎以榮麟爲盛京兵部侍郎

由內閣轉廣音爲刑部左侍郎以英善爲刑部右侍郎帥領麟○甲辰諭軍機大臣等吳熊光自簡用湖廣總督以來朕卽聞其

接待屬員過於嚴峻批稟事件往往措詞過當因其在軍機章京年久擬寫諭旨於訓飭之語習以爲常率意書寫迨高杞到京朕

詢及吳熊光辦事如何據稱性情躁急及詢以操守則稱其頗為廉潔旋經初彭齡密參吳熊光收受秦泰餽送及得受匪費交伊親戚李世望代為營運三款經朕飭交各處密查均無確據將此事明降諭旨並分別懲辦矣但人言可畏豈盡無因物必先腐也而後蟲生之試思各督撫中何獨於吳熊光編造蜚語今事已訖明該督尤不可不返躬自省有則改之無則加勉若以初彭齡所參不實而廉潔之名又為朕所知軫意存自滿不加檢束則是吳熊光自取咎戾不能永承恩眷懍之慎之至文稟批答自有一定體制即使屬員偶有過失亦應明白開導何至動遣呵斥竟與擬寫諭旨相似亦非體制若云該督曾在軍機行走則軍機章京中如勒保方維甸等亦俱行走有年簡放外任並未聞伊等於屬員批稟有似吳熊光措詞過當之處嗣後該督務須平心辦事不可仍前疎妄用副委任○丙午 上啓變秋衛木蘭○免經過地方額賦十分之三○己酉以木蘭鹿少詔停秋獮○論據拉旺多爾濟奏遵旨赴木蘭查勘本年所定十三圍地方內巴顏布爾噶蘇台巴雅額爾奈郭威遜格爾巴顏喀拉四圍並未見有鹿隻並詳看各圍場鹿隻甚少者四十餘處又稱該處砍贖木墩餘木甚多兼有焚毀枯株猶在往來車迹如同大路運木多人各立寮鋪以致鹿隻驚逸傷損並查有奸徒乘閒逸入偷打鹿隻是以較前更為短少等語圍場為肄武重地自應嚴密稽查毋令有私砍木植偷打鹿隻等事今因節年有大工是以砍伐官木司其事者辦理不善任令匪徒逸入私立寮鋪影射偷砍運載出境牟利其未運之木尚堆積路隅不可勝數及聞知朕行圍伊邇復將餘木焚燒滅迹竟係烈山澤而焚之禽獸逃匿可見熱河副都統總管等竟藉工程木植為名任令通同舞弊情事顯然况伊等從前原奏止於十四圍無礙圍場處所砍伐木植今砍伐至四十餘處之多且於見定行圍處所肆意偷砍致令鹿蹤遠逸並有攜帶鳥槍偷打鹿隻售賣鹿茸之事是以國家百餘年秋獮圍場竟與盛京高麗溝私置木廠無異而習勞講武之典連歲闕如成何事體不可不嚴行懲究此項工程需用木植係嘉慶四年間前任熱河副都統德勒克扎布總管姚良奏請辦理接辦者係慶傑董椿穆騰額伊等不但辦理不善且恐有別項情弊德勒克扎布姚良均著來京候旨慶傑董椿穆騰額熱河佐領德新泰均著解任交總理行營王大臣軍機大臣行在刑部詳悉審訊具奏至韋院保調任未久亦尚能留心查察但在任已閱一年而鹿隻仍前稀少亦難辭咎韋院保著革去副都統作為圍場總管○庚戌諭前因查辦戶部寶泉局虧短銅斤一案自嘉慶四年十月以後各該監督等均有得贓短銅情事當經降旨諭令該部將失察之歷任管理錢法堂滿漢右侍郎按照在任年月之久暫並收運銅斤次數之多寡分晰開單呈覽茲據該部查明繕寫清單具奏朕閱單內惟額勒布在任幾及二年收過八運銅斤共計售賣餘銅十四萬三千餘斤歷任最久收銅最多况額勒布本係戶部司員於度支事件最為熟悉屢經有人密保稱其諳習部務是以於兩年中起用副都統即授為戶部右侍郎管理錢法堂並授總管內務府大臣派管各項差使額勒布自當隨時題勉實心供職而於戶部事宜尤宜格外剔除弊端以期仰副委任乃於寶泉局監督等得受贓私短收銅斤竟爾毫無覺察任聽營私舞弊實屬溺職且額勒布近年辦事多舛即如此次起豫督辦衡家樓善後工程朕原以其平日召

對時一切敷陳似尚能通曉事體是以特派前往伊亦稱平日頗講河工及至到豫後所論俱不切實甚至前次奏開溝放淤一節既與馬慧裕徐端籌商辦理而摺內復稱伊未諳河務豈敢妄議修防明係意存推諉豫為卸過地步迨接奉諭旨後怒用五百里馳奏致駭聽聞不但行不逮言而且動多錯謬實難勝卿貳之任看來額勒布寬係器小易盈不能承受朕恩本應卽予革職姑念伊在戶部有年著加恩降補戶部郎中所有衛工河防事務額勒布既稱未諳無庸管理著交馬慧裕徐端督辦其隨帶之戶部員外郎定住及那彥寶帶往留交之兵部主事趙麟卽著馳驛回京供職額勒布此時仍當暫駐豫省專辦河神廟工如遇有應行奏聞事件著告知馬慧裕徐端代為轉奏統俟廟工完竣自行回京赴部供職不准馳驛其在任一年有餘之原任侍郎周興岱錢懋雖亦經收銅四運七運不等但業於另案降調初彭齡在任未久止收一運並未餘銅且已另案革職均無庸議那彥成於署任內會收銅五運著降三級從寬留任祿康署理未久戴衢亨本任及署任十一箇月有零均會收銅二運著降二級從寬留任其嘉慶四年以後有會署理錢法堂之侍郎未曾驗收銅運者亦有失察之咎並著該部查明議處具奏○調那彥寶爲戶部右侍郎耶賈楚克扎布爲兵部右侍郎轉明興爲理藩院左侍郎以和甯爲理藩院右侍郎由喀什噶爾參贊大臣遷○德楞泰奏捕獲四川餘匪首逆羅思蘭等得旨獎賞賞還額勒登保德楞泰紫纒雙眼花翎○壬子 上駐蹕避暑山莊○癸丑諭我國家重熙累洽世際承平從前康熙二十三年 皇曾祖聖祖仁皇帝以歲逢甲子渥沛 恩綸停止秋審逮乾隆九年甲子再周 皇考高宗純皇帝式循 前典

解澤載敷會奉 特旨將是年情實人犯停止勾決茲又屆甲子紀年朕詔承 洪緒震萬恬熙允宜恪遵 成憲省歲恤刑所有本年朝審秋審各省情實人犯著加恩停其勾決一切條款著該部查議具奏○甲寅以觀誠廣興俱爲內閣學士由詹事府學士調

司制

八月己未諭前聞湖北省辦理軍需節次動撥銀兩承辦局員有濫行支應情事諭令該督撫等詳細查明據實奏報不可歸罪於胡齊崙一人稍致蒙混茲據吳熊光等查明各局濫用平餘確數分別開單具奏朕逐加披閱此內領兵各官用過賞犒銀兩共六萬有零兵丁等應調隨征均有鹽糧支給一遇打仗立功無不優加升賞示以鼓勵從前節次用兵時領兵官員原無格外犒賞之需自福康安屢次出師始開濫賞之端任性花費毫無節制於是地方承辦之員迎合備送界萬盈千以及銀牌細段絡繹供支閩單內所開甚至有備送餉支一項軍營員弁賞戴翎支均由京頒往賞給何須地方官辦送可見此等備用銀兩不過以賞兵爲名亦未必實惠盡逮戎行也况官兵等果有應行獎勞之處自應據實奏明候旨加賞俾知感激恩施乃並不入告輒以備送銀兩自行賞給在弁兵等得受者但知被主將之惠不知感君上之恩而領兵大員等亦止以地方官備辦寬餘謂其能事情好款洽殊不知煩費之供億皆國家帑藏之虛糜今經徹底查明所有賞兵之項本應罰令賠繳但作俑者福康安已不深究安問其餘且如額勒登保德楞泰等俱已懋著勞績同膺上賞豈尚復令賠繳官項况備賞之項較之餽送他人者其數多少大相逕庭卽如德麟豐

紳伊蘇彼時均係奉旨馳往迎其父柩地方官致送德麟奠儀並備賞等銀四萬餘兩德麟收受莫儀已屬不堪至於備賞銀兩更何所需實不成話豐紳伊蘇亦收受備賞銀四千餘兩雖比德麟少至十分之一然比之帶兵最久之額勒登保德楞泰二人所收備賞銀兩轉有增多總係外省止知逢迎執務孔臬卑鄙惡習實出情理之外竟非人類所有德麟收受銀四萬一千五百五十二兩著罰令賠繳八萬兩以示悖入悖出之天理為治世所不容各宜猛省毋墮火坑豐紳伊蘇收受銀四千一百兩著照數賠繳其濫行支給之原在總督畢沅等員應行追賠銀兩著照單開細數除賞兵各項共銀六萬三百七十一兩零加恩免其賠繳外餘著於各員名下照數追賠歸款此次楚省清查軍需款目尚為詳晰該督撫藩司均著交部議敘此時按捕零匪將竣大兵指日全撤從此海寓救甯永銷兵革然國家立法不可不周嗣後設遇有徵調之事凡經理軍儲者不准再立備送賞稿名目致滋浮費而市私恩如違旨者計贓論罪決不姑容將此通諭知之○癸亥嚴定盜決隄防罪○甲子諭朕兄成親王自幼專精書法深得古人用筆之意博涉諸家兼工各體數十年來臨池無間近日朝臣文士之工書者罕出其右早應摹勒貞珉俾廣流傳而王搨謙自矢不肯遽付鈎鐫昨特命軍機大臣傳旨諭令將平日所書各種自行選擇刻石始據王具摺陳謝遵旨於回京後覓工摹刻著照所請以詒晉齋名顏其卷帙王即繕朕此旨勒冠簡端以當製序本日王所奏之摺亦著另書一通附刊於後以誌一時翰墨欣賞之盛○己巳諭盛京為我朝發祥之地 橋山弓劍 謨烈存焉自 祖 宗以來祇修講 陵之典朕憶從前隨侍 皇考高宗純皇帝恭詣陪都敬仰 鴻儀山川風景依依在目爾時即蒙 皇考恩慈欲畀以付託之重曾默以朕名告於 太祖 太宗仰維 昭鑒之誠勛以丕基之紹及茲寅承 統緒九年以來宵旰敬勤誠求治理期以上酬 眷顧本擬於親政後即恭謁 祖陵適緣辦理川陝楚邪匪籌連年今幸事機順利殲厥渠魁黨惡十數輩悉被殄除零星餘匪亦已迅就肅清從此海宇救甯羣黎蒙福此皆 列祖在天之靈默為垂佑俾戴巨功允宜虔詣 山陵升禱對越特涓吉於明年七月二十一日自京啓鑾由山海關一帶前往盛京謁 陵禮成後於九月二十四日回宮所有一切典禮事宜著各該衙門照例敬謹豫備○乙亥德楞泰奏鑾筵首逆苟文潤等得旨獎賚賞還德楞泰內大臣一等侯爵將軍賽沖阿輕車都尉世職○丁丑 上自避暑山莊回鑾○己卯詢我朝定開之初本未有建儲之典自 皇曾祖聖祖仁皇帝始立理密親王為皇太子嗣因緣事廢黜即未建立我 皇祖世宗憲皇帝 皇考高宗純皇帝皆密膺 簡在肇承 神器迨朕兄端慧皇太子仰蒙 皇考恩慈因為 皇妣孝賢純皇后所出以嫡以賢 特行密立止以無祿不獲永年 命以皇太子典禮祭葬自後未經續議建儲迨乾隆癸巳 南郊大祀朕荷 皇考眷顧洪恩始以朕名默告於 天 祖然亦未蒙 宣示直至乾隆六十年將行 授璽禮於九月初三日頒發明詔立朕為皇太子仰承 付託 獲續 鴻圖是我朝皇太子之定名而正位者自朕躬始爾時 敕立禮成即奉 命祇謁 東陵 西陵 並詣端慧皇太子園寢 寢其嘗業 皇考諭以端慧皇太子先曾密立已有名分應行叩跪之禮非因以弟拜兄 訓示周詳祇承無敢今朕紹登大寶



自當別定禮儀前據禮部等衙門奏請行賜奠之禮若照所議行則當坐而奠酒朕心究有不安著於享殿外陳設高几奠池朕立奠三爵隨從行禮之大臣官員於朕每奠一爵行一叩禮該衙門即遵照豫備此乃禮緣義起因時定制著將此次舉行儀注纂入會典俾億萬世子孫有可倣而行之者數典不忘得所遵守焉○庚辰諭前據德榜奏藍翎五品軍功趙洪周攜入賊夥將荷文潤職鑿獻功業經降旨將趙洪周仍以五品頂帶賞戴花翎並以千總補用矣因思軍功鄉勇年來各路軍營奏報屢見此項名目朕風聞鄉勇等隨營打仗給有四五六品至七八品軍功頂帶者為數不少並不奏明各部僅係經略參贊提鎮等隨時獎賞給以委牌為憑即文員督撫司道等辦理糧餉等事亦有一體賞給者頂帶為名器所關錫予之恩操之自上豈臣下所當專擅各路帶兵大員等即因軍營鼓勵起見何難據實奏請朕即破格施恩亦不稍有新惜設人數較多亦應彙奏各部查覈若似此擅自行賞一無稽察交保無冒濫徇私情弊殊非慎重之道且恐軍功等回至原籍恃有頂帶在外滋事亦不可不防其漸除見在軍務告竣所有各路軍功鄉勇業經議定章程通行遵照外究竟軍功名目始自何年何處軍營係由何人首先賞給有無奏咨成案著該部即將歷年來軍營檔案詳查確據奏明請旨辦理尋奏此項軍功自乾隆五十一年福康安勦賊臺灣始得旨福康安早經身故其餘免免深究嗣後遇有應行獎勵之處俱當奏明請旨加恩不得仍前擅給○辛巳裁新設圍場副都統仍歸總管專司隸熱河副都統○邵洪以病解任以朱紹曾為安徽布政使景安為山西按察使由直隸承德府知府遷○丙戌 上謁 昭西陵 孝陵 孝東陵 景陵 裕陵至 端慧皇太子園寢奠酒

九月丁亥朔重修

隆恩殿成

上復謁

裕陵回鑾○庚寅

上幸南苑行圍○辛卯

以按捕三省教匪餘孽淨盡甄敘各將弁

並賞賚有差○癸巳諭國家本百世蕃衍彌昌 皇考高宗純皇帝時會疊次筵宴宗室誼美 恩明朕御極以來尙未舉行此

典眷念宗潢宜申燕衍著於本年十月二十四日在懋勤殿筵宴宗室所有一切事宜著各該衙門查照豫備○甲午 上還京師

○乙未命嗣後諭查事件應行速奏者諭旨內註明由驛字樣該督撫方可由驛具奏此外不得任意動用驛馬以節郵傳○丙午

全保丁母憂以瑚圖禮為湖北巡撫○庚戌汪承霈以不稱職降二品銜休致調熊枚為左都御史以姜晟為刑部尚書轉祖之望

為刑部左侍郎以劉斌為刑部右侍郎補任新正○甲寅免順天府文安縣窪地上年額賦東安縣減則地畝上年額賦十分之四

冬十月戊午命嗣後順天武鄉試外場改於十月初七日開弓十二日出榜著為例○癸酉諭前因百齡參奏承辦屈抑武緣縣革

生黃萬鏐等毀屍誣告冤擬絞候一案當降旨派廣厚馳往會審茲據百齡廣厚查明定擬具奏此案已革武緣合孫廷標於黃萬

翹截傷黃文燭身死誣驗時既經仵作報有傷痕呈出鐵頭禾槍兇器該革合輒以死逾三十三日斥令報作因病身故並將鐵器

傷改為竹器傷詳結完案已屬故縱兇徒嗣伊家人曹施向兇手黃萬翹索取銀兩許辦輕罪該革員事後聞知僅去旋卽身

故迨屍親復控時該革員回護前非隨起意殘屍滅去生傷另裝死傷以便反坐原告黃萬鏐誣控之罪種種情節既經徹底根究

水落石出是其顛倒是非任意說法莫此爲甚出乎情理之外外省辦理刑名地方官往往規避處分多方回護甯使究徒漏網冤及無辜必鍛鍊周內以伸其說而後已該管上司又多據詳審結草率了事殊爲可恨之極近年赴京控告各案經朕特旨交審其審屬子虛者十居八九謂此中一無冤抑朕實難以憑信總由各上司袒庇屬員不問事體曲直惟知意存消弭相習成風牢不可破試思各省控案不一而足若必俱派欽差前往審辦始能昭雪又安用督撫爲耶此等積習不特外省爲然即如前月北城劫盜捆縛事主業經呈報吏目冷暲不但不上緊緝捕轉將事主磨折偏令改供規避處分雖案情與孫廷標出入人命者不同而其事心捏飾變亂黑白事同一轍旋經軍機大臣會同刑部審明辦理今孫廷標一案係百齡不顧情面始能平反重讞前已賞戴花翎並予甄敘著再加賞太子少保銜以示優獎而傲疲玩各督撫總應以百齡爲法有能秉持公正者必當錫以褒嘉儻仍瞻徇情面一味顛預經朕訪聞或被人糾劾必當加以嚴懲斷不稍爲寬貸所有已革知縣孫廷標於家人得贓並不立時追究又復袒庇舞弊卽與自受無異伊家人業經身故又安知非該革員得贓授意巧爲卸罪地步且主使殘屍圖入人罪實屬慘酷孫廷標著卽處絞以昭炯戒俾各直省不肖州縣官知朕斷不袒護汙吏而憐良民卮屈天日照然朕心可對黃鸞翹用鐵頭承槍戮傷黃文煬身死占地逞兇行賄贖罪未便再稽顯戮黃鸞翹亦著卽行處絞公義前任廣西臬司時於屍親疊次上控並未親提研鞠復仍交原審之孫廷標與委員會審以致釀成冤獄玩視人命咎實難辭不必交部嚴議公義著卽革職發往烏魯木齊效力贖罪餘俱著該部覈議具奏並將此案辦理緣由通諭知之○以銜齡爲貴州布政使許兆椿爲江西按察使由江南蘇州道遷○丁丑諭江南河工本係吳敬專責在美景查勘河口風神廟西至新開引河頭一帶節節淺阻此時糧艘尚不能歸次吳敬辦理不善各實難辭陳大文兼管河防不能及早安辦亦有不合陳大文吳敬均著先行交部議處用觀後效○己卯 上御懋敘殿賜宗室諸王等宴

十一月丁亥諭六部衙門政務殷繁臣工等理宜敬恭朝夕遇有應奏事件隨時陳奏方免叢脞之虞前我 皇祖世宗憲皇帝因駐蹕圓明園道路稍遠特令文職各衙門輪日奏事原以示格外體恤之意至進宮後各衙門並不輪班值日奏事者原以宮廷密迩無難日日進內乃近來各部堂官意圖安逸每聞有御門日期將應奏之事及引見人員俱於是日彙齊奏辦其前後兩三日間竟不進內奏事者絕少朕留心察看已非一次朕未明求衣鑑下辦事同此勞者惟軍機內廷數人耳別部堂官遇應奏事件及應帶領引見人員延玩不奏在家高臥以避曉寒於心安乎於理得乎京員如此怠惰外任尙可問乎卽如本日御門後吏部帶領月官正黃旗值日帶領引見俱屬照例按期辦理而禮兵二部及三庫亦於此日帶領引見實屬趁便試思禮兵二部並非吏部月官可比而三庫引見之事更屬無多何以必於今日帶領朕日理萬幾從不稍延畧刻並非因本日事多略有憚煩特因兩日前各衙門奏事大覺寥寥耳前月三十日永思殿用膳辦事僅有都察院步軍統領衙門陳奏事件昨日又止有鑲黃旗引見官十三員禮兵等部及三庫應引見人員何不可移前帶領而必湊集於御門之日謂非有心積壓希圖便逸而何此內如內廷行走諸臣每日

進內本無可偷支自係外廷各員憚於早起故乘御門奏事之便相率爲此殊非敬事之道至小京官衙門事務較簡該堂日甚高未起而於進署辦事猶復各定堂期此等積習豈所謂靖共匪懈者乎朕此時不難降旨令各部堂官每晨趨直以儆怠惰但念此中尙有年老諸臣趨走艱難朕亦不爲已甚嗣後各部臣務宜力加振作於應辦之事隨時陳奏卽朕拜廟拈香各處所無不照常辦事非務遊觀各衙門儘可呈遞奏章其有可帶領引見之處並應酌量帶領何必因朕偶有臨蒞輒稱不便奏事自耽安逸轉以爲仰體朕躬耶著將此旨通諭六部衙門各堂官共知儆省各思夙夜在公之義無負朕拳拳訓誨至意○以廣敏爲左副都御史<sup>補大選</sup>○王辰琳甯以疾免以恭阿拉爲禮部尙書英善爲左都御史調貢楚克扎布爲刑部右侍郎德文爲兵部右侍郎以多永武爲禮部右侍郎<sup>由內閣</sup>○壬寅諭御史王瑤臺奏請定升遷人員引見限期以防流弊一摺所奏甚是各衙門升遷員缺事關職守豈得任意遲緩何以吏部帶領給事中二缺其吏科一缺引見遲至一月之後而刑科一缺三日後卽帶引見遲速懸殊如此竟係任意辦理又禮部儀制司郎中一缺係本年八月所出該部直至本月初二日始帶引見遲至三月更屬草率益不可解似此漫無限制任意遲緩難保其中無竇緣歷缺等事著交吏禮兩部堂官明白回奏此後各衙門出缺引見以及外省送部引見人員著該部著定期限以杜流弊仍隨時知照稽察各衙門如有逾限卽行參處示儆尋吏兵二部議奏嗣後在京各衙門應行題補之缺定以出缺後二十日帶領內外雜項人員定以驗到後二十日帶領如有展轉行者均寬限十日其各衙門引見人員統限三十日帶領武職人員赴兵部驗到定於十日內考驗弓馬十五日內帶領引見從之○戊申調那彥成爲兩廣總督倭什布爲陝甘總督○壬子以玉甯爲內閣學士<sup>由大理寺</sup>○甲寅調百齡爲廣東巡撫孫玉庭爲廣西巡撫

十二月戊午諭本日董誥會同都察院奏將侍郞成書等四人嚴加議處分別降調一摺此事成書等初奏時以盧坤爲劉權之取中門生意存瞻徇違例弊混而保甯縑布不免扶同附和聯銜參劾劉權之係軍機大臣是日被參之後朕卽不合隨同召對朕於諸臣從不偏袒如果所奏屬實則劉權之前在吏部尙書任內失察書吏舞弊一案業經獲咎經朕加恩仍留尙書之任量移兵部若復敢瞻徇門生有心弊混卽當革職治罪保甯縑布設果扶同附和卽屬溺職至輕亦應鑄級是成書等一摺而劾一大學士兩尙書事關重大是以特派董誥等會同秉公查詢嚴參迨經查明例案盧坤確係應補之員劉權之於吏部咨駁後已另將李鼎元擬補咨取吏部漢員專條成書等僉同畫稟覆查吏部已知前次咨駁錯誤正欲檢舉成書陳霞蔚二人兼署吏部甯不知之乃不俟覆到卽與劉鳳誥德文聯名參奏是誠何心復令傳到伊四人逐一詢問伊等亦自認糊塗冒昧屬實朕尙慮有屈抑連日召見廷臣廣加諮詢僉稱成書等參奏實屬錯謬厥口一詞可見此事實由成書等四人懷疑挾制任意措詞妄行參劾竟係有心攻訐此風斷不可長且部中辦理公事以畫稟爲定若僉同畫諾又復橫生枝節成何事體成書陳霞蔚於吏部一切例案本應留心何得以例應回避未便詳查爲詞况行查例條並非覈辦事件可比似此兩部交涉之件甚多有何引嫌回避之處顯係藉口枝梧今

查詢明確成書等所奏全虛若律以反坐之條甯不當將伊四人參劾劉權之應得之罪罪之耶凡彈劾一人必須剖當其罪設大學士尙書等果有舞弊營私情事自當明列彈章朕必徹底查究若事涉虛誣卽司員筆帖式等亦不當稍令負屈况大臣乎朕綜理庶務一秉大公從不豫存成見稍有偏倚於部院諸大臣豈肯輕爲更易卽有因公錯誤情節可原者尙予寬容必至萬不得已始加之黜謫此乃用人之苦心茲成書等四人實咎由自取卽照議分別降調亦所應得今朕格外從寬量予輕減成書陳霞蔚著加恩改爲降四級調用劉鳳誥德文著加恩改爲降一級以內閣學士補用劉鳳誥既經降調不應充實錄館副總裁著仍充總纂官責令專司纂辦勉圖後效設稍不盡心安辦並或遇事輒有心見長必當嚴加懲處不能再寬宥也將此通諭知之○以明志爲兵部左侍郎廣興戴聯奎爲兵部右侍郎學士選○以王汝璧爲兵部左侍郎長齡爲安徽巡撫由督選○予告大學士王杰謝恩來京命乘肩輿至隆宗門外扶杖進內以備召對○乙丑吳琨以疾召來京以徐端爲江南河道總督李亨特爲河東河道總督調鄂雲布爲江蘇按察使以楊護爲安徽按察使由甘肅平慶道選○庚午以廣敏爲內閣學士由左副都御史選○乙亥諭本日據軍機大臣會同刑部奏審明贊禮郎清安素所控盛任款蹟分別定擬將盛任照例問擬斬決請旨定奪一摺盛任係孝淑皇后之兄斷不肯稍存姑息亦不肯有意從嚴以示無私惟斟酌情理權衡定罪以期折衷至當陵寢重地界限甚嚴如有犯者原當以禁樁之遠近定罪名之輕重盛任如果在紅樁以內開採山石則法無可貸卽奏請定奪朕必立予刑誅今盛任開採山石係在青樁以內白樁以外其間本有行宮廟宇營房及居民田舍與切近禁地者不同閱嘉慶五年刑部改修例文將青樁內取土取石與設窯燒炭一律科罪本未明晰盛任爲人朕所素知伊糊塗狂妄屢獲愆尤是以不加倚任茲在工次種種怠玩於該監督等稟請開採時並不詳查舊例輒予准行罪由自取惟檢查乾隆四十二年馬蘭鎮總兵滿斗於五花嶺峰口拆開石牆乘馬往來意圖自便一案經軍機大臣會同刑部問擬斬決猶蒙皇考高宗純皇帝鑒其法重情輕特降諭旨引唐書權善才誤斧昭陵柏一事將滿斗改爲斬候今盛任所採山石係辦理營房工程所用較之滿斗又有公私之別遠近之分自當量予原減盛任加恩免死發往烏嚕木齊自備資谷效力贖罪限於二十四起程毋許逗留監督洪廷裕福奎明椿福成額聽從石商之言軌行稟知開採七十三條屬總管均當科以爲從之罪見在盛任業已施恩所有洪廷裕等五人前已革職著加恩免其軍罪福甯德音既不知採石情事尙無不合著准其開復原官照例供職無庸再交議處餘依議所有此條例文著大學士會同刑部悉心商酌分別禁限之遠近以定罪名之輕重另行妥議具奏尋奏請嗣後凡在紅樁以內盜砍樹株取土取石開窯燒造放火燒山者仍照舊例辦理其在紅樁以外白樁以內所有民間取土取石不及一丈自種私樹槩不禁止外其開山採石掘地成濠開窯燒造放火燒山者卽照紅樁以內減一等爲首發近邊充軍從犯杖一百徒三年白樁以外青樁以內再減一等辦理從之○己卯調襄行簡爲直隸布政使曠柱爲福建布政使○調景安爲直隸按察使傳修爲山西按察使○庚辰體仁閣大學士劉墉卒晉贈太子太保入祀賢良祠遼慶郡王

永璘帶侍衛十員往奠茶酒賞銀一千兩並令其姪江蘇學政鏗之來京治喪予祭葬諡文清○辛巳質郡王縣慶薨命榮那王縣億往奠茶酒賞銀五千兩治喪予祭葬諡曰恪○是歲朝鮮暹羅來貢○會計天下民數數各省通共大小男婦三萬四千四十六萬一千二百八十四名口各省通共存倉米穀二千九百七十萬六千二百四十七石八斗七升七勺

嘉慶東華錄十九

嘉慶十年乙丑春正月丁亥命嗣後各省及新疆等處慶賀元旦摺統限於十二月初十日以後二十五日以前半月內一律遞到

○乙未諭予告大學士王杰 先朝耆舊人直內廷宣力有年忠清直勁老成端謹前年以老疾乞休朕再三慰留因屢次陳懇

廼切勉從所請朕會親製詩章優加錫賚以寵其行歸里以後屢有批章詢問知其起居無恙上年十月間爲伊夫婦八十同庚特

製詩章扁聯並賜以如意文綺等件用廷福綬嗣據王杰具奏謝恩摺內有即日脂車詣闕之語朕惟慮其衝寒遠涉諭令自行酌

量緩程行走旋於臘月初旬抵京特令肩輿進朝扶杖入對察其精神尚健賜詩誌喜並留朕後再行起程回籍旬日以來屢

經召見看其體氣稍形疲軟疊經諭以在寓靜攝方冀春和增健安愈言歸俾其頤養林泉壽躋大壺不料究以年高氣弱不勝嚴

寒凜冽遽爾溘逝聞之深爲悼惜著加恩晉贈太子太師入祀賢良祠賞給陀羅經被派榮郡王縣億帶領侍衛十員前往奠醴茶

酒並賞給廣儲司庫銀二千兩經理喪事所有應得卹典著該部察例具奏其靈柩回籍時著沿途地方官照料妥爲護送尋予祭

葬加賜祭一壇諡文端○辛丑諭向例貝子之子年已及歲者賞給三品頂帶年未及歲者不賞今緣志之子奕績奕紹之子載銓

雖未及歲但前業經賞給四品頂帶著加恩俱賞三品頂帶以示朕篤厚親支至意○庚戌諭本日朕恭閱 皇考高宗純皇帝實

錄乾隆四十一年二月內欽奉 諭旨養心殿太監等遇有零星活計輒轉喚造辦處各項匠役整理漫無稽覈殊屬非是圓明園

等處亦然宮殿重地遇有應行修整之事應告之總管內務府大臣派員放匠不當任聽太監等專擅徑行昔 皇祖時曾有 諭

旨飭禁載在宮史今相沿日久太監等漫無顧忌著交總管內務府大臣嚴行禁止嗣後如有必須放匠修整活計之事俱令呈明

該管大臣派員查點仍將某處放進次數於年底彙摺具奏欽此仰見 皇考祇循 成憲誠諒詳明允宜實力奉行日久弗懈朕

前曾疊次降旨申嚴門禁原以宮廷重地本非外人所可擅進其應行進內者如豫備召見人員及內廷行走大臣官員各有職司

又有奏事太監帶領立法原屬周備至匠役等人數濶雜豈容漫無查考必當派員帶領出入方符體制今原立章程久而廢弛每

歲年底並未見該管大臣等彙奏不可不重申 舊制加之整頓嗣後禁城及圓明園等處遇有應行放進匠役修整活計等事著

大監呈明總管內務府大臣派員查點明晰將某處放進次數人 數按月具摺隨月摺彙奏毋許太監等任意傳喚擅自出入以昭

嚴肅所有乾隆四十一年二月內原奉 聖諭及此次所降諭旨均著該館敬謹纂入宮史垂示久遠遵行勿替○辛亥命朱珪爲

體仁閣大學士管工部事以禮部尚書紀昀協辦大學士加太子少保調戴衢亨爲戶部尚書以熊枚爲工部尚書陳大文爲左都

御史鐵保為兩江總督全保署山東巡撫王甯為理藩院右侍郎由內閣學士遷○調戴均元為吏部右侍郎劉鏞之為戶部右侍郎

二月乙卯朔諭據山東登萊青道張彤奏請將登州府知府改為題缺一摺所奏殊屬冒昧越分前經降旨准令道員繕摺奏事原

以監司大員設所屬地方有關繫民生利弊要件如冤獄亟須平反而督撫藩臬或有固執已見不聽申理等事自應據實直陳今

張彤所奏請改海疆府缺此係督撫大吏分所應辦之事該道即因缺分緊要確有所見必應改題亦當申稟巡撫具奏何得自行

瀆陳輒懇飭發部議所請況道員之於知府雖係上司然相去不過一閒亦未便率意更張若各省道員似此越職言事紛紛瀆奏

成何政體此風斷不可長張彤所奏此時未便徑交部議著交新任巡撫全保將登州府一缺是否實應改選為題確查具奏到日

再降諭旨尋奏登州府屬地方濱臨海島近日政務殷繁較倍於前請改為請旨簡放之缺得旨著照所請登州府知府一缺准其

改為請旨簡放交部註冊張彤雖係越職言事但道員本有奏事之責且其事已准行張彤著免其議處○丙辰諭前因恭閱 實

錄內載辦理金川軍需時奉有 聖諭禁止軍營帶兵大員私用賞號綉段銀兩等項業經降旨申諭通行本日恭閱乾隆四十

年四月內 實錄復奉有 諭旨以川省賞號實屬濫設隨征員弁奮勉出力者俱令覈其功績分別議賞議敘其出眾者又特加

升用賞給巴圖魯名號並賞戴花翎藍翎何得更有隨營賞號之事或將軍等自願體面將自有之綉段等物量行賞給未為不可

向年傳恆經略金川即以朕賞賜之物分賞將士並非地方官辦給又如平定準噶爾回部時亦並無此項開銷何獨川省辦及賞

號即富德此次在軍營止於無功乃因有賞號一項始則濫賞沽名繼則冒支混扣以圖彌補身蹈重愆可見賞號一項斷不可有

嗣後即當永遠刪除欽此仰見 皇考再三訓誡義正詞明朕前次屢降諭旨正相符合賞罰乃國家大柄况用兵之際懲勸攸關

豈可不慎如帶兵員弁果有奮勉出眾者或擢升官職或給予巴圖魯名號或賞戴翎支或交部議敘皆以朝廷名器論功行賞方

合酬庸之義豈區區綉段荷包等件足以當之譬有違犯禁令者必當按律治罪又豈呵斥笞筆所可示罰可見功懋懋賞之典至

渾且鉅即朕有時特頒物件賞給銀牌不過隨事獎勵猶屬賞之輕者至帶兵大員本不當以一時犒勞私恩輒立賞號名目其始

如傳恆等尚係將自有之物分給士眾迨後羣相效尤又不能出資購辦遂不得不向地方官調取豫備而福康安尤甚因而承辦

軍需者居然視為正項支銷自有賞號名目以後帶兵大員藉詞取索漫無限制而地方局員亦不免以購備為名浮濫多糜甚或

舞弊營私取肥已稟交結見好及至報銷帑項時又復多方設法希圖掩飾如從前富德在金川軍營即以假冒獲罪其流弊不可

勝數所有軍營賞號一項必當嚴行禁止茲復諄切申諭著戶部遵奉存記於軍需例案條下將此項名目永遠刪除○己未 上

御經筵○辛酉諭軍機大臣等據倭什布等奏英吉利國呈進表貢請旨遵行一摺該國王重譯輸誠情詞恭順從前乾隆六十年

開會經府進表貢蒙 皇考高宗純皇帝俯賜賞收加以錫賚賜之敕書此次既據該國王備進方物自應照例賞收著那彥成等

查照辦理並將貢品齎京呈遞再行頒給敕書賞件俾遂忱悃而示懷柔至所稱該國有護貨兵船四隻來廣一節近聞外洋貨船

到粵均有兵船護送亦不獨英吉利國爲然必係因洋而不能肅清自爲守衛之計迨駛至澳門已近內地口岸或有竊掠之事豈不貽笑外夷該督等當嚴飭地方文武整飭巡防使澳門一帶商船停泊得以安靜無虞至伊等護貨兵船向來必有灣泊處所總當循舊規勿令任意越進爲要再閱譯出該國原表內稱有別項事情要我出力我亦十分歡喜效力等語此言似非無因自係閩洋面時有盜警或需伊國兵力幫同程捕是以隱躍其詞海洋地面番船往來原應內地官兵實力查緝焉有借助外藩消除奸匪之理那彥成到任後惟當遵照節次諭旨修明武備整頓營伍使奸徒聞風自遠以愷外夷而靖海疆方爲不負委任○調王汝璧爲刑部右侍郎轉戴聯奎爲兵部左侍郎以吳璈爲兵部右侍郎由江南河○癸亥 皇四子齡忻生○己巳禮親王永恩薨遣貝勒勒譽帶領侍衛十員往奠茶酒予祭葬諡曰恭子昭棟襲○協辦大學士禮部尚書紀昀卒遣散秩大臣德通帶領侍衛十員往奠茶酒賞銀五百兩治喪予祭葬諡文達○辛未調劉權之爲禮部尚書協辦大學士加太子少保以陳大文爲兵部尚書炳炳泰爲左都御史調吳璈爲倉場侍郎以劉璣雲爲兵部右侍郎由內閣○召策丹來京以文需爲山東布政使景敏爲浙江按察使

由福建行○癸酉諭昨據會典館呈進事例內有禮部冠服一本擡頭處於 世宗廟號上一字寫作聖字當經籤出令總裁官自行議罪並將纂修校對等官一併議罪本日保甯等自請革職並請將總裁汪德斌等革職交刑部治罪等語朕於各館呈進書函及各部院一切奏摺本章內有闕弊 天 祖典禮必先盟沐啓函即尋常事件恭遇 列祖 死宗廟號自係大經大法所在擗

擗之餘敬畏嚴恭實出於不自知是以萬目倍加詳慎此內設有繕寫錯誤字樣一經看出若不指明查處不惟朕心有所不敢亦且有所不忍從前屢有錯誤節經降旨通諭飭令一體敬謹詳閱免蹈愆尤今進呈會典事例於擗頭字樣復有謬寫可見諸事漫不經心實非尋常錯誤可比若照伊等自請處分將大學士尚書八人槩行罷斥朕固不爲已甚然大臣等設謀存此見以爲卽有錯誤總可冀幸寬免則此心卽屬不做遇事必多舛錯况進呈事件巨細總當留意若云伊等所管事務較多無暇詳閱則朕躬攬萬幾又何以事事必親披覽乎此次書寫擗頭錯誤既經朕指出各總裁安能辭咎保甯處在董誥未珪劉權之德瑛戴衝亨長麟均著加恩改爲革職留任八大臣中實心任事者必知悔改因循保位者亦不過視爲泛常或謂朕過於苛細亦未可知自問於心能無愧乎朕於諸大臣恩意有加見因書籍錯誤大學士尚書等八人同時槩予以革職留任朕心已爲之木憚諸大臣等尤當仰體此心時懷敬謹用副成全亦不但呈進書籍爲然也至總裁汪德斌協修楊樹基校對邊廷英均係專辦書籍之員其咎更無可追均著革職從寬免其交部治罪嗣後該總裁等務須各思愧奮於進呈書籍倍當小心詳閱所有該館進書章程著保甯等另行

妥議具奏總在辦理詳慎期於無誤不可欲速誇多致涉草率○乙亥以湖素通阿爲內閣學士由翰林院成格爲左副都御史由

三月丁亥 上親耕藉田○己丑 上啓鑿謁 西陲○是日幸南苑行圍○乙未免經過地方額賦十分之三○戊戌 上臨五

公主園寢賜奠○己亥 上謁 泰陵 泰東陵主 孝淑皇后陵奠酒回鑾○庚子以吉林三姓積年災歉發倉穀一萬石平糶  
○丙午 上閱健銳營兵○戊申 上還京師○己酉倭什布以總督爾廣時廢弛降二品頂帶視花翎○壬子以萬承風為內閣  
學士由原  
事選

夏四月壬戌以故賢郡王麟慶子奕綺襲封貝勒○辛未諭御史蔡維鈺奏嚴禁西洋人刻書傳教一摺京師設立西洋堂原因推  
算天文參用西洋凡西洋人等情願來京學藝者均得在堂棲止乃各堂西洋人每與內地民人往來講習並有刊刻書籍私自流  
傳之事在該國習俗相沿信奉天主教伊等自行講論立說成書原所不禁至在內地刊刻書籍私與民人傳習向來本定有例禁  
今奉行日久未免懈弛其中一二好事之徒創立異說妄思傳播而愚民無知往往易為所惑不可不申明舊例以杜杜趨嗣後著  
管理西洋堂務大臣留心稽察如有西洋人私刊書籍即行查出銷毀並隨時諭知在京之西洋人等務當安分學藝不得與內地  
民人往來交結仍著提督衙門五城順天府將坊肆私刊書籍一體查銷但不得任聽宵役藉端滋擾致干咎戾○癸酉諭本日據  
福慶奏旗員瑋祿因親老懇請回京當差已降旨照所請行矣因思旗員終養之例久經停止如果在外服官年久因親老呈請回  
旗亦所不禁今瑋祿於嘉慶八年簡補領遠府員缺其時該員生母年已七十有四如果難以遠行即應呈請留京乃業已到黔甯  
及二年旋以親老呈請回京若不足以限制恐該員等或於到任後見缺分平常希圖規避或與上司有意見不合之處藉詞引退  
或因囊橐已匱冀得歸家安享託詞親老懇請回京種種情偽亦不可不防其漸嗣後旗員如果有親年已逾七十家無次丁及其  
親年未合例素有疾病者均應於在京補放時即行呈明留京當差儘於到任後一二年間遽行呈請回京者俱不准行著為令○  
以蘇冲阿為內閣學士田奉辰  
光朝選  
○戊寅賜彭浚等二百四十三人進士及第出身有差○己卯撥廣儲銀十萬兩給隨從盛京官員  
兵丁製備行裝○庚辰予故禮部尚書琳甯祭葬諡勤儉○癸未諭據刑部奏審明廣東民人陳若望私代西洋人德天賜遞送書  
信地圖並究出傳教習教各犯分別定擬一摺西洋人信奉天主教在該國習俗相沿原所不禁即京師設立西洋堂亦止因推算  
天文參用西法凡該國情願來京學藝者均得在堂棲止原不准與內地民人往來滋事乃德天賜膽敢私行傳播詭明習教各犯  
不惟愚民婦女被其煽惑兼有旗人亦復信奉並用漢字編造西洋經卷至三十一種之多若不嚴行懲辦何以闢異說而杜歧趨  
且該國原係書寫西洋字內地民人從無傳習今查出所造經卷俱係刊刻漢字其居心實不可問此在內地愚民已不得傳習而  
旗人尤不應出此關繫人心風俗者甚巨所有寄信人陳若望在堂講道之漢軍周炳德會長民人劉朝棟趙廷珍朱長泰漢軍汪  
茂德或往來寄信或展轉傳教著照刑部所擬發往伊犁給厄魯特為奴仍先用重枷柳號三箇月以示懲儆民婦陳楊氏以婦女  
充當會長尤屬不安本分著發往伊犁給兵丁為奴不准折柳收贖民人簡恆曾代為寄信請人傳教漢軍佟恆善經反復開導執  
迷不悟俱著柳號三箇月滿日發往伊犁給厄魯特為奴周炳德汪茂德佟恆善既自背根本甘心習學洋教實不齒於人類均各



銷去旗幟至一經曉諭即情願出教之民人王世甯柯添福尹思敬吳西滿漢軍佟明佟四蔡勇通尚知悔過應行省釋但恐該犯等因一時畏罪飾詞未必出於至誠仍著該管旗籍各官嚴加管束如敢再行傳習即加倍治罪德天賜以西洋人來京當差不知安分守法妄行刊書傳教實爲可惡該部奏請或飭令回堂或遣回本國均屬未協德天賜著兵部派員解往熱河在厄魯特營房圍禁仍交慶傑隨時管束毋許與內地旗民往來交涉以杜煽惑管理西洋堂事務大臣常福於德天賜寄信刊書傳教等事未能先事查察著交內務府議處其失察旗人習教之歷任都統副都統等著重機大臣查明奏請交部分別議處該堂存貯經卷交軍機大臣會同刑部派員檢查銷毀毋許存留其刊刻板片並著五城順天府步軍統領衙門一體查銷並出示曉諭軍民人等嗣後儻再有與西洋人往來習教者即照違旨例從重懲究決不寬貸餘著照刑部所議行

五月甲申朔諭向來西洋堂事務俱派總管內務府大臣管理而歷任總管之大臣等不能實心經理其派委司員亦不常川稽查大率有名無實卽如近日德天賜等妄行刊書傳教煽惑旗民此皆由歷任該管大臣官員等平日不能認真查察以致伊等敢於私通書信往來交結見在管理西洋堂事務之常福著無庸兼管改派祿康長麟英和管理其應如何設立章程嚴加管束之處著祿康等悉心妥議具奏尋議酌派司員到堂稽查設立堆撥輪流巡緝撤毀堂額天主字樣禁止旗民彼此往來封禁該堂女堂房屋稽察海淀各堂寓所譯驗該國投寄書信編造服役人數冊檔示諭習教治罪條款禁止收買藥材洋草從之○丁酉諭向來新進士以知縣卽用者原欲令其早日服官用資造就近年因錄用人員較多銓選不無壅滯需次仍復稽遲是以此次新進士引見後特降旨交吏部籤掣分發各省以知縣卽用因思辛酉壬戌兩科進士內卽用知縣見在未經銓選者尙多中式在前而得缺轉後未免偏枯著吏部查明一體掣籤分發各省其有見在未經到部投供者並著該部代爲掣定省分行知各該員原籍由本省督撫給咨徑赴該省補用以示朕體恤寒峻俾得及時自效至意○己亥陳大文因疾乞休允之以鄒炳泰爲兵部尙書王茲修爲左都御史轉關槐爲禮部左侍郎調戴聯奎爲禮部右侍郎轉劉璽雲爲兵部左侍郎以趙秉冲爲兵部右侍郎由選○庚子諭佟瀾色克舒敏李慶喜因傳習天主教革職交刑部審辦茲據刑部奏佟瀾等到案俱各供情願出教請革職免其治罪等語佟瀾等均係旗人且任職官輒敢棄背根本學習洋教見雖據供明真心改悔但恐因一時畏罪求免伊等全家入爲邪說所惑一經釋放或仍私相崇奉其言殊難憑信佟瀾色克舒敏李慶喜仍著在刑部羈禁將伊等家屬傳至令其當面告誡各將洋教不祀祖先不供門竈等事全行改革仍交各該旗查明伊全家出教屬實由該管參佐領具結詳報再行釋放如釋放後再敢私行習教卽加倍治罪決不寬貸○癸卯召慶章來京以景安爲陝西布政使調慶格爲直隸按察使以方受疇爲河南按察使由道補用○戊申諭

勒保前於嘉慶二三年間勦捕貴州狃苗悉心籌辦掃穴擒渠俾苗疆永臻甯靖厥功甚偉當經錫封侯爵事竣後調赴四川總統軍務勦辦匪因生擒首逆王三槐晉封公爵嗣授爲經略大臣其時賊匪四散竄擾勒保未能通盤籌畫駐守達州漫無調度是

以將伊穉職連問旋因帶兵乏人賞給藍翎侍衛令其前往四川立功自贖伊深知感奮悉者戰績與德楊泰兜剿張金連鮮大川等逆斃賊千餘復授為四川總督繼又生擒首逆多名洊封一等男爵前此大功告竣已加恩晉封一等伯茲聞閣臣編纂方略載有嘉慶四年三月間勒保奏通飭川東川北各州縣悉令百姓等依山附險各結寨落章程井井有條彼時賊匪正被官兵四路兜剿以窮奔鉅走為能往往於所過鄉村擄人掠食肆其兇殘久而滋蔓自結寨以後不特百姓自保身家而賊匪亦無由乘劫且居民等憑依險固心膽既壯賊至即合力攻擊斬獲甚多其後陝楚一律儆行賊勢日形窮蹙始能將無數兇渠以次掃蕩今三省全境肅清閭閻安堵如常揆厥所由實得力於堅壁清野之策勒保首先倡議洞悉機宜得以蕪功完善允宜懋賞酬庸勒保著加太子太保銜並賞戴雙眼花翎至明亮本係宿將從前平定兩金川時曾蒙 皇考高宗純皇帝賞封伯爵緣事褫革迨剿辦苗匪斬擒首逆石柳鄧等復封伯爵嗣因帶兵截剿高均德不能顧及姚之富齊王氏等大股賊匪致令竄入革職治罪旋經帶兵立功游加拔擢又因所剿張漢潮脫逃予以褫革而該首逆旋即就殲伊尚無疏縱不力情事是以復經任用仍在湖北督兵殲擒多賊屢獲勝仗後以年老回京供職前於大功告竣時已封為一等男茲晉秩尚書念其久歷戎行頻年宣力戮其前後勞績較多著加恩晉封為一等子以示朕嘉獎勳臣有加無已至意○己酉嚴禁生監把持漕務○增四川駐防滿洲佐領下養育兵各一名○壬子調景安為福建布政使以朱勳為陝西布政使調敦柱為陝西按察使以李鈺為山西按察使由直隸清河道遷

六月甲寅以江蘇浙江水災命截留四川運京米三十萬石備糶○丙辰封貴人鈕祜祿氏為 如嬪○己未命嗣後國子監漢祭酒缺照翰林院詹事府各官升轉例開列請簡○庚申諭前據奏行簡奏稱查明直隸省初次清查各屬虧短銀二十七萬兩有奇二次清查則一百五十二萬餘兩皆經奏咨有案至嘉慶六年以後又復三次清查未經奏咨者已有二百六十四萬餘兩此後沿至九年為止其為虧缺又不知凡幾等語聞之殊堪駭異因命軍機大臣將嘉慶四年十一月開戶部奏嚴議直隸省清查虧欠攤賠各款時所降諭旨呈覽並查取四年十一月以後歷任直隸總督藩司在任年月開單進呈各省倉庫錢糧均係國帑稍有虧缺即當按律治罪前此諭令覈實清釐原欲該督撫藩司等督飭屬員速籌彌補是以嘉慶四年開直隸省查明虧欠數目因念歷時既久人數過多特降諭旨寬其治罪按照所虧銀數分別給予年限追完係屬格外恩施該督等接奉以後自應一面截數嚴禁各州縣續虧之弊一面將承追銀兩依限嚴催歸款每年將已完未完數目據實奏聞劃清年月以期逐漸完結乃各省清查數目辦理漸補章程均已陸續陳奏而直隸自四年冬間奉旨以後從未有一字奏及節經降旨遍諭各省督撫令其督率清釐毋許屬員續有虧那不啻至再至三而顏檢歷任直隸藩司總督總未據實入告每遇差次逐日召對面加垂詢亦未將實在虧短情形備悉密陳止圖含糊了事實則並未上緊查辦類檢好為虛語意存粉飾屢經訓飭仍不悛改一味徇庇屬員因循推諉以致各該州縣無所畏懼親法營私不惟前欠未補抑且任意續虧此內不肖之員甚或買田置產聲色自娛或加捐升職或為子弟捐納職官使

盜入己將正項錢糧以完作欠種種弊端不一而足今易州一處虧空正雜款項至十一萬餘兩之多該督等伴為不知並不將該知州陳漢及早劾參任其交代前赴升任直至接任之徐用書以另案革職連問無人可以擔承又有裘行簡在彼查辦乃不得已據實陳出設徐用書尚不敗露顏檢必仍緘默姑容是該省虧短之多皆由各上司沽名見好遷延不辦所致若云直隸差務殷繁則四五年閒朕惟恭謁 山陵此外別無臨幸處所地方官有何承辦豈得以賠累藉詞顏檢受朕厚恩全不以帑項為重祖護劣員續虧至二百數十萬尚得謂之有良心乎本日吏部議奏易州虧空案內處分將顏檢議降四級調用因本有革職留任之案無級可降應行革任此專指易州一案而言合之通省續虧之數該督獲咎更重本應革職治罪姑念顏檢平日尚能辦事操守亦尚謹飭破格施恩賞給主事銜在吉地工程處效力仍帶革職留任八年無過方准開復瞻柱在藩司任最久錢糧是其專責乃於通省虧空並不詳晰覈明從前虧缺實數嚴切查追又不截留數目年復一年徒以清查名目轉啓屬員虧空之門而款項亦夥鴨不清諸多牽混實屬庸劣無能廢弛已極今以易州一案部議革職尚不足以蔽辜瞻柱著革職發往伊犁效力贖罪傳修久任清河道易州係其所屬乃於陳漢虧空至十餘萬並不早行揭報著照部議革職亦令在吉地工程處效力贖罪至四年以後陳大文曾任總督同興會任藩司均在半年以上於通省倉庫錢糧並不隨時查辦亦難辭咎著交部嚴加議處著吳熊總督為期均不過數月且正當嘉慶六年夏間該省被水較重之時未及查辦稍屬可原著交部議處所有直隸總督員缺著吳熊光調補該督到任後當督同裘行簡實力整飭吏治將各州縣虧空數目徹底查明通盤籌畫應如何勒限追補及如何分別著賠之處妥立章程覈實辦理其延玩不行完繳之員即嚴參治罪並將虧空各州縣之該管道府一併查參務須力返積習使屬員知所畏憚以期帑項速歸實貯方為不負委任其吳熊光未到以前著熊枚前往暫行署理總督事務○諭本日吏部條奏升選各事宜一摺內有道府選缺不准改為在外題調一款所議是各省道府員缺除旨簡放外其由部銓選及在外題調皆有定制豈容紛紛更易近年各省督撫不但將道府各缺具奏請改卽州縣簡缺亦多改選用題殊屬非是試思外省多一題調之缺則部中少一銓選之缺該督撫止知為屬員設法升轉廣為疏通竟不顧部中需次之員日形壅滯若因該地方偶有一二重大之案甫經辦畢輒稱非本省之員不能接手必須在外題調則地方要件所在常有又豈能因一時一事定其繁簡紛紛藉詞請改乎朕於簡放道府時遇有應歸部選者即不行簡放若督撫等皆欲為本省屬員升遷地步不顧選法豈不開專擅之漸耶嗣後除係特旨將道缺交督撫題調者該督撫遵行外其餘道府至州縣各選缺均不准改為題調即實有今昔情形不同不得酌量調劑者亦著於本省題調要缺內酌改簡缺互換以符定制○以百齡為湖廣總督調孫玉庭為廣東巡撫以汪日章為廣西巡撫調張師誠為江蘇布政使以金應琦為山西布政使史積容為湖南按察使由道丞補○辛酉諭本日朕閱館臣所進宮史續編內載乾隆四十八年十一月初八日欽奉 皇考高宗純皇帝聖諭傳諭總管等嗣後宮內等處儻遇有火燭之事總管等即行開門放外邊王大臣

進內撲救並著總管等量其相近之門開放不可著外邊人等繞遠如開較遠之門未免遲滯以後謹記欽此仰見

禁 聖慮周詳 訓諭昭垂實為明切惟思宮衛森嚴之地若息遽之際總管等自行開門放入進內漫無稽考究非體制嘉慶三

年間乾清宮失火時各門洞開人眾洶雜即有一漢軍披甲在內潛藏兩日始經查出實屬不成事體嗣後自萬無此意外之災但

宮廷重地不得不倍加詳慎將來設偶遇火燭總當候旨啟放何門諭令何人帶人進內撲救該總管大監等始遵旨放行並著管

門之大臣官員等向進內之王公大臣等詢明所帶官員等共若干人至兵役人等進內時詢明係何員管帶人數若干覈對相符

方許放進勿使閒人溷入庶人眾有可稽考而禁衛亦昭嚴肅著將此旨傳諭總管大監等一體欽遵並著館臣載入宮史用垂久

遠○壬戌改江南提督所轄川沙吳淞二營歸蘇松鎮水師總兵官兼轄○甲子命嗣後漢御史缺出以翰林部屬記名各員輪班

引見○丙寅劉躍雲以年老休致調戴聯奎為兵部左侍郎即以王綬為禮部右侍郎由內閣學士選○戊辰關槐以病解任轉王綬為禮部

左侍郎以萬承風為禮部右侍郎顧德慶為內閣學士由少詹事選○辛未四川餘匪首逆王世貴伏誅○丁丑直隸永定河溢命那彥

寶馳往堵築○辛巳諭昨日英和於已刻忽呈遞奏片密封朕親手拆看據稱本日劉權之戴衛亨均奉派進城驗看月官懇請晚

膳後與慶柱董誥一同召見有面奏事件等語旋經召令伊三人進見據英和奏稱劉權之平日聲名本屬平常此次因軍機處行

走章京內有中書筆帖式等官屆應行保奏之期先經慶柱等會商將內閣典籍齊嘉紹中書蔡炯刑部筆帖式武爾通阿三員奏

升主事劉權之以內閣中書袁煦亦應列入並稱袁煦係伊房師紀昀之婿紀昀在日曾經託過經慶柱等阻止劉權之遂不肯列

銜具奏等語軍機章京等趨直當差屆應行保奏之時軍機大臣等自當查照成案覈明章京等行走年月及平日當差之勤慎與

否和衷商榷秉公保奏今劉權之以中書袁煦為伊房師紀昀之婿聲言欲一併列入實屬瞻徇本不成話昨詢之慶柱董誥均稱劉

權之實有此語今日面詢劉權之亦據自認屬實是明係瞻徇私情罔顧公義矣其錯謬固不待言彼時英和既以劉權之之言為

非即應向慶柱董誥戴衛亨三人會同商議據實奏參如慶柱等或有瞻顧劉權之處即當一併劾參乃乘劉權之戴衛亨進城

之際輒行奏請面見雖稱請與慶柱董誥一同召見其實慶柱董誥二人並未知有此密奏則與自請獨對何異伊面奏此事見已

停止懇求不必詢問劉權之尋事退出軍機此言實屬狂妄膽大從前和珅雖惡阿桂尚不敢公然出此言今英和後生新進學習

辦事之人竟敢出此悖理之言若不及早懲治恐將來又出大案矣此事著派保爾宋珪祿康恭阿拉明亮鄒炳泰英善王懿修會

同查辦將劉權之嚴加議處並將此次軍機處見擬保奏齊嘉紹等是否與例案相符一併查明具奏劉權之著先革去太子少保

英和亦著革去太子少保拔去花翎退出南書房伊二人俱不必在軍機處行走聽候議處中書袁煦亦著退出軍機處

閏六月壬午朔轉那彥寶為戶部左侍郎調恩普為戶部右侍郎托津為吏部左侍郎廣音為倉場侍郎由刑部調○調玉麟為吏部右

侍郎轉多永武為禮部左侍郎調文富為禮部右侍郎由吏部調○命托津軍機處行走○癸未諭保爾等奏議處劉權之等一摺請將

劉權之照溺職例革職英和照不應重私罪例降三級調用等語此次軍機處擬辦保奏章京等一事內閣典籍齊嘉紹中書蔡炳  
袁熙先後挑入軍機章京上行走若論行走日期則袁煦尚屬較多惟袁煦係於挑入後奏補實缺業經遼恩與齊嘉紹蔡炳循例  
補缺者不同自不應一併列入劉權之即欲將伊保奏亦當向慶桂等會同商酌乃輒以袁煦係伊房師紀昀之婿紀昀在甘肅經  
託過爲辭師生誼屬私情部院大臣會同辦理公事本不應心存此見何況揚言於眾罔顧公議劉權之屢次瞻徇情面實屬罔職  
本應照革職第念劉權之在各部院供職有年資格較深且在軍機處行走業已三載尙無錯誤著加恩降爲編修仍帶革職留  
任遇有國史等館纂修缺出令其充補至英和參奏劉權之本無不合但亦應向慶桂董誥同商議聯名具摺參奏否則  
當於召對時會同慶桂等將劉權之當面指參乃輒呈遞奏片雖稱請與慶桂董誥一同召見其實慶桂董誥二人並未知此密奏  
則與自請獨對何異且公然在朕前懇求不必詢問劉權之尋事退出軍機尤不成話此而謂非有心專擅其誰信之英和謂劉權  
之所言乖謬而不知己言乖謬殆有過之其咎實在於此但所參究屬因公著加恩降補本日長琇所遺太僕寺卿員缺從前所賞  
一品補服黃馬褂紫禁城騎馬綠牙縫靴俱著革去此次不准隨往威京所有擬定保奏之章京各員除袁熙業已退出外其餘亦  
且無庸保奏○以吏部尙書費滄協辦大學士○以王懿修爲禮部尙書秦承恩爲左都御史清安泰爲江西巡撫秦瀛爲浙江布  
政使吳俊爲廣東按察使由恩池○以瑚素通阿爲刑部右侍郎○甲申諭縣額勒登保奏三等侍衛成齡託病曠班請將成齡  
革去侍衛撥回本旗等語本年三月間乾清門侍衛阿隆阿富勒琿疑珠託故未赴圓明園經朕親視各責四十板俱行革職將阿  
隆阿發往熱河作爲前鋒交慶傑嚴行管束富勒琿疑珠發往 東陵作爲拜唐阿交伊父豐紳濟倫嚴行管束此事相去不久成  
齡豈不知之乃敢託病誤班甚屬疏懈該等所參尙屬輕縱著交領侍衛內大臣傳集各項侍衛拜唐阿等看視將成齡重責二  
十板作爲粘竿處拜唐阿以示懲儆侍衛班領額布並未將成齡託病情節稟出亦屬非是額布著罰俸半年嗣後御前侍衛  
乾清門侍衛如有曠班誤差者卽照阿隆阿等之例治罪各項侍衛拜唐阿等如有曠班誤差者卽照成齡之例治罪著爲例○己  
丑以鄂雲布爲安徽布政使遇昌爲江蘇按察使由福建臺○辛卯以周兆基爲內閣學士由詹○戊戌永定河漫工合龍○乙巳  
阮元丁父憂調清安泰爲浙江巡撫命秦承恩仍舊署江西巡撫由左都御史署

嘉慶東華錄二十

秋七月壬子觀減緣事休致以策丹爲內閣學士由太常寺卿選○合斐音緣事降調以章煦爲湖北布政使由順天府○壬戌予故休致

左都御史汪承霈祭葬○甲子諭保甯等議奏江西布政使先福請將有漕省分捐納監生改收本色米石灑帶運京並將職銜在

外一體報捐各款皆不可行外省捐納監生原爲籌補封貯銀兩而設一經補足卽應停止上年因蠲緩過多降旨採買以裕支放  
此後每年正供源源載運通倉歲入自有常經何必另籌接濟且卽如先福所言每年一省所收捐米至多不過十餘萬石亦復何

稗倉儲而外省米價增昂徒形紛擾况糶丁於兌米之外原准攜帶貨物俾資津貼前曾特降恩旨量予增添若責令瀝帶米石焉能再攜貨物殊非體恤旗丁之道且如該藩司所奏於米石例價之外意欲倍增並議加水腳飯食等項較之折色銀數多寡懸殊地方胥吏抑勒浮收日滋弊竇必致釀成大案至請將職銜改為外捐一事從前降旨較仿甚明且因外省積奏紛紛通諭各省有再以此為請者即交吏部議處先福豈漫無所聞率為此奏今經廷議指出先福著交部議處○乙丑御史申瑤奏年例解京段匹顏料等項請於崇文門查驗後即移會各該管衙門限五日內交收完竣面給回批以杜書吏舞弊從之○戊辰 上啓鑾詣盛京

調 祖陵○壬申以秀甯為內閣學士由選○甲戌減直隸南宮河間二縣積水地賦則○免經過順天府大興等六州縣直隸遷安等七州縣額賦十分之五○庚辰改東河黃沁通判為同知惟甯同知為通判○調許兆椿為浙江按察使景敏為江西按察使八月丙戌 上詣 北鎮廟行禮○丁亥諭那彥成奏審明洋盜通濟匪各犯分別辦理彙摺奏聞一摺據稱目下獲犯較多若循舊逐案具奏固屬既多擁擠而逐件具奏亦未免事涉煩冗擬將審結之案或十案或十餘案彙摺奏聞一次等語所奏殊不成話該省學獲洋盜及各項匪徒均係間擬重辟居多該督於審明後自應逐案奏聞候旨交部覈辦此係舊章豈有彙摺具奏之理朕日理萬幾從不稍憚煩勞至於刑名案件人命至重凡外省奏到審案及部臣覈議奏疏無不將情節供勘詳細披閱始行定案那彥成到粵以後朕何嘗以該省案件較繁諭令稍從簡便乃輒稱逐件具奏事涉煩冗耶此次一摺之中敘述至數十案僅列人名不敘情節即交部從何覈議迹似攪權所辦大謬且此內尚有該督審明後業經恭請王命正法之犯輟稿不清若云目下獲犯較多則從前該省獲犯亦復不少該督但能迅速審辦由驛馳奏候結又何患固圍壅積乎督撫為封疆大吏無此辦事之法看來那彥成竟不免心存憚煩任意更改舊章著傳旨申飭仍交部議處所有本日彙奏各案一摺著由四百里發還交那彥成覈明各歸各案分晰定擬由四百里馳奏毋得再有草率○庚寅朝鮮國王李松遣陪臣至盛京表貢方物○甲午聞盛京官員等射○乙未 上謂 永陵○諭本月十六日朕恭詣 永陵行大饗禮今日據行在禮部具奏大饗禮成後復有辭 陵儀注朕憶從前隨侍 皇考展謁 祖陵時未經舉行是禮因命御前大臣軍機大臣等詳查乾隆年間禮冊檢閱禮部則例均未載有辭 陵典禮是以此並令將此次禮部所進儀注查照何年辦理之處傳諭禮部堂官據稱上年恭謁 裕陵於大祀禮成後祇行辭 陵典禮是以此次敬謹查照曾於本年二月間具奏 陵事宜摺內敘入等語 陵大典一切禮儀均應恪遵舊章詳明考覈朕亦不敢有所增減上年恭謁 裕陵時係因重修 隆恩殿工告成消吉升香曾於大祀禮成後祇行辭 陵典禮本非常例至此次恭謁盛京 祖陵則自有典例可循何得率行援引任意增添且本年二月間該部所奏事宜條款內但稱大饗禮畢皇上更素服詣 寶頂前奠酒行禮所奏原不明晰今率將辭 陵儀注繕錄進呈均屬錯誤本應交部嚴議姑念其先經具奏著將原奏之禮部堂官查明交部議處文甯調任未久此次隨扈行在未經詳細查明亦屬不合著交部議處○丙申行大饗禮○聞與京城○聞吉林官員

等射○調榮麟爲戶部侍郎以廣敏爲盛京兵部侍郎由內閣○已亥諭朕詣盛京親至克勤郡王及揚古利費英東額亦都等墳

塋賜奠禮部擬進儀注並有前引大臣恭導所奏殊屬非是朕追念勳臣親臨酌酒禮以義起一切服色儀節自可隨時準酌而行

亦何須前引大臣恭導即如在京屢有賜奠王大臣之事禮部從未呈遞儀注今於賜奠功臣詳敘禮儀先期呈進幾與祭祀大典

同例豈協以尊臨卑之義乎普傳諭禮部嗣後凡遇賜奠之事俱無庸奏進儀注○定奉天府屬義州廣甯開原鐵嶺四州縣專用

滿洲人員遼陽甯遠復州海城蓋平甯海六州縣專用漢員○庚子 上謁 福陵○臨奠宏毅公額亦都墓○辛丑行大饗禮

上詣 昭陵○臨奠武勳王揚古利直義公費英東墓○賜揚古利後裔福克津藍翎侍衛額亦都後裔和世泰爲頭等侍衛費英

東後裔安甯爲二等侍衛○壬寅行大饗禮○ 上至盛京詣 太廟尊藏 冊寶前行禮○諭朕恭謁 三陵禮成本日駐蹕盛

京以次舉行一切典禮渥敷愷澤吉事有祥因念額勒登保久歷戎行克敵致果前因平定苗匪仰蒙 皇考高宗純皇帝錫以通

侯之爵旋因躡辦教匪遲延除爵仍令帶兵打仗屢立戰功嗣經朕畀以經略重任伊倍加感奮數年之間掃盪兇渠俾川楚陝三

省地方咸臻甯輯厥功甚偉且能力矢公正操守潔清眾口交稱實堪嘉尚前於大功告成時業經晉封至一等侯授爲御前大臣

此次因積勞抱病不克扈從前來朕升香 列聖賜醮元勳並將其後裔量加恩擢以獎前勞言念蓋臣宜膺殊錫額勒登保著加

恩晉封爲三等公以示朕錫類酬庸有加無已至意○遣官致祭 壽康太妃 懿靖太貴妃 康惠淑妃並公主園寢奠親王貝

勒大臣等墓○遣官祭 長白山 遼陽太子河 巨流河 運河 北海 松花江諸神 遼太祖陵○賞扈從蒙古王貝勒貝

子公等銀○甲辰 上詣 天壇 地壇 堂子行禮○詣 文廟瞻禮○臨奠克勤郡王岳託墓○增吉林阿勒楚喀前鋒十六

名○乙巳 上御崇政殿朝賀○御前大臣都統公額勒登保卒賞銀五千兩治喪予祭葬諡忠毅建祠京師○丙午 上御大政

殿賜工匠及朝鮮使臣等宴○御製盛京頌八章○以 清甯宮未設國都留貽棟榑召富俊詢之以勳舊對 上曰 先朝遺

物原欲使後世企仰高樓之風即勳舊何礙觀瞻命仍設之○廣奉天等府各屬科試學額○賜朝鮮國王李松 御書扁額○免

盛京興京旗地額賦並九年前遺賦○免盛京戶部各莊頭應交倉糧○戊申 上回鑾

九月庚戌朔諭朕閱各直省本年秋審人犯冊內由刑部改實爲緩者三起而改緩爲實者共有八十三起之多數者如出一律其

故殊不可解外省辦案往往於救生不救死之說最爲陋習今部改各案經朕一一詳閱情節多係按律改正均屬平允並非刑部堂

官有意吹求朕矜恤庶獄罪疑惟輕從未諭令該部將秋審案件嚴行勘覈夫律文自有正條該督撫臬司等辦理各案並不援照

科斷轉引他條遷就定擬謂非有心輕減而何護庇兇犯不顧死者含冤妄謂積陰功不知獲罪愈重矣朕所以禁止從重定罪者

原指本律外再行加等問擬者而言若舍本律而別引他條則舛謬滋多豈協中之義乎况案情內或有一綫可原之處朕句到時

自有權衡該督撫等總當按律定擬不得率行未減人命至重豈容稍有偏畸向例秋審失人一案及失出五案者督撫臬司均有

處分嗣經降旨寬貸各省大吏自因吏議既寬更無瞻顧考成之處遂爾遇事從輕欲博寬厚之名而不思辟以止辟之道於明刑  
鞠教大有關係嗣後著該部將辦理秋審失入一案及失出五案者仍前定立處分俾職司刑獄者各知儆惕遇事庶加詳慎本年  
保發令之初所有此次定擬實錄錯誤失入一案及失出五案之各該省督撫臬司姑從寬免其交議仍於辦理秋審完竣後各傳  
旨嚴行申飭此後如有定擬錯誤者均照定例議處但各直省督撫等不可罔有此旨輒又有意過嚴致失持平之意若妄事周內  
則獲谷更重總當詳覈案情確引律條虛衷定讞務期無枉無縱以副朕執法用中諄諄訓誡至意○己未諭朕此次巡幸盛京旗  
民人等在道旁叩關呈訴者不一而足大率在該管官員及各上司衙門再三呈控未經審結以致負冤莫白急迫叩關總由外省  
惡習遇事延閣甚或奸胥蠹役多方刁賴是以訊據該旗民人等往往有不敢再向上憲衙門控告情願冒罪叩關之供可見地方  
案件若非大小衙門一味玩延雖草野至愚豈遽敢干冒罪名紛紛上瀆乎即各直省督撫等屢經降旨飭將大小控案速辦而近  
日赴都察院等衙門呈控者疊疊夫設官所以理民若事事待朕敕交審辦又安用此地方大小官僚爲耶嗣後各直省文武大吏  
有管轄旗民之責者均當即時秉公訊結其有應親行嚴鞠者亦即提集勘斷如果所控虛誣則刁健之徒尤當卽行懲辦俾知儆  
畏而被誣者亦早得申雪毋得仍蹈稽遲積習致民隱稍有壅蔽○丁卯諭本日刑部題駁河南巡撫馬慧裕審擬程小珠強姦穆  
周氏未成刃傷本婦平復聞拏投首將該犯減等擬流一本刑名事件所以不准從重者原以科罪自有定律不得於律外加等問  
擬致失平允若按律科斷之事則律文所載罪名援情定法歷久遵行卽朕亦不能稍爲增減况臣工等豈得任意偏畸近來外省  
辦案往往欲博寬厚之名於律載案犯應得罪名置之不論轉援引他條思爲未減是乃姑息之見各省皆然而馬慧裕之在河南  
及從前顏檢之在直隸爲尤甚即如程小珠一案凡侵損於人及姦者不在自首之律載有明條乃不此之引而轉引尋常投首減  
等之例問擬矣得爲情法之平夫辟以止辟立意至深若辦案稍涉畸輕則民不知畏犯法愈多年來案獄較繁未必不由於此外  
省銅習總存刑名可積陰功之見遇事輒欲從輕殊不知生者倖逃顯戮則死者含冤地下其造孽更多矣朕欲慎庶獄而於法無  
可貸之犯無不明示刑誅若亦狃於因果之說則將各直省每年秋錄人犯槩予免勾以是爲可積陰功有此理乎所有程小珠一  
犯卽著照該部所議應絞監候秋後處決其原擬錯誤之巡撫馬慧裕及原辦之臬司並著傳旨申飭仍一併交部議處嗣後外省  
題本案件遇有似此不引本律定擬妄行援照別條者著刑部堂官卽將本案改正並將該督撫臬司奏參無庸再行駁令另擬也

○己巳 上調 昭西陵 孝陵 孝東陵 景陵 裕陵至 端慧皇太子園寢奠酒○壬申 上還京師○乙亥以英和爲內閣學士

由大僕寺刑選○丙子 上臨故都統公額勒登保第賜奠

冬十月戊子允廷臣請編 御製文初集○召秦承恩來京供職以溫承惠爲江西巡撫齊布森爲河南布政使朱爾漢爲廣西按察使

羅道遠○己丑賜張聯元等六十人武進士及第出身有差○庚寅召秦瀛來京以崇祿爲浙江布政使吳沂爲甘肅按察



使由陝西由江甯江○以金光悌爲山東布政使李奕疇爲山東按察使由江甯江○甲午命戴均元馳在河南河查勘開墾各工○丙申賜

英吉利國王敕諭曰朕寅承 駿命祗遙鴻圖求甯觀成光宅區宇譯傳風之化鑒歸善之誠震疊懷柔外薄四海無有遠邇同我

太平夏實懷琛梯航鱗集朕益惟咨肝理就業萬幾允冀祉錫無疆化綏有截爾邦遠界海域恪守藩維迨申向日之忱載肅來

庭之使循覽陳奏情詞恪恭已令將貢品進收俾遂殷綢至爾邦民人前來貿易歷有歲年天朝一視同仁無不曲加體恤亦無須

爾邦出力之處茲國王特軫表抒誠極陳愛戴並飭港脚等處地方官員凡遇天朝兵民人等倍加敬謹具見爾國王慕義向化深

所慶嘉是用頒敘獎勵並錫賚文綺等物爾國王其祗承渥眷彌失盡懷長荷天朝之寵靈益懷友邦之修睦率職共球延禧帶礪

以副朕懷遠敷仁至意○辛丑諭軍機大臣等本日辰刻先據孫玉庭馳奏辦理投首洋盜未臻妥善一摺內稱那彥成辦理投首

盜匪酌賞頂帶並每名賞銀十兩計海盜不下數萬若盡行招撫經費爲難其殺賊投首之人未可盡信且此等盜犯罪皆浚遼斬

梟今准其投首槩置不問榮以頂帶加以重賞以致民間有爲民不如爲盜之謠摺諸事理殊屬未協會與那彥成再三辨論意見

不同等語是那彥成於洋盜投首一事竟屬辦理錯謬是以該據據實參奏朕披閱時卽料及那彥成日內亦必有奏報迨至已刻

果遞到那彥成四百里馳奏之摺係在孫玉庭拜摺之次日所發內一摺係續報洋盜投誠節次統計已有三千一百七十五名口

請仍照前議章程分別將出力者賞給千把外委頂帶其餘分別量予安插又另摺具奏辦理洋盜勦撫事宜據稱與孫玉庭兩次

面商意見未能畫一並另單臚列各條多係分辨之語自係知該撫先經具摺故爲此奏伊二人身在封疆意見齟齬猶屬小事至

粵省海盜充斥前授那彥成爲總督原令會同該撫督飭地方文武盡心緝捕期於戢盜安民並未令其招撫乃前據那彥成兩次

奏報洋盜投誠若干名請將出力各首犯賞給頂帶朕卽以爲此等稔惡匪徒實其一死已屬格外恩施豈可濫邀名器當卽降旨

訓諭其賞銀一節特以其人數尙少尙可准行今前後投首者至三千餘名之多據那彥成稱盜匪情形十分窮蹙試思該督到粵

以來並未督率將弁出洋痛事圍殲擒斬巨盜之事該匪等方且乘閒登岸搶劫破臺肆其滋擾有何畏懼而遂形窮蹙乎又據

稱該犯等船隻礮械既經繳官目前已可無患等語辦理地方事務總當計及將來經久無弊豈有止目前之理况目前即未必

無患耶至稱兼用熟悉盜蹤與新舊投降之人廣爲間諜等語看來竟係設法招撫此等兇渠如果情急逃生輸誠投首尙當防其

反側若招之使降如何足恃從前朕辦理勦捕教匪會諄諄以勿事招撫爲誠天下甯不知之况那彥成曾經行陣九非他人可比

卽軍營中實係窮蹙投誠或殺賊獻功者亦必令審訊明確然後酌予安插今那彥成奏稱既已悔罪投誠勢不可再加之審訊殊

不成話該犯等來歷不明若不訊問確切豈可遽爾省釋至所獻賊目首級既稱難於盡信又稱止可權爲包容該匪殺賊獻功自

當將所殺之賊訊訪明晰方足憑信若槩予包容該匪等詭譎異常設竟仇殺良民捏報殺賊呈驗首級假詞投首豈亦置之不問

有是理乎又據稱盜犯置之岸上尙有蹤迹可尋得以制其生命等語大言不慚可笑已極盜匪在洋行劫止保援害商旅近日漸

肆鴟張原以其登岸劫掠不可不上緊緝捕地方文武於盜匪在洋出沒時向不能謹守砲臺要隘制其登岸之路即如李崇玉一犯乃係岸上匪徒經朕嚴飭緝拏那彥成猶未能剋期弋獲致令免脫豈將海盜置之陸路轉能制其生命即伊祖亦未必有此才幹况那彥成乎該匪等積憤劫掠一無恆業此時即投名賞銀十兩花消易罄即賞給頂帶亦豈能久事羈縻是日前雖經投首將來必致背恩潛逃復萌故智並恐無數兇徒散居各處心懷叵測保無與陸地奸民勾結煽誘別釀事端於大局殊有關繫今那彥成奏稱善及人數眾多或將廣西開曠地畝給懇安插可見此次投首至三千餘名伊亦不能辦理乃出此謬悠之見以廣西甯靖地方忽令數千匪徒雜處其間豈能保其日久相安儻廣西又不能容則將徙置何處此時投首之三千餘名業據那彥成將出力者分賞頂帶並賞給銀兩自不便復行撤回致生缺望但此後洋盜必須力為緝捕斷不可輕信投誠以杜後患且此三千餘名亦不可不酌籌安置因思吳熊光托津在湖北審辦各案自必得有端緒奏摺諒已拜發在途見經明降諭旨將吳熊光調補兩廣總督吳熊光接奉此旨即星夜兼程由驛馳赴新任其湖北應訊案件如尙審辦未結即專交托津會同瑚圖禮秉公辦理並將私鹽小錢兩事會同查辦俟辦理完竣後托津著仍遵前旨馳赴廣東會同吳熊光查辦一切回京面奏至吳熊光抵粵後須將投首盜匪三千餘名妥為安置遣散為第一要務並嚴飭沿海各口岸營汛上緊巡緝毋任洋匪登岸並嗣後不准設法招致其節次投首之犯如有滋生事端者著即按例正法示懲勿稍寬縱至那彥成辦理緝捕洋盜之事招徠投首止圖海洋盜匪稀少有意見好見長殊不知辦理並未妥協此必係誤聽屬員慫恿或竟出自廣厚一人主見亦未可定那彥成廣厚俱著解任交吳熊光傳旨實訊將以上各情節詳細究問如止係聽信人言辦理錯誤即當據實參奏一面令那彥成廣厚二人自行來京候旨或那彥成偏聽聽信任者不止廣厚一人亦當指名參辦儻此外復訊有飭法營私款蹟即當傳旨革職鞫問並將任所費財查鈔一面嚴行審訊按律定擬前聞那彥成在粵飲酒看戲曾經降旨訊問據伊自行覆奏每月演唱二三次等語今朕聞伊在署竟日以看戲為事伊前赴浙江審案時在公館中即係如此並有屬令延豐為伊購買優伶之語見在伊所帶家人中即有能唱曲演戲者並聞廣厚素善音樂其跟役亦能演唱那彥成在粵耽於逸樂皆係廣厚引誘所致其所設軍工局聞亦係廣厚從中贊成此時如已裁撤則已若見尙設立著速行裁撤並將廣厚如何迎合那彥成之處一併查明據實具奏至孫玉庭與那彥成近在同城其飲酒看戲及設立軍工局等事豈竟毫無聞見何以並無一字奏及止以那彥成辦理洋盜投首未能妥協具摺陳奏殊屬非是著吳熊光傳旨將孫玉庭申飭並詳悉詢問具奏又據那彥成等另片覆奏御史吳榮光具奏洋盜追趕船進口焚劫各緣由查明並無其事並據稱吳榮光係鹽商吳昆同之姪那彥成見在清查局商牟利營私諸弊等語吳榮光家有局商或因粵東清查鹽務故為挾嫌入奏亦未可定若該省實有洋盜進口焚劫之事那彥成藉詞諱飾則復咎益重著吳熊光查明具奏○調吳熊光為兩廣總督加襄行簡兵部侍郎銜署直隸總督以慶格為直隸布政使楊志信為直隸按察使

由通河○調衡齡為廣東布政使以李長森為貴州布政使

宋銘爲貴州按察使由安徽甯池太廣道遷○癸卯飭大吏嚴查屬員交代○定本年秋審情實人犯單恩歸入緩決過二次再行減等例○

丁未祖之望以親老乞養允之以金光悌爲刑部左侍郎邱庭澂爲山東布政使由翰林院侍讀學士遷

十一月甲寅諭初彭齡從前任御史時尙肯遇事直言不甘緘默迨擢任巡撫辦理地方事務亦尙認真上年伊參劾吳熊光操守

平常係因高杞騰播浮言初彭齡遂據以入告未免爲高杞所愚然其獲罪實不在此惟將朕召對時面諭之旨向高杞傳述漏洩

之罪實無可辭是以將伊革職令其在家養親閉門思過今事已閱年餘因念初彭齡平日官聲尙好本日所出石庶子一缺著加

恩以初彭齡補授示朕終不廢棄敢言之臣以期有裨政治至意○丙辰諭前據那彥成等奏已革南海番禺二縣知縣王軾等稟

出百齡在巡撫任內用聯柳致鑿一命又派伊家人任二傳令兩首縣代辦供應物件並於離任時將一切玻璃紫檀物件搬運下

船並又據奏稱那彥成有與百齡聯衙具奏各摺百齡到湖北後將摺差截留僅鈔錄錄批行文等款情節重大特派吳熊光托津

馳往查辦先據吳熊光托津奏到查訊大槩情形一摺據稱百齡供認在廣東任內會因懲辦棍徒用過聯柳其與那彥成會奏之

摺因係巡撫衙門主臺是以於到湖北後將摺差截留行文知會至於在粵省起程時將署內各物件用人夫二千餘名搬運下船

一節堅不承認請將百齡解任質訊其印務遵交瑚圖禮兼署已降旨允行本日復據吳熊光托津奏到續行究出任二寄頓一摺

據稱連日詳細研訊據任二供稱六月初二日百齡自廣東起身時眷船隨後行走將歷年積存之件並廣東署中原備器用傢伙

私自搬取下船於到楚後覓得漢陽李姓棧房運往安放百齡均不知情等語當將任二寄頓各件逐一查明其百齡署內物件亦

行查封內卽有木器挂鐘等項亦係廣東之物據百齡供稱均係任二私自安放實不知情惟自認糊塗昏愊等語並據將百齡供

單進呈百齡素號精明豈有於伊家人私帶物件安置署內竟毫無覺察之理殊不足憑且披閱單內有買房六處買地五千餘頃

爲價不少伊本年出京時曾聞其稱盤費不敷向人那借銀兩竟似清貧有素而見在查出所置產業如此其平日所爲恐未足深

信百齡於廣東巡撫任內與總督會奏事件不將殊批移交總督僅行恭錄知照又因懲辦光棍製用聯柳均屬錯謬今又查出伊

署內見有存貯廣東物件是其巧詐營私不可不徹底訊明辦理見在吳熊光已赴兩廣總督新任百齡著革職擊問交托津會同

瑚圖禮提同伊家人任二及廣東人證詳細質訊將所控自廣東攜帶各件一一對對無任隱匿推卸俟審訊確實後再將百齡前

此供認二款一併覈擬情罪按律定擬具奏○王汝璧以疾免以周廷棟爲刑部右侍郎由左副都御史遷○以全保爲湖廣總督調長齡

爲山東巡撫以成甯爲安徽巡撫韓封爲湖南布政使袁秉直爲福建按察使由浙江江杭嘉湖道遷○丁巳諭軍機大臣等本日據戴均元奏

到履勘運口水勢情形一摺並繪圖貼說呈覽朕詳加披閱圖內所繪形勢甚屬明晰而自禦黃壩迤南至迤東一帶滿幅皆係黃

水可見倒灌益甚據戴均元奏稱自八月堵築義字壩後迄今三月有餘清水較高黃水未及一尺距明春啓放僅有兩月儘力收

蓄諒不能及二尺初放時或可暢注日久勢弱兩水頂阻或遇汛水漲發仍恐不免黃水倒灌等語所慮甚是但據稱與鐵保徐端

再四商酌如遇兩水相抵不能暫開峰山等關用減黃助清之法來年重運亦可不至淺阻此則非是昔清敵黃原係治河良法乃自上年回空阻滯經吳璣等籌啓祥符五瑞等關掣減黃水權宜濟運本年回空則全係借黃濟運似此年復一年黃水所到之處在在停淤日久竟成平陸全河受病關繫非輕今若再開峰山等關仍係上年掣減黃水辦法必致淤及下游殊非正辦見據戴均元奏稱俟催令銅鉛幫船渡峻亟宜堵合禦黃壩將引河一併開挖其臨湖引河二道趕緊挑竣並將清江以下運河兩腮淤灘上緊開挑此等應辦工程均著照所請辦理仍著鐵保徐端會同戴均元悉心商酌熟籌良法務使來年重運可以通行無阻而黃水不至仍前倒灌停淤為一勞永逸之計方為妥善○已未諭京城滿洲蒙古八旗生齒日繁而國家經費有常甲兵設有定制勢不能於額外增添餉項俾資養贍朕宵旰籌思終之良策今人數眾多生計既不免拮据而少年子弟無所執業亦恐啓游惰之風因思巡捕五營所轄馬兵一項本係召募充當雖係綠營究在京汛地面向來漢軍八旗及內務府漢軍人均准挑補滿洲蒙古子弟儘可一律充當不特養育有資且得歸營管束實屬兩有裨益著滿洲蒙古八旗都統副都統等會同步軍統領及左右翼總兵將五營馬兵查明額缺共有若干此內除見在漢軍充當者共有若干缺外其餘應酌分若干缺照舊召募以若干缺歸入滿洲蒙古八旗閒散人等分別挑充之處詳細籌聚悉心妥議具奏○庚申諭軍機大臣等上月二十二日據那彥成奏到續投洋匪前後共有三千餘名請賞給頂帶銀兩分別安插所辦非是以特諭吳熊光前往查辦本日又據那彥成奏續收投首各起三百二十餘名見在賊匪窮蹙並據另片奏稱另有東路巨盜二幫來投人數不下四五千名卽星赴惠潮一帶親往辦理等語所辦輕率錯謬深爲可慮看其摺內所敘及鈔錄賊供委員等紛紛購獲並各口岸均有告示是前後投到之賊均非自行投誠竟係那彥成倡爲招撫謬論深信不疑惟欲藉以見好見長不顧事之利害輕重矣辦理洋盜惟有督飭文武實力勦捕之一法卽或因勦急來降亦當詳辨真僞分別覈辦豈有將劫盜罪名置之不問優以賞項獎以官職率意妄行竟置勦捕於不辦乎伊摺內尚云此次查閱營伍諭令水陸將弁奮勉殺賊以堅賊匪投首之心士氣百倍振作等語可謂恬不知恥廣東營伍廢弛已極朕用那彥成爲總督令其實力整頓勦捕盜賊那彥成並不以勦賊爲務專辦投首並將巨盜紛紛錄用營弁致兵民皆懷怨望士氣更何由振作設有他變那彥成實爲禍首罪魁縱執法重懲地方尚可問乎况有何把握如此擔承太不度德量力矣又據稱從前吉慶任內會辦投首一千七百餘名迄今數年未聞另有滋事之案以爲可以效照辦理殊不知吉慶意在招撫以致盜匪全無畏懼營伍廢弛日甚一日本屬錯誤且伊止稱安插散遣並未優給頂帶銀兩其安插之處係在南雄一帶距海甚遠卽有黨與亦難以句結今那彥成將投首數千人散在各屬甚至列入營伍能保反側之徒不潛相勾結乎伊尙云賊匪見在窮蹙肅清海氛眞非難事等語實不成話見在外洋盜匪直入內河肆意焚劫並致省城戒嚴正所謂開門揖盜尙得謂窮蹙乎那彥成前此摺內將各州縣焚劫之賊指爲內河匪徒以明其並非洋盜殊不知從前盜匪止在海面行劫並不敢肆行登岸今洋盜投首者紛紛而內河之盜其勢日

曠豈將盜匪移入內河卽謂之肅清洋面乎封疆大吏辦理諸事小心教長尙慮貽誤今那彥成毫無慎重之心如此易視必貽後悔不知那彥成有何把握敢出此語其措尾又云自分十餘年少有知識眞可謂大言不慚矣海疆重地關繫緊要今那彥成所辦如此朕慮念甚切吳熊光接奉此旨卽迅速馳赴惠潮一帶接印任事將那彥成先後辦理投首一事妥爲經理所有前兩次投首之三千餘人業經那彥成賞給頂帶銀兩入伍歸農此時若必令繳回頂帶賞銀撤出營伍則伊等不免又生怨望且慮滋生事端止可照那彥成原辦安插卽此次續又來投三百餘名既經招致亦不得不准其投順惟所遣購糶委員卽應全行撤回至見在東路巨盜二幫有四五千入吳熊光馳抵惠潮之後著詳細酌看如該盜等已中止不來則已設有投誠之事勢難卻而不受必須慎重辦理除其中本係稟脅者照例散遣外其曾經爲盜及著名之犯卽應查明如果此時實在殺賊立功方可加以收恤此後招致之說亟行截止以免盜匪等源源而來辦理棘手再那彥成摺內稱見在安插之法大約頭目多願入伍散夥多願歸農等語粵省弁兵平日通盜者聞已不少今又將積年匪盜紛紛歸入營伍豈不令其通同一氣往來無禁設竟與洋盜聯絡締結如何辦理但那彥成業已准令入伍吳熊光惟當將入伍之盜撥入能事將備名下密令嚴加管束時時防範有犯必懲不可稍涉大意再盜首朱瀆一犯前此據閩省督撫奏稱業經官兵在崇武澳口用礮轟沈船隻將該犯掩斃今那彥成奏稱見在澄海縣報稱朱瀆不願回閩投誠願歸澄海受撫等語是閩省前報朱瀆淹斃之語尙不確實並著吳熊光詳查具奏朱瀆係有名盜首劫掠多年稔惡已久非尋常散夥可比若此等盜首徑來投誠豈有不問來由直與赦贖自應於來投之時責令立功自贖如果伊將劇盜總兵實李崇王之類設法殲斃呈驗方可免其一死准予安插庶幾辦理稍協又據另片奏稱見在經費不敷先於捐監項下動用已諭令洋鹽兩商捐費一二十萬俟收到歸款等語籌畫經費原爲捕盜而設今那彥成並不以之捕盜而用以賞盜以每名十兩而論前後所給已屬不少設將來照此辦理遇有剿捕要需又將從何支給那彥成此時亦自知難以爲繼故授意洋鹽兩商捐助著吳熊光據實查明如果該商等情願捐輸卽准其據情代奏屆時當加恩賞給議敘以示獎勵又據另片稱伊至粵東以來水土未習時多病痛恐有貽誤那彥成正在壯年不知盡心國事自到粵後惟與廣厚晝夜酣歌耽樂無度精神自難振作或那彥成因見粵事難辦豫存推諉故爲此奏亦未可知均著吳熊光據實查奏無得稍涉瞻徇○辛酉諭軍機大臣等本日朕恭閱 皇考高宗純皇帝實錄乾隆四十九年十一月內欽奉 聖諭以西洋人蔓延數省皆由廣東地方官未能稽察防範所致向來西洋人情願進京效力者尙須該省督撫奏明允准後遣員伴送來京何以此次羅瑪當家竟公然分派多人赴各省傳教澳門距省甚近地方官平日竟如輩曠毫無覺察自有應得處分備嗣後仍有西洋人潛出滋事者一經發覺惟該督撫是問卽當重治其罪等因又奉 聖諭以孫士毅奏委員伴送西洋人德天賜等四人進京已數當差嗣後可無庸選派俟將來少需用之時另行聽候諭旨等因仰見 皇考禁絕邪說訓誠嚴明至意當德天賜等進京效力之時在京西洋人已數當差卽 諭令停止選派可見西洋人等求至

內地授徒傳教爲害風俗早在 聖明鑒察之中粵省澳門地方洋船往來該國人等自因赴廣貿易與內地民人勾結始能惑眾傳教如果粵省稽察嚴密何至私越內地乎本年因江西省獲獲爲西洋人迷信之陳若望及山西省民人李如接引西洋人若亞敬傳教等案業經根訊明確分別懲創嗣後著該督撫等飭知地方官於澳門地方嚴查西洋人等除貿易而外如有私行逗留講經傳教等事即隨時飭禁勿任潛赴他省致滋煽誘其有內地民人暗爲接引者即當訪拏懲辦庶知儆懼並當曉諭民人等以西洋邪教例禁禁嚴不可受其愚惑致蹈法網俾無知愚民各知遷善遠罪則西洋人等自無所肆其簧鼓即舊設有天主堂之處亦不禁而自絕此尤潛移默化之方該督撫等惟當善爲經理實力稽查絕其根株正其趨向亦整風飭俗之要務也○壬戌以劉大認爲甘肅按察使由甘源道遷○甲子諭前日刑部奏陳漢在易州知州任內虧空庫項至十一萬餘兩之多訊其虧空緣由皆係因公賠累並據稱辦理五次大差即賠銀一萬餘兩等語因思清理經臨從無擾累推其辦理不善之故總緣濫支濫應以致州縣中膽大者那動官項膽小者亦未免科派民間此於吏治帑項大有關繫特諭令該行簡通行曉諭閩省官員毋蹈前轍本日該行簡覆奏摺內據稱直隸辦差有年一切費用大約出於恩賞官捐民力三者如果經理得宜原無賠累窮查乾隆三十年以前差務較多從無虧空至乾隆三十年以後差務較少而虧空日增皆緣大吏徇私廢法州縣遂致玩法借端虧空派累等語所論甚是直隸省承辦差務需費不免朕曲加體恤每特恩賞給銀兩如橋梁道路皆有開銷卽例不准銷者亦往往逾格允准其官捐民力雖非帑項可比亦豈得任意花銷不加撙節該督所稱乾隆三十年以前並無虧空三十年以後虧空增多皆緣從前差務雖多餽送甚少迨後差務雖亦不少而餽送較增風氣所趨漸滋糜費帑項何由撙節吏治何由肅清近年以來朕節次訓諭此風稍戢敢然營盤中如餽送豬羊酒果之類尙所不免朕皆真知確見特因事涉瑣細若必紛紛查辦又近煩苛是以未經深究此等小應酬地方官視爲有限殊不知積少亦可成多統歸糜費何如併此亦復杜絕且派往扈從各員於應用食物大抵皆能自備又何藉該地方官之區區餽送討好乎該督身爲表率又何慮他人之不相諒耶嗣後著將此等費用一併禁止食物尙不准送儀有送盤費者一

此時既已明降諭旨該督督身爲表率又何慮他人之不相諒耶嗣後著將此等費用一併禁止食物尙不准送儀有送盤費者一經發覺計贓論罪決不姑恕該督督惟當督率屬員於承辦差務覈實辦理毋得再蹈從前濫支濫應惡習以杜虧空而肅官方儻經此次降諭之獲地方官猶不悛改重藉此影射冒混再蹈積弊經朕查出必將與受一併執法懲治不貸○諭據黑龍江將軍觀明等奏進白雉一摺知道了其所請備宣吏館之處著不必行朕惟以時和年豐民康物阜爲念無事侈言祥瑞也○丁卯輯 皇朝詞林典故 御製序文○戊辰諭前因八旗生齒日繁生計不免拮据當降旨諭令將五營馬兵以若干缺歸入滿洲蒙古八旗閒散人等分別挑充令滿洲蒙古八旗都統副都統等會同步軍統領及左右翼總兵等悉心妥議具奏既而恩滿洲蒙古閒散子弟挑充五營馬兵與綠營一體當差恐不免沾染習氣致滋流弊朕從不回護已遺原欲俟議上時再行降旨停止本日據豫康

等奏籌議見在巡捕營兵丁情形一摺亦見及此與朕意適相符合實屬可嘉能如此盡心國事方不愧爲大臣之道其所請將差馬撥出二千匹交與張家口牧放計每月可省馬乾銀五千兩於八旗滿洲蒙古閒散內每旗滿洲額增養育兵二百分蒙古額增養育兵五十分八旗共增養育兵二千分每月給銀一兩五錢每月統計用銀三千兩照漢軍養育兵之例無庸給與米石所奏俱屬可行惟是此項人等挑充養育兵丁亦應分以等次如閒散子弟先挑入無米養育兵再由無米挑入有米養育兵再由有米養育兵挑入馬甲如此分別方足示以限制至所稱將馬乾銀內餘出之二千兩扣存部庫一節殊可不必所省馬乾銀兩除增養育兵二千分外尙餘銀二千兩自當仍於滿洲蒙古閒散內酌量再添設養育兵以資生計其應如何勻派之處著軍機大臣詳悉議奏至向來兵部每遇差務閒有調取巡捕營馬匹協濟當差之時令巡捕營僅存馬二千匹嗣後自難調取協濟亦著軍機大臣一併覈議具奏所有前次諭令該滿洲蒙古八旗都統副都統等會同步軍統領及左右翼總兵等詳議之處著不必再行會議○庚午諭軍機大臣等前日戴均元奏查勘義字一壩因本年風颶開壩底全行掀揭此時跌塘之水深至三大勢難車戽修復若僅恃柴壩勢難保重因請改建隄工等語此事戴均元查勘之後係與鐵保徐端熱商至再意見相同前經降旨允行但連日再四思維該處五壩之設由來已久溯從康熙年間 聖祖仁皇帝創建之後乾隆年間復屢蒙 皇考高宗純皇帝親臨相度指示機宜設立誌樁以時啓閉 命河臣永遠遵守誠以敵黃刷淤全賴洪澤湖之水而湖水盛漲不能無所節宣蓄放關鍵最爲緊要今若減去一壩既與定制不符且近年湖水盛漲高堰隄工雖處處皆形著重而義字一壩過水之處竟致壩底俱被掀揭跌塘水深三文看來該處地勢較低水性趨下是以連年以來此壩更爲喫緊此時改建隄工將來盛漲時新築之工恐未足資抵禦且跌塘之處總須填實隄根方免汕刷亦未可輕率從事著戴均元等三人再行公同相度通盤籌畫此時或照舊築建義壩究竟計需公費若干計用時日若干可期如式辦竣永著鞏固若如伊等之說義壩勢難復建止能改建隄工亦當計及該處爲全湖水勢匯歸一綫隄工未必即能扼禦或於大隄之外另行添築月隄坦坡之類爲重門保障之計較爲得力計其工費又共需幾何時日又共需幾何是否於明年大汛以前均可完畢儻改建隄工與修復壩工勞費不甚相遠自以復還舊規爲是備目前形勢實難再建壩工如何方可經久無弊卽行會商妥議迅速奏聞候朕酌奪○癸酉 上臨莊靜固倫公主第○諭朕因四公主下嫁後尙未臨蒞賜第俯允所請定於本日前往傳膳此亦典例之常是以前經諭令值日該旗推班各衙門如有引見官員自可無庸帶領至應奏事件仍應照常呈遞朕未明求衣本日較常時更早原欲批覽事件後前赴四公主第回宮辦事召見臣工儘屬從容乃本日文武大小衙門竟無一事陳奏如朕在彼果有竟日盤桓或須晚膳後回宮則尙可以此藉口今朕於卯刻前往用膳後詣各廟拈香回宮尙不過辰刻爲時甚早豈本日各衙門竟無一應行陳奏之事乎自係各該大臣等耽於安逸相率在家晏起而轉以仰體爲詞實大不成事體所有文武各該衙門堂官均著傳旨申飭嗣後遇有此等臨幸傳膳日期各該堂官仍應照常奏事如再有藉此曠誤

者必當一併懲處不貸將此通諭知之○甲戌諭朕昨至四公主賜第傳膳是日外省並無一人遞摺者今早即有十處奏摺自係昨日屢閱所致因特令總管內務府大臣傳遞摺差弁逐加詢問內汪志伊董椿二人之摺本係二十三日到京因有外奏事處聽差人賀清奏告知次日皇上至四公主府大約不接事是以未遞等語各省奏事差弁到京後自應即向外奏事官員呈遞奏摺何以又設有聽差之人已屬非是大臣墮蔽朕尚不容乃賀清奏竟敢擅出主見不令呈遞而該差弁等亦遂聽從實太不成事體若不嚴加懲治是朕竟成辜贖任諸臣蒙蔽而不覺實不能容此蒙蔽之惡習有負 訓政之深恩也差弁何興祖李國治均著革職同賈清泰一併交刑部嚴審定擬具奏至外奏事官員本不應設有聽差之人且賀清泰竟敢在外擅壓奏摺伊等毫無覺察均難辭咎扎克塔爾等均著交部嚴加議處○增八旗滿洲蒙古養育兵三千二百三十名○乙亥諭據裘行簡奏直隸初二兩次原虧銀兩應行監追人員請旨飭追一摺此項應行監追人員虧缺倉庫銀兩於初二次查辦之後逾限未完不即按律治罪從寬監禁追繳已屬格外施恩乃顏檢前在總督任內並不遵照奏案收禁嚴追一味見好沽譽任聽該員等置身事外甚至原奏監追之八員中竟有王瀾一員於限滿之前私行回籍似此因循庇縱大負朕恩不恤國事試思該員等虧那帑項獲戾甚重令其羈禁圍囹稍示懲誡較之常犯拘繫獄中者已有區別顏檢欲併此而寬之宜其逾限拖延追繳之說有名無實也本年裘行簡洩任藩司後已將吳大受等七員按例監禁勒追其私回原籍之王瀾一員及應在原籍監追之江元謙等十六員即著各該督撫查明下落照例收禁省監嚴追勿稍寬縱俟一年限滿後該員等若如數全完再行奏明旨儻仍逾限不完即著嚴參治罪該督撫等毋得視為具文復蹈顏檢之故轍也○丙子諭刑部奏審擬外奏事處聽差人賀清泰擅壓奏摺一事賀清泰因聞奏事官滿保有二十四日各旗推班之言輒自出臆見以為各旗既已推班未必接收奏摺向江蘇差弁何興祖等告知以致何興祖等將奏摺遲至次日呈遞實屬糊塗膽大罪有應得著照刑部所擬發往伊犁充當苦差示儆革弁何興祖李國治來京遞摺率聽賀清泰之言延至次日呈遞亦屬不合著照刑部所擬杖八十分別責處飭令各回本處至向來各省差官來京遞摺因路徑生疏且恐各門攔阻是以奏事處有引帶之人由來已久看來其勢亦不可少此時若令裁撤不但差官等門徑不熟致誤呈遞且恐間雜人等或致冒濶入內該看門官軍等亦無從辨識攔阻轉費稽查但此項聽差之人自當官為設立不應私自雇募微賤民人嗣後外奏事處應撥派何項官人引帶摺差需用幾人輪替並如何定以年限酌予勸懲著御前大臣軍機大臣會議奏尋議應於內務府見任筆帖式人員內擇其通曉清漢文理平日謹慎並熟悉禁門及各地方道路門徑者由內務府大臣選派二員送交外奏事處當差得旨依議其當差之筆帖式三年期滿如果小心勤慎著該管之御前大臣據實保奏帶領引見再行加恩儻有懶惰貽誤好事等情應即隨時參處若外奏事官不隨時稽察弊端經御前大臣查出參劾即將外奏事官一併懲治至從前差弁等於遞摺時給送茶銀見經裁革不許收受該筆帖式等當差不無需費著將奏事官員等每年所得隨封銀兩酌量分給俾資用費



十二月庚辰朔定廣東陸路鎮協各營屬廣州將軍節制○辛巳以邵自昌爲左副都御史由大理寺卿遷陳希曾爲內閣學士田頌○乙酉諭朕勤求治理凡遇國計民生大政所關往往敕交大學士九卿會議具奏原以軍機大臣數人或一部尙書侍郎議慮未能周詳是以特交會議係屬集思廣益之意諸大臣自應各抒所見據事直陳如果詢謀僉同亦當剴切敷言乃近日遇有會議事件率皆無所建白隨同覆奏而且退有後言殊失大臣公忠體國之道較之本部所議耽延倍多時日徒成具文並無實際於國政何益

即如吳璣前此條陳河漕不能並治請添造剝船在楊莊運河接運南漕一事朕以經國大計特批令大學士九卿詳細妥議如有意見不同者並許令自行專摺覆奏道議奏上時止以造船需時請交兩江總督及河漕諸臣再行籌議仍不過諛卽於封疆大吏其實應如何正本清源如何補偏救弊之處並未切實奏陳大學士九卿中如費淳長麟美晟或曾任江西督撫或奉使辦理河務尤應諳悉情形乃亦隨聲附和一無籌畫迨召見時面行各詢則以今昔情形不同一語塞責本日卽據御史張問陶奏此事未聞

九卿確議等語試思漕運河防至關重大若似此敷衍虛詞徒延時日轉不若專交軍機大臣議奏之較爲迅速也若事事交軍機大臣議奏必又議朕爲徇軍機大臣爲專擅矣諸大臣皆受恩深重惟當實心任事嗣後遇有會議事件務須悉心籌酌就事指陳慎勿稍存推諉隨同畫諾再朕每召見六部堂官九卿等詢以每日何時進署均稱於午時始行進署並稱午前因司員皆未到

署卽進署亦未能辦事閱稟等語實屬遲緩凡人精神振作全在晨興六部等衙門事務紛繁堂司各官卽不能平日進署亦當於辰刻齊集辦理事件庶可從容講論若遲至午刻則案牘當前神氣將已倦怠安能悉心辦事且天寒晷短之時更形慮促殊非急公趨事之道嗣後內閣六部等衙門堂司官均著以辰刻進署如該司員等有無故到署遲遲者該堂官卽應指參如各該堂官進

署遲延經朕查出亦當一律懲處御史若有見聞卽行參奏將此通諭知之○壬辰諭軍機大臣等貢楚克扎布奏遵旨驅逐番帳大槩情形一摺據稱於上月二十五日抵貴德後番眾等聞知欽差前來人人畏懼各族漸次搬移見在嚴飭各廳營上緊驅逐惟

因閘門以外雪深冰厚一時恐難盡數搬移等語番眾等聞欽差到彼甚形畏懼自應趁勢驅逐淨盡但見當大雪封山之時且番族人數眾多若過於急迫傷生枝節礙難辦理亦不能不假以時日惟當先行諭知該頭目等廣爲示諭俟明歲二三月春融之際

再嚴飭該番眾盡數搬移並當傳諭該蒙古等以爾等懦弱性成不能自立致被番眾侵占每次侵占之後必須欽差到彼查辦始能驅逐試思卡倫以內既係爾等游牧地方是卽爾之家業何至不能自守被人侵占將來欽差亦豈能常爲爾等查辦爾等總須

努力自強趁番族等畏懼遠逃各清地界嚴守卡倫加意振作方能永遠安業又另據查明青海事務難辦情形摺內據稱該處番眾止畏欽差不畏西甯大臣等語此言不通青海大臣卽係欽差貢楚克扎布從前因欽差到彼番眾畏懼豈此時補授該處大臣

後番眾等卽不畏懼乎其故自緣欽差到彼後該處道府廳營皆可呼應調遣聲威較重番眾等是以格外畏懼至青海大臣日久駐紮地方文武本非所屬遇有查辦之事不能悉聽呼應番眾等或少弛忌憚之心亦並非不畏青海大臣也此時惟應將青海大

臣

臣

臣

臣

臣

臣衙門事權略為加重則番眾等聞而畏懼自與欽差無異著貢楚克扎布即會同倭什布詳悉熟商或將西甯附近地方官員自道府以下武員自鎮協以下聽其兼轄節制則設遇有事之時呼應較靈辦理自無棘手至所轄之文武各員既歸青海大臣兼轄節制遇大計軍政之年即應飭令青海大臣查覈各該員平日功過會同總督秉公分別查辦庶各該員知該大臣有參劾之權自無不共知鼓勵於該處辦事更為有益應如何酌定章程並著會同詳議具奏將此諭令知之尋議上得旨據貢楚克扎布等奏會議西甯辦事大臣節制兼轄附近鎮道各員酌定章程一摺西甯鎮道與青海大臣近在同城向無統屬遇有蒙古番子交涉事件僅令貴德廳營各員專司辦理未免呼應不靈不足以資彈壓嗣後著照該大臣等所請西甯文員自道府以下武員自鎮協以下俱歸該大臣兼轄節制遇有蒙古番子交涉事件即由該大臣主政其民人地方事務仍由該督主政該鎮道等於關涉青海蒙古番子案件自當申報青海大臣若止係尋常地方案件即當轉報總督免致牽混干與軍政大計年分該鎮道等辦理蒙古番子案件功過由該大臣出具考語會該督再將該員等平日辦理地方事務是否認真由該督會同參酌舉劾以昭覈實而示勸懲餘俱照所議行○甲午諭昨因延豐於喀啞國商船至粵擅令交易一事辦理處率已降旨申飭並因延豐稿內有札商那彥成及會商孫玉庭之語是以將延豐交部議處那彥成孫玉庭交部察議本日據那彥成奏稱於陸豐途次接准延豐咨稱喀啞國即俄羅斯商船二隻來廣懇請貿易咨商會衙具奏那彥成正在議駁開道接延豐來字以新任監督阿克當阿抵粵延豐即日交卸已將此事事宜會衙具奏那彥成接信後已阻止不及因飛札新任監督暫止開船卸貨以免日後滋弊等語那彥成所見甚是與朕意適相符合而前此延豐具奏稍尾後聲敘督臣那彥成見在出省巡閱與之札商並與撫臣孫玉庭面商意見相同合詞具奏是延豐於辦理此事既經札商督臣並不候那彥成札覆是否准其貿易之處熟商妥辦輒將意見相同之語誑詞入奏實屬專擅乖謬前僅交部議處尙覺太輕延豐著交部嚴加議處那彥成於俄羅斯商船來粵通市接延豐札商時即欲議駁原無不合所有前次交部察議之處著即行寬免至孫玉庭見駐省城於延豐會商時未經阻止亦隨同准令卸貨輸稅實屬錯誤孫玉庭仍著交部察議○庚子調文甯爲工部右侍郎多慶爲禮部右侍郎以德文爲盛京禮部侍郎由內閣○丙午諭軍機大臣會同刑部議奏侍郎托津等密擬已革湖廣總督百齡截留批摺製造非刑及令屬員代辦供應致家人任二借端需索等情請旨將百齡發往伊犁效力贖罪一摺朕詳加酌覈百齡所犯共係三罪其截留批摺一事係前在廣東巡撫任內會同總督具奏之摺雖係巡撫衙門主纂但伊列銜在後且已赴湖廣總督新任即不得與聞廣東之事應聽那彥成等行文知照即不知照百齡亦無不合何得於摺差過境時擅給驛馬令齎赴武昌省城及拆閱後並不將原奉硃批移交廣東僅止照錄行文實屬非是姑念此次係尋常奏摺並無密諭查辦之件因此洩漏事尙可原其製用聯枷一事在百齡原因廣東省民風刁惡用以懲辦奸徒但究屬非刑有違定例設地方官因此效尤紛紛倣造並將尋常案犯一槩施用與兇惡匪徒毫無區別率致枷鑿豈非百齡作俑乎至伊令屬員代辦供應並失

察家人借端需索一節百齡在廣東巡撫任內雖並無向屬員婪索贓款及授意家人需索情事但伊到任之初暫寓書院亦應自行購辦食物何得委之兩縣家人發銀承辦即署內鋪陳物件雖係兩縣先期豫備但伊於進署後亦應查詢來歷豈得諉爲不知總緣百齡委交兩縣代辦食物又不駁回鋪墊以致家人任二借端需索兩縣家人蒙混開銷數逾巨萬而於任二私帶家伙物件前赴湖北時寄頓隱匿毫無覺察見在鈔出任二物件俱係鑿重什物若百齡意在貪贓則粵中珍玩細軟可帶者多何必攜此累重之物乎是百齡委不知情所供尙屬可信且伊自擢用督撫以來所到之處俱能實心任事整頓地方國家辦理刑章八議中原有議能之條從前李侍妾在總督任內宣力最久其後不自檢束有營私殖貨之事並於辦理軍務亦有貽誤曾經問擬大辟仰蒙  
皇考高宗純皇帝憫念勤勞特授議能之典屢加赦贖今百齡才具與李侍妾相去不遠而伊所獲各愆則視李侍妾婪索贓私貽誤軍國者其情節罪名輕重懸殊尙可量加寬宥有百齡著免其發往伊犁加恩在 實錄館效力行走○是歲朝鮮英吉利來貢  
○會計天下民穀數除福建陝西未經查報外各省通共大小男婦三萬三千二百一十八萬一千四百三十名口各省通共存倉米  
穀二千九百四十一萬一千九百九十九石七升三合二勺

嘉慶東華錄二十一

嘉慶十一年丙寅春正月壬子諭軍機大臣等玉德奏稱恭逆豎旗滋事自稱鎮海王於上年十一月二十三日搶入鳳山縣城經官兵攻散後賊船復駛入鹿耳門在府城外登岸劫擄並勾結嘉義縣匪徒洪四老等乘機滋事等語玉德久任總督查辦有年摺內謂該逆在洋稽誅十餘年皆因亡命走險試問此十餘年來誰司緝捕之責任其亡命走險至此乎此時賊勢鴟張不得不大加懲辦所有軍火糧餉器械船隻等項照軍興例動帑經理一切均責成該督不可稍有貽誤並傳知水陸文武各員弁有能將恭逆擒獲者朕必重加恩賞再行曉諭臺灣士民悉力堵禦留心盤詰一面懸立賞格俾知奮勉又諭賽沖阿久歷行陣於勦捕事宜素爲精練見發去欽差大臣關防一顆交該將軍行用不拘何處接奉此旨卽由該處馳驛前赴閩省玉德見駐之常武海口於該督豫備兵力內擇精練強壯者帶領放洋悉力督剿該處提鎮自李長庚許文謨以下各將弁均受該將軍節制調撥再臺灣遠隔重洋風濤靡定特發去大藏香五枝著賽沖阿敬誦 天后宮代朕虔禱以期仰叨 神佑又福康安平定林爽文時攜帶 大利益吉祥右旋螺往來渡海風帆順利茲亦發交賽沖阿祇領帶往渡洋以資護佑候凱旋日派大員齎送回京供奉○以紀年開表命大學士會同刑部覈減大辟以下至杖徒各罪○丙辰諭軍機大臣等臨安府所屬六猛地方久隸版圖從前安南黎維那阮光平時兩次懇請申畫地界俱經駁飭有案今該國興化鎮自忽遞送傳詞欲其外附實屬無知妄爲伯麟等接據稟報一面飭令鎮道等將六猛掌寨妥爲撫慰嚴諭各邊界加意巡防並令該掌寨等自行具文先行回覆越南鎮目一面擬繕照會該國王文稟進呈所辦皆是阮福映自得國以後恭順輸忱未必敢冒昧出此此事諒係該鎮目所爲應交該國王嚴行懲辦已命軍機處於原擬照會

回添欽發往該督等接奉後者卽照繕如式由廣西省轉遞該國仍飭該處鎮道等凡與越南接壤之處嚴密防範並嚴諭六猛掌寨毋許越南夷人偷串入境俟該國接奉報會之後如何申覆卽由驛奏聞又孟連土司刀派功被戕失印一案暹羅緬甸向俱恭順天朝此時伊二國構釁之後暹羅雖尚在九龍江外留禁下營緬甸頭人亦有赴阿瓦城調兵之事但外夷蠻觸相爭與天朝全無干涉總可不必過問今緬甸頭目以刀派功被戕爲詞懇請內地典兵前往自應加以駁飭至孟連土司所失印信不能置之不問見在伯麟等飭令兩國頭人代爲尋覓自應如此但止係土司印信或當時爭殺倥偬不知遺棄何處過後不能尋查是亦情事所有亦尙非關緊要如數月後該二國不能尋獻卽據實奏明不妨另行鑄給也○丁巳諭前因那彥成在粵東辦理洋匪種種錯誤並有與藩司廣厚看戲飲酒之事當經降旨將那彥成廣厚解任交吳熊光詳訊具奏茲據吳熊光具奏訊取那彥成廣厚親供據實奏令那彥成廣厚自行進京候旨等語朕細覈所奏情節那彥成初任兩廣總督時原銳意肅清洋面分派水師官兵出力巡緝以致沿海各口岸守備空虛嗣因盜劫頻聞水師官兵又不能得力遂廣行間諜出示招撫有具報投誠者不加查訊卽給予頂帶銀兩先後投首人犯計有五千數百餘名之多實屬師心自用試思海洋盜匪劫掠不法原應督飭文武上緊緝拏嚴辦方足以懲奸宄而靖海疆今那彥成倡爲招撫止圖多一投誠卽少一劫盜殊不知此端一開則武職憚於冒險出洋藉避風濤必致日漸疏懈文職以招致盜犯得邀上官嘉獎亦所樂從不惟地方捕務從此廢弛卽兵民等自視洋盜擄掠傷人不旋踵而賞給銀兩頂帶以致交相含怨物議沸騰那彥成辦理失當之咎實在於此幸而此五千數百名投首之犯尙俱安靜帖服那彥成尙無大罪至設立軍工局一節那彥成因盜案繁多亟思審出真情因從前原有軍工廠是以設立軍工局派員經理那彥成嗣亦自知所辦非是旋卽裁撤其餘如看戲飲酒等事雖訊問屬實猶其過之小者此外亦並無婪索營私款蹟那彥成素日自謂才具過人不肯虛衷是其受病之處前在陝省督辦軍務未能妥協撤回京降職未及數年復經朕特恩棄錄用擢授封疆並疊次諄諄訓誡至再至三乃竟未能悔改舊習虛心任事實屬有負朕教誨成全之意姑念並無別項劣蹟招降盜匪等亦並無滋事之處尙可略加寬宥不至罷斥治罪廣厚於那彥成招撫設局等事訊無怨愆情事但伊身任藩司與那彥成近在同城並不阻止且有與那彥成飲酒看戲之事亦有不合除另降清子諭旨將那彥成廣厚派往新疆辦事外所有伊二人獲咎緣由特諭中外知之○定免死改遣罪犯分別年限減釋○調托津爲戶部左侍郎轉玉麟爲吏部左侍郎調和甯爲吏部右侍郎以英和爲理藩院左侍郎由內閣學士○調蘇楞額爲戶部右侍郎那彥寶爲工部左侍郎○降那彥成藍翎侍衛爲伊犁領隊大臣廣厚三等侍衛爲庫車辦事大臣○戊午諭據奏行簡奏直隸舊有千里長隄自乾隆三十七年大加培築之後已閱三十餘載其新舊格旋隄自乾隆十年二十二

年培築以來亦久未辦理見在隄工卑薄處所多被衝刷河水淤塞各水縱橫四注平野不可不亟講疏築請先撥帑銀四十萬兩趕緊興修仍於蘆商本年盛價內每斤酌增制錢一文以贏餘所入之數補工程撥用之需等語直隸千里長隄及新舊格旋隄兩

項工程年久塌卸附近民田多成巨浸目不可不講求疏築俾需樂利但如築行簡摺內所稱在於蘆商鹽價內每斤酌增錢文以資撥用此則不可鹽斤加價一事原爲恤商起見從前因商力疲乏錢價過賤暫時推行但究屬病民非可引以爲例屢經降旨飭禁此時辦理工程與商人全無干涉伊等有何賠累之處轉欲藉此增加鹽價乎朕於民生利賴之舉卽多費帑金從無靳惜所有此項隄工需銀約四十萬兩卽著撥動正帑交戶部查明在於長蘆鹽課項下酌撥應用若該處課項不敷並著另行籌撥以資興築各需該署督惟當督飭承辦工員認真經理確估實銷務期工堅料實俾小民永資利益無庸於鹽務中層層籌費爲也○壬戌以那彥寶爲直隸泰甯鎮總兵官調英和爲工部左侍郎轉玉甯爲理藩院左侍郎以特克慎爲理藩院右侍郎由內閣侍讀學士遷○庚辰諭提吳熊光等奏查明喀哩國來廣貿易情形一摺喀哩國卽俄羅斯國向例止准在恰克圖地方通市貿易本有一定界限今該國商船駛至粵東懇請越關卸貨自應照例駁回乃延豐擅准進浦卸貨實屬冒昧且該國商船於十月初八十七等日先後進口延豐於二十九日始行具奏又於咨商總督後並不候那彥成回咨輒以意見相同之語捏詞入告其咎甚重前經降旨將延豐降爲七品筆帖式尙不足以示懲延豐著卽革職仍令在萬年吉地工程處效力行走接任監督阿克當阿因延豐已准該夷商起卸一船貨物亦卽不候那彥成移知率准後船進浦卸載吳熊光孫玉庭未經詳查明確遽准開船回國均屬辦理未協不能無咎吳熊光孫玉庭阿克當阿均著交部議處嗣後遇有該國商船來廣貿易者惟當嚴行駁回毋得擅准起卸貨物以昭定制○丙子諭前因那彥成在兩廣總督任內招撫洋匪辦理錯謬將伊降爲藍翎侍衛派充伊犁領隊大臣茲據吳熊光續行查出洋盜黃正嵩投首時那彥成先行賞給四品藍頂旋卽掣回改給千總頂帶昨李崇玉解到經軍機大臣會同刑部審訊並據李崇玉供出那彥成亦會給與四品藍頂等情四品頂帶等級較崇那彥成輒以賞給投出盜首實屬任意妄爲那彥成豈復能勝領隊大臣之任著革職伊見在行抵何處卽著該督撫派員押送來京交軍機大臣會同刑部審訊具奏

二月庚辰諭李長庚等因蔡逆大船在鹿耳門內小船分泊洲仔尾一帶與岸匪勾聯當卽豫備火具攻燒將賊船燒毀多隻生擒賊匪一百六十八人蔡逆大船既見泊鹿耳門內口門外有沈船堵塞正可水陸夾攻不可稍有鬆勁至鹿耳門外係堵截海口要路務須加意嚴密隄防又臺灣府城經賊兵攻撲多日亟應敷援著速飭李應貴一路官兵由大港直抵郡城不可延緩○壬午諭連日軍機大臣會同刑部審訊粵省解到盜首李崇玉將該犯供出那彥成給予銀牌並印札等件均經呈覽銀牌洩有免死字樣已屬不合而劄付則係授意總兵武隆阿令署潮州右營守備直書署守備李崇玉並豫支行糧稟給太不成事體矣李崇玉係廣東甲子司地方爲匪首犯人所共知朕先有所聞密令該督等查拿上年該犯聞警脫逃那彥成將該親屬查拿審訊定案照大逆律辦理緣坐發遣該犯逃竄出洋與盜首朱濱合夥彼時那彥成因其與朱濱情意不合遣人問謀若果能設法擒拿將縛獻之人奏明酌賞官職尙屬近理乃那彥成誘致李崇玉後輒賞給五品頂帶嗣該犯見降盜黃正嵩先已給四品藍頂欲一律戴用那彥

成遂亦賞給又因該犯稱所賞之官並無憑據遂令總兵武隆阿給與守備印札實出情理之外國家名器信賞必行若如那彥成所辦是官員頂帶及一切印信割付全不足憑威福任意是非顛倒大員任用深恩竟喪心病狂况李崇玉身係重犯所求輒遂說充其量更有無厭之請亦將曲從之乎不意那彥成任意妄為乖張紕繆一至於此前已有旨將那彥成革職令沿途督撫派員押解來京尙屬稍寬者派乾清門侍衛慶惠玉福馳驛迎赴前途傳旨拏問解交軍機大臣會同刑部嚴審定擬具奏武隆阿保專闕大員曾在乾清門行走亦當略知政體當那彥成諭令給札時理應力持正論攔阻不給乃竟率意聽從其咎甚重本當革職發治姑念伊在川楚軍營出力有年曾賞給巴圖魯名號素屬奮勇武隆阿著革去總兵仍加恩賞留巴圖魯名號作為二等侍衛發往臺灣交與欽差大臣賽沖阿差遣委用著吳熊光即傳旨令該員迅速前往如果奮勉立功再加恩賞○癸未 上御經筵○甲申諭朕恭閱 皇考高宗純皇帝實錄內載乾隆五十一年六月欽奉 聖諭前據曹錫寶奏和珅家人全兒服用奢侈器具完美恐有招搖撞騙等事著留京王大臣詳悉訪查訊問務得實在情形朕於此案總期根究明白留京王大臣不可誤會朕旨將曹錫寶加以詞色有意吹求務須平心靜氣虛衷詳問如果和珅有營私舞弊款蹟不妨據實指出朕必質詢明確如果得實不難將和珅治罪等因欽此仰見 皇考至公至明纖微畢照彼時御史曹錫寶參劾和珅家人全兒款蹟其意本欲參劾和珅又不致明言故以家人爲由隱躍其詞以爲旁敲側擊之計 皇考因該御史陳奏即恐和珅有營私舞弊情事令王大臣虛衷詳訊並令曹錫寶指出實據其時該御史若果能臚列款蹟 皇考必徹底嚴辦立將和珅懲治乃該御史僅以一奏了事迨疊經開示令其指實曹錫寶不能指出確據而王大臣於審辦此事存投鼠忌器之鄙見顛預完案以致和珅益無忌憚驕縱日甚必至身罹重辟而後已在當日王大臣等以私意揣測 高深竟似查辦和珅未必仰合 聖意今恭閱 實錄所載節次 聖旨指示明切至再至三可見 皇考於和珅種種不法早經照及特當日大小臣工無一人舉劾是以未及究辦耳朕廣開言路整飭官常惟期內外各

大臣奉公守法若有敢檢營私之事必不肯稍有回護嗣後言官若彈劾大臣必須將其貪劣款蹟指明參奏朕必執法嚴辦但不

得隱躍其詞徒博建白之名轉滋疑似之迹於吏治官方庶有裨補特此宣諭知之○諭本日禮部會同鑾儀衛內務府衙門具奏請將皇子婚禮舊例執事內鑿籠火把紅氈酌量加增事屬可行至稱向來皇子迎娶福晉例無儀衛因查親王郡王向俱專設儀衛一分謹公同商酌擬比較親王之例增設皇子儀衛一分於成婚迎娶時陳設導引禮成後即由鑾儀衛另庫收貯等語所議大

謬皇子班次本在諸王之上至冊封則位有差等並非一例錫封親王朕兄弟中卽有郡王貝勒焉有於成婚時卽用親王儀衛之

理是皇子必應封親王矣况親王未分府者均不設用儀衛若於成婚時鑾照親王例製造儀衛一分禮成後又復另庫收貯日後

若止封郡王貝勒則此一分儀衛又將焉用該衙門議奏此事不加詳慎甚屬不合此摺係禮部主蒙該堂官定議舛錯著交部議

處其率行會奏之鑾儀衛內務府堂官俱著交部察議此後仍循舊章不准用儀仗又據奏公主降降時請將應得儀仗一例陳設

等語定例固倫公主和碩公主本有差等向各有儀仗一分係歸甯時陳設今議於下嫁時用以陳設導引並非例外增添自無不可著照所奏辦理○以桂芳孔阿俱爲內閣學士桂芳由詹事孔阿由太常寺調遷○辛卯 上啟鑿謫 東陵○免經過地方額賦十分

之三○丙申 上謁 昭西陵 孝陵 孝東陵 景陵 裕陵回鑾○已亥調李殿圖爲江西巡撫溫承惠爲福建巡撫○辛丑

撥廣東關稅銀三十萬兩備臺灣軍需○壬寅以姚令儀爲四川按察使由鹽茶○甲辰 上幸南苑行圍○諭軍機大臣等李長

庚愛新泰慶保奏許松年王得祿在柴頭港口勦賊臺郡文武派兵協助將盜夥殲獲多名得有勝仗但蔡逆本係積年洋盜設或

官兵勦意復竄重洋辦理殊爲棘手今朕明諭李長庚蔡逆一犯全責成該提督擒捕備能擒獲該犯即侯伯崇封朕所不靳設

蔡逆竟於海口逋逃伊自思當得何罪恐不止革職擊問已也至蔡逆謀爲不軌總由王德在閩有年營伍廢弛巡哨緝捕視爲具

文以至此是王德養難貽患之罪已無可辭此時該逆滋擾數月計先後調赴臺灣官兵不過三四千名豈能勦滅二萬有餘之

賊閩省水陸官兵不下七萬餘名即調用萬餘名內地守禦亦不虞空虛且據愛新泰等奏稱郡城被圍日久有不可支持之勢玉

德接到該處文稟即應熟爲籌辦乃竟任意延玩視爲泛常負恩曠職莫此爲甚王德善降爲二品頂帶帶去花翎先示薄懲以觀

後效賊匪勾結生番生番頭目諦窩蘭不肯從逆能知大義甚屬可嘉如本無頂帶即賞給六品頂帶並賞藍翎如本有頂帶即加

等賞給○乙巳諭閩省洋盜蔡牽勾結陸路匪徒在臺灣滋擾亟應勦除淨盡以靖海疆前經朕特派賽沖阿前往督同該省提鎮

水陸官兵赴臺勦辦連日節據該處提鎮等奏報殲獲逆匪數百名蔡逆勢已窮蹙茲再派德楞額爲欽差大臣同護軍統領扎克

塔爾溫泰提督薛大烈並帶領巴圖魯侍衛章京五十員名馳驛前往勦辦於二月初四日由京起程酌分二起行走所有經過地

方著該督撫等將應行支應事宜妥爲豫備俾行程迅速以期克日蒞事○免蔡牽滋擾之臺灣府屬地方額賦○丙午以初彭齡

爲內閣學士由光祿寺調遷○丁未轉多慶爲禮部左侍郎調德文爲禮部右侍郎以成格爲盛京禮部侍郎由左副都御史遷○戊申 上還京

師

三月己酉朔命挑落江蘇淮揚下游歸江河道○庚戌福建臺灣鎮總兵官愛新泰等奏攻克洲仔尾等處賊寨得旨嘉獎下部議

敘○辛亥 上親耕藉田○壬子命百齡赴福建襄辦軍需○乙卯諭軍機大臣等吳熊光奏查明那彥成招致洋盜緣由並海洋

防堵情形一摺粵省招致洋盜一事查明並非楊愷愆自係那彥成師心自用與伊無涉至降盜黃正嵩四品頂帶業經撤回回

換給千總頂帶自未便再行撤回致滋疑懼伊見在跟隨洪蕃船在洋巡緝著吳熊光密札該鎮如果黃正嵩認真出力能捕獲劇

盜悔罪立功不妨奏明以千總實缺補用示之獎勵如並不出力即將伊斥革亦無不可若別滋事端即當加倍治罪不可姑息至

黃正嵩同來夥匪一百八十人若同聚一處終恐不妥並著儘知洪蕃將各夥黨調撥別營不動聲色使之黨與分散其勢日孤

更易鈐制又另奏盜匪方安等帶同夥件約計千人前來投首既係悔罪自來並非由地方官招致自可准令投首分別辦理著照

兆熊光等所請將盜首方安等十八名分置南雄等處安插其夥眾九百餘名口遞交原籍管束如有滋生事端者即當查拏加等治罪至此次盜船二十餘隻據摺內稱估變充賞其礮械飭營收貯前聞盜匪賊駕之船較兵船轉為堅固此時粵省米艇正在不敷此等盜船何不配入官船駕駛轉行估變充賞此外如那彥成節次招致盜犯所交船隻均著吳龍光一併查明可用者留充官用其實係朽壞者方可變價其礮械亦當分給各營配用何必槩行收貯置之無用之地至孫全謀熟悉閩省洋面情形在粵省不甚得力不若令其前赴閩省效用賽冲阿所調粵兵除廣西官兵均係陸路至廣東官兵竟以專派水師為是著吳龍光酌量派往以速為要○召李殿圖來京以景安為江西巡撫景敏為福建布政使由江西按察使遷○丙辰諭軍機大臣等李長庚等奏稱自正月二十六日起督率鎮將先將附近聚賊匪之洲仔尾賊船擊穿分投燒毀斃賊多名蔡逆因此不能存留旋將大船駛近口門又經李長庚揮令各船南北攻打許松年等亦帶兵夾攻擊斃賊匪百餘名拏獲盜船四隻燒毀五隻至二月初七日該逆潛乘風潮拌命衝出兵船復大加攻剿又擊沈盜船六隻燒毀九隻擊斃淹斃盜匪不計其數殲擒二百餘名該逆向南逃竄見在督兵追剿等語此次官兵攻剿賊匪大加殲戮該逆亡命奔逃其潰散情形實屬顯然但不能將蔡逆立時殲獲李長庚許松年等疏虞之罪實無可辭其所請革職治罪之處皆所應得惟查閩李長庚許松年二人兵船駐防之處李長庚係在北汕許松年係在南汕蔡逆大股係由北汕口內漸次竄出是許松年之咎較李長庚稍輕且許松年此次奮勇殺賊槍子穿過左手指見在受傷可憫著免其革職仍留頂帶以觀後效至李長庚係總統水師之員伊即在北汕駐船此次蔡逆大船出口雖經竭力勦殺究屬疏於防範本應革職治罪姑念一時水師帶兵乏人著革去翎頂免其革任仍令戴罪立功伊二人如果各知奮勉能將蔡逆擒獲朕不但免其既往之罪仍當格外沛以厚恩若再帶兵遷延又任蔡逆逃竄伊二人之罪斷難寬宥矣其王德所參總兵李景會副將王得祿署副將邱良功革職治罪之處亦姑從寬免均著革去頂帶隨同李長庚等戴罪立功以觀後效王德摺內又請將臺灣鎮道愛新泰慶保交部嚴議愛新泰慶保自蔡逆滋擾以來守城殺賊尙屬有功且蔡逆由水路逃竄並非陸路疏防愛新泰慶保無庸議處至王德自稱無能請革職一併治罪等語誠哉是言王德任總督有年並不整頓水師認真緝捕其養癰貽患之罪已無可寬迨蔡逆滋擾臺郡既不渡洋親往又不多派官兵寬備糧餉種種貽誤應行革職治罪之處何待奏請但見在軍需緊要之時若遽將伊革職交部治罪伊轉得置身局外將一切棘手難辦之事諉之他人遂其安逸王德著先革去頂帶仍將見在軍需責令經理○以蔣攸銘為江西按察使由廣東惠澗嘉道遷○戊午諭本日軍機大臣會同刑部奏審擬那彥成請旨發往伊犁效力贖罪一摺前因廣東營伍廢弛洋盜充斥特將那彥成調任廣東總督原令其整頓營伍緝捕盜賊使海疆日就甯謐朕屢次所降諭旨皆責以認真緝捕從未令其招撫亦並無密諭及此那彥成果能督率水師將弁奮力擒剿將大幫賊艇痛擊誅鋤其餘黨夥窮蹙來歸或可准予投首斯為正辦然亦止貸其一死斷無加賞官職之理乃那彥成到任以後並不能實力振作戍戎捕務煥然改觀惟以招撫為事若云洋



匪眾多兵船數少不敷勦捕原可奏請添造即經費不足那彥成年來所請動用各款亦無不降旨立准俾資籌辦不謂那彥成因見水師出洋不甚得力卽希圖速效師心自用購獲招致前後投出洋盜首夥三千餘人分賞銀兩盈千累百此等賞項與其散給犯法自首之賊何如以之獎勵兵丁使之感奮捕盜戡暴安良乎那彥成身任封疆如此賞罰倒置無怪乎兵民交怨也卽如李崇玉在甲子司地方種種不法稔惡誅係朕特交該省督撫查拏之犯因辦理不能嚴密李漢升等往捕兵丁施放槍礮俾得聞聲冤脫那彥成到任後又不能迅速擒捕業已將其家屬照例緣坐及至將伊誘致輒付給免死銀牌又給以四五品頂帶及署守備札付行糧銀兩等項押解來京轉致礙難辦理總由那彥成一意主撫遂不顧事理之顛倒錯謬若此設海疆督撫相率效尤主撫於練兵捕盜等事皆不認真辦理惟圖將就塞責其廢弛尙可問耶朕之所以罪那彥成者實在於此那彥成係棄職錄用之人似此種種妄爲實負委任深恩著卽照所能發往伊犁效力贖罪交與松筠嚴行管束如果守分安靜數年後再行具奏○辛酉諭軍機大臣等本日許文謨奏稱三月十六十七等日賊匪數千人攻撲鹽水港營盤前往救援剿殺甚多並擊斃穿紅褂騎馬賊匪一名生擒二名嗣後賊匪復竄入鹽水港街搶掠又殺死五十六名許文謨探聞賊匪卽在附近屯聚帶領兵勇圍勦將賊匪殺傷不計其數當將竹園尾太史宮莊賊巢四百餘間築行焚毀取陣餘匪卽沿海沿山竄去又據探聞蔡奎匪船於十九夜北竄至王耶莊海邊停泊等語此次許文謨在鹽水港一帶連次痛剿賊匪止贖五百餘人分投逃竄見在附近各處並無賊匪自郡城至嘉義一帶道路業已疏通惟蔡奎匪船復敢竄至王耶莊海邊停泊總須將該逆擒獲方可杜絕根株再朕聞淡水滬尾以北山內有膏腴之地爲該逆素所窺伺此時或又竄在亦未可定賽沖阿可派兵前往相機辦理又諭德穆泰奏出京以來節據李長庚愛新泰等奏到蔡逆窮蹙各情形看來南北陸路匪徒疊經官兵剿殺紛紛潰散可無庸另行厚集兵力前所派京中後起之巴圖魯侍衛章京等及東三省勁旅四川屯練兵停止調派惟四川綠營兵令勒保孫挑二千名候旨調派如向需用德穆泰卽可向彼咨調至德穆泰身爲大臣受恩深重如果行抵廈門臺灣匪徒業已勦盡彼時賽沖阿自必知會德穆泰無須渡臺卽在彼略駐數日閱視海疆情形俾地方兵民見有重臣到彼經畫共知傲畏亦不爲無益或德穆泰行抵浙江已得有臺灣賊事之信或蔡逆向北逃竄又思至溫台一帶滋擾德穆泰卽赴該處海口一帶會同清安泰督率勦辦○壬戌諭前因廣東地方緊要曾降旨將該省陸路鎮協各營均交廣州將軍賽沖阿節制今賽沖阿調補福州將軍閩省見有勦捕事宜所有陸路鎮協各營應如何交該將軍統轄之處著兵部詳議其奏尋議上得旨閩省除督撫提三標各有專轄外其餘陸路各營協均歸將軍統轄所有臺灣一鎮遠隔重洋自本年爲始令將軍總督巡撫水師陸路兩提督輪往查閱營伍事竣專摺奏聞○甲子嚴禁浙江江蘇等省販米出洋○乙丑愛新泰奏克復鳳山縣城得旨嘉獎賞雲騎尉世職○己巳諭向來宗室王公等之格格嫁與蒙古者來京例不禁止但新革塔布慶布哩納什之妻固山格格連次赴京控案因無例禁以致率意妄行不可不定章程嗣後除年班仍令照舊來京外其餘或詣闕謝恩

或伊母家實有要事善於起身前將實在情由具報理藩院查數咨行或額駙格格呈報扎薩克等轉報理藩院亦可備任意擅離本處或徑自來京不特將額駙格格治罪該扎薩克一併嚴處應如何分別定例著理藩院妥議具奏尋議嗣後出嫁蒙古額駙之格格遇來京謝恩或有緊要事件在該扎薩克前呈明轉報理藩院具奏允行始准來京備伊母家實有要事呈報理藩院覈實奏准行文該扎薩克准其來京若並未呈報私行來京交該扎薩克嚴查禁止若扎薩克並不禁止照失察例治罪備額駙格格指稱事故捏報來京或任意私往他處該扎薩克並未查出附和令其前來將額駙格格及該扎薩克均罰俸一年從之○辛未撥京倉米麥各五萬石於五城平糶○甲戌諭軍機大臣等李長庚奏在東港洋面追遇盜船官兵止擊沈盜船一隻斃匪百餘名仍令蔡逆往北竄逃該提督又以風浪狂大未經窮追復任駛近鹿港竄至崇武與朱濱合夥此皆由李長庚督勦不力所致見在賽沖阿業已到臺該提督放洋追剿亟當探蹤緊躡如能將蔡朱二逆一併殲獲不但可贖前愆仍當懋加恩賞若再有遲誤必當併計重治其罪不能再邀寬貸矣李長庚務當倍矢愧奮設計擒殲並曉諭將弁兵丁人等如能將蔡牽擒獲者賞銀二千兩擒獲朱濱者賞銀一千兩其洪四老陳樺吳三池三名均係盜船要犯每獲一名賞銀五百兩仍奏明分別賞給官職如本係職官即予加等升擢備舟師與盜船相遇或有退縮不前縱令該二逆竄逸者官弁即行拏問兵丁等立置重典至蔡朱二逆或仍合幫竄至臺郡一帶李長庚固當跟蹤急追即或駛向粵東江浙鄰省洋面李長庚亦當不分畛域追拏務獲其朱濱盜船即咨報玉德等另行籌勦

○以誠存為左副都御史由大理寺卿遷○丙子命德榕泰回京○皇后行躬桑禮

夏四月戊子實授阿禮布雲南布政使○辛卯 上閱健營兵○癸巳李亨特以挾私妄為奪職逮問以吳璣為河東河道總督

○丙申諭御史葉紹楨奏請續編皇清文親以光文治一摺我 朝重熙累洽治同文康熙四十八年編集皇清文親乾隆年間重加纂輯卷首恭載 列聖聖製次附廷臣賦頌各體宏篇鉅什炳炳麟麟書成以後 皇考高宗純皇帝聖製詩文集共編五百

四十餘卷金聲玉振集千古之大成朕景紹 前徽亦每有因文見道之作而六十餘年以來親藩王公以逮臣工等奏御篇目其和聲鳴盛堪備採擇者積而愈多允宜續加哀集宣布藝林著俟恭纂 實錄告成後即在 實錄館地方開館編纂屆期再行簡

派總裁詳查舊章酌議具奏○己亥宗錄以母老請留京允之授太僕寺少卿以朱棟為貴州按察使由廣東遷

五月己酉英善緣事鐫級以廣音為左都御史調和甯為倉場侍郎德文為吏部右侍郎以桂芳為禮部右侍郎由內閣○甲寅諭

各省督撫因州縣員缺緊要揀調需人往往將不合例之員奏懇補用朕前次發交部議部中皆照例議駁並將違例保題之上司一併奏請議處部議上時朕每有仍照該督撫所請准其升調者並將該上司處分寬免原以地方治理需人不得不破格錄用非

可視為常例乃近來督撫等違例保奏者漸多明知部議必駁之後仍可邀准而一經恩准則處分亦無不寬免遂爾心存玩易任

意保題預習相沿成為故套恐滋流弊試思一省之大州縣佐貳不少豈無廉能任事合例可保之員何至出一缺即非此一人

意保題預習相沿成為故套恐滋流弊試思一省之大州縣佐貳不少豈無廉能任事合例可保之員何至出一缺即非此一人

意保題預習相沿成為故套恐滋流弊試思一省之大州縣佐貳不少豈無廉能任事合例可保之員何至出一缺即非此一人

意保題預習相沿成為故套恐滋流弊試思一省之大州縣佐貳不少豈無廉能任事合例可保之員何至出一缺即非此一人

不可必欲違例奏請此在存心公正之督撫一時爲人地起見諒無別情而假公濟私者或因此徇情薦舉意爲愛憎不論人才之當否惟視缺分之肥瘠其弊將何所不至所關於吏治者甚大朕固不疑天下督撫俱有不肖之心然不定條例恐封疆大吏保舉屬員竟至無所顧忌不可不防其漸嗣後督撫等違例保奏之員除照例駁者仍照例議處外其有部駁之後仍奉特旨准行者著交該部存記將來所保之員如犯有貪私亂法之事其原保之上司竟當奏請革職如係別項劣蹟致罹參革者亦應照本員罪名之輕重以定原保之上司獲咎之等差著該部詳議章程載入則例永遠遵行尋議違例保舉之員如犯貪贓亂法應擬斬絞罪名者將原保之督撫革職司道府降三級調用如犯軍流私罪者督撫降三級調用司道府降二級調用如犯杖徒私罪者督撫降二級調用司道府降一級留任如不由司道府申詳者止將督撫議處其有違例題請既經部駁奉旨依議後督撫復專摺奏請特旨允准者如犯有前項事故原保之上司獲咎較重應加等議處從之○調李鈞簡爲倉場侍郎轉戴均元爲吏部左侍郎調潘世恩爲吏部右侍郎趙秉冲爲戶部左侍郎以劉鳳誥爲兵部右侍郎由內閣學士遷○己未諭軍機大臣等玉甯等奏探聞廓爾喀國王喇特納巴都爾被戕緣由一摺該國王以殘殺啓覺致被戕害未據破關稟報自不必差人往探所見甚是但該國既有此內亂之事自必其表陳訴應俟其遣使來告時諭以爾國遠在藩服極爲恭順今不幸遭此內變奏聞大皇帝必深爲憐憫見在罪人已得爾國王尚在幼年惟當謹守國度安常處順以期自固藩籬永承天朝渥眷儻該國王竟力不能支率眾來奔即當於邊界地方妥爲安置令其得有棲止以示懷柔若因內訌構兵款關求救則斷無因蠻觸相爭致內地勞師之理玉甯等即當嚴行駁斥仍督飭各卡隘加意防範勿令該國逃入竄入界內以靖邊圉爲要○壬戌諭前於嘉慶九年挑選八旗秀女見其衣袖寬大並有纏足者殊爲忘本其屬非是當經降旨嚴禁本月初九日會降旨令嗣後八旗漢軍兵丁之女俱無庸挑選此乃朕體恤貧窮兵丁該兵丁等若將其女任意纏足及裝飾寬大衣袖是轉失朕矜恤本意我朝服飾自定鼎以來 列祖欽定從前 太宗文皇帝訓誡令後世子孫衣冠儀制永遠勿替 皇考高宗純皇帝重申 訓諭刻石建於箭筈垂示久遠 聖諭煌煌實有深意自宜永遠奉行儻年久沾染漢人習氣妄改服飾殊有關繫男子尙易約束至婦女等深居閨闈其服飾自難查察著交八旗滿洲蒙古漢軍都統副都統參領佐領等留心嚴查儻各旗滿洲蒙古秀女內有衣袖寬大漢軍秀女內有仍裹足者一經查出即將其父兄指名參奏治罪毋得瞻徇儻經訓諭之後仍因循從事下屆挑選秀女經朕看出或有人參奏除將該秀女父兄治罪外必將該旗都統章京等革職斷不輕宥著交八旗滿洲蒙古漢軍務使家喻戶曉實力奉行○癸亥調熊枚爲左都御史秦承恩爲工部尙書○乙丑康基田以年力就衰並督催鉛船不力降六部郎中以許兆椿爲江甯布政使朱理爲浙江按察使由福建興泉永道遷○丙寅諭玉德身任閩浙總督有年於海疆事務不能隨時整頓實力捕緝任令水師地方闌茸廢弛以致洋盜竄窳肆無忌憚利剝劫掠此次竟敢勾結陸路匪徒竄赴臺灣滋擾經官兵大加剿擊該逆仍免脫潛逃迄今尙未就獲此皆由該督平素因循貽誤咎無可辭業經疊次降旨

訓飭並將伊革去翎頂本日據玉德奏到提訊前獲蔡逆夥犯洪二稱蔡牽幫船原有八九十隻因節次被官兵攻毀僅贖大小船三十餘隻船內火藥都向蔡牽船上領取前在臺灣時蔡牽每船給發火藥一二百斤自臺軍回後每船給發火藥二四十斤其米糧俱係隨時打劫商船所得淡水一項沿海島嶼俱有泉水可汲等語洋匪幫船所用水米自必藉各口岸私行接濟如果防守嚴密絕其飲食即無難制其死命然或謂由該匪等劫掠商船及沿海汲取所得尚可藉詞諉卸至火藥一項必非洋匪等所能自行配造即據該督此次自訊賊供蔡逆原有幫船八九十隻每船給發火藥一二百斤統計已不下一萬數千斤試思盜船火藥至如許之多豈在洋面所能猝辦前次蔡逆竄擾臺灣時玉德等因局存火藥不敷撥用會咨照江西巡撫備辦協濟是官貯火藥較少而盜匪轉多有積存若非內地奸民私運接濟即係營汛不肖弁兵牟利營私暗中售賣可見沿海一帶非特視詰奸為具文竟以通盜濟匪為常事總督統轄文武所司何事乃玩誤一至於此即此一端已屬瀆職今該督復以肝氣病發奏請賞假一月調理該省正當勦捕緊要之時豈復病軀所能勝任玉德者即革職回旗調理俟病痊之日另降諭旨所有閩浙總督員缺著阿林保補授阿林保接奉此旨後即將湖南巡撫印務交與藩司韓封護理該督即馳驛赴閩省任事其阿林保未到以前所有閩浙總督印務著溫承惠暫行署理至李殿圖係巡撫任聽各口岸偷漏水米火藥不知禁止實屬無能豈可仍留一品頂帶著降為四品頂帶俟來京時以四五品京堂補用○以慶惠為內閣學士由武備院擢○調景安為湖南巡撫以張師誠為江西巡撫胡克家為江蘇布政使調袁秉直為湖北按察使以慶保為福建按察使由臺灣道擢○戊辰定殺死一家二命分別謀故圖及一故一圖致死例○庚午諭軍機大臣等溫承惠奏遵旨詢問閩省改造同安梭船一事並會晤李長庚面商請另造大同安梭船六十隻以資緝捕等語閩洋捕盜全賴船隻駕駛得力方於捕務有益溫承惠見詢據水師將備以必得大同安梭船六十號其堅固與商船相等方能駕駛得用面商李長庚意見亦屬相同自應照所奏辦理著派委熟習船工將弁會同文員監造梁頭以二丈六尺為度務期料實工堅足資衝風破浪之用至所稱每隻必需銀四千兩除准領米艇價值應銷銀二千六百餘兩外每隻尚不敷銀一千三百餘兩著照所請先於司庫借項應用統在道府以上各官養廉內分年攤扣歸款該撫見行知各屬嗣後新造拆造商船梁頭均以一丈八尺為率不許製造大船以防蔡逆劫取自當如此辦理○癸酉諭李長庚奏報蔡逆內竄兵船返遼追剿情形並覆奏接奉諭旨緣由二摺據稱蔡逆未能擒獲者實緣兵船不能得力接濟未能禁絕所致上年李長庚因兵船低小會與三鎮總兵籌商願自行捐造大船十五隻海壇金門二鎮亦願捐廉造船十五隻札會督臣請借養廉辦理旋准札覆以造成十五隻須數月之久且工價需銀四五萬兩應配礮位亦需工料銀八九千兩捐廉辦理扣足此數有需時日借動庫項必須具奏室礙難行又據稱蔡逆此次在鹿耳門竄出時遂索破爛火藥缺乏一回內地在水澳大金裝蓬煙洗見在盜船無一非係新運火藥無不充足等語所奏自係實在情形官兵在洋勦捕全賴船隻得力可資衝風破浪之用蔡逆賊船較大駕駛便捷官兵乘船低小每致落後即追及時仰攻亦不能制

勝既經李長庚等會商指造大船玉德即應上緊籌辦如彼時即行興工則數月前早已完竣此時正可應用玉德即因扣廉有票時日必須借動庫項亦當據實具奏請旨遵辦乃玉德於李長庚會商時任意駁駁又不具奏直至昨日奏到之摺始擬將米艇製造出洋又未聲明米艇不能得力竟於緝捕重務全不關心非貽誤地方而何至蔡逆此次在鹿耳門被官兵圍困潛竄情形已極窮蹙如果各口岸查禁接濟實無透漏自可不攻而斃乃賊船回至水澳大金地方即能裝換新蓬火藥充足可見該處必有好民及不肖弁兵等平日積慣通盜將蓬索火藥等件豫備窩藏濟匪應急否則賊船甫經竄回何能猝然購辦是地方文武嚴查接濟竟屬有名無實此亦玉德廢弛貽誤之罪實無可辭前已降旨將玉德革職著溫承惠傳旨將玉德革問派委委員押解赴京交刑部審訊治罪其水澳大金地方該管之文武官員著一併解任交溫承惠嚴行審鞫如訊出奸民弁兵等有通盜賄縱情事即當嚴行懲辦俾知儆畏○甲戌諭軍機大臣等本日據同興奏到籌議河東鹽務招商辦理情形一摺並據英和初彭齡奏查訪阿拉善鹽斤不能空溫懇照河東見議商運事例一體招商代辦一摺看來此二事相為表裏河東鹽務從前原因籤商擾累改歸地丁今據同興奏稱擬先傳舊商之家道殷實者互保復充其無人互保之乏商即令舊商保舉新商更換俱不經地方官吏之手但以商招商勢不能如民間交易私事聽其自辦即如認充申報等事亦必須官為經理是所稱不經官吏之手徒為虛語且摺內稱小民難與慮始可見辦理招商亦復不易因思該省民人所以不願充商者自以池鹽獲利細微易致賠累之故今據英和等奏稱吉爾泰鹽池產鹽豐旺蒙古人等性拙耽安向來不能撈取自馬君選獲罪後各處嚴禁內地民人出口鹽池已廢為今之計莫若將蒙古池鹽河東池鹽一併招商承辦以有餘補不足庶可行之永久從前蒙古販運係屬私鹽若一體歸商則毗連地方皆官引行銷之地不待多方立禁而私販自無侵越亦屬一舉兩得但欲如此辦理必須於山西陝甘適中之地設立鹽政專司經理英和初彭齡著會同倭什布方雅甸同興將陝甘三省鹽務如何一律招商承辦應於何處設立鹽政其屬下應設官若干員銜著建置廉俸等項需費若干其行鹽地界如何分別畫定每年輸課若干從前改歸地丁應行撥還若干通盤籌畫妥議章程具奏再馬君選從前為蒙古行鹽伊每年獲利未必盡歸蒙古著英和等密行訪查馬君選獲利若干其給與阿拉善王者若干得有準數以便將來酌給至山西陝甘各屬民間均有向食蒙古鹽斤處所今吉爾泰鹽池既廢該民人豈竟淡食又係何處鹽斤供其食用亦應訪查明晰庶可洞曉全局從長籌議此一節著各該督撫查明先行覆奏○李奕疇緣事降調以石韞玉為山東按察使

由陝西補

商道選

○

○

○

○

改從嚴者朕必降旨宣示如果部臣原議於定例並無舛誤朕亦斷不加之責備若將例應嚴議之案動以請旨定奪爲詞是部臣欲博寬厚之名而轉以嚴刻歸之於上殊非大實心任事之道嗣後吏兵二部辦理議處案件務當屏除積習詳細覈例公同悉心定議不得輒用請旨定奪字樣爲調停兩可之說○丙子諭本日宗人府刑部會議審訊宗室徒義等私給民船執照准令投充各案分別定擬各摺此案投充船隻皆係該船戶等圖避差徭展轉託人其宗室王公貝勒額駙等應得之咎總當視其知情與否分別輕重若實係知情即不必論其會否得贓其咎總無可追徒義於家人奇成阿等向說船戶田洪如等情願送銀四百兩將船隻投充當差郵行聽從辦給執照雖賊未入手而知情屬實徒義前已革去奉國將軍著照議圈禁二年其所擬重責四十板之處徒義職分本小支派較遠不值加以家法處治非稍從寬宥也其餘斌等犯均著照刑部所議發落至縣律身係貝勒支派切近乃不知自愛聽從護軍校成甯等慫恿給與船戶投充執照許銀五百兩實屬知情卑鄙膽大妄爲縣律前已革去貝勒著於六月初二日派二阿哥三阿哥儀親王慶郡王永璘定親王蘇恩會同軍機大臣御前大臣御前額駙前侍衛向故事房取出家法將縣律於圖明圓奏事門外責處四十並傳集近支宗室王公等看視俾知儆畏縣律仍交宗人府圈禁二年至莊親王蘇謀親王奕劻貝勒額駙額駙索特納木多布齋各屬下護衛人等私攬民船蒙蔽給照伊等均不知情則當以其屬下人之得贓與否定伊等失察之輕重縣課當差辦事有年乃於護衛德昌等得贓攬船不能即時覺察懲辦其咎較重縣課著退出內廷革去都統無庸署理領侍衛內大臣並革去黃褂翎支此次亦無庸扈從木蘭仍罰職任俸二年奕勳年齒本穉其莊丁舒欄私造執照撞騙攬船亦已得贓屬實奕勳著不必在上書房讀書伊尙未管事從寬罰職任俸一年蘇譽之護軍校福珠隆阿亦經得贓蘇譽著退出乾清門並革去黃褂翎支仍罰職任俸二年此次亦不必扈從木蘭縣課等三人均無庸再交宗人府議處至額駙索特納木多布齋若知情得贓亦用家法重處革職圈禁不稍寬貸今止因護衛德成經船戶邢嘉祥等向說投充前赴通州旋即心生畏懼將旗幟撤收不敢向船戶收錢實係未經得贓案特納木多布齋失察之咎較輕前已革去護軍統領罰職任俸一年已足示懲德昌福珠隆阿舒欄均經得贓著枷號三箇月滿日發往伊犁當差德成未經得贓著枷號兩箇月滿日發往烏嚕木齊當差○阿拉善王瑪哈巴拉請獻吉爾泰鹽池得旨嘉獎賞三眼花翎在乾清門行走

六月戊寅調姜晟爲工部尚書奏承恩爲刑部尚書○庚辰諭成都將軍慶成此次陞見來京朕於召見時念及伊勦捕邪匪曾經殺賊立功身受兩傷節經施恩優渥因降旨詢問會否賞過雙眼花翎緣事革去據慶成奏伊於乾隆五十三年在副將任內隨孫士毅出兵安南曾經賞給總兵銜得有雙眼花翎在任已經戴用詞奉諭來京伊先見和珅和珅告伊見已撤兵不應戴用伊是以不戴屢蒙召見總未言及又嘉慶二年勦捕邪匪擊獲賊酋劉啓榮解京時高宗純皇帝欲賞伊雙眼花翎又經和珅奏止等語及詢以此語聞自何人又不能指出因命軍機大臣傳旨詢問伊隨征安南特究因何事賞帶雙眼花翎據稱因帶兵過

富良江直抵黎城駁取出力是以 賞給並稱此次 恩旨係孫士毅於具奏懇辭公爵及寶石頂帶摺內仰蒙 硃筆批同等語

經軍機大臣據以入奏朕當覺其語涉荒唐即慶桂等亦僉稱所言未必可信隨命將從前辦理安南軍務時 諭旨檔案並硃批

孫士毅具奏原摺詳悉檢查本日據慶桂等奏稱詳查 諭旨奏摺俱無此事朕親自恭閱實無此 硃批因又命軍機大臣傳旨

詰問伊初猶託辭係由孫士毅在彼札知其原札因日久無存迨加以駁詢始稱委緣希冀邀恩信口誑奏今既查明自問實屬冒

昧懇求治罪等語我 皇考所行大經大法朕實不逮萬一然亦非癡愚間弱之主慶成喪心病狂任意面欺殊出情理之外雙眼

花翎逾格懋賞非將佐偏裨所可倖邀慶成隨征安南時止係副將因率獲賊匪陳名炳經孫士毅保奏 賞帶花翎以應升之缺

升用並未先給總兵升銜焉能遽邀曠典如果曾經 賞帶雙眼花翎伊回京時並未奏繳彼時留京供職游擢副都統侍郎在乾

清門侍衛上行走豈有不蒙 垂詢之理況當日果有 特恩賞錫豈和坤一語即能撤去即如所言慶成於拳獲劉啓榮時業經

用至大員蒙 賞雙眼花翎和坤向行奏止則伊在安南隨征時止係副將和坤豈有專不奏止之理乎是其前後所言自相矛盾

理屈詞窮更無可置喙矣慶成前在軍營曾獲罪謫經朕環錄用擢至成都將軍職分優崇乃在朕前恣行欺罔昧良孤慮莫此

爲甚伊前此帶兵時於一切奏報打仗殺賊其誑飾之處不知凡幾挾詐冒功視爲慣技今於朕前尙敢如此面欺無所忌憚竟係

天奪其魄使其虛誑之罪自行敗露實屬罪由自取受譴更何所辭慶成若非屢立戰功且曾經受傷應即革交刑部按欺罔律治

罪定擬上時竟當即子正法姑念慶成前在三省軍營雖多粉飾但既受傷朕心究覺不忍功疑惟重姑從寬貸其一綫慶成著革

職發往黑龍江效力贖罪並著乾清門侍衛格布舍阿那保軍機章京福祿押交兵部令其即日起身其前日恩賞細殺抄匹等件

均行追繳朕念其勞姑薄其罰內外大小臣工如有似此衷心欺罔者必執法無赦勿謂可以緊邀寬典也朕可欺天不可欺勿視

欺罔爲兒戲是自蹈陷阱矣將此通諭中外知之○甲申以劉權之爲內閣學士由光祿寺卿遷○乙酉陳嗣龍緣事降調以蔣子蒲爲左

副都御史由宗人府府丞遷○丙戌江南王家營城壩河溢○丁亥諭宗人府會同刑部審擬縣傳私給執照准令船戶投充漁利各等情

一摺縣傳身係近支宗室官居侍衛乃不知自愛輒因告病假私行出京已干例禁且聽從民人王廷錫等懇懇貪利給與船戶執

照並親往楊村地方查看船隻甚至至在客店內招土娼同飲致被縣役邵成殿打復親爲挾妓飲酒字據給與李四爲憑迨回京後

轉向步軍統領衙門呈告種種卑鄙無恥不堪已極伊既不知自愛全朕體面朕亦難援議親之典必須加重辦理保全宗室宗人

府請將縣傳照前辦徒義之案酌加兩倍問擬罰禁六年滿日交宗人府嚴行管束辦理過輕徒義所犯止在准令船戶投充希冀

得財縣傳係近支宗室與縣律等縣律罪案止係知情投充給與船戶執照並未私有私行出京及各項劣蹟今縣傳所犯較之縣律

情罪尤重更應嚴辦示懲縣傳前已革去侍衛著於十三日仍派二阿哥三阿哥儀親王成親王慶郡王永璘定親王懋恩會同軍

機大臣御前大臣御前額駙御前侍衛向敬事房取出家法將縣傳傳於圓明園奏事門外責處四十並傳集近支宗室王公等看視

俾知傲畏卽著和郡王蘇循派伊府內護衛二名押帶蘇傳卽日起身前往盛京交富俊嚴行管束圖禁六年滿日卽在盛京居住如沿途稍有疏虞惟蘇循是問若將來在盛京居住或再有不法妄爲及潛行脫逃情事卽著該將軍奏聞按國法辦理餘依議○戊子諭我國家篤念本支 列聖相承優待宗室視前代有加不惟祿秩豐厚恩意相聯卽尋常過失尙得援議親之典量爲寬貸實我 祖 宗推恩錫類之仁朕嗣守丕基首崇敦睦嘉與我宗族公姓等共沐昇平永綏福祚宗室等派衍天潢惟當各知自愛謹守法度旣以自全顏面亦所以全天家一體之恩乃近日宗室不自檢束致干吏議者不一而足朕實深惡愧管理宗室之王公未必關切惟知職掌簿書耳蘇律蘇傳皆以近支宗室任意妄爲朕不得不以家法懲治此正朕厚待宗親丁甯教誡之至意若伊等不深體朕意轉謂朕薄待宗支此則全無本心矣王等試思蘇律身係貝勒聽從伊屬下德懋私許船戶投充莫得錢財蘇傳官居侍衛因告病私自出京擅搶船戶執照並親往查看船隻甚至挾妓飲酒致被縣役毆打復親書字據爲人挾制其卑鄙無恥至於此極昨日定案摺內敘及蘇傳在店房飲酒之時有武清縣家人前往理論聲稱果係宗室不應在此挾妓飲酒之語以此等微賤廝役尙知宗室不應如此行爲而蘇傳轉不自顧惜彼卽不自愛顏面甯不思爲伊祖父稍存顏面乎朕此時尙援議親之典曲爲寬貸則伊等不知傲畏放僻邪侈何所顧忌必致有身罹憲典者是愛之適以害之又豈保全宗室之道乎朕是以先後降旨將蘇律蘇傳各用法責處分別年限圖禁內蘇傳劣蹟尤甚並於盛京圖禁年滿之日飭令在彼居住此乃朕慮宗室之陷於刑辟不得已懲誡之苦心也至宗室王貝勒貝子公暨朕所點派各旗長皆有管教宗室之責情誼亦倍應關切如果伊等留心教導亦何至有此等不肖之人待朕懲處乃伊等平日於近支宗派均漠不相關毫無董勸致令踰閑蕩檢重蹈愆尤卽如蘇傳乃係和郡王蘇循堂弟昨日蘇傳犯事之後蘇循尙不自知慙悚奏請議處一似與伊毫無干涉者平日之友愛可知矣而管理宗人府王公亦未將族長等奏請處分經朕降旨飭諭始各行陳請是伊等心存膜視全不以宗室爲念一味姑容直至伊等犯事之後令朕不得不辦豈非伊等自居寬宥止知市恩邀譽欲以嚴厲歸之於朕此誠何心試思宗室王公等高爵厚祿豈不當共體朕心承宣德意况訓迪宗族非獨國事卽係家事何視同陌路不戚然於厥心乎近來宗室王公於經管事件非全不在意卽在所欲爲往往獨出主見而其事之人見有一人倡議卽相率推諉不復顧問卽使所辦未妥甯與同任其過終於不發一言豈實心爲公之道卽各部院衙門設有管理之大學士及滿漢尙書侍郎凡有公事俱當和衷商酌務臻周妥若止一人專擅而其餘官俱拱手緘默安用眾堂官爲乎嗣後宗室親王郡王貝勒貝子公及各族長等均當屏除積習殫竭乃心於所管宗室等尤當隨時教誨加意管束俾伊等各知檢攝免蹈非爲庶得長承恩澤無負朕諄諄訓誡保全宗室至意卽以上副 祖 宗篤祐深仁朕實有厚望焉此旨著交上書房存記一通宗人府衙門存記一通並著宗室王貝勒貝子公等各行繕錄一分朝夕觀覽俾知省惕○庚寅諭本年江境湖河異漲高堰一帶隄工全賴先期加築子堰得以保衛無虞見在清水鴨注河口歷年所積淤沙刷滌殆盡已復三分入運



七分入黃舊制實爲南河 大轉機戴均元自上年冬開派往工次與鐵保徐端籌議宣防俱能悉心妥辦且駐工將近一載見在修補高堰各工及善辦一切疏濬事宜正資經理因思從前南河原設有正副河督二員後經裁撤見當辦理河工喫緊之時自可仍復舊制戴均元著授爲江南河道總督至徐端熟諳工程練習河務操守亦好惟聞於屬員功過勸懲之處未能果斷著授爲副總河伊二人惟當努力協心集思廣益務期經理周詳工程鞏固方爲不負委任所有正副總河應支廉俸及衙署印信有無應行酌辦之處著各該部查照舊例奏聞辦理○轉藩世恩爲吏部左侍郎調曹振鏞爲吏部右侍郎以周兆基爲工部右侍郎陳震蔚爲內閣學士由太常寺卿遷○癸巳諭正白旗漢軍都統博興等奏據三等伯孫均以廢疾不能供職具呈開缺並聲明見在同胞兄弟無人又無子嗣可否將所襲伊祖孫士毅伯爵准令同祖弟孫玉墀承襲懇求代表等語孫士毅前在兩廣總督任內辦理支兩軍務屢次騰章奏捷戡定黎城蒙 皇考高宗純皇帝特封公爵彼時疊降 諭旨原令其及早撤兵而孫士毅意在貪功並不遵奉辦理以致遷延失事兵潰入關所奏情形多有虛捏隨將公爵革去迨後孫士毅又在四川總督任內辦理邪匪著有微勞績 賞給伯爵世襲此實 皇考高宗純皇帝逾格鴻施伊於病中曾札懇和坤籲請願將承襲之長孫列入旗檔亦卽取巧之一端朕仰

禮 皇考高宗純皇帝如天之仁於孫士毅種種欺飾之處不加追究未將孫均承襲伯爵革革今孫均既因病廢不能當差見在又無親子可以承襲乃又具呈瀆請欲將同祖弟孫玉墀襲爵殊屬冒昧試思孫玉墀並未列入旗檔焉有以民籍之人准其入旗承襲之理且孫士毅在軍營出力之處業已令伊孫承襲伯爵一次儘足償其勞績見在孫均病廢此外更無例應襲爵之人卽係無福承受世及之典所有孫士毅原給伯爵承襲之處著裁撤孫均並著出旗仍歸民籍○己亥諭軍機大臣等貢楚克扎布奏驅逐番帳淨盡並酌議安插野番緣由一摺蒙古遊牧地界不能努力自守致被番族侵佔經內地官兵代爲驅逐搬移該蒙古王公等復請添築三城設官駐兵代爲防守實屬冒昧瀆懇斷不可行貢楚克扎布向該王公等當面指駁所見甚是仍當傳集納罕達爾濟等剴切曉諭以爾等不能自固藩籬屢被番眾侵處甚至爾等界內之人私行勾結番眾肆意滋擾屢次仰仗天朝兵威將番帳驅逐搬移畫清地界實係大皇帝如天之仁憐念爾等懦弱無能曲加保衛爾等具有天良倍當感激激奮以圖自立至所請在蒙古番子交界要隘地方築城三座設官駐兵常川代爲防守一節蒙古番族皆係天朝臣僕大皇帝一視同仁從無區別今若爲爾等建築城座是欲將番族隔絕劃出界外已屬不可况青海爲西藏往來大路連賴喇嘛等遣使年班入貢每歲經由爾等赴西藏熬茶亦路所必經番族蒙古邊界旣築城駐守又復經行其地亦必以爲踰越界限從此搶奪擊斃訖無已時尙復成何事體且爾等爲天朝藩屏屏障邊界假如天朝有需用爾等兵力之處尙當慷慨徵調今爾等在遊牧安居樂業又無別項差使僅僅自守豈復力有不逮竟欲天朝派委多兵爲爾等常川防守是有理乎試思內地營汛兵丁各有防守責任若以本處巡防各兵爲不足恃轉煩他處兵力代爲巡防可乎不可此後爾等惟當努力自強捍禦外侮保守身家並設立邊卡嚴行管束屬下各蒙古勿令與

番族勾結搶劫不得妄行瀆請致千駭斥至番眾驅逐搬移尙知畏法既據稱青海所屬尙那克空地一處尙係官荒在蒙古界外自當踏勘明確奏請賞給遊牧俾資安插並當諭知番目等恪守邊國安靜住牧嗣後儘再有越界侵占之事天朝必派調官兵重加懲辦如此明白宣示度蒙古自知保護番族不復滋擾邊境永臻甯謐仍尙那克形勢大小有無關礙蒙古遊牧之處詳細繪圖貼說具奏○諭軍機大臣等據吳熊光等奏請將查獲難夷阮如權等發交該國江坪夷目令其轉解該國王阮福映查訊辦理並擬照會呈覽等情一摺難夷阮如權等竄居海島見因越南派兵搜查不能安居情願投赴內地固係一面之詞但阮如權不過阮光緒陪介遺孽並非切近支派阮福映自受封以來於天朝固極恭順然若如該督等所奏將阮如權解送該國查辦轉似天朝爲伊等擒送通逃亦非統馭外藩體制見在該難夷等逃竄內地自斷不可收留亦不必解送前往吳熊光等惟當曉諭以從前黎氏舊臣安置內地者均奉旨發回該國安插此時自不便將爾等留居內地爾等止係逃竄難夷前此天朝曾將貢使黎德敬等截回發交阮福映收管其時原以阮光緒負恩背叛窩留內地匪徒是以大皇帝震怒將伊貢使截回今爾等難夷亦不值如此辦理見已奏明大皇帝施恩聽爾等即乘坐見有船隻不拘何處自行前往謀生斷不許在內地逗留如敢潛匿內地別滋事端被時查獲必將爾等械送該國處置決不寬貸如此明白曉諭斯爲正辦所有擬呈摺會著不必發往○是月江蘇巡撫汪沅伊奏懇頒發御製文集詩集於江南各書院得旨朕之政治卽文章何必以文字炫長所請不必

嘉慶東華錄二十二

秋七月丙午朔諭本日恭閱 皇考高宗純皇帝實錄乾隆五十七年前任伊犁將軍保甯奏伊犁兵丁皆習用八力弓每遇挑缺不能開八力弓者皆不入選欽奉 諭旨人力各賦於天強弱不同步射不在弓力軟硬惟期發命中保甯見不及此止令兵丁習用硬弓徒沽虛名不求實效保甯著申飭欽此我 皇考高宗純皇帝騎射步射超邁千古天下無不欽服而於 訓示臣工操演兵丁 諭旨深切著明實當永遠遵行前於嘉慶七年據前任喀什噶爾參贊大臣富俊奏請嗣後八旗各營挑選前鋒護軍非用八力弓不准挑選等語朕卽以爲斷不可行將富俊申飭並特將難行之故曉諭八旗各營去歲朕巡幸咸京閱看該處官兵布靶中三箭者僅止一人吉林官兵中箭者甚多並非俱用硬弓是步射優劣全不在弓力強弱咸京官兵所以未能多中布靶者總由富俊迂謬教以硬弓是以不能善射徒事虛名而無實用朕前訓示富俊之旨洵與 皇考高宗純皇帝訓示保甯 聖諭前後相符著再通行曉諭八旗各營各省將軍副都統等各將所屬官兵步射騎射實力訓練但期精銳切勿徒用硬弓轉致失其準的也○辛亥諭前據松筠達慶奏體察哈薩克窮苦情形請將塔爾巴哈台北山烏里雅蘇台迪東每年秋閒設卡之處著爲定地夏李不復展放俾得常年在於該處遊牧以資調劑一摺朕披覽之下卽覺其事不可行因思大學士保甯慶桂尙書明亮麟均在新疆辦事有年熟悉該處情形令其會議具奏本日據保甯等具奏以邊防經畫未可輕議更張請旨飭較等語所駁甚是哈薩克

部落本各自有遊牧之區不應進至天朝邊界從前因哈薩克生計窮苦特於每年冰凍後將額爾齊斯河雅爾等處各卡稍向內那准其在彼遊牧至春融雪化之後始將各卡展至原設處所驅令出外實屬格外施恩今松筠等又以該哈薩克近來窮苦益甚欲將夏季展設邊卡之處一併停止使得常川遊牧無論哈薩克窮苦之故實緣連年風雪災傷不善牧養是以較前苦累非由每年搬徙所致且以天朝兵力平定之地竟委爲哈薩克常年遊牧之區將來年復一年哈薩克將視爲己有而附近之布魯特等設亦相率效尤紛紛呈請又何以塞其無厭之求此於新疆一帶邊務大有關係達慶尙係甫經到彼松筠則在新疆駐紮有年情形較熟此奏必係松筠主見伊素喜市恩邀譽今於塔爾巴哈台展卡一事冒昧具奏尤屬不合除所奏不准行外伊二人均著傳旨申飭松筠並著交部議處達慶著交部察議○癸丑諭昨禮部將新修則例進呈朕詳加披閱全書尙無謬舛惟皇子祭 陵典禮條內載皇子蟒袍補服由 隆恩門右門進至階上虛中位於左旁行禮一節係屬錯誤皇子祭 陵係屬特遣恭代向來朝服將事朕從前恭代 皇考行禮卽係朝服此儀親王等所共知惟皇子內有年幼未蒙賞賜朝服者則穿用蟒袍此外執事各員仍均一體穿用朝服惟應於則例內加註聲明方爲詳備至皇子恭代行禮處所係在丹陛上居中並無虛中位於左旁行禮儀注禮部憑何記載纂入則例者卽詳查更正再行進呈○乙卯減直隸新安等六縣積水地賦則○辛酉諭軍機大臣等方維甸等奏甯陝鎮標兵丁二三百名滋事搶掠前往查辦一摺甯陝鎮新募兵丁多係鄉勇改充早慮及伊等不能安靜甯貼今竟藉停止米折爲辭糾集二三百人爬進該廳舊城搶掠又復竄赴新城教場屯聚可恨已極方維甸接據該廳稟報後卽與扎勒杭阿面商密派滿營兵一千名提標兵一千名撫標兵五百名豫備調遣並各會總兵王兆夢副將祝廷彪各豫備兵五百名分投堵拏先令總兵楊芳帶兵二百回陝所辦俱是楊遇春由川進京行抵西安聞 甯陝鎮兵丁滋事之信卽會同帶兵馳往查辦能以公事爲重殊屬可嘉卽著方維甸楊遇春二人進山督率辦理扎勒杭阿見已年老祥保亦未經歷行陣應令蘇勒芳阿帶兵前往儘見調之兵不敷辦理卽於陝省各營擇其曾經打仗者再爲調派此時方維甸等當一面派兵堵截一面派明幹文武大員前往曉諭以該兵丁仰荷養養生成至優極渥卽以米折一項業經委蒙聖恩給與折銀四錢此時各鎮新兵安分守法卽當將米折之項分別給予爾等有何迫不及待竟敢肆行搶劫此實罪由自取但其中必有起意爲首之犯其餘多係僱附附和若能將罪魁縛獻則此內爲從之犯卽可貸其一死儻皆不畏法尙不自行投出卽當調派各路大兵擒剿無赦如此明白宣示如該犯等將爲首各犯獻出卽當嚴行究辦其業經爬城肆搶者俱應正法此外尙可從寬發遣儻竟敢相率抗拒卽當併力勦辦大示懲創勿令日久蔓延致滋裹脅○癸亥陝西甯陝鎮新兵陳達順等糾黨戕官攻陷洋縣並擾及城固等境命德榜泰往剿之○丁卯 上啓鑾秋猶木蘭○免經過地方額賦十分之五○庚午大學士慶桂等議覆侍郎英和等會議山西等省鹽務情形晉省商人賠累實緣原議以賤價定爲常額請照乾隆十年前成例令該商等接收鹽豐歉成本重輕自定賣價仍令該撫等將各處售鹽斤實價按月造冊報部俟

試行一年再行的中定價吉蘭泰鹽斤向用船隻由黃河運至山西行銷若定由木商造船轉給運商難保無藉勒情弊應令運商自行購造方足以資輓運又運商應帶口糧官為驗放但出口人數多寡視該處產鹽旺歉難於豫定額數自應隨時造報不准浮多又河東鹽政照舊以山西巡撫兼管所有河東運使無庸復設應即以河東道兼辦鹽法道事務其吉蘭泰鹽斤即令甯夏道兼管鹽法道辦理並令該督於丞倅中酌量一員在該處輪流駐紮以資查察其陝西鹽務仍照舊令鳳郿道兼鹽法道管理統由山西巡撫覈轉至所請澄口添設運判一員吉蘭泰及澄口各設鹽大使一員河口鎮添設批驗所大使一員以及派委武職彈壓之處應如所奏辦理從之○癸酉 上駐蹕避暑山莊○命嗣後秋獮如遇兩水稍大密雲古北口內外潮河各橋座著密雲副都統古北口提督熱河副都統率領官兵幫同修搭著為例○以素納為陝西按察使由補○甲戌江南宿南廳郭家房河溢

八月癸未浙江提督李長庚奏率獲蔡率幫另船盜首李按並影匪盜船破位器械得旨李長庚追捕蔡率日久未獲奏有捷音此不過小得勝仗其贓擒者止係另船夥匪且據該提督摺內奏稱行抵三盤已失盜蹤若果緊躡何至失蹤是官兵距賊較遠之明證著清安泰再行嚴催李長庚等務即確偵賊蹤上緊躡捕○撥山西藩庫銀四十萬兩備陝西軍需○乙酉諭承德府為每歲巡幸木蘭駐蹕之區民物豐饒駸駸向學自 皇考高宗純皇帝建立費序 聖製碑文昭垂久遠彼時生員共止五十餘人定取鄉試中額一名曾經欽奉 諭旨俟將來人數增多再當加恩增額本年朕蹕臨熱河見接駕諸生人數濟濟即交軍機大臣查明該府閩屬生員實數見據稱查明統計四百餘名人文日盛殊堪嘉慰著加恩於承字號中額一名外廣額二名每科鄉試取中舉人三名以示朕仰承 教澤嘉惠烝髦至意○丙戌諭軍機大臣等據阿林保奏蔡逆幫匪船復竄回閩飛催許松年統帶舟師迎頭截擊各緣由辦理均屬得宜但昨據該督奏稱拆閱李長庚致溫承惠書函有七月初十日將兵船收進定港裝蓬煙洗購備口糧之語因疑其私行回署又稱迨至盡山洋面盜船竄往極東深洋不能剿捕初五六七等日見盜船遊奕扼住上風何以忽稱探

聽無蹤特將李長庚密摺參奏請革職治罪經朕降旨訓示以阿林保所奏均係揣度之詞且於李長庚所奏七月二十一日在大陳調班等洋面攻剿盜船生擒盜首李按及贓夥夥盜多名一事尚未知悉是以諭令清安泰確查李長庚是否有心玩誤私回衙署捏飾奏報情事據實陳奏本日摺內又稱李長庚玩誤縱賊是該督之意必欲將李長庚參革治罪太存成見矣帶兵大員如果查有玩誤確據朕豈肯稍從寬宥近年辦理教匪因玩誤而獲罪者甚多然彼皆有實據是以不稍寬假朕非庸闕之主豈肯以莫須有入人重罪乎今該督前後所奏總不過懸揣之詞毫無實蹟即如李長庚所奏生擒李按一事適據清安泰奏到情形均屬相符並經委員將李按訊供知蔡逆另生大船脫逃其起獲破位器械等項均係確鑿若如該督所奏疑其私行回署則李按一犯又從何擒獲即云李長庚飾詞誑奏清安泰亦從而附和乎看來阿林保竟係先存意見不自知其言之無據朕於李長庚從未識

面豈復稍有袒護惟督劾蔡逆一事經朕特派統領領舟師該提督衝風涉浪已閱數年豈能以該督懸揣虛詞遽繩以法試思此時

卽將李長庚視問將治以何項罪名且將伊治罪後又責令何人統領舟師剿賊豈不轉致遲誤外省文武大吏總在和衷商榷若稍存私見動掣其肘以致日久罔功固當嚴治李長庚之罪該督亦豈能置身事外阿林保所奏實屬冒昧輕率著傳旨申飭○庚寅 上自避暑山莊巡幸木蘭行圍○美晟因病解任以汪志伊爲工部尚書調汪日章爲江蘇巡撫以恩長爲廣西巡撫李銘爲廣西布政使常明爲山西按察使由湖北○辛卯以豐紳濟倫爲威京兵部侍郎由四等侍衛○乙未諭本日發行簡奏藩司查出司書假雕印信串通銀號虛收解款舞弊侵用緣由一摺並據慶格同日具奏究出司書私雕假印句串舞弊緣由據稱司庫歷年出入銀數驟轉不清司書狡黠枝梧因弔齊冊檔案據詳悉稽裏查出歷年地糧耗羨以及雜稅銀兩均有虛收之款隨又親提各州縣奉到司發批收逐加覈對竟有假印貼改諸弊隨查傳承辦司書王麗南等隔別研訊歷年以來該犯等有將司發庫收小數貼改大數者有將領款抵解錢糧又蒙混給發者有串通銀匠給與假印批收者爲弊不一共虛收過定州等十九州縣地糧正耗雜稅等銀二十八萬餘兩並起出藩司及庫官假印二顆等語直隸司書王麗南等敢於私雕藩司及庫官印信與銀匠等串通舞弊將各州縣批解銀糧任意侵盜數至二十八萬餘兩之多作奸犯和至於如此爲從來未有之案實出情理之外案關重大不可不嚴行根究辦理示懲著派協辦大學士尙書費滄尙書長麟帶同明幹司員卽行馳驛前赴保定查明款項提集犯證逐一嚴訊秉公定擬具奏其畏罪潛逃之司書陶源卽陶含輝著該督等卽行嚴拏務獲歸案辦理至此事該司書等串通侵盜舞弊有年將庫項種種糾纏以致漫無稽考該藩司慶格於到任後悉心查覈詳細句稽今將弊混查出認真可嘉慶格著加恩交部議敘該藩司摺內稱拜摺後查勘河工回至省城將要件趕緊清釐卽赴密雲查道迎駕等語見在省城有此重大之案卽日欽差到彼正須督同該藩司詳悉查辦所有回鑾時查看道路橋梁等事計彼時表行簡堵築漫口查勘隄工早經完竣自可前來行在照料慶格著無庸前赴行在於何處接奉諭旨卽於何處回省俟費滄長麟到彼隨同審辦○丙申諭軍機大臣等方維甸等奏洋縣知縣會彰泗於賊匪攻城時經軍功等報令逃避該令堅不肯行旋被賊匪執縛脅令同行該令大罵賊匪縛赴城隍廟湯泡火烙身受多傷屬不絕口而死會彰泗深知大義慘遭戕害實可嘉憫著加恩照知州例咨部賜卹並著於事竣後設立牌位於城隍廟之配殿春秋官爲致祭載入祀典○庚子定殺死一家三命分均卑幼斬梟例○癸卯明志緣事降調轉廣興爲兵部左侍郎調多慶爲兵部右侍郎薩彬圖爲禮部左侍郎以策丹爲威京工部侍郎由內閣○甲辰諭此次李長庚探明賊蹤所在追及蔡逆坐船奮不顧身直前攻擊以致身受數傷實屬勇往不得復疑其惟怯逗留至蔡逆此次當兵船駛攏之時先用火器長槍抵禦繼復用瓷碗拋擲可見盜船火藥漸少不能如前接濟近來各海口辦理防堵尙屬緊嚴但該逆當此鋌走之際船上火藥既盡其望接濟更殷自必多方設法欲圖透漏該督撫尤當嚴飭各海口地方文武員弁加意巡緝有犯必懲無許絲毫透漏方爲有益儻有透漏者從重治罪首犯卽行絞決餘犯定擬具奏再李長庚稱該提督所坐之船爲通幫最大及並攏蔡逆之船尙低至五六尺是以不能上船擒捕

致被免脫殊為可惜聞省兵船前據該督撫等先後奏到添造大號同安梭船以資勦捕並因大同安梭船一時趕造不及請將大號商船先行雇用即降旨准行見當勦賊喫緊之際該督撫一面面上緊籌辦大船派委將弁送交李長庚俾令乘坐追剿庶擒渠不致久稽○以殲擒海盜多名賞還李長庚頂帶

九月己酉諭賈滄長麟奏審訊大槩情形並究出串通舞弊之各州縣請旨革職拏問一摺據稱司書王麗南等私雕假印舞弊營私一案查明自嘉慶元年起至本年止地丁耗羨雜款項下俱有虛收虛抵重領冒支等弊計有二十四州縣共侵盜銀三十一萬六千兩此內竟有與州縣講明每虛收重抵冒支銀一萬兩給與司書及說事人使費銀二千兩不等各州縣實省解銀六七千兩當經費滄等逐細研鞫按冊覈稽究出串通知情之知縣張麟書等十一員其見任者均經提傳質審各認通同舞弊屬實等語聞之殊堪駭異實為我朝未有之事從前外省不肖官吏作奸犯科如甘肅捏災冒賑之案最為重大然止藉辦賑為名虛報侵肥從無有身任州縣與胥吏等勾連一氣公然將正項錢糧私雕假印空收公文虛捏報解抵冒分肥至三十餘萬兩之多若似此朋比為奸將各直省應徵錢糧奸胥劣員得以任意乾沒綱紀何在亟應徹底訊究加等嚴行懲辦所有見已究出之知州陳錫珏知縣徐承勳陳李蕭泗水范穀貽魏廷鑑均着革職鎖拿同已經參革之知州王威清知縣任銘猷一併鎖拿監禁交費滄等悉心研審如有狡展即當加以刑訊務得確情按律加等定擬具奏該革員等任所原籍及病故之知州張麟書知縣鄒試丁履端各原籍賞財一併嚴密查鈔並查明該革員等子孫有捐納官職者悉予斥革其訊不知情之各州縣亦尚未可盡信仍當詳加確訊毋任稍有不實不盡以成信讞○廣興緣事降調轉多慶為兵部左侍郎以孔阿為兵部右侍郎由內閣學士遷○庚戌上駐蹕避暑山莊○諭軍機大臣等本日清安奏到查明李長庚在洋捕盜並無因循懈玩一摺所論甚屬公正阿林保身任總督原不能無參劾之舉但伊到任不過旬月地方公事海洋情形素不熟悉而於李長庚更從未謀面輒行連次參奏是以降旨令清安奏秉公詳查本日據清安奏覆則稱李長庚帶領兵船經過海口並未回署又稱海船若不勤加煙洗則船底苔草楚蟲黏結輒致駕駛不前故隔越兩三旬即須傍岸煙洗李長庚收船進港委非無故逗留又李長庚所獲李拔實係蔡牽夥黨俱經審明確實並無捏報斬獲情弊並據另片奏稱八月十六日李長庚帶兵圍攻蔡逆坐船將盜船燒沈二隻斃賊無算是阿林保前此參奏李長庚之處全屬子虛設朕誤信其言則李長庚正當奮不顧身為國殲賊之際忽將伊革職拏問成何事體豈不令水師將弁寒心試問水師中有過於李長庚者乎阿林保未見確實任意糾彈殊屬冒昧朕又不昏曠糊塗豈受汝蠱惑自失良將耶李長庚平日既無逗留恆性情事此次在長塗洋面勦剿蔡逆身先士卒躬受多傷實為認真出力朕已特降恩旨先行賞還頂帶以示獎勵並將勦辦蔡逆一事責成該提督勉以成功李長庚感激激朕恩既知責無旁貸自必倍加奮勉但兵船在洋捕盜全在地方官協力幫助文武和衷方克有濟今兵船正當勦捕喫緊之際若阿林保尚不知以國事為重屏除私見猶復輕聽人言罔恤公論甚至因此次參奏李

長庚不能遂意因而心存嫉忌遇事掣肘使其不能成功以致茲逆通詠海疆貽誤則阿林保之罪甚大朕惟執法懲辦見在李長庚又已駛船追賊前因該提督所駕兵船較賊船低至五六尺剿捕不能得力會諭令阿林保溫承惠蕭安泰在閩浙省分設法願募大船本日據清安泰摺內亦稱此時若得高大船一二二十隻即可濟用惟浙省無從願募又據稱兵船口糧實不免暫時缺乏應需採購等語浙省既無此項高大商船阿林保等即應速在閩省願募迅即解交李長庚俾實追駛其口糧火藥等事亦須源源接濟並當遵節次諭旨認真經理將來蔡逆殲獲海疆肅清不但李長庚仰邀懋賞該督亦可一體邀恩勉之慎之○辛亥刑部侍郎莫瞻菴緣事降調○壬子撥山西藩庫銀三十萬兩備陝西軍需○癸丑諭據費滄長齡奏連日審辦直隸省官吏勾通侵帑一案除州縣短解司書銀匠侵蝕之外尚有知情分贖之各幕友長隨人等見已咨部斤革分別提拏解歸審又究出正定縣知縣戴書培會經借領司庫銀一千六百餘兩經司書王麗南串通將借領案卷銷毀戴書培允從給與酬謝銀四百兩幕友余用甫索分銀一百兩已提到質審屬實又任縣知縣馬河有應解地糧銀五千兩經長隨賴錦堂串通司書以實解銀五錢詎出真印庫收空改爲解銀五千兩見在訊據賴錦堂先供官不知情又供官止給銀二千五百兩供詞兩歧等語並據查明歷任總督藩司各任內虛收銀兩數目及失察虛收銀數開繕清單呈覽知縣戴書培以借領司庫之項竟敢與司書串通將領案銷毀圖免解還私給與王麗南酬謝銀兩目無法紀至於此極實堪令人髮指前正定縣知縣今升昌平州知州戴書培即著革職鎖拿到案嚴訊一面將伊任所及本籍貲財先行查鈔知縣馬河所解銀五千兩雖據長隨賴錦堂供稱係伊與司書串通以實解銀五錢將庫收空改但供詞閃爍前後不符亦應歸案嚴訊任縣知縣馬河著解任一併質訊其串通得贓之幕友長隨人等見經費浩等分別提拏均著迅速鎖拿到案嚴加根訊將來定案時均應計贓論罪再加等問擬至該省官吏幕友長隨人等敢於句通一氣將國家正帑任意侵吞明目張膽毫無忌憚歷任總督藩司情然不知竟同木偶所司何事爲從來未有之案朕不得不從嚴加重辦理毫無寬心之慮任庸碌無能督藩實堪痛恨而朕不知人之咎惟自怨耳閱費滄等呈覽單內查出各任虛收銀兩及失察虛收數目此時懲辦之法亦應按其虛收失察數目之多寡以分其獲戾之輕重所有各藩司任內虛收之數瞻菴計有十九萬餘兩數目最多其次即係顏檢任內虛收六萬三千餘兩鄭製錦任內虛收二萬二千餘兩同興任內虛收二萬餘兩又在顏檢之次其失察虛收之各總督則顏檢失察藩司虛收銀二十萬八千餘兩爲數最多胡季堂失察虛收銀六萬二千餘兩梁肯堂失察虛收銀二萬二千餘兩陳大文失察虛收銀七千餘兩熊枚失察虛收銀一千五百餘兩除病故各員外均交部分別嚴加議處顏檢本係在直隸總督任內獲咎之人經朕節次施恩棄瑕錄用賞給同知發往南河效用今伊在總督藩司任內復有此重大之案實再難曲爲寬貸顏檢著革去頂帶着鐵係派員押送來京聽候部議山西巡撫同興亦著開缺來京聽候部議裴行簡在藩司任內曾虛收銀一萬一千餘兩其署督任內亦失察藩司虛收銀一萬六千餘兩但爲數較少再伊於升署總督之後因藩庫款項未清曾奏明同慶

格再行查辦尚未出結此時慶格接手查辦方能釐出弊端妄行簡免其嚴議著交部議處慶格任內亦有虛收一萬二千餘兩但此案係伊查明舉發功過尚足相抵慶格前經交部議敘即著撤回議敘免其交部議處所有在查出侵虧各數將來各任總督藩司名下俱應分賠著費涇長麟於定案時查明各該員在任月日並虛收失察銀數之多寡分別著賠其已故各員亦當責令各家屬名下按數追繳至吳熊光前任總督藩司何以未列單內吳熊光前任藩司係接鄭製錦之任所有鄭製錦虛收之數伊到任後未經查出迨簡放總督於前任各藩司虛收銀數亦未查辦將來結案時自有失察之咎至伊藩司本任竟無虛收之數其任總督時亦無失察本任藩司虛收之事是否單內遺漏抑係該書吏等因其查察較嚴不敢舞弊並著費涇長麟提集司書人等一併訊明據實具奏尋議上得旨類檢著革職發往烏魯木齊效力贖罪同興照議革職姜晟陳大文熊枚降四品京堂妄行簡革職留任吳熊光交部議處○調成甯為山西巡撫以初彭齡為安徽巡撫由內閣學士選○甲寅撥江蘇清河等四州縣倉穀十萬石備賑○丁巳上自避暑山莊回鑾○轉周兆基為工部左侍郎以蔣予蒲為工部右侍郎邵洪為左副都御史由宗人府府丞選○庚申以劉權之為左都御史由內閣學士選○辛酉諭直隸省官員書吏人等串通侵帑一案情罪重大節經費涇長麟嚴切根訊具得實情將各該犯從重定擬具奏已批交行在大學士尙書侍郎速議矣藩司為錢糧總匯國帑攸關出納收支是其專責所有通省各州縣徵收正雜銀兩於解到藩庫時如何收兌之處自當有一定章程慎重考察朕近日面詢曾任藩司各廷臣僉稱各省州縣應解銀兩具批申解俱係按款登載到省之後藩司先將來批驗明示期收納賬同上兌登記檔冊然後給與批回蓋用司印並有用連環大批兼鈐蓋巡撫關防者層層考覈法甚精詳即有不肖吏胥斷難從中舞弊至直隸省則迥異乎是州縣向來申解銀兩到省之後藩司並不親自驗收亦並不給與司印批回僅與庫官印收一紙以致司書等竟敢與解役銀匠等通同作弊將庫收任意改竄侵蝕銀兩兩復偽刻庫官印信冒領虛收而不肖官員亦聯為一氣銷毀借案重領虛解無所不為迨妄行簡到任之後因庫收不足憑信改用司印批回欲以防弊而該司書等又即偽刻藩司印信百弊叢生釀成巨案侵虧帑項至二十餘萬兩之多總由於立法不嚴杜弊不周關茸因循至於此極不可不亟行整飾以期釐別弊竇嗣後直隸省藩庫於各州縣批解銀兩應如何明立章程永革一切弊混之處著妄行簡督同藩司慶格詳悉妥議具奏辦理○壬戌諭各省布政使管理通省錢糧專司出納一切正雜款項由州縣徵解到司絲毫皆關國帑自應詳慎綜覈杜絕弊端乃直隸省竟有司書王麗南等串通州縣舞弊之案虛收冒領百計侵虧甚至假刻藩司及庫官印信將國家正帑肆意私吞作奸犯科至於如此比之從前甘肅省捏災冒賑之案其蒙蔽分肥情節尤出情理之外本日行在大學士尙書侍郎等遵旨速議具奏已將情節尤重贖私較多之革員書吏等抵法矣州縣身為職官任膺民社乃甘與奸胥蠹吏勾通作弊不獨蔑視憲典亦且罔顧身家見在破案之貪官蠹吏立決者已有十名朕心實覺不忍然王章具在即欲曲為寬貸有所不能此案定讞悉遵昭當日 皇考高宗純皇帝辦理甘肅捏災冒賑之例分別問擬以侵盜之多寡定罪名之



輕重此實於無可寬貸之中稍示區別不爲已甚而釀成巨案實由歷任藩司於收支布項漠不經心喪盡天良因循闕冗所致  
思該藩司等如果認真嚴查留心杜弊奸吏等何至如此縱恣見據查出吳龍光在直隸時即無虛收之事訊之司書等僉稱悍其  
查察不敢作弊可見同一職守而實心任事與庸碌無能者判然各殊朕簡任大吏均望其認真辦理特伊等孤忠盡職各有不同  
耳經此次懲辦之後惟願各直省再無此等營私執法之事除直隸省藩庫收納章程昨已降旨令該行簡督同藩司嚴格妥議具  
奏辦理外其餘各直省藩庫均當以直隸此案爲戒務各詳加稽考如有相沿舊習未盡妥善者俱當及早清查別除積弊勿致官  
吏等因緣爲奸自干重戾庶不負朕諄諄教誡至意將此通諭知之○諭軍機大臣等德榜奏奏新安擊剿叛賊並解鄂縣城圍一  
摺德榜奉軍營見在豐紳所帶松潘鎮及建昌新疆等處官兵先後趕到統計已有兵四千數百名扎克塔爾揚遇春等亦帶兵五  
千餘名合計已有萬餘兵力不爲不厚賊匪止有一股不過二千餘人脅從者居十分之六七兇悍者僅六七百人以如許兵力加  
以東三省勁旅有何難辦務即乘此兵威勉力辦理一鼓殲除毋聽奏捷佳音切勿稍有延擱至此大揚芳督率新兵奮力擊勦斃  
賊數十人德榜奏應將新兵加倍獎勵明白曉諭不但潛消其反側更可令其鼓舞效命於勦捕更易成事楊芳前因該管營兵滋  
生事端繼而又不趕緊追賊經德榜奏業經降旨革去翎頂此次督兵攻賊受有身傷尙屬奮勉出力楊芳著如恩先賞還頂  
帶令其勉力勦賊以觀後效所有此次起事各首逆及有名賊目務須一律擒獲按律嚴辦毋任一名漏網此爲最要○癸亥 上  
還京師○乙丑諭軍機大臣等鐵保等奏郭家房壩工進占情形並霜降節前黃水復漲搶護各工緣由一摺郭家房漫工壩基前  
據鐵保等奏盤築完竣興工進占今復因上游黃水斗漲郭工漫口溜因風激全歸金門下注東壩而豐北雖南邵北各工埽段均  
有行蟄坐墊其銅沛北岸之蘇家山石壩刷塌三十餘丈驟難堵合是該督等於郭工漫口既未能堵閉合龍而見在壩場工段復  
層見疊出閘之殊爲焦灼又據另片奏郭工形勢漸變必須添作邊埽疏挑引渠需項較多請於兩淮運庫淮安關庫撥發銀五十  
萬兩解工應用等語南河工程近年來請撥帶銀不下千萬比較軍營支用尤爲緊迫實不可解况軍務有平定之日河工無甯寧  
之期水大則恐漫溢水小又虞淤淺用無限之金錢而河工仍未能一日宴然即以歲修搶修而論支銷之數年增一年偶值風雨  
暴漲卽多墊塌此卽工員等虛冒之明驗該督等每奏報一險工必稱他處尙有應辦之工羅列若于是報險者止一處而豫爲將  
來增工之地者卽不止一處朕固不惜多費帑金設法疏治但盡歸虛擲卽該督等毫無沾染而任聽工員捏報浮開又安用伊等  
爲乎本年節次請撥之項較之往歲尤多今復請撥銀五十萬兩亦卽照所請於兩淮運庫淮安關庫撥發解工應用該督等摺內  
既稱具有天良此語天實鑒之若此中稍有浮冒則是全無人心恐身家性命不能保矣此時正河溜勢弱看來海口改道一事尙  
無把握該督等當查勘情形如果礙難辦理應如何著手之處卽著據實奏聞不可稍存回護致干咎戾○己巳以成書汪滋晚局  
與岱俱爲內閣學士

成書由哈密辦事大臣汪滋晚由  
詹事周典岱由翰林院侍講選

○王申侍郎銜署直隸總督袁行簡卒予祭葬如總督例諡恭勤賞其子元

善舉人一體會試○以秦承恩著直隸總督尚書部○癸酉諭本年八月間南據直隸藩司慶格查出司書銀匠串通州縣等將應解藩庫正雜銀兩侵欺舞弊一案特派費道長麟前往審辦將作弊官吏大加懲治速行審結而本日又據瑚圖禮奏到藩司章煦查出湖北省武昌等五縣節年解司地丁正耗銀兩銀匠陳信義亦有任意侵欺私將庫收照票洗改之事實可駭異藩司衙門收支出納自應有一定章程鈎稽考覈豈容稍有弊混卽州縣等於應解帑項亦當加意慎重豈容率交書吏人等不加查覈以致有省城銀匠包攬交收通同舞弊情事甚至不肖州縣等亦竟與之勾通分肥今數旬之間連破兩案可見外省積習頹平日並不認真綜覈書吏等乘機作弊肆意侵欺所在皆有殊難憑信前經特降諭旨通飭各省藩司將章程有未善者妥為覈辦著再傳諭各該省藩司等卽將平日收支庫項有無似此弊混之處各行詳細稽查早為釐剔亦不限以時日一經查有弊實隨時稟明督撫迅卽奏辦不可稍存回護卽查明實在並無弊端亦著遵照前旨將該省收銀章程妥為籌議以期經久無弊勿致劣員盡育等因緣為奸再釀成此等重案庶不負朕諄諄訓誡至意○增設雲南普洱府屬小江邊等七汛十四塘並撥弁兵防守

冬十月丙子永定河漫工合龍○丁丑諭軍機大臣等德楞額奏賊匪見大兵雲集四面環攻賊首蒲大芳王文龍等環跪痛哭乞命將首先謀逆之陳達順等三人捆縛送出其逃赴留壩等處賊匪一千餘名又經該逆隨同官兵截回將賊夥四千餘人在彼屯紮懇請分別造冊聽候覈辦看此情形其畏懼乞降自屬可信此時賊營首夥自無繫乎駢誅之理惟當將叛賊游匪及乘閒脫逃之軍流入犯等分別酌覈按律問擬卽至輕者亦當遣成一面將各犯照例監禁一面奏聞候旨辦理若實係被裹難民者先行釋放回籍至方雜甸前因勦賊之時無須伊在彼同辦是以諭令回省見在善後事宜關繫地方者甚多著該撫帶同臬司素納馳往德楞額軍營悉心商酌務期妥善其地方事務著仍交朱勳在省督辦○己卯諭各省巡撫中兼提督銜者有節制各鎮統轄閩省營員之責前曾准令帶用花翎以資表率見在山東巡撫長齡河南巡撫馬慧裕俱先經賞戴花翎其江西巡撫張師誠安徽巡撫初彭齡山西巡撫成甯均准其戴用花翎嗣後此五省巡撫簡任時卽准其照例戴用如調在他省有旨帶方准帶用○壬午命已革山西巡撫同興赴南河效力○甲申諭甯陝叛賊滋事一案該叛賊會經身隸營伍膽敢約匪徒肆行不軌攻城毀署戕害官員以致洋縣城固孝義鄠縣盩厔郿縣等各處地方民人均被其擄掠蹂躪情罪重大惡貫滿盈前經特派德楞額前往統兵勦辦德楞額自到陝以後並未趕緊進剿藉稱調兵未齊在彼等候該叛賊見無兵攔阻任意奔竄潛出峪口窺伺鎮安見據賊供因同夥內人心不齊未卽東竄此實德楞額遲延予賊以暇迨經朕屢次降旨飭催始據奏報進兵經楊芳孔克塔爾楊遇春先後截剿卽已大挫兇鋒賊匪蒼黃奔竄始相率乞降昨據奏報到時朕以賊匪既經窮蹙請命人數眾多自斷無繫乎駢誅之理然其犯罪甚重豈能不分別懲辦因降旨德楞額令其於賊營造冊到時除實係裹脅難民先行釋放外其餘從賊之犯仍當按律定擬分別監禁具奏請旨酌量覈辦乃本日忽據德楞額奏倭什布奏到除查係被裹難民次第資遣三千八百餘名之外有隨同叛賊之游

匪難民及洋縣監犯各處軍流人等二三百名於未經收集之時先行拋棄軍械陸續逃散見已嚴行查緝至隨同滋事兵丁除被官兵擊傷及逃亡事故外見存二百二十四名擬遴選將弁分投管帶暫歸原營約束操防等語所辦錯謬已極賊匪罪犯不赦即因其畏罪之降亦不過貸其一死已屬法外施恩豈有仍令各歸原營充當兵丁之理茲叛賊等本由鄉勇充當新兵自作不靖今因其悔罪投誠毫無罪誼不但該賊等罔知儆畏且與各營守分官兵無所區別何以靖人心而肅軍紀從前勦辦三省邪匪彼時賊眾四十萬人無不臨陣痛剿懾以兵威即間有棄械投出之人經領兵大員等查訊實係被賊逼脅方免一死何嘗稍存姑息邪匪等懼威畏法方能辦理淨盡次第成功彼時德楞額泰身在行間甯不知之若彼時亦照德楞額泰此次辦法一味懦弱壞法養奸又安能令三省救甯乎德楞額泰上次奏到時朕所降諭旨甚明白當候自遵辦今將叛賊仍令歸伍其膽大專擅尤出情理之外本當從重懲治姑念其前在川陝等省帶兵勦賊曾著微勞是以不加嚴譴德楞額泰著退出御前侍衛領侍衛內大臣管理兵部事務管圍大臣將上次所給議敘撤回仍傳旨嚴行申飭交部議處此不過稍示薄懲若伊非勦辦邪匪有功之人竟當立予罷斥至倭什布係本省總督即伊自爲本管地方起見亦當計及萬金免貽後患乃並不與德楞額泰詳慎熟籌輒行附和入奏實屬糊塗冒昧著交部議處伊人本無能且年老難勝總督之任著來京聽候部議所有陝甘總督員缺著全保調補該督接奉此旨不必來京請訓著即馳驛前赴新任會同德楞額泰方維甸安辦一切事宜俟半年後再行奏請人觀其湖廣總督員缺著汪志伊補授汪志伊俟到京請訓後再赴新任汪志伊未到之前其湖廣總督印務著瑚圖禮暫行兼署全保到陝尚需時日所有陝甘總督印務即著方維甸兼署迅即馳往軍營接收督篆並先行會同德楞額泰將乞降叛賊二百餘名遵照前旨定擬應得罪名具奏請旨此外在逃監犯及軍流人等勒緝務獲所有善後各事宜德楞額泰等惟當悉心經理詳細會商務臻妥協以期地方永遠甯謐將此通諭知之○以曹振鏞爲工部尚書調劉鳳誥爲吏部右侍郎以邵自昌爲兵部右侍郎由吏部○丁亥以溫承惠署直隸總督起阮元署福建巡撫○己丑諭兵部會同吏部奏議處德楞額泰倭什布均照溺職例革職請旨一摺所議甚是德楞額泰經朕特命爲欽差大臣前赴陝西勦辦甯陝叛賊一經到陝自當迅速進兵專意勦辦乃遷延多日總以調兵未齊藉辭等候已屬遲緩迨朕節次嚴催始據奏報楊芳及扎克塔爾楊遇春接仗兩次後旋即奏報納降朕因賊犯人數既多斷無駢誅之理因降旨令將各犯詳悉查明仍行按例定擬分別監禁候旨覈辦而德楞額泰又不候諭旨到彼遵奉施行即擅將賊中投出之民人匪犯三千八百餘名悉予資遣回籍此內並有各處軍流人犯曾經助賊抗拒官兵者悉置不問甚至將會充兵丁叛逆滋事之二百二十四名竟交與將弁管帶各回原營約束操防其糊塗錯謬法養奸至於如此實出情理之外大負朕恩殊不可解此事辦理之初過於張皇繼又失之草率不顧後患將就完事八月間德楞額泰會以賊匪裹脅漸多必須厚集兵丁懇請簡派巴圖魯侍衛及東三省墨爾根學圖官兵前往協剿朕以其所見適與數日前所降諭旨相符方加優獎是以即於木蘭行圍之際先後簡派溫春富翰等率同巴圖魯侍衛章京及

東三省勁旅分起逆行星馳協剿乃德榜泰於伊等到省之後並不令其乘銳圍攻滅此朝食惟以納降為事任意辦理見已飭該將士等分別回京此無論沿途備辦軍精虛糜餉項其所費者不貲而如此簡練勁卒遠道馳赴竟不令其痛接一仗往返徒勞成何事體又如賊首蒲大芳即蒲拜子先經德榜泰上月二十七日奏報稱該逆被官兵圍剿戮傷胸腰數處滾跌落馬幾被擒獲其受傷情形甚為著重而初四日奏報稱內已稱該逆率領多人在陣投械乞命於其上次受傷之處不置一辭計前後纔止六日若該逆受傷已重此時豈能頓痊若業已痊愈則前次受傷即屬不重看來德榜泰於此一節亦難免粉飾之辭不足憑信似此辦理舛謬膽大專擅若係他人朕不待文部早已降旨革職並當按律治罪因德榜泰前在川西於賊匪竄過潼河時尚能勇往認真迅速迫期著有微勞僅退出御前侍衛領侍衛內大臣管理兵部事務管圍大臣仍任為西安將軍交部議處今該部以德榜泰獲咎甚重雖非奉旨嚴加議處仍照溺職例議以革職請旨甚屬允當本應如所議行姑念德榜泰前此剿辦匪匪有功特加寬貸著加恩改為革職留任但此事非尋常錯誤可比仍俟八年無過方准開復至伊子蘇沖阿亦因德榜泰剿賊有功推恩晉擢由侍衛挑在乾清門行走洊升上駟院卿內閣學士副都統蘇沖阿數年以來不過循分供職今德榜泰既以辦理軍務獲咎伊子亦不應過邀恩眷蘇沖阿著退出內閣學士上駟院卿退出乾清門伊父德榜泰先曾管理健銳營即著伊以副都統管理健銳營事務前往香山直隸倭什布係該省總督於本管地方軍務尤當詳慎會籌盡心經理前日巡撫方維甸因聞有納降歸伍之說即能慮及種種後患專摺密陳請旨酌辦而倭什布則不但見不及此並且附和德榜泰遠遣叛逆等各歸原營竟不慮所管地方將來有無後患本當照部議革職但此事究係德榜泰主見伊係隨同辦理量予輕減著加恩降為二等侍衛前往科布多辦事仍帶革職留任八年無過方准開復將此旨通諭中外知之○辛卯以恆伯為內閣學士由科布多參贊大臣遷○壬辰諭軍機大臣等金應琦奏磴口運至托克托城鹽斤已委員帶同新商前往試辦一節與原議章程不符吉蘭泰鹽斤原議令河東運商一併承運蓋以口鹽獲利較贏庶可以彼之有餘補潞鹽之不足今條另行招商又與潞鹽分為兩事究竟該省情形如何使商民兩便之處該撫督同藩司悉心妥議具奏尋山西巡撫成甯奏潞鹽口鹽必應分辦甘肅布政使蔡廷衡奏阿拉善王移請坐商辦理不敢分界下部併議尋議吉蘭泰鹽池在黃河上游比鄰甯夏河東鹽池在黃河下游地接豫秦相去二千餘里口鹽不能越險行銷河東地方可無須潞商並辦且潞商已一家承辦數處引地自難兼辦口鹽其河東課引較多獲利尚厚口鹽納課有限獲利未見有餘亦無庸通融調劑應如所請分別招商分辦引地至阿拉善鹽池既已呈獻所有衙署墩汛及牧放牲畜地方應飭委道員勘定四至里數疆界無礙蒙古游牧並禁止雇用喀爾喀等處駝隻從之○癸巳調薩影圖為倉場侍郎轉桂芳為禮部左侍郎以普恭為禮部右侍郎由內閣學士遷

○乙未諭阿林保李長庚奏舟師剿捕得勝擊斃著名賊目等情一摺據稱蔡逆匪船南竄至竿塘一帶遊奕經阿林保知會李長庚率師躡追及盜船揮令兵船攻剿擊沈盜船一隻匪犯全行落海又有蔡逆之姪蔡添來坐船經李長庚督兵圍住攻打擊壞

擒獲匪犯六十七名斬獲首級五顆蔡添來被官兵殺傷胸前穿透落海各等語此次李長庚督領兵船攻剿蔡逆幫匪擊沈盜船一隻並將蔡添來坐船擊壞該匪受傷落海計擒獲及落海者共有百數人看來賊船日少其勢日就窮蹙李長庚督率舟師圍捕不遺餘力奮勇可嘉俟季獲蔡牽再賞世職酬勳至蔡添來一犯係蔡逆胞姪逆肆惡本為緊要賊目今經官兵擊斃其羽翼蔡逆自必聞而喪膽阿林保正當乘此機會催令李長庚上緊圍捕速擒巨孽以靖海疆○丁酉諭軍機大臣等鐵保等覆奏海口改道事宜一摺據稱見在減壩六十里碩項湖蒙沂各水匯注之處尙屬河湖一片溜非一處涸灘甚少駁難施工等語目下當冬令水涸之時而減壩下游河湖尙成一片豈能於水內施工看此情形改道之說甚難行不必再為觀望惟新河既不能辦勢不能不仍用故道而雲梯關一帶近益淤阻必當及早疏濬深通將來汛水長發時方免泛濫之慮此時應如何酌堵減壩挑挖舊河即當趕緊籌議不可再緩並著將需費錢糧若干比較辦理新河多寡難易之處迅速奏聞至另片稱目下辦工緊要懇請簡派熟悉河務大臣一員來工商辦之處此則近於推諉殊非任事之道見在廷臣內諳習河務者本少鐵保係該省總督在彼經理河務有年戴均元本係特派前往因其留心工程徐端更為諳悉伊三人惟當一力承責無旁貸又何必另請大員前往督辦至將來工竣時朕當特派親信大臣查驗設工程不能如式及屬員中有冒銷錢糧諸弊伊等不能舉發一經查出則惟伊三人是問○大學士保甯以疾辭職允之仍令食公府全俸○己亥以哈甯阿為內閣學士由太常寺卿選○癸卯阮元以病解任調張師誠為福建巡撫以金光第為江西巡撫轉周廷棟為刑部左侍郎以韓封為刑部右侍郎史積容為湖南布政使巴哈布為湖南按察使由岳州

十一月乙巳諭兵部奏遵旨議處扎克塔爾請甄有意隱諱革職例革職一摺扎克塔爾派往陝省軍營隨同德楞額辦剿陝叛賊經德楞額奏派在前敵當賊匪由斜峪關南竄之時扎克塔爾同楊遇春帶領河州固原等處官兵前往追剿趕上賊匪當經痛加勦殺殲獲多名追追至方柴關地方遇見成隊賊匪彼時天色已晚官兵轉戰竟日未免力疲而賊匪恃險屯聚人數眾多官兵被賊衝壓數次致有散失扎克塔爾同楊遇春帶領親隨數十人至該處把總營汛圍牆內駐守賊匪正在四面圍繞之際而溫春等帶領東三省馬隊適至賊匪一見馬隊南北兩山頭屯聚之賊立時畏懼奔回賊首蒲大芳王文龍等遂親率賊眾趕至扎克塔爾楊遇春馬前乘機投誠扎克塔爾等諭以如果實在投誠可將首逆縛獻撤退賊眾再行定議彼時蒲大芳等立將首逆陳達順陳先倫向貴三人縛獻扎克塔爾等一面令賊停聚一面稟知德楞額奏定奪德楞額接據稟報率准受降又不候諭旨遽將叛逆二百二十四名交與將士管帶各回原營並將賊營內三千餘人不問其是否係地方遊匪及監犯軍流人等竟與被裹之人一律遣散種種執膠不可枚舉全係德楞額奏之罪至扎克塔爾與楊遇春均止偏裨不能專主其事若朕因受降治諸將領之罪則楊遇春即與扎克塔爾同在一路帶兵楊遇春既未加罪自亦不以此罪扎克塔爾伊若於朕面詢軍務時詳細確陳原可不必交議乃扎克塔爾於到京之時經朕面加詢問止稱賊匪畏罪請降其於追賊至方柴關兵散被圍各情並未言及不以實奏是其罪案朕復令

軍機大臣詢問所言亦同迨上月二十七日德榜奏到詳細情形朕復令軍機大臣傳到扎克塔爾詢問未將德榜奏原摺給看  
扎克塔爾慮及德榜奏據實奏明始行陳出實情是扎克塔爾前奏殊屬不實不盡其隱飾之咎實無可辭是以將伊退出御前待  
衛降爲乾清門侍衛撤銷前次議敘交部嚴加議處連日部議未上之先朕詢問自軍營回京之富翰溫春桑吉斯塔爾等其所言  
扎克塔爾在方榮關追賊被圍情節悉屬相符今兵部議以革職回屬咎所應得但朕於諸臣功罪或輕或重務期權衡至當不肯  
稍有偏嗜扎克塔爾之罪在於隱飾而較之慶成則有不同慶成本年陛見來京朕於召對時因其曾經剿賊立功愛傷屢沐恩施  
當詢以會否得過雙眼花翎慶成輒信口謊稱在副將任內曾經得雙眼花翎迨詳查檔案並無其事伊竟以一片虛誑之詞面肆  
欺罔欲圖蒙混邀恩殊無忌憚是以將伊革職發往黑龍江效力贖罪扎克塔爾於垂詢軍務時尙不敢信口捏飾冒功惟於方榮  
關追賊受降時是日各種情節不行詳細備陳意存隱匿諱敗爲勝仍染軍營惡習不以誠實對君上其獲咎實在於此慶成扎克  
塔爾同係御前侍衛俱經殺賊立功並會打仗受傷惟伊二人情節既有不同則獲譴亦當有別且慶成係漢軍世家尤當通曉大  
義而扎克塔爾則係川省番目出身情稍可原且平素當差尙屬勤慎自應量加寬貸惟扎克塔爾既係番族在京管理旗務究非  
所宜此時若仍令在內當差任護軍統領蒙古副都統伊亦不能將該管旗人認真約束殊覺有名無實扎克塔爾著退去乾清門  
侍衛鑲白旗護軍統領正紅旗蒙古副都統加恩留伊所得三等男及恩騎尉世職並仍賞戴花翎著即回伊本省四川地方交與  
總督勒保以副將差委補用觀其後效並著將懲治扎克塔爾及慶成兩人分別覈辦緣由通諭中外知之○戊申諭軍機大臣等  
德榜奏方維甸奏稱降賊尙在疑慮籲懇後以時日相機辦理等語太不成話叛匪既懷疑慮此時若不辦理則受降已久即應將  
留存各兵全撤歸伍將軍巡撫亦應回省拉任何能遲之又久忽復將此二百二十餘人問擬罪名若仍留兵防守尤難保不別生  
事端德榜奏全保方維甸仍遵前旨將蒲大芳王文龍及其餘叛匪調集到營明白宣諭以爾等會集營伍膽敢攻城戕官罪大惡  
極今因爾等悔罪乞降蒙皇上法外施仁貸爾一死但發遣之罪斷難俾免該逆等聞知果能束身聽命此則事機之最順者設或  
抗傳不到即屬已降復叛罪無可辭即當置之於法或有抗拒情事朕亦不責以激變之罪若止顧一時養成後患不特德榜奏獲  
戾滋重即全保方維甸亦不能辭咎矣○以常明爲陝西布政使張映漢爲山西按察使補道禮○己酉諭據禮部奏本月十三日  
恭值 聖祖仁皇帝忌辰是日 園丘大祀禮成後仍穿常服不挂朝珠等語所議尙屬未協 郊壇大祀即恭逢 祖 宗 列  
后忌辰俱當備用吉禮不特祭祀之日應御禮服即前三日齋戒期內服色亦應照常蓋禮統於尊誠爲不易定制至於禮成之後  
則盛儀已備是以車駕還宮樂即設而不作若是日在宮內視事仍穿用常服於心實有不安嗣後 郊壇大祀之日適逢忌辰禮  
畢還宮後即遵照忌辰儀注更用素服庶敬 天尊 祖禮協義宜○辛亥諭向例上書房師傅春分以後於申正退直秋分以後  
於申初退直本有一定時刻所以專課程也近來上書房師傅竟不按向來例定時刻退直甚早意涉疏懈且從前師傅等於散直

時必將係某時刻去告知管門太監登記以備稽覈而見在師傅等並不照舊日章程告知太監太監等亦置不問均屬不合所有上書房師傅萬承風桂芳戴殿泗均著罰俸半年此因積久因循初次查出姑示薄懲嗣後上書房師傅著遵照向例春分後於申正散直秋分後於申初散直並將散直時刻告知管門太監按日登記其管理部門在上書房行走大臣如遇有部院應辦事務及奉旨特辦事件應早散直者亦著將因何早散緣由告知管門太監隨時登記以備查覈儻經此次申論之後仍有任意疏懈情事一經查出必行嚴懲不貸○癸丑諭方維甸奏德楞額奏奉嚴諭十分悔懼近復痰多氣喘且覺語言精神關照不能周到看來德楞額業經許令該匪等撤回原任此時欲分別遣成自多窒礙著勒保接奉此旨後即帶留駐省城之屯土各兵速起軍營與全保方維甸當面籌商務臻妥善其四川總督令特清額署理如該匪等竟有蠢動情事該督卽統兵剿洗○丁巳諭軍機大臣等玉甯奏驅逐廓爾喀竄出逃人並廓爾喀國王呈進表貢一摺覽奏俱悉噶箕乃爾與在該國謀逆被誅伊弟熱納畢各嘯卽係逆黨畏罪潛逃斷無放進唐古特界內任令容留之理玉甯派委把總出口面諭嚴加駁斥所辦甚是至該國王投誠向化已閱多年今不幸慘遭內變嗣王年尚幼穉卽能誅殛罪人申明大義實堪嘉憫今敕關進表納貢備陳喇特納巴都爾被戕及噶箕乃爾與等就戮緣由情詞恭順恪守藩封自應渥承恩眷俟另頒敕書賞件交玉甯等祇領頒給可也○戊午諭前經屢降諭旨令各衙門遇有應奏事件卽隨時陳奏無許需緩積壓乃本日奏事者又復寥寥惟理藩院具奏謝恩內務府奏回子學生二事此外各該衙門竟無一陳奏事件因檢查憲書今日適係破日諸臣等自緣意存拘忌將應奏事件暫緩呈遞亦屬非是朝廷政事繁多惟日孜孜猶恐不及若稍涉延緩勢必展轉沈悶豈不漸滋叢勝之弊向來惟萬壽慶節元旦除夕及齋戒期內刑部例不奏事此外並無停止章奏日期若拘於日者家言則繙閱憲書動多禁忌如本月二十七二十八兩日皆係破日又豈皆不奏事所謂一日二日萬幾無曠庶官者願如是乎著再傳諭部院等衙門嗣後於一切應奏事件隨時呈遞勿再存此等拘忌俗見以副朕勤政勅幾至意○己未命祿康爲東閣大學士以刑部尚書長麟協辦大學士調德瑛爲戶部尚書以瑚圖禮爲吏部尚書章煦爲湖北巡撫調阿禮布爲湖北布政使以蔣攸銛爲雲南布政使陳預爲江西按察使由山東克○以文甯爲步軍統領成書爲工部右侍郎○癸亥論近日朕屢降諭旨訓飭各部院衙門辦事遲緩以防怠玩積壓之弊本日御史英綸因有請定進署畫臺章程之奏所言亦是但此事惟在各部院大臣恪遵諭旨實力奉公若如摺內所稱將各大臣進署散置俱定立一准時刻殊覺於事無益各衙門事務繁簡不同卽陳件之多寡不一該大臣等果能每日早進公署將應辦事件一一清釐完結卽爲無曠厥官若定以時刻在不實心任事之人終日在署端坐而於事理槩不置可否其事務較簡衙門公事早畢二三僚友靜坐燕談又於政治奚裨乎至謂各衙門送畫臺件經旬累月不能畫回此則實無其事部院事件本有定期其書畫題奏咨行亦俱有月日可憑朕勤求治理時加考察該大臣等亦何敢將案件存留私宅任意耽延設有一二怠惰之人御史應指名參奏不得籠統聲敘總之國家庶事繁多各部院堂官身

膺顯秩董正庶僚惟當勤以蒞事公以率屬自能贊襄國是百度修明原不在更定科條務名鮮實所謂治事不如治官身為大臣者仰體朕日理萬幾孜孜求治之意無致言事者有曠官之誚實所厚望焉○壬申增八旗及內務府三旗團明圍包衣三旗養育兵四千四百名○發倭什布烏魯木齊效力

十二月丁丑命理藩院通行內外札薩克蒙古王公等嗣後年班團班請安時俱著正穿石青馬褂不得穿黃馬褂及反穿馬褂著為例○戊寅太子太保大學士朱珪卒晉贈太傅入祀賢良祠遺慶郡王永璘帶領侍衛十員往奠祭酒賞銀二千五百兩治喪子祭葬○己卯 上臨故大學士朱珪第賜奠○諭昨因大學士朱珪溘逝業經降旨加恩因思乾隆年間惟故大學士劉統勳蒙

皇考高宗純皇帝鑒其品節 賜諡文正易名之典備極優隆顧劉統勳於署總督任內曾經獲咎職復蒙 皇考施恩錄用

至朱珪立朝五十餘年外而敷歷總督內而洎直隸身躋崇要從未稍蹈愆尤絕無瑕玷靖恭正直歷久不渝猶憶伊官翰林院皇考特簡為朕師傅爾時朕於經書已皆竟業而史鑑事蹟均資講貫其所陳說無非唐虞三代之言不特非法弗道即稍涉時趨之論亦從不出諸口啓沃良多揆諸諡法實足以當正字而無愧無庸俟內閣擬請著即賜諡文正本日朕親臨奠醊見其家門

庭卑隘清寒之况不異儒素嗟念遺風槍懷未已著於本月初九日由內務府備辦飯桌派二阿哥前往代朕賜奠俟殯送時派慶郡王永璘前往祖奠目送以示朕眷懷舊學哀榮備至之意○庚辰諭朕惟厚生之道在乎節儉國家重熙累洽生齒日繁日用所需人人取給而天之所生地之所長止有此數即使雨暘時若歲獲屢豐小民蓋藏猶虞不足又况水旱不時豈能盡獲豐稔設遇歉歲支絀倍形若再性好奢華不思撙節勢必立見匱乏何以保生聚而慶盈甯即如本日戶部奏嘉慶十年分民數數朕詳加披覽民數比上年多至二千七百七十二萬一百一十九名口而各省存倉穀數則比上年少二十九萬四千二百四十八石有零

自緣各該省間遇偏災倉儲即有短絀閭閻生計安可不裕之於平日乎近來八旗戶口亦歲有增添而所得錢糧限於定數伊等當差執業亦須衣食稍充方能安心習學若平時不知節省焉能自贍身家乃邇年風氣日就華靡飲食衣服無一不競美爭鮮毫無節制以致數日之用罄於一日數人之養竭於一人甚或飲酒看戲遊蕩賭博錢糧入手任意花銷不顧身家罔慮後日豈非自取困窮乎朕崇儉黜奢務敦瀆樸向來東三省隨圍官兵於引見較射時所服均係布素深得持儉之道甚為嘉悅見在年終即須引見世職官員及凡一切引見伊等即服著布素有何不可又何須過飾衣帽爭尚華綺耶此後旗人等尤當自知謹身節用崇尚儉樸以期仰事俯育共慶生成無負朕諄諄訓誨至意將此通諭知之○壬午諭軍機大臣等鐵保等奏報郭家房大工合龍穩固

情形一摺郭家房大工自八月下旬開工以來該河督等籌措物料疏挑引河遵築壩座步步進占茲得合龍穩固實為幸慰至漫口既經堵合黃水全注下游必須將減壩堵閉合龍方能挽歸舊河不至復行散漫所有減壩工程著於明年正月月底交汛以前堵築完固方為妥協○乙酉以恆伯為西甯辦事大臣凱音布為內閣學士

由詹○以潤祥為左副都御史

由大理○辛卯戶部議准



山西巡撫成甯奏河東鹽務章程一陝西鳳翔府八屬向食花馬池鹽今應改銷潞鹽邠州並所屬二縣向行潞鹽但其地距花馬池較近應令食花馬池鹽一請於巡按河東鹽政監察御史印內添鑄吉蘭泰三字並鑄頒河東道兼管山西陝西河南鹽務關防陝西鳳翔道甘肅甯夏道兼管鹽務關防一改甯武府同知爲河東監掣同知仍駐運城一陝西花馬池鹽課大使舊改爲分防縣丞今應復設大使原設鹽知事並歸經歷管理一監掣同知澄口運判河口批驗所大使定爲繁難要缺東場大使改爲繁缺西場中場及新設磴口吉蘭泰大使均定爲簡缺從之○癸巳諭軍機大臣等楊芳係營伍字識出身沔膺恩擢乃身爲專閫大臣平日馭兵不能嚴明訓練一味姑息以博寬厚之名致令兵丁不知軍紀桀驁者剝原倡亂怯懦者臨陣潰逃其咎實難寬宥德榜泰等議將楊芳革職遣戍自應如此辦理楊芳著革職發往伊犁交與松筠派令效力贖罪至楊遇春戰功較著且管兵有方眾心知感伊擢任固原提督後並未到任此次甯陝叛案及固原等營官兵潰散皆非伊任內之事自應量予從寬前已降旨將楊遇春降補甯陝鎮總兵嗣後惟當實令安爲管轄務使營伍日就整肅勿再懈弛干咎○己亥改福建糧儲道爲分巡甯福海防兵備道移駐福甯○改定陝西陝安甯陝各鎮營制○是歲朝鮮琉球來貢○會計天下民穀數直隸等省遞共大小男婦三萬三千五百三十五萬九千四百六十九名口各省通共存倉米穀二千八百一十一萬三千三百七十七石三升三合五勺

嘉慶東華錄二十三

嘉慶十二年丁卯春正月丙午命費瀛爲體仁閣大學士以戶部尚書戴衢亨協辦大學士調鄒炳泰爲吏部尚書以劉權之爲兵部尚書周廷棟爲左都御史轉韓對爲刑部左侍郎以秦瀛爲刑部右侍郎由順天府府尹遷○乙卯四川總督勒保奏綏定府新兵滋事官兵進剿生擒首惡王得先孔傳世劉金定殲除夥黨得旨嘉獎○壬戌移建陝西南陝廳城○丙寅賞那彥成三等侍衛爲伊犁領隊大臣○戊辰西安將軍德榜奏陝西西鄉營瓦石坪汛新兵滋事督兵截剿殲擒首逆周士貴等並夥黨多名得旨嘉獎

二月甲戌 上御經筵○移建福建鳳山縣城○丁丑諭軍機大臣等阿林保奏蔡逆匪船沿海斷絕接濟奔竄入粵見催舟師過境會剿一摺蔡逆匪船因閩省舟師追剿緊急水米火藥一無接濟乘閒竄往粵省希圖遠颺延喘其勢窮蹙已極但閩粵洋匪同一劫盜安知不聲息暗通同惡相濟見在粵洋盜首如鄭一烏石二等著名巨寇尙在稽誅設蔡逆匪船入粵後該逆等容留合夥豈不又增其羽翼此時阿林保已咨令李長庚趕過粵洋躡蹤追剿第念粵省海洋沙錢李長庚未能諳習且恐閩省所造同安梭船帶入粵洋駕駛不能應手於事轉屬無益吳熊光或於粵省多備米艇俟李長庚帶兵到粵時令其酌量換駕俾資緝捕尤爲得力總之蔡逆既入粵洋則粵省舟師即應上緊迎剿此事責成吳熊光督飭錢夢虎孫全謀統帶舟師探蹤迎擊與李長庚收兩面夾攻之效斷不可令其與粵省盜匪合夥此爲最要○戊寅禁新疆官吏越級僱用頂帶○己卯 婉貴太妃薨 上至吉安所奠酒○庚辰諭本年京察屆期吏部開列在京各部院大臣及各省督撫名單進呈請旨甄別大學士向不開列第念大學士處柱

董諾參贊輪扉襄理樞務恪勤供職夙夜匪懈廉康費涓雖甫經補授大學士但平日辦理部務均屬勤慎著加恩交部議敘協辦大學士刑部尙書長麟辦理刑名綜覈詳慎協辦大學士戶部尙書戴衢亨經理度支兼軍機處行走勤慎出力兵部尙書明亮保舊有勞績之人近年辦理部務亦均小心無誤戶部侍郎托津在軍機處行走供職勤慎均著加恩交部議敘都察院副都御史誠存自擢置憲臺毫無建白且年已衰老著即以原品休致餘均著照舊供職四川總督勒保在外更事有年勤能諳練浙總督阿林保雖補放總督未久但到閩後於海洋捕務能認真督辦使洋匪接濟斷絕勢窮屢局勤勉均著加恩交部議敘餘俱著照舊供職○壬午諭初彭齡奏壽州三命重案審有請託情弊據實參奏一摺壽州武舉張大勳家毒斃三命一案先於嘉慶九年經總督陳大文委准徐道釐圖等馳往查辦卽訊出因姦謀毒情形當交與安省臬司鄂雲布楊懌研究彼時各犯證到案之後悉如前供並無異詞迨後因訟師劉儒恆具呈控告復有旨特交鐵保審辦鐵保委江甯藩司康基田等覆審數次亦如安省所審並未改供因康基田有河工要務經鐵保調往清江改發新任臬司遇昌率同蘇州府周鏞等審辦此案一到蘇州經周鏞等訊問遂卽全行翻供捏爲蛇毒妖板情節支離謬妄全案子虛見經初彭齡審明此案實係張大勳胞兄張大有因姦起意謀毒致斃證據確鑿本日復據奏到提訊蘇州原驗仵作王鳳等四人均稱原驗實係中毒其中卷內供辨別中毒服毒一段伊等並無此語亦未畫供係屬周鏞向其教供隨又根究出案內有名之貢生孫克偉其胞兄孫克俊素與周鏞在京相好又孫克偉亦與長洲縣知縣趙堂認識上年到蘇託情等語周鏞等以承審委員審辦此等重大命案輒敢聽受請託顛倒獄情甚至向仵作教供希圖翻案實出情理之外殊爲可恨必有受賄情弊自應徹底根究以儆官邪此案初彭齡奏到定擬之後又據都察院奏有胡兆信來京翻控是以續派侍郎玉麟韓勳前往覆訊並有旨將案犯張大有暫緩處決以憑質訊該侍郎等在途接奉此旨著迅速行走並該部行文沿途將胡兆信趕緊解往備質玉麟等於到彼覆訊之後如別無疑實卽著一面奏聞一面將張大有有正法其知府周鏞知縣趙堂萬承紀均先著革職鎖拿並交玉麟韓勳會同初彭齡嚴加審訊究竟有無得贓入己情節卽加之刑訊亦無足惜其候選道員孫克俊並著革職交順天府五城查拏解送歸案刑訊所有此次來京翻告之胡兆信並著玉麟等究明係何人教唆來京是否亦係周鏞等所爲卽確實訊明一併具奏至此案固係周鏞等顛倒案情蒙混上司何以臬司遇昌肯卽照依詳轉毫無指駁恐遇昌亦不免有受託等情並著玉麟等詳細研究不可稍有瞻徇如遇昌委被蒙混亦當將周鏞等如何蒙混該司之虛訊問明確將該司嚴參議處如訊有受託情事卽著將遇昌傳旨解任再行嚴鞠鐵保於遇昌詳到後率卽照擬完結並將周鏞等保奏亦屬謬誤並著定案時一併參奏初彭齡於此案悉心推鞠秉公查辦俾冤獄平反得成信讞實屬可嘉不負委任著加恩交部議敘○甲申諭直省督撫清查積案○丙戌諭朕恭閱 皇考高宗純皇帝聖訓內載 上諭內務府嗣後挑選秀女遇有 皇太后 皇后親弟兄之女親姊妹之女記名者著戶部奏聞撤去記名至妃嬪等姊妹親弟兄之女親姊妹之女有記名者著內務府告知首領太

監奏聞等因欽此仰見我 皇考訓諭詳明至為周備前於嘉慶五年間曾經降旨令白嬪以上親姊妹俱加恩不必備挑其親弟  
兄親姊妹之女則不在此例辦理尙未盡一自應恭釋 聖訓酌定章程嗣後 皇后妃嬪之姊妹及親弟兄親姊妹之女於挑選

秀女時仍一併備挑著戶部內務府聲明另為一班不必拘定年歲作為各本旗頭起帶領著為令○申禁廷臣與諸王交接○丁  
亥諭京察為考績大典所以甄別賢否明示激勸向來內外大員由吏部開列具奏朕覈其勤能者均特旨賞給議敘其餘或照舊

供職或量予罷斥其司官等經各該衙門甄別等第後內保薦一等者亦皆引見各予加級惟三四品以下京堂向由王大臣驗看  
擬列一等者例無加級近年舉行帶領引見除年老才具平庸者量予降黜外餘俱照舊供職並無甄敘之例因思三品以下京堂

官其才具優劣不同且三年內勤惰各異若有懲無勸既與內外大臣辦理兩歧並不得與各部院司官保列一等同遞加級未免  
偏枯所有此次京察引見三品以下京堂各官太常寺少卿色克精額差使勤奮讀祝燭熟太常寺少卿錢楷內閣侍讀學士文宇

在軍機處行走有年供職勤慎著加恩交部議敘其太常寺卿陳鍾琛大理寺少卿楊長桂內閣侍讀學士通恩通政使司參議聞  
嘉言或人本平庸或年已衰邁著以原品休致餘俱著照舊供職嗣後京察三四品京堂引見均即照此辦理並將此旨載入吏部

則例○辛卯免陝西西安等管歷年借款官弁十分之二兵丁十分之三○改陝西西安營游擊為瀛波營游擊兼轄瓦石坪汛漁  
渡營都司為西鄉營都司撥西鄉營把總一員兵一百名隸瀛波營○壬辰 上啓鑾謁 東陵 西陵○免經過地方額賦十分

之三○乙未 上謁 昭西陵 孝陵 孝東陵 景陵 裕陵○戊戌免直隸天津乾隆五十三年以前缺徵海稅盈餘銀  
三月甲辰 上幸南苑行圍○乙巳諭朕展謁 西陵道經畿甸原任大學士朱珪墓近距踰路數里追維哲輔逝已三月瞻眺松

阡中心愴惻著派侍郎英和於本月初五日前往賜奠以達朕懷○戊申江南王營滅燹大工合龍賞戴均元徐瑞太子少保○辛  
亥 上謁 泰陵 泰東陵至 孝淑皇后陵奠酒回鑾○甲寅 上還京師○乙卯諭玉麟初彭齡奏訊明壽州謀毒三命正犯

卽行辦理並訊問江蘇委員等大稟情形一摺此案玉麟於到安徽後提集犯證逐加審訊委係張大有因與弟婦通姦謀毒三命  
與初彭齡原審悉符其胡兆信張保國前後翻供之處業據訊屬虛誣是案情已無疑義張大有一犯業經玉麟等遵旨正法其餘

定擬各罪名著刑部覈議具奏○以長琇為左副都御史由通政○丁巳 高宗純皇帝實錄 聖訓告成○戊午以楊志信為山  
東布政使調方受疇為直隸按察使朱棟為河南按察使以查洵為貴州按察使由湖南○辛酉 上謁 黑龍潭祈雨○甲子雨

○丁卯定內務府京察一等人員覆行引見例○辛未命嗣後拜唐阿有係貢監生員者准其應試○壬申以百齡為湖南按察使  
由福建汀  
漳龍道遷

夏四月甲戌 皇后行躬桑禮○以甘肅大通縣番眾肆劫命提督百祥剿之○丙子諭朕閱會典所載 大零典禮惟乾隆二十  
四年曾經舉行一次其時 皇考高宗純皇帝減膳虔齋不設鹵簿不陳樂不乘輦乘騎出宮詣 壇齋宿次日御雨冠素服步禱

於 壇仰見 皇考敬 天勤民精虔昭格禮成後即甘霖普降四野霑足感召之理如響斯應至雨水調勻之歲每遇 常寧大

祀則前期齋宿 郊壇係由宮中乘輦而出儀物具備此次恭值 常寧朕造宮齋戒因思上年冬間雪澤較少本年春雨又稀前

已設壇祈禱得雨兩次仍未霑渥且近畿以及東豫等省均尚在望澤雖未至早曠太甚究與往歲情形不同今當 大祀屆期若

仍照常御登詣 壇朕心實有不安本月初六日朕由宮中御禮禱前詣 天壇齋宿著該衙門敬謹豫備其一切服飾儀仗均如

常儀朕宵旰民依罔敢暇逸或此一念滅抑之誠得以上邀 昊鑒甘膏速霑福我三農實所願望而冀幸者嗣後遇雨澤稀少之

年舉行 常寧祀典均著照此行○以王家賓為廣西按察使由桂平梧○壬午諭玉麟等奏訊明江蘇州縣承審壽州三命重案

徇情故出情節按律定擬並將該總督臬司分別參奏一摺已交刑部議奏矣臬司遇昌於此等重大之案並不豫提犯證親行確

訊及府縣具詳後又不細覈案情悉心推鞠該司為刑名總匯一任屬員受屬蒙詳顛倒獄情竟同聾聵僅予革職不足蔽辜遇昌

著革職發往烏魯木齊效力贖罪至總督鐵保於特旨交審之案即與欽差無異乃並不親提嚴訊率據承審屬員照擬定案復失

察周錡等徇情蒙混之弊轉以平反得實代請議敘實屬錯謬鐵保著革退官保銜拔去花翎仍交部嚴加議處俟奏上再降諭旨

尋議革職得旨降為二品頂帶仍帶革職留任○癸未以貢楚克扎布為察哈爾都統轉瑚素通阿為刑部左侍郎以廣與為刑部

右侍郎由總督內務府大臣選○調百齡為江蘇按察使以會煥為湖南按察使由兩淮鹽運使選○丙戌 上閱健銳營兵○壬辰命五城設廠平

糶○甲午命刑部清釐庶獄○乙未以陳宗本署左副都御史由宗人府府丞署○己亥諭向來祈雨報雨本無樂章迨乾隆十八年始行

增設至祈晴報晴本不時有嘉慶六年會因雨水稍多舉行此禮彼時未經議設樂章因念雨暘所報民庶攸關典禮自宜畫一所

有所晴報晴應行增設樂章之處著樂部太常寺查明交翰林院擬進呈候朕閱定交太常寺載入則例永遠遵行○諭光祿寺

卿錢楷奏京師春夏以來雨澤稍稀請循照漢書求雨開陽縱陰之說將見在正陽門外修築之石道暫停工作以期甘霖遂沛一

摺五行生剋制勝雖見諸傳記大率經生強為傳會其事多迂塗不可行即如漢書求雨註內所稱閉南門禁舉火之類此或在一

鄉一邑尚可遵循偶一為之至京師都會之地車馬輻輳行旅絡繹又豈能拘泥陳言槩行禁止設令正陽崇文宣武三門暫閉數

日倘復成何政體從前竇尤鼎惑於此說竟有不開房門從窗牖行走之事豈非大笑談乎朕因京城雨澤愆期所夕齋心默禱

惟期勤修實政敬冠 天和若謂將見在所修之石道暫停工作數日遂可以立沛甘霖恐感應之理未必在此所奏應無庸議至

伊前日召見時面奏太常寺則例所載祈報晴雨儀注不同因當時記憶不真奏對舛錯自請交部議處一節已另降諭旨交太常

寺等衙門查明補築樂章以昭畫一錢楷簡任太常寺未久旋即升任於該衙門事例記憶自未真確所有伊自請處分著加恩寬

免○申禁地方官擅造非刑○戊戌 上詣 黑龍潭祈雨

五月丙午諭端陽節日不過與中秋瓜餅節相等非元旦之心應慶賀者可比蓋元旦且義重履端設其時偶值雪澤未敷正殷祈盼

自未便因此違省朝正之典所以重歲首普春祺也至重午日即在尋常雨暘時若之年向例亦止圓明園奏事推班一日王大臣等  
全選膳牌共申慶節之意今歲歲輔一帶入春以來總未得有透雨節經設壇祈禱並平糶省刑以期速迂和甘連日濃陰密布間有  
微雨飄灑旋即晴霽尚未滙沛醜胥朕肝焦勞無時或嘗曾經通諭王大臣等如端節前已沛甘霖即循照向例推班慶節如尙在  
望澤則照常辦事其並非輪值奏事之部旗俱不必來園乃今日王大臣等仍相率呈遞膳牌殊屬無謂伊等既非奏事及帶領引見  
又非直日若因慶節而來則今歲端陽有何可慶賀而爲此虛文乎且伊等與從絡繹紛至沓來在里巷小民未必不以爲見當祈雨  
之時慶節猶如在歲不幾視朕爲置民瘼於不問耶王大臣等何不仰體朕意一至於此除在內廷行走及承值奏事帶領引見之王  
大臣等無庸議外所有本日不遵朕旨來園之禮親王昭禮鄭親王烏爾恭阿肅親王永錫順承郡王倫柱裕郡王亮煥克勤郡王尙  
格貝勒永珠永瑩蘇勳貝子蘇懿蘇爾奕紹奕綸協辦大學士尙書長麟尙書恭阿拉王懿修泰承恩博興都統慶怡巴特瑪侍郎秦  
瀛周兆基薩彬圖李鈞簡副都統永玉積拉堪裕與哈甯阿明泰王集蘇沖阿花沙布順天府府尹宋銓俱著各罰職任俸三箇月雖  
有紀錄不准抵銷○丁未定各直省奏咨案件連限處分○初彭齡丁母憂以董教增爲安徽巡撫姚令儀爲四川布政使方積爲四川  
按察使由題奉○戊申諭朕恭讀 太宗文皇帝實錄崇德四年八月內欽奉 聖諭從來君明則臣勞而民安君庸則臣逸而民危朕  
豈不恤臣工勞苦但當此天心眷佑之時正我君臣勵精圖治之日爾諸王貝勒貝子大臣等若不各加勤勉朕以一身宵衣旰食亦復  
何爲欽此 聖訓煌煌昭垂奕禩敬思我國家景運初隆 肇基東土彼時版圖未廓地方民人政務尙簡而我 太宗文皇帝敕發勤政  
惟日孜孜諄勉在廷儆其怠逸用能贊襄郅治光啓鴻圖 勦業之隆遂爲前古所未有今則車書一統四海之大兆民之衆一日萬  
幾更當如何兢業設稍萌玩愒何以慎守丕基我 皇考高宗純皇帝御宇六十年宵旰勤勞耄期罔倦直至嘉慶元年以後猶復斯  
少 訓政弗懈益虔內外臣工共聞其見朕寅承大寶祇奉 訓言夕惕朝乾所其無逸實不敢一念稍弛誠以守成之難非克勤無  
由制治但諸臣等分任效能亦當共勤職業豈容怠惰偷安朕頻年節經降旨訓誨並曾親製勤政殿記勤政箴頒示中外提撕敬覺  
不啻至再至三諸臣中自不乏恪恭匪懈之人而狃於積習因循怠忽者正復不少此在年力壯盛之員固當任事出力卽年齒較增  
亦當振其憤惰朕觀諸臣中有已逾耆齡而夙夜在公並不稍形竭蹶其心存懈弛者精力轉日見衰憊可見莊敬日強實有至理國  
家詔精受祿各有職司一日在乎其位卽當一日業乎其官一日不得乎其官卽一日不敢立乎其位此實古今通義如果自揣精神  
不能振奮筋力實已衰積於應管諸務不能經理原可據實陳情懇請退休朝廷自有恤老之典任其優游自適若既懷總職又復  
遇事摸稜惟耽安逸是直自便私圖罔顧公義國家又安賴此充位之大臣乎嗣後內外大小臣工惟當仰體朕心隨時循省以怠  
荒爲戒有則改之無則加勉庶幾殫精竭慮各揚其職用副朕懋 鴻緒整飭百度之至意○己酉雨○丙辰增福建臺灣府鄉  
試中額一名四縣學額各一名○己未命八旗仍設官園養馬○改設安徽潁州營參將並移駐增設弁兵○全保以病免以長齡

為陝甘總督吉綸為山東巡撫薩彬圖為漕運總督由自境○庚申申禁地方官諱盜及胥役勒索○甲子諭吳熊光奏馳赴東路督催舟師搜捕蔡逆緣由一摺據稱屢奉訓諭飭令專注蔡逆一股併力殄除餘匪且從緩辦而提臣錢夢虎等因迭遇鄭一匪船就便截擊未免不知緩急其蔡逆下落亦未踴探確實等語蔡牽一犯本係閩洋盜首因閩省舟師追捕緊急水米火藥亦無接濟所贖盜船無多乘閒竄入粵省為延喘偷生之計是該逆不過一外來窮竄之賊並未與粵洋匪幫糾約合夥該省水師官兵於本處洋面情形理應熟悉何以蔡逆所到之處粵兵竟不能趕及至提督李長庚帶領閩省客兵緊蹙入粵於粵洋沙線自未請習尚能緊躡賊蹤奮力攻擊前在沈浦洋面督兵回環勦捕該逆坐船已被燒毀頭蓬勢窮力竭彼時粵省師船如果幫同合剿將該逆立時弋獲則功與閩省相埒否則追擊盜船痛加殲戮迅速截回閩境雖不足言功亦尚可不加責備詎錢夢虎等前次並未與李長庚跟幫勦捕及蔡逆乘風東竄錢夢虎等總未探明蹤跡示以兵威以致該逆折翼閩浙來往自如其緝捕不力之咎實無可辭若云中途遇有另幫盜船設能將鄭一烏石二等著名首逆擒獲亦可將功抵罪乃僅捕獲一二土匪遂以此為卸責地步藉詞支飾看來錢夢虎等統領師船總不免在洋觀望於水師疲玩習氣全未肅改此在備弁微員尙無足深責錢夢虎等以專閩大員統領水師緝捕是其專責今竟一味因循所司何事錢夢虎著交部議處該省水師自總兵以下都可以上在事出洋巡緝者著吳熊光查取職名奏明交部議處以示懲儆至吳熊光身任總督水師雖所統轄但亦止能於沿海口岸督飭調度並無親蒞洋面督率勦捕之責其咎尙有可原吳熊光著加恩免議○丙寅以珠隆阿為內閣學士由大僕寺知選○丁卯諭軍機大臣等與奎等奏酌調官兵相機進剿賊番一摺據稱與奎趕抵大通會晤賈楚克扎布面商勦辦事宜接據巡緝官兵稟報松布地方有賊番二三十名在彼遊奕搶掠當派西甯鎮九十帶兵進剿賊番見官兵趕近先行占據山梁槍箭齊發經官兵衝鋒直上殺斃賊番七名餘始畏懼奔竄見在與奎等即擬相機進剿大加懲辦等語向來賊番等出沒無常其狡獪伎倆往往乘間肆劫迨一經官兵勦捕即時聞風遠颺乃此次輒敢恃強抗敵竟與天兵抗拒甚至憑高恃險槍矢並施其獷悍情形實堪痛恨此皆歷任辦事大臣如台布都爾嘉等縱容姑息遇事並不認真查辦以致該賊番藐視天威不復心存畏懼邊圍不靖職此之故見在該將軍督兵進剿所有帶兵大員前已降旨將格布舍爾放甯夏副都統並令馳驛前往計此時尙未到彼與奎等應即迅速行催令其赴營聽用又據另片奏肅福祿懇請隨營效力亦著准其前往該二員久歷戎行與奎等應令督兵前敵庶勦捕尤易得手其所調各兵已共有三千名計賊番屢出肆擾至多亦不過二三百人兵力十倍於賊聲威不為不壯但不可分起前進轉致見單與奎等當整隊督剿以期一鼓集事該處各番族中其安分守法者業經出示曉諭自不至驚疑滋擾其敢於抗拒者即係叛逆不法之徒正可乘此兵威大加掃蕩務令實在震懾天威再不敢出而滋事方為一勞永逸之計○己巳減江蘇婁縣荒田賦則

六月壬申免甘肅野番滋擾之大通縣番民額溫及貢馬銀○石聖王後事降調詞朱棟為山東按察使以請以謙為河南按察使

田河映○庚辰諭前經降旨令文武大臣年在六十以上者准其遣人代遞膳牌其六十以下者俱親至宮門呈遞因思親王郡王  
故道還○庚辰諭前經降旨令文武大臣年在六十以上者准其遣人代遞膳牌如親王郡王及年逾六十之大臣有自行陳奏事件仍應親遞膳牌以昭敬慎  
爵秩較崇者加恩無論年歲俱准其遣人代遞膳牌如親王郡王及年逾六十之大臣有自行陳奏事件仍應親遞膳牌以昭敬慎  
著將此旨傳諭各親王郡王並著無庸前來謝恩○壬午增 東陵昌瑞山後汛兵 復河南桐柏等二縣引地歸山西河東行運  
○癸未禁直省各督撫募友捐職奏留本省○甘肅官兵勦卓色勒番族克之○予改陝甘總督全保祭葬○丙戌諭大學士會同  
刑部議奏服制及盜劫案件敷交大學士九卿會議者酌議覈實辦理一摺向來案關服制罪干斬決之犯情可矜憫者俱援例雙  
請嗣於乾隆年間經刑部奏請遇有服制情輕之犯令該督撫按律定擬法司覈覆亦照本條科罪惟將所犯情節實可矜憫者夾  
籤聲明有奉 特旨改爲監候者有敕交九卿議奏者其劫盜重案則自康熙雍正年間節經奉 旨令大學士會同法司將法無  
可貸情有可原分別詳議仰維我 聖祖 世宗 皇考立法之初原以明慎用刑凡稍有一錢可原者必周諮博採詳審折衷誠  
恐該督撫等於定讞時或有畸輕畸重未協情法之平是以集思廣益不厭詳推迄今遵循已久自應仍照舊章若謂會議時視爲  
具文竟致有名無實輒改歸刑部行覈覆不復敕令酌商恐外議又將以刑部之權爲過重矣嗣後服制劫盜案件發交大學士  
九卿會議者仍著循照舊章務須虛衷商榷斟酌至當如有意見不同者不妨彼此籤商定議具奏若於會議時既隨同畫臺旋又  
退有後言則是依違遷就一經參奏必當加以懲處至上班時將奏臺宣讀一徧轉似虛文殊可不必此後著即停止餘依議○己  
丑吏部議處欽差左都御史周廷棟等參奏山東泰安府知府鳴清承審命案遲延一疏得旨此案知府鳴清於人命重案經屍親  
具控到府兩次並不提犯親審迨疊赴上司衙門呈控俱批府查訊該府仍不速爲訊辦直遲至九月之久始行親審復藉詞愆宕  
經年不結以致屍親心懷不服來京控訴發交欽差提集八卷審明定擬結案試思欽差審訊不過一兩旬之間即將案情質對明  
確原告輪服無辭並非難辦重獄設該府早爲親訊將案內情節向原告細爲剖析折服其心何至屢控不休是該地方人民來京  
控案之多皆官司不爲申理所致刁風之長實由於此知府爲方面大員似此因循怠惰非嚴示誦懲不足以儆玩習吏部將鳴清  
議以降三級調用伊有加一級抵銷仍降二級內閣照例票擬雙籤請旨殊屬輕縱此等不以民命爲重惟知尸位偷安之劣員尙  
何足惜鳴清著實降三級以京員用其本有加一級不准議抵嗣後凡命案重情有經呈控到案復由上司批委提訊者若不親爲  
審理遲延至半年以上即著實降三級調用無庸查級議抵內閣進本時亦無庸票擬雙籤著爲令○癸巳諭本日未刻據都察院  
遞奏封事一件朕思必係極緊要重大斷不可遲至明晨之事亟加披閱止係因飭緝毆死馬得案內兇犯王四即王勇貴一犯有  
王四素識之楊七在香河縣地方拿獲訊據供稱王四見在潛匿塔子溝地方請旨飭拿辦理等語實太不成事體朕敢幾勤政日  
總萬幾從不稍懈勞勤然封章奏達自有一定時刻大小官員恪守遵循固有愆忒設果有非常緊要之事立候施行若稍遲畧刻  
已恐貽誤自不能拘泥定制卽中夜奏聞亦無不可此乃絕無僅有之事今都察院未刻陳奏之件其所緝兇犯王四不過尋常闕

歐案內脫逃之犯且正犯王四尚未緝獲所獲者不過與王四平日認識之人欲藉以端擊王四作為眼目且據其所敘供內稱王四於上年六月間逃往口外有伊舊同住之楊春見在塔子溝地方伊在彼潛匿等語王四既係上年六月逃至該處昨今已及一年此輩蹤迹何常又安能必其仍在該處是其供吐之語尙難信爲確實何至迫不及待急行入告使外間以都察院各堂官於晚膳後猶羣詣官門密遞封奏不知因何要事豈不駭人觀聽試思卽軍機大臣可以隨時奏事然若於每日散值之後又復趨詣官門紛紛奏事有是理乎當命軍機大臣傳詢廣音等是何人主見據廣音自稱係伊一人主見因昨晚將楊七拏獲之後尙未訊明口供今早不及陳奏是以復趕緊訊問於晚膳後呈遞其餘堂官亦皆附和聽從等語朕向來傳膳辦事均有萬規朔自乾隆年間每在官在園俱於早膳後批閱奏摺召對引見至晚膳後則披閱本章遇巡幸則每日早間啓蹕戒途至行在辦事召對晚膳後仍准奏事卽與在官在園早膳後無異此外惟驛遞奏摺隨時呈遞披閱不在此例朕幸循 皇考舊章罔敢踰越此在廷大小臣工共聞共見者廣音係侍衛處筆帖式出身豈不知晚膳後奏事係行在常規非官廷理事可比今乃漫無區別耶朕勤求庶事日昃不遑卽如晚膳後所閱本章常多至百十件從未嘗以填委爲煩况此次都察院所奏之摺篇幅尙不及本日諭旨之多朕豈倦於披閱但國家定制豈可稍渝試思朕在園駐蹕每傳膳萬壽山玉泉山及閱射布靶皆係豫行傳知從無非時出入之事卽日閱習射布靶亦止在禁籞幾餘設或於晚膳後忽御出入賢良門輒射或傳幸萬壽山等處有何不可然起居無節卽政體攸關朕尙不肯出此况臣工奏事豈可任意遲早自便其私乎廣音年老懶惰平日於應奏事件多不陳奏曾經降旨訓飭茲將此等尋常應奏之件特又趕緊陳奏以見其勤於辦公實則仍爲偷安起見蓋今早該堂官等不在園奏事若此事於明日再奏則該堂官又須早起來園因於本日奏事散後就近在朝房繕摺率行呈遞明晨竟可在家高卧此正其巧於偷安掩飾焉能逃朕洞鑒乎此事係廣音先出主見錯謬已極著交部議處獨祥長琇邵洪陳崇本等隨同附和均著交部察議並將此通諭知之○乙未命京察三等人員不得保送知府